

जमो जमो निम्मल दंसणरुस

आगमसुत्ताणि



२

सूयगडो

वीअं अंगसुत्तं

संसोहय-संपायग

निपुण निर्यामड पू. मुनिराज श्री सुधर्म सागररु म. ना शिष्य

मुनि दीपरत्नसागर

जाल जलधारी श्री जेभिनमयाथ नमः

नमो नमो निम्पळ रंत्तणत्स

श्री आनंद-क्षमा-ललित-सुशील-सुधर्मसागरगुरुभ्यो नमः

४५-आगमसुत्ताणि

—: सं सो ह य—सं पा य य :-

पूज्य पुनिराज श्री सुधर्मसागरज भस्तराज साहेबना शिष्य

मुनि दीपरत्नसागर

ता. २२/७/८६

सोमवार २०५२

अथाङ सु६ : ६

४५ आगमना सेटनी किंमत - ३. १५००/-
(भावि आगम-कार्य भाते)

आगम श्रुत प्रकाशन

मुद्रक

नवप्रभात प्रिन्टिंग प्रेस पीकांतरोड, अमदावाड.

कुम्भोज

श्री ग्राफिक्स २९, सुभाषनगर, गिरधरनगर,
शाहीबाग, अमदावाड.

[2]

આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

મિષ્ટભાષી ક્ષમણીવર્મા શ્રી સૌમ્યગુણાશ્રીજીની પ્રેરણાથી

શ્રી મ્હ વ શુ વા નુ રા ગી ભ મ જો પા કિ ળ

શ્રીમતી નયનાબેન રમેશચંદ્ર શાહ - સપરિવાર [વડોદરા]

● અલગ-અલગ આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સુત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા. કે. બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ. ની દ્વિતીયપુન્યતિથિ નિમિત્તે સા. મોહરત્નાશ્રીજીની પ્રેરણાથી શાહ ખીમચંદ છગનલાલ પરિવાર, હ. મંજુલા બેન. ખેરવાવાળા [હાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વીંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાશ્રય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ જવેરી, હ. નયનાબેન, મુંબઈ
- ૧૩ શ્રી અલકાપુરી-શ્રે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાયટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

[3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોકીપોળ, શ્રે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગચ્છા. આ. શ્રી વિજયરામચંદ્રસૂરીશ્વરજી મ. સા. ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, મુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેબેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈષાવચ્ચપરાયણા શ્રમણીવર્યા શ્રી અનંતગુણાશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીહ સૂત્ર માટે]

● ૪૫ - આગમ સેટ-લોજના ગ્રાહક - ઠાટા ●

પ. પૂ. સા. સૌમ્યગુણાશ્રી મ. ના ઉપદેશ તથા તેમના સંસારીભાઈ શ્રી ઈન્દ્રવદન રતીલાલ દાખાણી (વિંછીયાવાળા) - મદ્રાસના પ્રેરક સૌજ્યથી

૧. શ્રીમતી ગુણીબેન જ્ઞાનંદભાઈ સી. કોકાચી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એચ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, ગુડા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. મહેતા, ધાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણીબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નપનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી, મોરબી, હાલ-મદ્રાસ
૧૩. મે. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. ખાતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીબાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજાશ્રીજી-પી પ્રેરણાથી - હાલ ધુલિયાવાળા

- | | |
|-----------------------------|------------------------------|
| ૧ કાંતિલાલ હજારીલાલ ચોવટીયા | ૨ સંઘવી રતનલાલ ભગવાનદાસ ચકોડ |
| ૩ મધુમતી રાજેશ રેદાસ-ની | ૪ સરલાબેન રમેશચંદ્ર વોરા |

૫ સુમનભાઈ બાલચંદજી ચોરડીયા

- ૬ અ.સૌ.હંસાબેન ઉત્તમલાલ સુખડીયાના વર્ષિતપ નિધિતે ઉત્તમલાલ રતીલાલ રાણપુરાવાળા તરફથી
૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

- ૧ સુમડીયા હસમુખલાલ વનેચંદ (જમવંચલી) નંદુરબાર
૨ ગં. સ્વ. સુરજબેન પદમશી શાહ. હ. જયોતિબેન નંદુરબાર
૩ સા. સમજાશ્રીજીની પ્રેરણાથી શ્રી અજિતનાથ - મંદિર ચે. મૂર્તિ સંઘના શ્રાવિકાબહેનો નંદુરબાર
૪ સા. સમજાશ્રીજીની પ્રેરણાથી - શાહ ગુનિલાલજી શિવલાલજી, સોનગીર
૫ સુમડીયા ચત્રભુજ જગમોહનદાસ હ. વીરાભાઈ - ધોરાજી
૬ શાહ મહતલાલ ફકીરચંદ, વિપિકારક (ડલોઈ) હાલ-અમદાવાદ
૭ સા. શ્રી સૌમ્યગુણાશ્રીજીની પ્રેરણાથી રમેશચંદ્ર મનસુખલાલ શાહ, અમદાવાદ
૮ સા.શ્રી સૌમ્યગુણાશ્રીજીની પ્રેરણાથી શ્રીમતી જસુદબેન લક્ષ્મીચંદ મેતા, હ.ઈન્દુભાઈ દામ્યાણી, સુરત
૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોલાભાઈ પરિવાર હ. બાલુબેન, રામપુરા
૧૦ પૂ. આગમોદ્ધારકશ્રીના સમુદાયના દીર્ઘસંઘથી વિદુષી સા. શ્રી સુત્યરાશ્રીજી જમનગરવાળાના ઉપદેશથી તથા તેમના પદશિષ્યાની પુનિત પ્રેરણાથી
૧૧ ભોગીલાલ ત્રીલોવનદાસ શાહ, હ. નયનાબેન, વઘોદરા

૧૨ સંગીતા અજમેરીયા - મોરબી

● ૪૫ આમગસેટ ઓજલા-જામદાતા ●

૧ પરબાર દીપ્તી રાજેશકુમાર-વડોદરા

- | | |
|---|----------|
| ૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, | વડોદરા |
| ૩. સા. શ્રી સમજાશ્રીજીની પ્રેરણાથી - શ્રી નિઝામપુરા જૈન સંઘ, | વડોદરા |
| ૪. સા. શ્રી સમજાશ્રીજીની પ્રેરણાથી - ચંદ્રિકાબેન મહેશભાઈ શાહ, | વડોદરા |
| ૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, | નંદુરબાર |
| ૬. માણેકબેન શાહ- | વડોદરા |
| ૭. શેલનાબેન શાહ - | વડોદરા |

[5]

:- अ-मा-रा-प्र-क-श-नी :-

- [१] अभिनव हेम लघुप्रक्रिया -१- सप्ताह विवरणम्
 [२] अभिनव हेम लघुप्रक्रिया -२- सप्ताह विवरणम्
 [३] अभिनव हेम लघुप्रक्रिया -३- सप्ताह विवरणम्
 [४] अभिनव हेम लघुप्रक्रिया -४- सप्ताह विवरणम्
 [५] कृदन्तमाला
 [६] चैत्यवन्दन पर्वमाला
 [७] चैत्यवन्दन सङ्ग्रह - तीर्थजिनविशेष
 [८] चैत्यवन्दन चोविशी
 [९] शत्रुञ्जय भक्ति [आवृत्ति-दो]
 [१०] अभिनव जैन पञ्चाङ्ग - २०४६
 [११] अभिनव उपदेश प्रासाद -१- श्रावक कर्तव्य - १ थी ११
 [१२] अभिनव उपदेश प्रासाद -२- श्रावक कर्तव्य - १२ थी १५
 [१३] अभिनव उपदेश प्रासाद -३- श्रावक कर्तव्य - १६ थी ३६
 [१४] नवपद-श्रीपाल- [शाशवती ओणीना व्याख्यान ३पे]
 [१५] समाधिभरज्ञ [विधि-सूत्र-पद्य-आराधना- भरदात्मै-संग्रह]
 [१६] चैत्यवन्दनभाषा [७७८ चैत्यवन्दनो नो संग्रह]
 [१७] तत्त्वार्थ सूत्र प्रबोधटीका [अध्याय-१]
 [१८] तत्त्वार्थ सूत्रना आगम आधार स्थानो
 [१९] सिद्धायलनो साथी [आवृत्ति-भे]
 [२०] चैत्यपरिपाटी
 [२१] अमदावाह जिनमंदिर उपाश्रय आदि डिरेक्टरी
 [२२] शत्रुञ्जय ललित [आवृत्ति-भे]
 [२३] श्री नवकारमंत्र नवलाप जप नोधपोथी
 [२४] श्री चारित्र पद एक करोड जप नोधपोथी
 [२५] श्री आरवत पुस्तिका तथा अन्य नियमो [आवृत्ति-वार]
 [२६] अभिनव जैन पंथांग- २०४२; [सर्व प्रथम, १३ विभागीभां]
 [२७] श्री ज्ञानपद पूजा
 [२८] अंतिम आराधना तथा साधु साध्वी काणधर्म विधि
 [२९] श्रावक अंतिम आराधना [आवृत्ति-त्रज्ञ]
 [३०] वीतराग स्तुति संयम [११५१-त्माववाही स्तुतिओ]
 [३१] (पूज्य आगमोद्धारकश्रीना समुदायना) कायथी संपर्क स्थणो
 [३२] तत्त्वार्थाधिगमसूत्र अभिनवटीका- अध्याय-१
 [३३] तत्त्वार्थाधिगमसूत्र अभिनवटीका - अध्याय-२
 [३४] तत्त्वार्थाधिगमसूत्र अभिनवटीका- अध्याय-३

[6]

- [३५] तत्त्वार्थाधिगम सूत्र अभिनवटीका- अध्याय-४
 [३६] तत्त्वार्थाधिगम सूत्र अभिनवटीका- अध्याय-५
 [३७] तत्त्वार्थाधिगम सूत्र अभिनवटीका- अध्याय-६
 [३८] तत्त्वार्थाधिगम सूत्र अभिनवटीका- अध्याय-७
 [३९] तत्त्वार्थाधिगम सूत्र अभिनवटीका- अध्याय-८
 [४०] तत्त्वार्थाधिगम सूत्र अभिनवटीका- अध्याय-९
 [४१] तत्त्वार्थाधिगमसूत्र अभिनवटीका- अध्याय-१०



[४२] आचारो	[आगमसुत्ताणि-१]	पढमं अंगसुत्तं
[४३] सूयगडो	[आगमसुत्ताणि-२]	बीअं अंगसुत्तं
[४४] ठाणं	[आगमसुत्ताणि-३]	तइयं अंगसुत्तं
[४५] समवाओ	[आगमसुत्ताणि-४]	चउत्थं अंगसुत्तं
[४६] विवाहपन्नति	[आगमसुत्ताणि-५]	पंचमं अंगसुत्तं
[४७] नावाधम्मकहाओ	[आगमसुत्ताणि-६]	छट्ठं अंगसुत्तं
[४८] उवासगदसाओ	[आगमसुत्ताणि-७]	सत्तमं अंगसुत्तं
[४९] अंतगडदसाओ	[आगमसुत्ताणि-८]	अट्ठमं अंगसुत्तं
[५०] अनुत्तरोववाइयदसाओ	[आगमसुत्ताणि-९]	नवमं अंगसुत्तं
[५१] पणहावागरणं	[आगमसुत्ताणि-१०]	दसमं अंगसुत्तं
[५२] विवागसूयं	[आगमसुत्ताणि-११]	एक्करसमं अंगसुत्तं
[५३] उचवाइअं	[आगमसुत्ताणि-१२]	पढमं उवंगसुत्तं
[५४] रायपसेणियं	[आगमसुत्ताणि-१३]	बीअं उवंगसुत्तं
[५५] जीवाजीवाभिगम	[आगमसुत्ताणि-१४]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५]	चउत्थं उवंगसुत्तं
[५७] सूरपन्नति	[आगमसुत्ताणि-१६]	पंचमं उवंगसुत्तं
[५८] चंदपन्नति	[आगमसुत्ताणि-१७]	छट्ठं उवंगसुत्तं
[५९] जंयूदीवपन्नति	[आगमसुत्ताणि-१८]	सत्तमं उवंगसुत्तं
[६०] निरयावलियाणं	[आगमसुत्ताणि-१९]	अट्ठमं उवंगसुत्तं
[६१] कप्पवडिंसयाणं	[आगमसुत्ताणि-२०]	नवमं उवंगसुत्तं
[६२] पुण्फियाणं	[आगमसुत्ताणि-२१]	दसमं उवंगसुत्तं
[६३] पुण्फचूलियाणं	[आगमसुत्ताणि-२२]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३]	बारसमं उवंगसुत्तं
[६५] चउसरण	[आगमसुत्ताणि-२४]	पढमं पईण्णगं
[६६] आउरपद्यक्खाण	[आगमसुत्ताणि-२५]	बीअं पईण्णगं
[६७] महापद्यक्खाण	[आगमसुत्ताणि-२६]	तइअं पईण्णगं
[६८] भत्त परिण्णा	[आगमसुत्ताणि-२७]	चउत्थं पईण्णगं

[7]

[૬૯] તંદુલવેયાલિયં	[આગમસુત્તાણિ-૨૮]	પંચમં પર્વણગં
[૭૦] સંચારગં	[આગમસુત્તાણિ-૨૯]	છટ્ઠં પર્વણગં
[૭૧] ગચ્છાચાર	[આગમસુત્તાણિ-૩૦-૧]	સત્તમં પર્વણગં-૧
[૭૨] ચંદાધિજય	[આગમસુત્તાણિ-૩૦-૨]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧]	અટ્ઠમં પર્વણગં
[૭૪] દેવિંદત્યઓ	[આગમસુત્તાણિ-૩૨]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨]	દસમં પર્વણગં-૨
[૭૭] નિસીહ	[આગમસુત્તાણિ-૩૪]	પદ્મમં છેયસુતં
[૭૮] યુહત્ કપ્પો	[આગમસુત્તાણિ-૩૫]	વીઅં છેયસુતં
[૭૯] વવહાર	[આગમસુત્તાણિ-૩૬]	તદ્અં છેયસુતં
[૮૦] દસાસુયક્ષંધં	[આગમસુત્તાણિ-૩૭]	ચઊત્યં છેયસુતં
[૮૧] જીયકપ્પો	[આગમસુત્તાણિ-૩૮/૧]	પંચમ છેયસુતં-૧
[૮૨] પંચકપ્પમાસ	[આગમસુત્તાણિ-૩૮/૨]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦]	પદ્મમં મૂલસુતં
[૮૫] ઓહનિજ્ઞુત્તિ	[આગમસુત્તાણિ-૪૧/૧]	વીઅં મૂલસુતં-૧
[૮૬] પિંડનિજ્ઞુત્તિ	[આગમસુત્તાણિ-૪૧/૨]	વીઅં મૂલસુતં-૨
[૮૭] દસવેયાલિઅં	[આગમસુત્તાણિ-૪૨]	તદ્અં મૂલસુતં
[૮૮] ઉત્તરપ્જ્જચણં	[આગમસુત્તાણિ-૪૩]	ચઊત્યં મૂલસુતં
[૮૯] નંદીપૂયં	[આગમસુત્તાણિ-૪૪]	પદ્મા ચૂલિયા
[૯૦] અણુઓમદારાઈ	[આગમસુત્તાણિ-૪૫]	ચિતિયા ચૂલિયા

નોંધ : પ્રકાશન ૧ તી ૪૧ અભિનવ શ્રુત પ્રકાશને પ્રગટ કરેલ છે.

પ્રકાશન ૪૨-૯૦ આગમ શ્રુત પ્રકાશને પ્રગટ કરેલ છે.

● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ઠક્કર ૧૬, અલકાનગર, ડ્રિયલક્ષ્મી મિલ્લ પાસે એલેમ્બિક રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આઝાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે “આગમ શ્રુત પ્રકાશન” વડોદરા નો રૂ. ૧૫૦૦/-
ની કિંમતનો ડ્રાફ્ટ આપીને જ સેટ મેળવી શકશો.

[8]

-: પરિસિદ્ધ-નિદંસણ :-

- ૧- પઢમં પરિસિદ્ધં - "વિસયાણુક્રમો"
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમણિકા છે. જે માટે અમારું ભાવિ પ્રકાશન "૪૫-આગમ વુહત્ વિસય કોસ" જેવું.
- ૨- ઘીયં પરિસિદ્ધં "વિસિદ્ધ સદ્દાણુક્રમો"
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન "૪૫-આગમ વિસિદ્ધ સદ્કોસ" જેવું.
- ૩- તદ્વયં પરિસિદ્ધં- "વિસેસ નામાણુક્રમો"
૪૫-[૪૯] આગમમાં આવતા ખાસ નામો જેવા કે ગોયમ, સોમિલ, ...વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન "૪૫-આગમ વિસેસ નામ કોસ" જેવું.
- ૪- ચઠત્થં પરિસિદ્ધં - "ગાહાણુક્રમો"
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન "૪૫-આગમ ગાહાણુક્રમો" જેવું.
- ૫- પંચમં પરિસિદ્ધં "સુતાણુક્રમો"
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ચંદપન્નતિ શિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ફંડ (૩) ઋષભદેવ કેસરીમલ પેઢી એ ત્રણ સંસ્થાના પ્રકાશનો જ લીધા છે. - ચંદ પન્નતિ માટે હસ્ત લિખિત પ્રત લીધેલી છે, - વુહત્કવ્વો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વચહાર, પૂ.મુનિ માણેક સંપાદિત, જીવકવ્વો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુવક્લંથ ની ચૂર્ણિજ મળી છે. માટે તેનું ક્રમાંકન થઇ શકેલ નથી.

**गंधाणुककम
पढमो सुयबखंधो**

कम	अब्दयणं	उद्देसक	सुतं	गाहा	अणुककम	पिट्ठंको
१	समए	१-४	-	१-८८	१-८८	३-७
२	वेयालिए	१-३	-	८९-१६४	-१६४	८-
३	उवसग्ग परिण्णा	१-४	-	१६५-२४६	-२४६	१३-
४	इत्थि परिण्णा	१-२	-	२४७-२९९	-२९९	१७-
५	नरघ विमत्ती	१-२	-	३००-३५१	-३५१	२१-
६	महावीरल्लुइ	-	-	३५२-३८०	-३८०	२४-
७	कुसीलपरिभाषितं	-	-	३८१-४१०	-४१०	२५-
८	वीरियं	-	-	४११-४३६	-४३६	२७-
९	धम्मो	-	-	४३७-४७२	-४७२	२९-
१०	समाही	-	-	४७३-४९६	-४९६	३१
११	मग्गे	-	-	४९७-५३४	-५३४	३२-
१२	समोसरणं	-	-	५३५-५५६	-५५६	३४-
१३	आहत्तहीयं	-	-	५५७-५७९	-५७९	३६-
१४	गंधो	-	-	५८०-६०६	-६०६	३७-
१५	जमईए	-	-	६०७-६३१	-६३१	३९-
१६	गाहा	-	१	-	-६३२	४०-४१

वीओसुयबखंधो

कम	अब्दयणं	उद्देसक	सुतं	गाहा	अणुककम	पिट्ठंको
१	पोंडीए	-	२-१६	-	६३३-६४७	४१-५१
२	किरियाट्ठग्गे	-	१७-४३	-	-६९४	५१-
३	आहार परिण्णा	-	४४-६३	६३२-६३५	-६९९	६८-
४	पच्चक्खण किरिया	-	६४-६८	-	-७०४	९४-
५	आयारसुयं	-	-	६३६-६६८	-७३७	९७-
६	अइइअं	-	-	६६९-७२३	-७९२	९९-
७	नालंयइअं	-	६९-८२	-	७९३-८०६	१०२-११२

પરિસિદ્ધ-નિદંસણં

ક્રમ	પરિસિદ્ધં	પિદ્ધંકો
૧	વિસવાપુસ્કનો	૮
૨	વિસિદ્ધસદાપુસ્કનો	૮
૩	વિસેસ નાપાપુસ્કનો	૮
૪	ગાદાપુસ્કનો	૮
૫	સુતાપુસ્કનો	૮

સુચનાપત્ર

૧. આગમ સૂત્રોમાં ડાબી બાજુએ છપાયેલ પ્રથમ-અંક, સૂત્ર તથા ગાથાનો સંયુક્ત સર્ણંગ ક્રમાંક સૂચવે છે. [અણુક્રમ]
૨. છેડે જમણી બાજુએ દર્શાવેલ હિન્દી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
૩. સૂત્રને જણાવવા માટે અહીં ઉભા લીટા । । ની વચ્ચે આગમમંજુષાનો સૂત્રાંક મૂકેલો છે. [સુત્રાંકો]
૪. ગાથાને જણાવવા માટે અહીં બે ઉભા લીટા ॥ ॥ ની વચ્ચે આગમમંજુષા નો ગાથાંક મુકેલો છે. [ગાથાંકો]
૫. છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનાદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધેલો છે.
૬. અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
૭. જ્યાં સૂત્રોમાં [] આ રીતે ચોરસ કોંસ મુકેલા છે તે બે ચોરસ કોંસ વચ્ચેનું લખાણ જાવ વાળા પાઠોની કરેલ પૂર્તિ દર્શાવે છે.

नमो नमो निम्नत दत्तगस्त
पंचम गणपर श्री सुधर्मात्वाभिने नमः

२ - सूयगडो

बीअं अंगसुत्तं

पढमो सुयवस्वंधो

पढमं अज्झयणं - समए

--: पढमो उद्देशो :-

- | | | |
|------|---|---------|
| (१) | युज्जेअ त्तिउट्टेआ बंधणं परिजाणिया
किमाह बंधणं वीरे किं वा जाणं त्तिउट्टइ | ॥१॥-१ |
| (२) | चित्तमंतमचित्तं वा परिगिज्झ किसामवि
अण्णं वा अणुजाणाइ एवं दुक्खा न मुच्चइ | ॥२॥-२ |
| (३) | सयं तिवातए पाणे अदुवा अण्णेहिं धायए
हणंतं वाणुजाणाइ वेरं बड्ढइ अप्पनो | ॥३॥-३ |
| (४) | जरिंस कुले समुष्णणे जेहिं वा संवसे नरे
ममाती लुप्पती बाले अण्णमण्णेहिं मुच्छिए | ॥४॥-४ |
| (५) | वित्तं सोयरिया चेव सव्वेमेयं न ताणइ
संधाति जीवित्तं चेव कम्मणा उ त्तिउट्टइ | ॥५॥-५ |
| (६) | एए गंथे विउक्कम्म एगे समणमाहणा
अवाणंता विउस्सिता सत्ता कामेहिं माणवा | ॥६॥-६ |
| (७) | संति पंचं महब्भूया इहमेगेसिमाहिया
पुढवी आउ तेऊ वाऊ आगास पंचमा | ॥७॥-७ |
| (८) | एए पंच महब्भूया तेब्भो एगो त्ति आहिया
अह एसिं विणासे उ विणासो होइ देहिनो | ॥८॥-८ |
| (९) | जहा य पुढवीयूमे एगे नामा हि दीसइ
एवं भो कसिणे लोए विण्णू नाना हि दीसए | ॥९॥-९ |
| (१०) | एवमेगे त्ति जंपति मंदा आरंभणिसिया
एगे किच्चा सयं पावं त्तिव्वं दुक्खं नियच्छइ | ॥१०॥-१० |
| (११) | पत्तेयं कसिणे आया जे बाला जे य पंडिया
संति पेद्या न ते संति नत्थि सत्तोववाइया | ॥११॥-११ |
| (१२) | नत्थि पुण्णे व पावे वा नत्थि लोए इओ परे
सरीरस्स विणासेणं विणासो होइ देहिनो | ॥१२॥-१२ |
| (१३) | कुव्वं च कारयं चेव सव्वं कुव्वं न विज्जइ
एवं अकारओ अप्पा ते उ एवं पगब्भिया | ॥१३॥-१३ |

- (१४) जे ते उ वाइनो एवं लोए तेसिं कुओ सिया
तमाओ ते तमं जंति मंदा आरंभनिस्सिया ॥१४॥-१४
- (१५) सति पंच महम्मूया इहमेगेसि आहिया
आयउट्टा पुणेगाहु आया लोगे य सासए ॥१५॥-१५
- (१६) दुहओ ते न विणस्संति नी य उप्पजए असं
सव्वेवि सव्वहा भावा नियतीभावमागया ॥१६॥-१६
- (१७) पंच खंधे वयंतेगे बाला उ खणजोइनो
अण्णो अण्णो गेवाहु हेउयं व अहेउयं ॥१७॥-१७
- (१८) पुढवी आऊ तेऊ य तहा वाऊ य एगओ
चत्तारि धाउनो रूवं एवमाहंसु जाणगा ॥१८॥-१८
- (१९) अगारमावसंता वि आरणा वा वि पव्वया
इमं दरित्तणमावणा सव्वदुक्खा विमुच्चंति ॥१९॥-१९
- (२०) तेणाविमं तिणद्धा णं न ते धम्मविऊ जणा
जे ते उ वाइनो एवं न ते ओहंतराऽऽहिया ॥२०॥-२०
- (२१) तेणाविमं तिणद्धा णं न ते धम्मविऊ जणा
जे ते उ वाइनो एवं न ते संसारपारगा ॥२१॥-२१
- (२२) तेणाविमं तिणद्ध णं न ते धम्मविऊ जणा
जे ते उ वाइनो एवं न ते गम्भस्स पारगा ॥२२॥-२२
- (२३) तेणाविमं तिणद्धा णं न ते धम्मविऊ जणा
जे ते उ वाइनो एवं न ते जम्मस्स पारगा ॥२३॥-२३
- (२४) तेणाविमं तिणद्धा णं न ते धम्मविऊ जणा
जे ते उ वाइनो एवं न ते दुक्खस्स पारगा ॥२४॥-२४
- (२५) तेणाविमं तिणद्धा णं न ते धम्मविऊ जणा
जे ते उ वाइनो एवं न ते मारस्स पारगा ॥२५॥-२५
- (२६) नानाविहाइं दुक्खाइं अणुहवंति पुनो पुनो
संसारच क्खालम्भि वारिहम्मिज्जराकुले ॥२६॥-२६
- (२७) उच्चावयाणि गच्छंता गळ्ममेस्संतणंतसो
नायपुते महावीरे एवमाह जिनोत्तमे - ति वेमि ॥२७॥-२७
- पट्ठम अञ्जयणे पट्ठमे उद्देशो सप्तो ●
- : बीओ उद्देशो :—
- (२८) आधायं पुण एमेसिं उववणा पुढो जिया
वेदयंति सुहं दुक्खं अदुवा लुप्यंति ठाणओ ॥२८॥-१
- (२९) न तं सयं कडं दुक्खं न य अण्णकडं च णं
सुहं वा जइ धा दुक्खं सैहियं वा असेहियं ॥२९॥-२

(३०)	न सयं कडं न अण्णेहिं वेदयंति पुटो जिघा संगइयं तं तहा तेसिं इहमेगेसिमाहियं	॥३०॥-३
(३१)	एवमेयाणि जंपंता बाला पंडियमाणिणो नियमानिययं संतं अयापंता अबुद्धिया	॥३१॥-४
(३२)	एवमेगे उ पासत्या ते भुज्जो विप्पगब्भिया एवंपुवट्ठिया संता नऽत्तदुक्खविमोयमा	॥३२॥-५
(३३)	जविनो भिगा जहा संता परिताणेण तज्झिया असंकियाइं संकंति संकियाइं असंकिनो	॥३३॥-६
(३४)	परिताणियाणि संकंता पासियामि असंकिनो अन्नाणभयसंविग्गा संपलित्ति तहिं तहिं	॥३४॥-७
(३५)	अहं तं पवेज्ज वज्झं अहे चज्झस्स वा वए मुद्येज्ज पयपासाओ तं तु मंदे न देहई	॥३५॥-८
(३६)	अहियप्पाऽहियपण्णाणे विसमंतेणुवागए से बद्धे पयपासाइं तत्थ घायं नियच्छइ	॥३६॥-९
(३७)	एवं तु सपणा एगे मिच्छदिट्ठी अणारिया असंकियाइं संकंति संकियाइं असंकिनो	॥३७॥-१०
(३८)	धम्मपन्नवणा जा सा तं तु संकंति मूढगा आरंभाइं न संकंति अवियत्ता अक्रोविया	॥३८॥-११
(३९)	सव्वप्पगं विउक्कस्सं सव्वं नूमं विहूणिया अप्पत्तियं अकम्मंसे एयमट्ठं भिगे चुए	॥३९॥-१२
(४०)	जे एयं नाभिजापांति मिच्छदिट्ठी अणारिया भिगा वा पासबद्धा ते घायमेसंतऽणंतसो	॥४०॥-१३
(४१)	माहणा समणा एगे सव्वे नाणं सयं वए सव्वलोगे वि जे पाणा न ते जापंति किंचणं	॥४१॥-१४
(४२)	मिलक्खू अमिलक्खुस्स जहा वुत्ताणुभासए न हेउं से विचाणाइं भासियं तऽणुभासए	॥४२॥-१५
(४३)	एवमण्णाणिया नाणं वयंता वि सयं सयं निच्छवत्थं न जाणंति मिलक्खू व्व अबोहिया	॥४३॥-१६
(४४)	अण्णानियाण वीमंसा अण्णाणे न नियच्छइ अप्पनो य परं नालं कतो अण्णाणुसासितं	॥४४॥-१७
(४५)	वणे मूढे जहा जंतू मूढणेयाणुगामिए दो वि एए अक्रोविया तिच्चं सोयं नियच्छई	॥४५॥-१८
(४६)	अंधो अंधं परं णेतो दूरमच्छाण गच्छई आवज्जे उप्पहं जंतू अदुवा पंथाणुगामिए	॥४६॥-१९

- (४७) एवमेगे नियागट्ठी धम्ममाराहगा वयं
अदुवा अहम्ममावज्जे न ते सच्चञ्जुयं वए ॥४७॥-२०
- (४८) एवमेगे वियक्काहिं नो अण्णं पञ्जुवासिया
अप्पनो य वियक्काहिं अयमंजू हि दुम्मई ॥४८॥-२१
- (४९) एवं तक्काए साहेता धम्माधम्म्ये अकोविया
दुक्खं ते नातिवड्ढंति सउणी पंजरं जहा ॥४९॥-२२
- (५०) सयं सयं पसंतंता गरहंता परं वयं
जे उ तत्थ विउस्संति संसारं ते विउस्सिया ॥५०॥-२३
- (५१) अहावरं पुरक्खायं किरियावाइदरिसणं
कम्मचितापणट्ठाणं दुक्खखंधविवड्ढणं ॥५१॥-२४
- (५२) जाणं काएणऽणाउट्ठी अबुहो जं च हिंसइ
पुट्ठो वेदेइ परं अवियत्तं खु सावज्जं ॥५२॥-२५
- (५३) संतिमे तओ आयाणा जेहिं कीरइ पावगं
अभिकम्म्यं य पेसा य मणसा अणुजाणिया ॥५३॥-२६
- (५४) एए उ तओ आयाणा जेहिं कीरइ पावगं
एवं भावविसोहीए णिव्वाणमभिगच्छइ ॥५४॥-२७
- (५५) पुत्तं पिता समारंभ आहारदट्ठं असंजए
भुंजमानो वि मेहावी कम्मणा नोवलिप्पते ॥५५॥-२८
- (५६) मणसा जे पउस्संति चित्तं तेसिं न चिज्जइ
अणवज्जं अतहं तेसिं न ते संबुडचारिनो ॥५६॥-२९
- (५७) इच्चेयाहिं दिट्ठीहिं सायामारवणिसिया
सरणं ति मण्णमाणा सेवंती पावगं जणा ॥५७॥-३०
- (५८) जहा आसाविणिं नावं जाइअंधो दुरुहिया
इच्छई पारमागतुं अंतराले विसीयई ॥५८॥-३१
- (५९) एवं तु समणा एगे मिच्छदिट्ठी अणारिया
संसारपारकंखी ते संसारं अणुपरियड्ढंति - ति वेमि ॥५९॥-३२

● पढमे अन्धयणे बीओ उहेसो सुभतो ●

—: तइओ उहेसो :—

- (६०) जं किंचि वि पूइकडं सड्डी आगंतु इहियं
सहस्संतरियं पुंजे दुपक्खं चेव सेवई ॥६०॥-१
- (६१) तमेव अवियाणंता विसमंसि अकोविया
मच्छा वेसालिया चेव उदगस्सऽभियागमे ॥६१॥-२
- (६२) उदगस्स ण्णभावेणं सुक्कम्मि घातमेति उ
ढंकेहि य कंकेहि य आमिसत्थेहिं ते दुही ॥६२॥-३

सुपकृत्तं-१, अञ्जयणं-१, उद्देशो-३

७

(६३)	एवं तु समणा एगे वड्डमाणसुहेसिनो मच्छा वेसालिया चैव घायमेसंतर्णतसो	॥६३॥-४
(६४)	इणमण्णं तु अन्नाणं इहमेगेसिमाहियं देवउत्ते अयं लोए वंभउत्ते त्ति आवरे	॥६४॥-५
(६५)	ईसरेण कडे लोए पहाणाइ तहावरे जीवाजीवसमाउत्ते सुहदुक्खसमण्णिए	॥६५॥-६
(६६)	सयंभुणा कडे वोए इति वुत्तं महेसिणा मारोण संघुया माया तेण लोए असासए	॥६६॥-७
(६७)	माहणा समणाएगे आह अंडकडे जगे असो तत्तमकासी य अयाणंता मुसं वए	॥६७॥-८
(६८)	सएहिं परिचाएहिं लोगं यूया कडे त्ति य तत्तं ते न वियाणंति नायंणाऽऽसी कयाइ वि	॥६८॥-९
(६९)	अमणुण्णसमुप्पायं दुक्खमेव विजाणिया समुप्पायमजाणंता किह नाहितिं संवरं	॥६९॥-१०
(७०)	सुद्धे अपावए आया इहमेगेसिमाहियं पुनो कीडापदोसेणं से तत्थ अवरज्झई	॥७०॥-११
(७१)	इह संवुडे मुणी जाए पच्छा होइ अपावए वियडं व जहा भुज्जो नीरयं सरयं तथा	॥७१॥-१२
(७२)	एयाणुवीइ पेहावी वंभचेरं ण तं वसे पुढो पावाउया सव्वे अक्खायारो सयं सयं	॥७२॥-१३
(७३)	सए सए उवट्ठाणे सिद्धिमेव न अण्णहा अधो वि होति वसवत्ती सव्वकामसमप्पिए	॥७३॥-१४
(७४)	सिद्धा य ते अरोगा य इहमेगेसि आहियं सिद्धिमेवपुरोकाउं सासाए गट्ठिया नरा	॥७४॥-१५
(७५)	असंबुडा अणादीयं भमिहिति पुनो-पुनो कप्पकालमुवज्जंति ठाणा आसुरकिब्बिसिय - त्ति वेमि	॥७५॥-१६

● पहमे अञ्जयणे तद्दओ उद्देशो त्तमत्तो ●

—: चउत्थो उद्देशो :—

(७६)	एते जिया धो न सरणं बाला पंडियमाणिणो हिद्धा णं पुव्वसंजोगं सितकिच्चोवएसगा	॥७६॥-१
(७७)	तं घ भिक्खू परिणाय विज्जं तेसु नं मुच्छए अणुक्कस्से अणवलीणे मज्झेण पुणि जावए	॥७७॥-२
(७८)	सपरिग्गहा य सारंभा इहमेगेसिमाहियं अपरिग्गहे अणारंभे भिक्खू जाणं परिव्वए	॥७८॥-३

- (७९) कडेसु घासमेसेज्जा विरु दत्तेसणं चरे
अगिद्धो विप्पमुक्को य ओमाणं परिवज्जए ॥७९॥-४
- (८०) लोगवायं निसामेज्जा इहमेगेसिमाहियं
विचरीयपण्णसंभूयं अण्णवुत्त-तयाणुगं ॥८०॥-५
- (८१) अण्णते नितिए लोए सासए न विणस्सहं
अंतवं नितिए लोए इइ धीरोऽतिपासई ॥८१॥-६
- (८२) अपरिमाणं वियाणाइ इहमेगेसि आहियं
सव्वत्थ सपरिमाणं इह धीरोऽतिपासई ॥८२॥-७
- (८३) जे केइ तसा पाणा चिट्ठंतदुव थावरा
परियाए अत्थि से अंजू जेण ते तसथावरा ॥८३॥-८
- (८४) उरालं जगतो जोगं विवज्जासं पलेत्ति य
सव्वे अकंतदुक्खा य अओ सव्वे अहिंसगा ॥८४॥-९
- (८५) एयं खु नाणिणो सारं जं न हिंसइ कंचणं
अहिंसा समयं चेव एयावंतं वियाणिया ॥८५॥-१०
- (८६) दुसिते दिगयगिद्धी य आयाणं सारक्खए
घरियासणसेज्जासु मत्तपाणे य अंतसो ॥८६॥-११
- (८७) एतेहिं तिहिं ठाणेहिं संजए सययं मुणी
उक्कसं जलणं नूम-मज्झत्यं च विगिंचए ॥८७॥-१२
- (८८) समिए तु सया साहू पंचसवंरसंवुडे
सितेहिं असिते भिक्खु अमोक्खाए परिव्वएज्जासि - ति वेमि।८८॥-१३

● पढमे अज्झयणे घउत्तो उहेसो समत्तो ● पढथ अज्झयणं सम्पत्तं ●

बीअं अज्झयणं - वेयालिए

—: पढमो उहेसो :-

- (८९) संबुज्झह किण्ण बुज्झहा संबोही खलु पेच्च दुल्लहा
नो हूचणमंति राइओ नो सुलभं पुणरावि जीवियं ॥८९॥-१
- (९०) इहरा बुइद्धा य पासहा गम्भत्ता वि चयंति माणवा
सेणे जह वट्टयं हरे एवं आउखयंमि तुइई ॥९०॥-२
- (९१) मायाहि पियाहि लुप्पई नो सुलहा सुगई य पेच्चओ
एयाइ भयाइ देहिया आरंमा विरमेज्ज सुव्वए ॥९१॥-३
- (९२) जमिणं जगई पुटो जगा कम्महिं लुप्पंति पाणिणो
सयमेव कडेहि गाहई नो तस्स मुच्चे अपुट्ठवं ॥९२॥-४
- (९३) देवा गंधव्वरक्खसा असुरा भूमिचरा सिरीसिवा
राया परसेट्ठिमाहणा ठाणा ते वि चवंति दुक्खिया ॥९३॥-५
- (९४) कामेहि य संथेविहि य कम्मसहा कालेण जंतवो
ताले जह बंधणद्युए एवं आउखयंमि तुइई ॥९४॥-६

सुयक्खंधो-१, अञ्जयणं-१, उद्देशो-१

९

- (१५) जे यावि बहुसुए सिया धम्मिए माहणे मिस्वुए सिया
अभिणूमकडेहिं मुच्छिए तिव्वं से कम्महिं किच्चती ॥१५॥-७
- (१६) अह पास विवेगमुट्ठिए अवितिण्णे इह भासई धुतं
नाहिसि आरं कओ परं वेहासे कम्महिं किच्चई ॥१६॥-८
- (१७) जइ वि य निगिणे किसे चरे जइ वि य भुंजिय पासमंतसो
जे इह मायादि मिज्जई आगंता गब्बादर्णतसो ॥१७॥-९
- (१८) पुरिसोरम पावकम्मणुणा पलियंतं मणुयाण जीवियं
सण्णा इह काममुच्छिया मोहं जंति नरा असंबुडा ॥१८॥-१०
- (१९) जययं विहरावि जोगवं अणुपाणा पंथा दुरुत्तरा
अणुसासणमेव पक्क मे वीरेहिं सम्मं पवेइयं ॥१९॥-११
- (१००) विरया वीरा समुट्ठिया कोहाकायरियाइपीसणा
पामे न हणंति सच्चसो पावाओ विरयाऽभिनिव्वुडा ॥१००॥-१२
- (१०१) न वि ता अहमेव लुप्पए लुप्यंती लोगंसि पाणिणो
एवं सहिएऽहिपासए अनिहे से पुट्ठेऽहियासए ॥१०१॥-१३
- (१०२) धुणिया कुलियं व लेयवं कसए देहमणासणादिहिं
अविहिसामेव पव्वए अणुधम्मे मुणिणा पवेइओ ॥१०२॥-१४
- (१०३) सउणी जह पंसुगुंडिया विहुणिय घंसयई सियं रयं
एवं दविओवहाणवं कम्मं खवइ तवस्सि माहणे ॥१०३॥-१५
- (१०४) उट्ठियमणमारमेसणं समणं ठाणठियं तवस्सिणं
इहरा बुद्धा य पत्यए अवि सुस्से न य तं लभे जणा ॥१०४॥-१६
- (१०५) जइ कालुणियाणि कासिया जइ रोयंति य पुत्तकारणा
दवियं भिक्खुं समुट्ठियं नो लब्धंति णं सण्णवेत्तए ॥१०५॥-१७
- (१०६) जइ तं कामेहि लाविया जइ आणेज्ज तं वंधिता धरं
तं जीवित नावकंखिणं नो लब्धंति तं सण्णवेत्तए ॥१०६॥-१८
- (१०७) सेहंति य णं ममाइणो मायापिया य सुया य भारिया
पोसाहि णे पासओ तुमं लोगं परं पि जहासि पोसणे ॥१०७॥-१९
- (१०८) अण्णे अण्णेहिं मुच्छिया महं जंति नरा असंबुडा
विसमं विसमेहि गहिया ते पावेहिं पुणो पगट्ठिया ॥१०८॥-२०
- (१०९) तन्हा दवि इक्ख पंडिए पावाओ विरएभिनिव्वुडे
पणए वीरे महाविहिं सिद्धिपहं नेयाउयं धुवं ॥१०९॥-२१
- (११०) वेयालिवमग्गमागओ मणवयसा कारण संबुडो
चिच्चा दित्तं च नायओ आरंभं च सुसंबुडे चरे ति बेपि ॥११०॥-२२

● बीए अञ्जयणे पढमो उद्देशो सम्तो ●

—: बीओ उद्देशो :—

- (१११) तय सं व जहाइ से रयं इह संखाय मुणी न मज्जई
गोचण्णतरेण माहणे अहऽसेयकरी अण्णेसि इंखिणी ॥१११॥-१

- (११२) जो परिभवई परं जणं संसारे परिवत्तई महं
अदु इंडिणिया उ पाविया इह संखाय मुणी न मज्झई ॥११२॥-२
- (११३) जे यावि अणाचगे सिया जे वि य पेसगमेसगे सिया
इद मोणपयं उवट्ठिए नो लज्जे समयं सया चरे ॥११३॥-३
- (११४) सम अण्णयरम्मि संजमे संसुद्धे समणे परिव्वए
जा आवकहा समाहिए दविए कालमकासि पंडिए ॥११४॥-४
- (११५) दूरं अणुपस्सिया मुणी तीयं धम्ममणागयं तथा
पुट्ठे फरुसेहिं माहणे अवि हण्णू समयंसि रीयइ ॥११५॥-५
- (११६) पण्णसमते सया जए समता धम्ममुदाहरे मुणी
सुहुमे उ सया अल्लसए नो कूञ्जे नो माणि माहणे ॥११६॥-६
- (११७) बहुजणणमणम्मि संवुडे सव्वट्ठेहिं नरे अणिस्सिए
हरए व सया अणाविले धम्मं पादुरकासि कासवं ॥११७॥-७
- (११८) वहवे पाणा पुट्ठो सिया पतेयं समयं समीहिया
जे मोणपयं उवट्ठिए विरइं तत्थ अकासि पंडिए ॥११८॥-८
- (११९) धम्मस्स य पारगे मुणी आरंभस्स य अंतए ठिए
सोयति य णं ममाइणो नो य लभंतो निययं परिग्गह ॥११९॥-९
- (१२०) इहलोगे दुहावहं विऊ परलोगे य दुहं दुहावहं
विद्धंसणधम्ममेव तं इह विज्जं को गारमावसे ॥१२०॥-१०
- (१२१) महया पल्लिगोव जाणिया जा वि य वंदणपूयणा इहं
सुहुमे सल्ले दुरुद्धरे विउमंता पयहिञ्ज संथवं ॥१२१॥-११
- (१२२) एगे चरे ठाणमासणे सयणे एगे समाहिए सिया
भिकवू उवहाणवीरिए वडगुते अज्झत्यसंवुडे ॥१२२॥-१२
- (१२३) नो पोहे न यावपंगुणे दारं सुण्णधरस्स संजए
पुट्ठे न उदाहरे वइ न समुच्छे नो संथरे तणं ॥१२३॥-१३
- (१२४) जत्थत्यमिए अणाउले समविसमाणि मुणी हियासए
चरगा अदुवा वि मेरवा अदुवा तत्थ सिरीसिवा सिया ॥१२४॥-१४
- (१२५) तिरिया मणुया थ दिव्वगा उवसग्गा तिदिहा धियासए
तोमादीयं पि न हरिसे सुण्णगारगए महामुणी ॥१२५॥-१५
- (१२६) नो अभिकंखेज्ज जीवियं नो वि य पूयणपत्थए सिया
अत्थत्यमुवेति भेरवा सुण्णगारयस्स भिक्खुणो ॥१२६॥-१६
- (१२७) उवणीयतरस्स ताइणो भयमाणस्स विविक्कमासणं
सामाइयमाहु तस्स जं जो अप्पाणं मए न दंसए ॥१२७॥-१७
- (१२८) उसिणोदगतत्तभोइणो घम्मठियस्स मुणिस्स हीमतो
संसग्गि असाहु राइहिं असपाही उ तथागयस्स वि ॥१२८॥-१८
- (१२९) अहिगरणकरस्स भिक्खुणो वयमाणस्स पसज्झ दारुणं
अट्ठे परिहायई बहू अहिगरणं न करेज्ज पंडिए ॥१२९॥-१९

- (१३०) सीओदग पडिदुगंछिणो अपडिण्णस्स लवावसक्खिणो
सामाइयमाहु तस्स जं जो गिहिमत्तेऽसणं न भुंजई ॥१३०॥-२०
- (१३१) न य संखयमाहु जीवियं तह वि य बालजणो पगम्भई
बाले पावेहि भिज्जई इइ संखाय मुणी न मज्जई ॥१३१॥-२१
- (१३२) छंदेण पलेतिमा पया बहुमाया मोहेण पाउडा
वियडेण पलेति माहणे सीउण्हं वयसा हियासए ॥१३२॥-२२
- (१३३) कुजए अपराजिए जहा अक्खेहिं कुसलेहिं दीवयं
कडमेव गहाय नो कलिं नो तेयं नो चेव दावरं ॥१३३॥-२३
- (१३४) एवं लोग्गि ताइणा बुइए जे धम्मे अनुत्तरे
तं गिण्ह हियं ति उत्तमं कडमिव सेसऽवहाय पंडिए ॥१३४॥-२४
- (१३५) उत्तर मणुयाणं आहिया गामधम्म इति मे अणुस्सुयं
जंसी विरया समुट्ठिया कासवस्स अणुधम्मचारिणो ॥१३५॥-२५
- (१३६) जे एय चरंति आहियं नायएण महया महेसिणा
ते उट्ठियं ते समुट्ठिया अण्णाण्णं सारंति धम्मओ ॥१३६॥-२६
- (१३७) मा पेह पुरा पणामए अभिकंखे उवहिं घुणित्तए
जे दूवण न ते हि नो नया ते जाणंति समाहिमाहियं ॥१३७॥-२७
- (१३८) नो काहिए होज्ज संजए परसणिए न य संपसारए
नच्चा धम्मं अणुत्तरं कयकिरिए य न यावि मामए ॥१३८॥-२८
- (१३९) छण्णं च पसंस नो करे न य उक्कोस पगास माहणे
तेसिं सुविवेगमाहिए पणया जेहि सुज्जोसियं घुयं ॥१३९॥-२९
- (१४०) अणिहे सरुए सुसंवुडे धम्मट्ठी उवहाणवोरिए
विहरेज्ज समाहितिदिए आतरितं दुक्खेण लत्थते ॥१४०॥-३०
- (१४१) न हि णूण पुरा अणुस्सुयं अदुवा तं तह नो अणुट्ठियं
मुणिणा सामाइयाहियं नातएण जगसव्वदंसिणा ॥१४१॥-३१
- (१४२) एवं मत्ता महंतरं धम्मपिणं सहिया बहू जणा
गुरुणो छंदाणुवत्तगा विरया तिण्ण महोघमाहियं - ति वेमि ॥१४२॥-३२

● नीए अञ्जयणे नीओ उद्देशो समत्तो ●

—: तइओ उद्देशो :—

- (१४३) संवुडकम्मस्स भिक्खुणो जं दुक्खं पुट्ठं अबोहिए
तं संजमओऽवचिज्जई मरणं हेच्च वयंति पंडिया ॥१४३॥-१
- (१४४) जे विण्णवणाहिऽजोसिया संतिण्णेहि समं वियाहिया
तन्हा उइइं ति पासहा अद्दक्खू कामाई रोगवं ॥१४४॥-२
- (१४५) आग्गं वणिएहि आहियं धारंती रायाणया इहं
एवं परमा महव्वया अक्खाया उ सराइभोयणा ॥१४५॥-३
- (१४६) जे इह सायाणुगा नरा अज्झोववण्णा कामेहि मुच्छिया
किवणेण समं पगम्मिया न चि जाणंति समाहिमाहियं ॥१४६॥-४

- (१४७) वाहेण जहा व विच्छए अबले होइ गवं पचोइए
से अंतसो अप्पयामए नाईवचए अबले विसीयइ ॥१४७॥-५
- (१४८) एवं कामेसणाविऊ अज्ज सुए पयहेज्ज संयवं
कामी कामे न कामए लद्धे वा वि अलद्ध कण्हुंइ ॥१४८॥-६
- (१४९) मा पच्छ असाहुया भवे अच्चेही अणुसास अप्पगं
अहियं च असाहुं सोयई से षणई परिदेवई बहुं ॥१४९॥-७
- (१५०) इह जीवियमेव पासहा तरुण एव वाससयस्स तुइई
इत्तरवासं व बुज्झहा गिद्ध नरा कामेसु मुच्छिया ॥१५०॥-८
- (१५१) जे इह आरंभनिस्सिया आयदंड एगंतलूसागा
गंता ते पावलोगयं चिररायं आसुरियं दिसं ॥१५१॥-९
- (१५२) न य संखयमाहु जीवीयं तह वि य बालजणो पगब्भई
पच्चुप्पण्णेण कारियं के दट्ठुं परलोगमागए ॥१५२॥-१०
- (१५३) अदक्खुव दक्खुवाहियं सदहसू अदक्खुदंसणा
हंदि हु सुगिरुद्धदंसणे मोहणिज्जेण कडेण कम्पुणा ॥१५३॥-११
- (१५४) दुक्खी मोहे पुणो पुणो निव्विदेज्ज सिलोगपूयणं
एवं सहिएऽहिपासए आयतुलं पाणेहिं संजए ॥१५४॥-१२
- (१५५) गारं पि य आवसे नरे अणुपुव्वं पाणेहिं संजए
समया सच्चत्य सुव्वए देवाणं गच्छे सलोगयं ॥१५५॥-१३
- (१५६) सोच्चा भगवाणुसासणं सच्चे तत्थ करेज्जुषक्कं
सच्चत्य विणीयमच्छेरे उंछं भिक्खुं विसुद्धमाहरे ॥१५६॥-१४
- (१५७) सव्वं नच्चा अहिट्ठए धम्मट्ठी उवहाणवीरिए
गुत्ते जुत्ते सया जए आयपरे परमायतट्ठिए ॥१५७॥-१५
- (१५८) वित्तं पसवो य नाइओ तं बाले सरणं ति मण्णई
एए मम तेसि वा अहं नो तामं सरणं न यिज्जई ॥१५८॥-१६
- (१५९) अब्भागमियम्मि वा दुहे अहवोवक्क भिए भवेतिए
एगस्स गई य आगई विदुमंता सरणं न मण्णई ॥१५९॥-१७
- (१६०) सव्वे सयकम्मकप्पिया अवियतेण दुहेण पाणिणो
हिंडंति भयाउला सद्धा जाइजरामरणेहिऽभिहुया ॥१६०॥-१८
- (१६१) इणमेव खणं वियाणिया नो सुलभं वोहे च आहियं
एवं सहिएऽहियासए आह जिणे इणमेव सेसगा ॥१६१॥-१९
- (१६२) अभविसु पुरा दि भिक्खवो आएसा वि भविसु सुव्वया
एयाइं गुणाइं आहु ते कासवस्स अणुधम्मचारिणो ॥१६२॥-२०
- (१६३) तिविहेण वि पाण मा हणे आयहिए अणियाण संवुडे
एवं सिद्धा अणंतगा संपइ जे य अणागयावारे ॥१६३॥-२१
- (१६४) एवं से उदाहु अणुत्तरनाणी अणुत्तरदंसी अणुत्तरनाणदंसणधरे
अरहा नायपुत्ते भगवं वेसालिए विचाहिए - त्ति बेमि ॥१६४॥-२२

● नीए अज्जयणे तइओ उहेसो सपत्तो ● नीअं अज्जयणं सपत्तं ●

तइयं अज्झयणं—उवसग्गपरिण्णा

—: पढमो उद्देशो :—

(१६५)	सूरं मण्णइ अप्पाणं जाव देयं न पस्सई जुज्झंतं दढधम्पा णं सिसुपालो व महारहं	1196411-1
(१६६)	पयाया स्रा रणसीसे संगामम्पि उवट्ठिए माया पुत्तं न जाणाइ जेएण परिविच्छिए	1196611-2
(१६७)	एव सेहे वि अप्पुट्ठे भिक्खुचरिया अक्कोविए सूरं मण्णइ अप्पाणं जाव लूहं न सेवए	1196711-3
(१६८)	जया हेमंतमासम्पि सीयं फुसय सबायणं तत्थ मंदा विसीयंति रज्जहीणा व खत्तिया	1196811-4
(१६९)	पुट्ठे गिम्हाहितावेणं विमणे सुपिवासिए तत्थ मंदा विसीयंति मच्छा अप्पोदए जहा	1196911-5
(१७०)	सया दत्तेसणा दुक्खं जायणा दुप्पणोल्लिया कम्पंता दुक्खगा चैव इच्छाहंसु पुट्ठोजणा	1197011-6
(१७१)	एए सदे अचायंता गामेसु नगरेसु वा तत्थ मंदा विसीयंति संगामम्पि व भीरुणो	1197111-7
(१७२)	अप्पेगे खुज्झियं भिक्खु सुणी इंसइ लूसए तत्थ मंदा विसीयंति तेउपुट्ठा व पाणिणो	1197211-8
(१७३)	अप्पेगे पडिभासंति पाडिपंधियमागया पडियारगया एए जे एए एव-जीविणो	1197311-9
(१७४)	अप्पेगे वइं जुजंति निगिणा पिंडोलंगाहमा मुंडा कंइ-विणट्ठंगा उज्जला असमाहिया	1197411-10
(१७५)	एवं विप्पडिवण्णेगे अप्पणा उ-अजाणया तमाओ ते तमं जंति मंदा मोहेण पाउडा	1197511-11
(१७६)	पुट्ठो य दंसमसगेहिं तणफासमचाइया न मे दिट्ठे परे लोए कि परं मरणं सिया	1197611-12
(१७७)	संतत्ता केसलोएणं बंधचेरपराइया तत्थ मंदा विसीयंति मच्छा पविट्ठा व केयणे	1197711-13
(१७८)	आयदंडसमायारा मिच्छासंठियभावणा हरिसप्पओसमावण्णा केई लूसंतिउणारिया	1197811-14
(१७९)	अप्पेगे पलियंतंसि चारो चारो ति सुच्चयं बंधंति भिक्खुयं बाला कसायवसणेहि य	1197911-15
(१८०)	तत्थ दंडेण संवीते मुट्ठिणा अदु फलेण था नार्इणं सरई बाले इत्थी वा कुइगामिणी	1198011-16

- (१८१) एए भो कसिणा फासा फरुसा दुरहियासया
हस्थी वा सरसंवीता कीवावसगा गया गिहं -त्ति बेमि ॥१८१॥-१७
- तइए अन्वयणे पट्ठो उदेत्तो सप्तो ●
- : बीओ उदेत्तो :—
- (१८२) अहिमे सुहुमा संग्गा भिक्खुणं जे दुरुत्तरा
जत्थ एगे विसीयंति न चयंति जवित्तए ॥१८२॥-१
- (१८३) अप्पेगे नायओ दिस्स रोयंति परिवारिया
पोस गे तात पुट्ठो सि कस्स तात जहासि गे ॥१८३॥-२
- (१८४) पिया ते थेरओ तात ससा ते खुड्डिया इमा
भायरो ते सवा तात सोधरा किं जहासि गे ॥१८४॥-३
- (१८५) भायरं पियरं पोस एव लोगो भविस्सइ
एवं खु लोइयं तात जे पालेत्ति उ मायरं ॥१८५॥-४
- (१८६) उत्तरा महुरुल्लावा पुत्ता ते तात खुड्डया
भारिया ते नवा तात मा सा अण्णं जणं गमे ॥१८६॥-५
- (१८७) एहि तात धरं जामो मा तं कम्म सहा वयं
बीयं पि ताव पासामो जामु ताव सयं गिहं ॥१८७॥-६
- (१८८) गंतुं तात पुणाऽगच्छे न तेणाऽसमणो सिया
अकामगं परक्क मंतं को तं वारेउमरहइ ॥१८८॥-७
- (१८९) जं किंचि अण्णं तात तं पि सव्वं समीकतं
हिरण्णं ववहाराइ तं पि दाहामु ते वयं ॥१८९॥-८
- (१९०) इच्चेव णं सुसेहंति कालुणीयउवट्ठिया
विबद्धो नाइसंगेहि तओऽगारं पहावइ ॥१९०॥-९
- (१९१) जहा रुक्खं वणे जायं मालुया पडिवंधइ
एवं णं पडिवंधंति नायओ असमाहिए ॥१९१॥-१०
- (१९२) विबद्धो णाइसंगेहि हतअथी वा वि णवग्गहे
पिट्ठओ परिसर्पंति सूत्ति गो च्च अदूरगा ॥१९२॥-११
- (१९३) एए संग्गा मणुस्साणं पायाला व अतारिमा
कीवा जत्थ य किस्संति णाइसंगेहि मुच्छिया ॥१९३॥-१२
- (१९४) तं च भिक्खू परिण्णाय सव्वे संग्गा महासवा
जीवियं णावकंखेआ सोच्चा धम्मणुत्तरं ॥१९४॥-१३
- (१९५) अहिमे संति आवइआ कासवेण पवेइया
बुद्धा जतअथायसर्पंति सीयंति अबुहा अहिं ॥१९५॥-१४
- (१९६) रायाणो रायऽमच्चा य माहणा अदुव खत्तिया
णिमंतयंति भोगेहिं भिक्खुयं साहुजीविणं ॥१९६॥-१५
- (१९७) हत्थस्स-रह-जाणेहिं विहारगमणेहि य
भुंज भोगे इमे सग्घे महारिसी पूजयामु तं ॥१९७॥-१६

- (१९८) वत्थगंधमलंकारं इत्थीओ सयणाणि य
भुंजाहिमाई भोगाई आउसो पूजयामु तं ॥१९८॥-१७
- (१९९) जो तुमे गियमो चिण्णो भिक्खुभावम्मि सुव्वया
अगारमावसंतस्स सब्बो संविज्जए तहा ॥१९९॥-१८
- (२००) चिरं दूइज्जामाणस्स दोसो दाणिं कुओ तव
इच्चेव णं णिमंतेति णीवारेण व सुयरं ॥२००॥-१९
- (२०१) चोइया भिक्खुचरियाए अचयंता जवित्ताए
तत्थ मंदा विसीयंति उज्जाणंसि व दुव्वला ॥२०१॥-२०
- (२०२) अचयंता व लूहेण उवहाणेण तज्जिया
तत्थ मंदा विसीयंति पंकांसि व जरग्गवा ॥२०२॥-२१
- (२०३) एवं णिमंतणं लिद्धं मुच्छिया गिद्ध हित्थसु
अञ्जोववण्णा कामेहिं चोइज्जंता गिहं गय - त्ति वेमि ॥२०३॥-२२

● तइए अञ्जयणे बीओ उद्देशो समत्तो ●

—: तइओ उद्देशो :—

- (२०४) जहा संगामकालम्मि पिट्ठओ भीरु वेहइ
वलयं गहणं नूमं को जाणइ पराजयं ॥२०४॥-१
- (२०५) मुहुत्ताणं मुहुत्तस्स मुहुत्तो होइ तारिसो
पराजियाऽवसप्पामो इति भीरु उवेहइ ॥२०५॥-२
- (२०६) एवं तु समणा एगे अबलं नच्चाण अप्पयं
अणागयं भयं दिस्स अवक्कप्पंति मं सुयं ॥२०६॥-३
- (२०७) को जाणइ वियोवातं इत्थीओ उदगाओवा
चोइज्जंता पवक्खामो न णे अत्थि पक्कप्पियं ॥२०७॥-४
- (२०८) इच्चेवं पडिलेहंति यलयाइ पडिलेहिणो
वित्तिगिंछसमावण्णा पंधाणं व अकोविया ॥२०८॥-५
- (२०९) जे उ संगामकालम्मि नाया सूरपुरंगमा
न ते पिट्ठमुवेहंति किं परं मरणं सिया ॥२०९॥-६
- (२१०) एवं समुट्ठिए भिक्खू वोसिज्जा गारबंधणं
आरंभं तिरियं कट्ठु अत्तत्ताए परिव्वए ॥२१०॥-७
- (२११) तमेगे परिभासंति भिक्खुयं साहुजीविणं
जे एवं परिभासंति अंतए ते समाहिए ॥२११॥-८
- (२१२) संबद्धसमकथा हु अण्णमण्णेसु मुच्छिया
पिंडवायं गिलाणस्स जं सारेए दलाह य ॥२१२॥-९
- (२१३) एवं तुब्भे सरागत्या अण्णमण्ण म पुव्वसा
नट्ठ-सप्पह-सत्थावा संसारस्स अपारगा ॥२१३॥-१०
- (२१४) अह ते पडिभासेज्जा भिक्खू मोक्खविसारए
एवं तुब्भे पमासंता दुपक्खं चेव सेवहा ॥२१४॥-११

- (२१५) तुब्धे भुंजह पाएसु गिलाणाभिहंडं ति य
तं च वीओदगं भोच्चा तमुद्देस्सादि जं कडं ॥२१५॥-१२
- (२१६) लिता तिब्वाभितावेण उज्झिया असमाहिया
णाइकंडूइयं सेय अरुयस्सावरज्झई ॥२१६॥-१३
- (२१७) तत्तेण अणुसिट्ठा ते अपडिण्णेण जाणया
न एस नियए मग्गे असमिक्खा वई किई ॥२१७॥-१४
- (२१८) एरिसा जा वई एसा अग्गे वेणु व्व करिसिया
गिहिनं अभिहंडं सेयं भुंजितं न उ भिक्खुण ॥२१८॥-१५
- (२१९) धम्मपन्नवणा जा सा सारम्भाण विसोहिया
न उ एयाहि दिट्ठीहिं पुव्वमासि पगप्पियं ॥२१९॥-१६
- (२२०) सव्वार्हिं अणुजुत्तीहिं अचयंता जवितए
तओ चायं निराकिच्चा ते भुज्जो वि पगब्भिया ॥२२०॥-१७
- (२२१) रागदोसाभिभूयप्पा मिच्छतेण अभिदुया
अक्कोसे सरणं जंति टंकणा इव पव्वयं ॥२२१॥-१८
- (२२२) बहुगुणप्पकम्पाइं कुज्जा अत्तसमाहिए
जेणण्णे न विरुज्झेज्जा तेणं तं तं समायरे ॥२२२॥-१९
- (२२३) इमं च धम्मभायाय कासवेण पवेइयं
कुज्जा भिक्खू गिलाणस्स अगिलाए समाहिए ॥२२३॥-२०
- (२२४) संखाय पेसलं धम्मं दिट्ठिमं परिनिव्वुडे
उवसग्गे नियामित्ता आमोक्खाए परिव्वएज्जासि -त्तिबेमि ॥२२४॥-२१

● तइए अब्बयणे तइओ उद्देसो तपत्तो ●

—: चउत्थो उद्देसो :-

- (२२५) आहंसु महापुरिसा पुव्वि तत्तवोधणा
उदएण सिद्धिमावण्णा तत्थ मंदो विसीयइ ॥२२५॥-१
- (२२६) अणुंजिया नमी वेदेही रामउत्ते य भुंजिया
बाहुए उदगं भोच्चा तह्हा तारागणे रिसी ॥२२६॥-२
- (२२७) आसिले देविले चैव दीवायण महारिसी
पारासरे दगं भोच्चा बीयाणि हरियाणि य ॥२२७॥-३
- (२२८) एए पुव्वं महापुरिसा आहिया इह संभया
भोच्चा बीयोदगं सिद्धा इह भेयमणुस्सुयं ॥२२८॥-४
- (२२९) तत्थ मंदा विसीयंति वाहच्छिण्णा व गहमा
पिट्ठओ परिसप्यंति पीढसप्पीव संभमे ॥२२९॥-५
- (२३०) इहमेगे उ भासंति सातं सातेण विज्जई
जे तत्थ आरियं मग्गं परमं च समाहियं ॥२३०॥-६
- (२३१) मा एयं अवमण्णंता अप्पेणं लुंपहा बहुं
एयस्स अमोक्खाए अयोहारि व्व जूरहा ॥२३१॥-७

- (२३२) पाणाइवाए वट्टंता मुसावाए असंजया
अदिन्नादाणे वट्टंता मेहुणे य परिग्गहे ॥२३२॥-८
- (२३३) एवमेगे उ पासत्था पण्णवेति अणारिया
इत्थवसं गया बाला जिणसासणपरंमुहा ॥२३३॥-९
- (२३४) जहा गंडं पित्तागं वा परिपीलेता मुहुत्तां
एवं विण्णवणित्थीसु दोसो तत्थ कओ सिया ॥२३४॥-१०
- (२३५) जहा मंधादए नाम थिमियं पियति दगं
एवं विण्णवणित्थीसु दोसो तत्थ कओ सिया ॥२३५॥-११
- (२३६) जहा विहंगमा पिंगा थिमियं पियति दगं
एवं विण्णवणित्थीसु दोसो तत्थ कओ सिया ॥२३६॥-१२
- (२३७) एवमेगे उ पासत्था पिच्छादिट्ठी अणारिया
अञ्जववण्णा कामेहिं पूयणा इव तरुणए ॥२३७॥-१३
- (२३८) अणागयमपस्संता पच्चुप्पणगवेसगा
ते पच्छा परितप्पंति झीणे आउम्मि जोब्बणे ॥२३८॥-१४
- (२३९) जेहिं काले परकंत न पच्छा परितप्पए
ते धीरा बंधणुम्मूक्का नावकंठंति जीवियं ॥२३९॥-१५
- (२४०) जहा नई वैयरणी दुत्तरा इह सम्मता
एवं लोगंसि नारीओ दुत्तरा अमईमया ॥२४०॥-१६
- (२४१) जेहिं नारीणा संजोगा पूयणा पिट्ठओ कया
सव्वमेयं निराकिच्चा ते ठिया सुसमाहीए ॥२४१॥-१७
- (२४२) एए ओधं तरिस्संति समुहं व ववहारिणो
जत्थ पाणा विसण्णासी किच्चंती सयकम्मण्णा ॥२४२॥-१८
- (२४३) तं च भिक्खू परिण्णाय सुव्वए समिए चरे
मुसावायं विवज्जेज्जा ऽदिण्णादाणं च दोसिरे ॥२४३॥-१९
- (२४४) उड्ढमहे तिरियं वा जे केई तसयावरा
सव्वत्थ विरतिं कुज्जा संति निव्वानमाहिंयं ॥२४४॥-२०
- (२४५) इमं च धम्ममायाप कासवेण पवेइयं
कुज्जा भिक्खू गिलाणस्स अगिलाए समाहिए ॥२४५॥-२१
- (२४६) संखाय पेसलं धम्मं दिट्ठिमं परिनिव्वुडे
उवसग्गे नियामित्ता आमोक्खाए परिव्वएज्जासि - ति वेमि ॥२४६॥-२२

● तइए अञ्जयणे चउत्थो उद्देशो सम्मतो ● तइयं अञ्जयणं सम्मतं ●

चउत्थं अञ्जयणं—इत्थिपरिण्णा

—: पढ्मो उद्देशो :—

- (२४७) जे मायरं च पियरं च विप्पजहाय पुव्वसंजोगं
एगे सहिए चरिस्सामि आरतमेहुणो विवित्तेसी ॥२४७॥-१

- (२४८) सुहुमेणं तं परक्कम्म छण्णपएण इत्थीओ मंदा
उदायं पि ताओ जाणंति जह लिस्संति भिक्खुणो एगे ॥२४८॥-२
- (२४९) पासे भिसं निसोयंति अभिक्खणं पोसवत्थं परिहंति
कायं अहे वि दंसंति बाहु पुद्धु कक्खमणुज्वजे ॥२४९॥-३
- (२५०) सयणासणेहिं जोगेहिं इत्थीओ एगया निमंतति
एयाणि चेव से जाणे पासाणि विरूवरूवाणि ॥२५०॥-४
- (२५१) नो तासु चक्खु संधेज्जा नो वि य साहसं समणुजाणे
नो सद्वियं पि विहरेज्जा एवमप्पा सुरब्बिओ होइ ॥२५१॥-५
- (२५२) आमंतिय ओसवियं वा भिक्खुं आयसा निमंतति
एयाणि चेव से जाणे सट्ठाणि विरूवरूवाणि ॥२५२॥-६
- (२५३) मणबंधणेहि गेगेहिं कलुणविणीयमुवगसिचाणं
अदु मंजुलाईं पासंति आणवयंति भिण्णकहाहिं ॥२५३॥-७
- (२५४) सीहं जहा व कुणिमेणं निब्बयमेगचरं पासेणं
एविट्ठियाओ बंधंति संवुडमेगतिथमणगारं ॥२५४॥-८
- (२५५) अह तत्थ पुणो नमयंति रहकारो व नेमिं अणुपुज्जीए
बद्धे मिए व पासेणं फंदंते वि न मुच्चईं ताहे ॥२५५॥-९
- (२५६) अह सेऽणुतप्पईं पच्छा भोच्चा पायसं व विसमिस्सं
एवं विवागमायाए संवासो न कप्पईं दविए ॥२५६॥-१०
- (२५७) तम्हा उ वज्जए इत्थी विसलित्तं व कंटगं नच्चा
ओए कुलाणि वसवत्ती आवाए न से वि निगंथे ॥२५७॥-११
- (२५८) जे एयं उंछं तऽणुगिद्धा अण्णयरा हु ते कुसीलाणं
सुतवस्सिए वि से भिक्खू नो विहरे सहणमित्थीसुं ॥२५८॥-१२
- (२५९) अवि घूयराहिं सुणहाहिं धाईहिं अदुवा दासीहिं
महत्तीहिं वा कुमारीहिं संथवं से न कुज्जा अणगारे ॥२५९॥-१३
- (२६०) अदु नाइणं य सुहिणं वा अप्पियं दट्ठु एगया होइ
गिद्धा सत्ता कामेहिं रक्खणपोसणे मणुस्सोऽसि ॥२६०॥-१४
- (२६१) समणं पि दट्ठुदासीणं तत्थ वि ताव एगे कुप्पंति
अदु भोयणेहिं नत्थेहिं इत्थीदोससंकिणो होंति ॥२६१॥-१५
- (२६२) कुच्चंति संथवं ताहिं पब्बट्ठा समाहिजोगेहिं
तम्हा समणा न समेति आयहियाए सण्णिसेज्जाओ ॥२६२॥-१६
- (२६३) दहवे गिहाइं अवहट्ठु मिस्सीभावं पत्थुया एगे
पुवमग्गमेव पवयंति वायावोरियं कुसीलाणं ॥२६३॥-१७
- (२६४) सुद्धं रवइ परिसाए अह रहस्समि दुक्कडं कुणइ
जाणंति य णं तथा वेदो भाइल्ले महासट्ठेऽयं ति ॥२६४॥-१८
- (२६५) सयं दुक्कडं न वयइ आइट्ठो वि पकत्थइ बाले
वेचाणुवीइ ना कासी घोईज्जंतो गिलाइ से मुज्जो ॥२६५॥-१९

- (२६६) उसिया वि इत्थिपोसेसु पुरिसा इत्थिवेयखेत्तणा
पण्णासमण्णिया वेगे नारीणं वसं उवकसंति ॥२६६॥-२०
- (२६७) अवि हत्थपायछेयाए अदुवा वद्धमंसउक्कंते
अवि तेयसाभितावणाइं तच्छिय खारसिंचणाइं च ॥२६७॥-२१
- (२६८) अदु कण्णणासियाछेज्ज कंठच्छेयणं तित्तिक्खंति
इति एत्थ पाव-संतत्ता न य वेति पुणो न काहिति ॥२६८॥-२२
- (२६९) सुयमेयमेवमेगेसिं इत्थीवेदे वि हु सुयक्खवायं
एयं पि ता वइत्ताणं अदुवा कम्मणा अवकरंति ॥२६९॥-२३
- (२७०) अण्णं मणेण वित्तेति अण्णं धायाए कम्मणा अण्णं
तम्हा ण सहहे भिक्खू बहुमायाओ इत्थिओ नच्चा ॥२७०॥-२४
- (२७१) जुवती समणं बूया चित्तवत्थालंकारविभूसिया
विरया चरिस्सहं रुक्खं घम्माइक्ख णे भयंतारो ॥२७१॥-२५
- (२७२) अदु सावियापवाएणं अहगं साहम्मिणी य तुम्मं ति
जउकुम्भे जहा उवज्जोई संवासे विऊ विसीदेज्जा ॥२७२॥-२६
- (२७३) जउकुम्भे जोइसुवगूदे आसुमितते नासमुववाइ
एवित्थियाहिं अणगारा संवागसेण नासमुवयंति ॥२७३॥-२७
- (२७४) कुच्चंति पावगं कम्मं पुट्ठा वेगेवमाहंसु
नो हं करेमि पावं ति अंकेसाइणी ममेस ति ॥२७४॥-२८
- (२७५) बालस्स मंदयं वीयं जं च कडं अवजाणईं मुज्जो
दुगुणं करेइ से पावं पूयणकामो विसण्णेसी ॥२७५॥-२९
- (२७६) संलोकणिज्जमणगारं आयगयं निमंतणेणाहंसु
वत्थं वा ताइ पायं वा अण्णं पाणगं पडिग्गाहे ॥२७६॥-३०
- (२७७) नीवारमेवं बुज्जेज्जा नो इच्छे अगारमागंतुं
वद्धे विसयपासेहिं मोहमावज्जइ पुणो मंदे - ति वेमि ॥२७७॥-३१

● चउत्थे अञ्जयणे पदमो उद्देशो सम्पत्तो ●

—: बीओ उद्देशो :—

- (२७८) ओए सया न रज्जेज्जा भोगकामी पुणो विरज्जेज्जा
भोगे समणाणं सुणेहा जह भुंजंति भिक्खुणो एगे ॥२७८॥-१
- (२७९) अह तं तु भेयमावण्णं मुच्छियं भिक्खु काममइवट्ठं
पलिभिंदियाण तो पच्छ पादुद्धु मुच्छि पहणति ॥२७९॥-२
- (२८०) जइ केसियाए मएभिक्खु नो विहरे सहणमित्थीए
केसे वि अहं लुचिस्सं णण्णत्थ मए चरेज्जासि ॥२८०॥-३
- (२८१) अह णं से होइ उवलद्धे तो पेसंति तहामूएहिं
अलाउच्छेयं पेहेहिं वग्गुफलाइं आहराहि ति ॥२८१॥-४
- (२८२) दारूणि सागपागाए पज्जोओ वा भविस्सई राओ
पाचाणि य मे रयावेहि एहि य ता मे पट्ठि उम्महे ॥२८२॥-५

- (२८३) वत्याणि य मे पडिलेहेहि अण्णं पाणमाहराहि ति
गंधं च रओहरणं च कासवगं च समणुजाणाहि ॥२८३॥-६
- (२८४) अदु अंजणिं अलंकारं कुक्कययं मे पयच्छाहि
लोद्धं च लोद्धकुसुमं च वेणु पलासियं च गुलियं च ॥२८४॥-७
- (२८५) कोट्ठं तगरं अजरुं च संपिट्ठं सह उसीरेणं
तेल्लं मुहे भिलिंगाय वेणुफलाइं सण्णिहाणाए ॥२८५॥-८
- (२८६) नंदीचुण्णागाइं पाहराहि छतोवाहरणं च जाणाहि
सत्थं च सुवच्छेयाए आणीलं च वत्थं रावेहि ॥२८६॥-९
- (२८७) सुफणिं च सागपागाए आमलगाइं दगाहरणं च
तिलगकरणिं अंजणसलागं धिसु मे विहुयणं विजाणाहि ॥२८७॥-१०
- (२८८) संडासगं च फणिहं च सीहलपासगं च आणाहि
आयंसगं च पयच्छाहि दंत पक्खालणं पवेसेहि ॥२८८॥-११
- (२८९) पूयफलं तंबोलं च सुई-सुत्तगं च जाणाहि
कोसं च मोयमेहाए सुप्पुक्खल-मुसल-खारगलणं च ॥२८९॥-१२
- (२९०) वंदालगं च करणं च वच्चपरगं च आउसो खणाहि
सरपायगं च जायाए गोरहगं च सामनेराए ॥२९०॥-१३
- (२९१) पडिगं सह डिंडिमण्णं चेलगोलं कुमारभूयाए
वासं इममभिआवण्णं आवसहं जाणाहि भत्ता ॥२९१॥-१४
- (२९२) आसंदियं च नवसुत्तं पाउल्लाइं संकमट्टाए
अदु पुत्तदोहलट्ठाए आण्णया हवति दासा वा ॥२९०॥-१५
- (२९३) जाए फले समुष्ण्णे गेण्हसु वा णं अहया जहाहि
अह पुत्तपोसिणो एगे भारवहा हवति उट्ठा वा ॥२९३॥-१६
- (२९४) राओ वि उट्ठिया संता दारगं संठवेति धाई वा
सुहिरीमणा वि ते संता वत्थधुवा हवति हंसा वा ॥२९४॥-१७
- (२९५) एवं बहुहिं कयपुव्वं भोगत्थाए जेऽभियावण्णा
दासे मिए व पेस्से वा पसुभूए व से न वा केई ॥२९५॥-१८
- (२९६) एवं खु तासु विण्णप्यं संघवं संदासं च चएज्जा
तज्जातिया इमे कामा वज्जकरा य एय मक्खाया ॥२९६॥-१९
- (२९७) एवं भयं न सेयाए इह से अप्पगं निरुंभित्ता
नो इत्थि नो पसुं भिक्खू नो सयं पाणिणा निलिज्जेज्जा ॥२९७॥-२०
- (२९८) सुविसुद्धलेसे मेहावी परकिरियं च वज्जए नाणी
मणसा वयसा काएणं सव्वफाससहे अणगारे ॥२९८॥-२१
- (२९९) इच्चेवमाहु से वीरे घुरए घुयमोहे से भिक्खू
तम्हा अज्झत्थविसुद्धे आमोक्खाए परिव्वएज्जासि -त्ति बेमि ॥२९९॥-२२

● चउत्वे अज्झयणे वीओ उदेतो समत्तो ● चउत्वं अज्झयणं समत्तं ●

पंचमं अञ्जयणं-नरयविमत्ती

—: पद्यो उद्देशो :—

- (३००) पुच्छिसुहं केवलियं महेसिं कंहंभितावा नरगा पुरत्या
अजाणओ मे मुणि बूहि जाणं कंहं णु बाला नरगं उवेति ॥३००॥-१
- (३०१) एवं मए पुट्ठं महाणुभावे इणमब्बवी कासवे आसुप्पणे
पवेयइस्सं दुहमट्ठदुग्गं आदिणियं दुक्कडेणं पुरत्या ॥३०१॥-२
- (३०२) जे केइ बाला इह जीवियट्ठी पावाइं क्कमाई करेति रुद्दा
ते घोररूवे तिमिसंधयारे तिव्वाणुभावे नरए पडंति ॥३०२॥-३
- (३०३) तिव्वं तसे पाणिणो थावरे य जे हिंसई आयसुहं पडुद्दा
जे लूसए होइ अदत्तहारी न सिक्खई सेयवियस्स किंघि ॥३०३॥-४
- (३०४) पागब्धि पाणे बहुणं तिवाइं अनिव्वुडे घायमुवेइ बाले
निहो निसं गच्छइ अंतकाले अहोसिरं कट्ट उवेइ दुग्गं ॥३०४॥-५
- (३०५) हण छिंदहं भिंदहं णं दहेह सद्दे सुणेत्ता परघम्मियाणं
ते नारगा ऊ भवभिण्णसण्णा कंखति कं नाप दिसं वयामो ॥३०५॥-६
- (३०६) इंगालरासि जलियं सजोइं ओवमं भूमिणुक्कमंता
ते इञ्जमाणा कलुणं यणंति अरहस्सरा तत्थ चिरट्ठईया ॥३०६॥-७
- (३०७) जइ ते सुया वेयरणीऽभिदुग्गा निसिओ जहा छुर इव तिक्खसोया
तरंति ते वेयरणीऽभिदुग्गं उसुचोइया सत्तिसु हम्ममाणा ॥३०७॥-८
- (३०८) कोलेहिं विज्जंति असाहुक्कमा नावं उवेते सइविष्णहूणा
अण्णे तु सुलाहि तिसूलियाहिं दीहाहि विदुग्गा अहे करेति ॥३०८॥-९
- (३०९) केसिं च बंधित्तु गले सिलाओ उदगंसि बोलेति महालयंसि
कलंबुयावालुयमुम्मुरे य लोलेंति पच्चंति य तत्थ अण्णे ॥३०९॥-१०
- (३१०) असूरियं नाम महाभितावं अंधं तमं दुप्पतरं महंतं
उड्ढं अहे यं तिरियं दिसासु समाहिओ जत्थगणी झियाइ ॥३१०॥-११
- (३११) जंसी गुहाए जलणेऽतिवट्ठे अविजाणओ इञ्जइ सुतपण्णो
सयाय कलुणं पुण धम्मठाणं गाढोवणीयं अइदुक्खधम्मं ॥३११॥-१२
- (३१२) चत्तारि अगणीओ समारभेत्ता जहि कूरकम्मा भितवेति बालं
ते तत्थ चिद्धंतऽभितप्पमाणा मच्छा व जीवंतुवजोइपत्ता ॥३१२॥-१३
- (३१३) संतच्छणं नाम महाभितावं ते नारगा जत्थ असाहुक्कमा
हत्थेहि पाएहि य बंधिऊणं फलणं व तच्छंति कुहाडहत्था ॥३१३॥-१४
- (३१४) रुहोरे पुणो वच्च-समुस्सियंगे भिण्णुत्तिपंगे परिवत्तयंता
पयंति णं गेरइए फुरंते सजीवमच्छे व अयो-कवळे ॥३१४॥-१५
- (३१५) णो चेव ते तत्थ मसीभवंति ण भिज्जई तिव्वभिवेयणाए
तमाणुभागं अणुवेययंता दुक्खंति दुक्खणी इह दुक्कडेणं ॥३१५॥-१६
- (३१६) तहिं च ते लोलणसंपगाढे गाढं सुतत्तं अगणि वयंति
न तत्थ सायं लभंतीऽभिदुग्गे अरहियाभितावे तह वी तवेति ॥३१६॥-१७

- (३१७) से सुव्वई नगरवहे व सदे दुहोवणीताण पदाणं तत्थ
उदिण्णकम्माण उदिण्णकम्मा पुणो पुणो ते सरहं दुहेति ॥३१७॥-18
- (३१८) पाणेहि णं पाव विओजयंति तं मे पवक्खामि जहातहेणं
दंडेहि तत्था सरयंति बाला सव्वेहि दंडेहि पुराकएहि ॥३१८॥-19
- (३१९) ते हम्ममाणा नरगे पडंति पुण्णे दुरुवस्स महाभितावे
ते तत्थ चिट्ठंति दुरुवमक्खी तुट्ठंति कम्मोवगया किमीहिं ॥३१९॥-20
- (३२०) सया कसिणं पुण घम्मठाणं गाढोवणीयं अइदुक्खधम्मं
अंदूसु पक्खिण्ण विहत्तु देहं वेहेण सीसं सेऽपितावयंति ॥३२०॥-21
- (३२१) छिंदंति बालस्स खुरेण नक्कंओट्ठे वि छिंदंति दुवे वि कण्णे
जिव्मं विणिक्कस्स विहत्थिमेत्तं तिक्खाहि सूलाहि भितावयंति ॥३२१॥-22
- (३२२) ते तिप्पमाणा तलसंपुडं व्व राइदियं तत्थ घणंति बाला
गलंति ते सोणियपूयमंसं पजोइया खारपदिद्वियंगा ॥३२२॥-23
- (३२३) जइ ते सुया लोहियपूयपाई बालागणी तैयगुणा परेणं
कुंभी पहंताऽपियपोरुसीया समूसिया लोहियपूणपुण्णा ॥३२३॥-24
- (३२४) पक्खिण्ण तासुं पपचंति बाले अट्टस्सरे ते कलुणं रसंते
तण्हाइया ते तउत्तंबतत्तं पञ्जिजमाणट्टयरं रसंति ॥३२४॥-25
- (३२५) अप्पेण अप्पं इह वंचइत्ता भवाइमे पुव्वसए सहस्से
चिट्ठंति तत्था बहुकूरकम्मा जहाकडे कम्म तहा से भारे ॥३२५॥-26
- (३२६) समञ्जिणित्ता कलुसं अणज्जा इट्ठेहि कंतेहि य विप्पहूणा
ते दुब्बिगंधे कसिणे य फासे कम्मोवगा कुणिमे आवसंति ॥३२६॥-27

रि बेमि

● पंचमे अज्जयणे पढमो उहेसो समत्तो ●

—: बीओ उहेसो :—

- (३२७) अहावरं सासयदुक्खधम्मं तं मे पवक्खामि जहातहेणं
बाला जहा दुक्कडकम्मकारी वेयंति कम्माइं पुरेकडाइं ॥३२७॥-1
- (३२८) हत्थेहिं पाएहि य बंधिऊणं उदरं विकत्तंति खुरासिएहिं
गेण्हित्तु बालस्स विहत्तु देहं यद्धं थिरं पिट्ठउ उद्धरंति ॥३२८॥-2
- (३२९) धाहू पक्कंति य मूलओ से थूलं वियासं मुहे आडहंति
रहंसि जुत्तं सरयंति बालं आरुस्स विज्झंति तुदेण पट्ठे ॥३२९॥-3
- (३३०) अयं व तत्तं जलियं सजोइं तओवमं भूमिमणुक्कमंता
ते डज्झामाणा कलुणं थणंति उसुजोइया तत्तजुगेसु जुत्ता ॥३३०॥-4
- (३३१) बाला बला भूमिमणुक्कमंता पविज्जलं लोहपहं व तत्तं
जंसीऽभिदुग्गंसि पवज्जामाणा पेसे व दंडेहि पुरा करेति ॥३३१॥-5
- (३३२) ते संपगाढंमि पवज्जामाणा सिलाहि हम्मंति भिपातिनीहिं
संतावणी नाम चिरदिठईया संतप्पई जत्थ असाहुकम्मा ॥३३२॥-6

- (३३३) कंदूयु पक्खिप्प पयंति बालं तओ विदइदा पुण उप्पतंति
ते उइठकाएहि पक्खज्जमाणा अवरोहि खज्जंति सणफएहिं॥३३३॥-७
- (३३४) समूसियं नाम विधूमठाणं जं सोयतत्ता कलुणं धणंति
अहोसिरं कट्टु विगत्तिऊणं अयं व सत्येहि समूसयेति ॥३३४॥-८
- (३३५) समूसिया तत्थ विसूणिवंगा पक्खीहि खज्जंति अओमुहेहिं
संजीवणी नाम चिरट्ठिईया जंसी पया हम्मइ पावचिया ॥३३५॥-९
- (३३६) तिक्खाहि सुलाहि ऽभितावयंति घसोवगं सावथयं व लद्धं
ते सुलविद्धा कलुणं धणंति एगंतदुक्खं दुहंओ गिलाणा ॥३३६॥-१०
- (३३७) सया जलं ठाण निहं महंतं जंसी जलंतो अगणी अकड्डो
चिट्ठंति तत्या बहुकूरकम्मा अरहस्सरा केइ चिरट्ठिईया ॥३३७॥-११
- (३३८) धिया महंतीउ समारभित्ता छुब्भंति ते तं कलुणं रसंतं
आवट्टइ तत्थ असाहुकम्मा सम्पी जहा मूढं जोइमज्जे ॥३३८॥-१२
- (३३९) सया कसिणं पुण घम्मठाणं गाडीवणीयं अइदुक्खधम्मं
हत्थेहि पाएहि य बंधिऊणं सत्तुं व दंडेहि समारभंति ॥३३९॥-१३
- (३४०) भंजंति बालस्स वहेण पट्ठि सोंसं पि भिंदंति अयोपणेहिं
ते भिन्नदेहा फलगा व तट्ठा तत्ताहि आराहि नियोजयंति ॥३४०॥-१४
- (३४१) अभिजुजिया रुद्ध असाहुकम्मा उसुचोइया हत्थिवहं वहंति
एगं दुस्सहित्तु दुवे तओ वा आरुस्स विज्जंति ककाणओ से ॥३४१॥-१५
- (३४२) बाला बला भूमिमणुक्कमंता पविज्जलं कंडइलं महंतं
विवद्धतप्पेहि विसण्णचित्ते समीरिया कोट्टबलिं करेति ॥३४२॥-१६
- (३४३) वेयालिए नाम महाभितावे एगायए पव्वयमंतलिव्खे
हम्मंति तत्या बहुकूरकम्मा परं सहस्साण मुहुत्तगाणं ॥३४३॥-१७
- (३४४) संवाहिया दुक्कडिणो धणंति अहो य राओ परितप्पमाणा
एगंतकूडे भरए महंते कूडेण तत्या विसमे हया उ ॥३४४॥-१८
- (३४५) भंजंति णं पुव्वपरी सरोसं समुग्गरे ते मुसले गहेउं
ते भिन्नदेहा रुहिरं वमंता ओमुद्धगा धरणितले पडंति ॥३४५॥-१९
- (३४६) अणासिया नाम महासियाला पगब्भिया तत्थ सयावकोया
खज्जंति तत्या बहुकूरकम्मा अदूराया संकलियाहि यद्धा ॥३४६॥-२०
- (३४७) सयाजला नाम नईऽभिदुग्गा पविज्जला लोहविलीणतत्ता
जंसीऽभिदुग्गंसि पवज्जमाणा एगायताऽणुक्क मणं करेति ॥३४७॥-२१
- (३४८) एयाइं फासाइं फुसंति बालं निरंतरं तत्थ चिरट्ठिईयं
न हम्ममाणस्स उ होइ ताणं एगो सयं पच्चणुहोइ दुक्खं ॥३४८॥-२२
- (३४९) जं जारिसं पुव्वमकासि कम्मं तमेव आगच्छइ संपराए
एगंतदुक्खं भवमज्जिणित्ता वेदेति दुक्खी तमणंतदुक्खं ॥३४९॥-२३
- (३५०) एयाणि सोच्चा नरगाणि धीरे न हिसए कंचण सब्वलोए
एगंतदिट्ठी अपरिग्गहे उ बुज्जेअ लोगस्स वसं न गच्छे ॥३५०॥-२४

(३५१) एवं तिरिक्रमणुयामरेसं चउरंतणंतं तयणुविवागं
सव्वमेयं इइ वेयइत्ता कंखेज्ज कालं धुयमायरंतं -त्ति वेमि ॥३५१॥-२५

● पंचमे अज्झयप्पे वीओ उहेसो समत्तो ● पंचमं अज्झयणं समत्तं ●

छट्ठं अज्झयणं—महावीरत्थुई

- (३५२) पुच्छिसु णं समणा माहणा य अगारिणो या परतिखिया य
से के इमं हितगं धम्ममाहु अणेलिसं साहुसमिक्खयाए ॥३५२॥-१
- (३५३) क्हं व नाणं क्ह दंसणं से सीलं क्हं नायसुयस्स असि
जाणासि णं भिक्खु जहातहेणं अहासुयं यूहि जहा निसंतं ॥३५३॥-२
- (३५४) खेयण्णाए से कुसले मेहावी अणंतनाणी य अणतदंसी
जसंसिणो चक्खुपहे ठियस्स जाणाहि धम्मं च धिइं च पेह ॥३५४॥-३
- (३५५) उइठंअहे यं तिरियं दिसासु तसा य जे थावर जे य पाणा
से णिच्चणिच्चेहि समिक्ख पण्णे दीवे व धम्मं समियं उदाहु ॥३५५॥-४
- (३५६) से सव्वदंसी अभिभूयनाणी निरामगंधे धिइंमं ठियप्पा
अनुत्तरे सव्वजगंसि विज्जं गंधा अतीते अमए अणाऊ ॥३५६॥-५
- (३५७) से भूइपण्णे अणिएयचारी ओहंतरे धीरे अणंतवक्खू
अनुत्तरं तवति सूरिए वा वइरोयणिंदे व तमं पगासे ॥३५७॥-६
- (३५८) अनुत्तरं धम्ममिणं जिणाणं पेता मुणी कासवे आसुपण्णे
इंदे व देवाण म्हाणुभावे सहस्सणेता दिवि णं विसिट्ठे ॥३५८॥-७
- (३५९) से पन्था अक्खयसागरे वा महोदही वा वि अणंतपारे
अनाइले या अकसाइ मुक्केसक्के व देवाहिवई जुईमं ॥३५९॥-८
- (३६०) से वीरिएणं पड्डिपुण्णवीरिए सुदंसणे वा नगसव्वसेट्ठे
सुरालए वा वि मुदागरे से बिरायए नेगगुणोववेए ॥३६०॥-९
- (३६१) सयं सहस्साण उ जोयणाणं तिकंडगे पंडगवेजयंतं
से जोयणे नवनउत्ति सहस्से उइत्थिए हेट्ठ सहस्समेगं ॥३६१॥-१०
- (३६२) पुट्ठे नभे चिट्ठइ भूमिवट्ठिए जं सूरिया अणुपरिवइवति
से हेमवण्णे दहुनंदणे य जंसी रइं वेययई महिंदा ॥३६२॥-११
- (३६३) से पव्वए सहमहप्पासासे विरायती कंचणमट्ठवण्णे
अनुत्तरे गिरिसु य पव्वदुग्गे गीरीवरे से जल्लिए व भोमे ॥३६३॥-१२
- (३६४) महीए मज्झमिं ठिए नगिंदे पन्नायते सूरियसुद्धलेसे
एवं सिरीए उ स भूरिवण्णे मनोरमे जोचति अच्चिमाली ॥३६४॥-१३
- (३६५) सुदंसणस्सेस जसो गिरिस्स पवुच्चती महतो पव्वतस्स
एतोवमे समणे नायपुत्ते जाती-जसो-दंसण-नाण-सीले ॥३६५॥-१४
- (३६६) गीरीवरे वा निसदापताणं रुयगे व सेट्ठे बलयायताणं
ततोवमे से जगभूतिपण्णे मुणीण मज्झे तमुदाहु पण्णे ॥३६६॥-१५
- (३६७) अनुत्तरं धम्ममुदीरइत्ता अनुत्तरं ज्ञाणवरं शियाइ
सुसुक्कं सुक्कं अपगंडसुक्कं संखेदुवेगंतवदातसुक्कं ॥३६७॥-१६

- (३६८) अनुत्तराणं परमं महेसी असेसकम् स विसोहइत्ता
सिद्धिं गतिं साइमणंत पत्ते नाणेण सीलेण य दंसणेण ॥३६८॥-17
- (३६९) रुक्खेसु नाते जह सामली वा जंसी रतिं वेययति सुवण्णा
घणेसु या नंदणमाहु सेट्ठं नाणेण सीलेण य भूतिपण्णे ॥३६९॥-18
- (३७०) थणितं व सहाण अणुत्तरं उ चंदे व ताराण महाणुभावे
गंधेसु वा चंदणमाहु सेट्ठं एवं मुणीणं अपडिण्णमाहु ॥३७०॥-19
- (३७१) जहा सयंभू उदहीण सेट्ठे नागेसु या धारणिंदमाहु सेट्ठं
खोओदए वा रस - वेजयंते तहोवहामे मुणि वेजयंति ॥३७१॥-20
- (३७२) हत्थीसु एरावणमाहु नाते सीहो भिगाणं सल्लिण गंगा
पक्खीसु या गरुले वेणुदेवे निव्वाणवादीणिह नायपुत्ते ॥३७२॥-21
- (३७३) जोहेसु नाए जह वीससेणे पुप्फेसु वा जह अरविंदमाहु
खत्तीण सेट्ठे जह दंतचक्केइसीण सेट्ठे तह वइमाणे ॥३७३॥-22
- (३७४) दाणाण सेट्ठं अभयप्पयाणं सच्चेसु या अणवजं वयंति
तवेसु या उत्तम वंभचेरं लोगतुत्ते समणे नायपुत्ते ॥३७४॥-23
- (३७५) टितीण सेट्ठा लवसत्तमा वा समा सुहम्भा व समाण सेट्ठा
निव्वाणसेट्ठा जह सब्बधम्मा न नायपुत्ता परमत्थि णाणी ॥३७५॥-24
- (३७६) पुटोवमे धुणती विगयगेही न सण्णिहि कुव्वइ आसुपण्णे
तरिउं समुहं व मत्ताभवोधं अभयंकरे वीर अनंतचक्खू ॥३७६॥-25
- (३७७) कोहं च माणं च तहेव मायं लोभं चउत्थं अज्जत्तदोसा
एताणि चत्ता अरहा महेसी न कुव्वइ पाव न कारवेइ ॥३७७॥-26
- (३७८) किरियाकिरियं वेणइयाणुवायं अन्नाणियाणं पडियच्च ठाणं
से सब्बवायं इह वेयइत्ता उवट्ठिए सम्म स दीहरायं ॥३७८॥-27
- (३७९) से वारिया इत्थि सराइमत्तं उवहाणवं दुक्खखयट्ठयाए
लोनं विदिता अपर परं च सब्बं पभू वारिय सब्बवारी ॥३७९॥-28
- (३८०) सोद्या य धम्मं अरहंतभासियं समाहियं अट्ठपदोवसुखं
तं सदहंताय जणा अणाऊ इंदा व देवाहिव आगपिस्सं ॥३८०॥-29

- ति वेमि

● छट्ठं अञ्जयणं सप्तं ●

सत्तमं अञ्जयणं कुसीलपरिभासितं

- (३८१) पुढवी य आऊ अगणी य वाऊ तण रुक्ख बीया य तसा य पाणा
जे अंडया जे य जराउ पाणा संसेयया जे रसवाभिहाणा ॥३८१॥-1
- (३८२) एताइं कायाइं पवेइयाइं एतेसु जाणे पडिलेह सायं
एतेहि काएहि य आयदडे पुणो-पुणो विम्परियासुवेति ॥३८२॥-2
- (३८३) जाईवहं अणुपरियट्ठमाणे तसथावरेहिं विणिधायमेति
से जाति-जातिं बहुकूरकम्मे जं कुव्वती मिज्जति तेण बाले ॥३८३॥-3

- (३८४) अस्सि च लोए अदुवा परत्या सयगसो वा तह अण्णहा वा
संसारमावण्ण परं परं ते बंधंति वेयंति य दुण्णिपाणि ॥३८४॥-४
- (३८५) जे मायरं च पियरं च हिच्चा समणव्वए अगणि समारभिज्जा
अहाहु से लोए कुसीलधम्मे भूयाइ जे हिंसति आतसाते ॥३८५॥-५
- (३८६) उज्जालओ पाण ऽतिवातएज्जा निव्वावओ अगणि तिवातएज्जा
तम्हा उ मेहावि समिक्ख धम्मं न पंडिते अगणि समारभिज्जा ॥३८६॥-६
- (३८७) पुढवी वि जीवा आऊ वि जीवा पाणा य संपातिम संपचंति
संसेदया कट्ठसमस्सिता य एते दहे अगणि समारभंते ॥३८७॥-७
- (३८८) हरियाणि भूयाणि विलंबगाणि आहार-देहाइं पुढो सियाइं
जे छिंदइं आतसुहं पडुच्च पागब्धि-पण्णे बहुणं तिवाती ॥३८८॥-८
- (३८९) जाइं च वुड्ढि च विणासयंते बीयाइ अस्संजय आयदंडे
अहाहु से लोए अणज्जघम्मे बीयाइ से हिंसइ आयसाते ॥३८९॥-९
- (३९०) गब्भाइ भिज्जंति बुयाबुयाणा नरा परे पंचसिहा कुमारा
जुवाणगा मज्झिय थेरगा य चयंति ते आउखए पलीणा ॥३९०॥-१०
- (३९१) वुज्झाहि जंतू इह माणवेसु दट्ठुं मयं बालिएणं अलंभे
एगंतदुक्खे जरिए हु लोए सकम्पुणा विम्परियासुवेति ॥३९१॥-११
- (३९२) इहेगे मूढा पवदंति मोक्खं आहार सपंचगवज्जणेणं
एगे य सीतोदगसेवणेणं हुतेण एगे पवदंति मोक्खं ॥३९२॥-१२
- (३९३) पाओसिणाणाइसु नत्थि मोक्खो खारस्स लोणस्स अणासणेण
ते मज्जमंसं लसुणं च ऽभोद्धा अणत्थ वासं परिकम्पयंति ॥३९३॥-१३
- (३९४) उदगेण जे सिद्धिमुदाहरंति सायं च पातं उदगं फुसंता
उदगस्स फासेण सिया य सिद्धी सिज्झिसु पाणा बहवे दगंसि ॥३९४॥-१४
- (३९५) मच्छा य कुम्मा य सिरीसिवा य मंगू य उद्दा दगरक्खसा य
अट्ठाणमेयं कुसला वचंति उदगेण सिद्धि जमुदाहरंति ॥३९५॥-१५
- (३९६) उदगं जती कम्ममलं हरेज्जा एवं सुहं इच्चमित्तमेव
अंधं व नेयारमणुस्सरंता पाणाणि चेवं विणिहंति मंदा ॥३९६॥-१६
- (३९७) पावाइं कम्माइं पकुव्वओ हि सीओदगं तू जइ तं हरेज्जा
सिज्झिसु एगे दगसंतघाती मुसं बयंते जलसिद्धिमाहु ॥३९७॥-१७
- (३९८) हुतेण जे सिद्धिमुदाहरंति सायं व पायं अगणि फुसंता
एवं सिया सिद्धि हवेज्ज तैसि अगणि फुसंताण कुकम्मिणं पि ॥३९८॥-१८
- (३९९) अपरिच्छ दिट्ठि न हु एव सिद्धी एहिंति ते घातमवुज्जमाणा
भूतेहिं जाण पडिलेह सातं विज्जं गहाय तसथावरेहिं ॥३९९॥-१९
- (४००) घणांति लुप्पंति तसंति कम्मी पुढो जगा परिसंखाय भिक्खू
तम्हा विऊ विरए आयगुत्ते दट्ठुं तसे य षडिसाहरेज्जा ॥४००॥-२०
- (४०१) जे धम्मत्तद्धं विणिहाय भुंजे वियडेण साहट्टु य जे सिणाइ
जे धोवती लूसयई व वत्थं अहाहु से नागणियस्स दूरे ॥४०१॥-२१

- (४०२) कम्मं परिण्णाय दग्गसि धीरे वियडेण जीवेज्ज य आदिमोक्खं
से वीयकंदाइ अमुंजमाणे विरए सिणाणाइसु इत्थियासु ॥४०२॥-२२
- (४०३) जे मायरं च पियरं च हिच्चा गारं तथा पुत्तपसुं घणं च
कुलाइं जे धावति साउगाइं अहाहुं से सामणियस्स दूरे ॥४०३॥-२३
- (४०४) कुलाइं जे पावति साउगाइं आघाइ धम्मं उदराणुगिद्धे
से आरियाणं गुणाणं सतसे जे लावएज्जा असणस्स हेउं ॥४०४॥-२४
- (४०५) निक्खम्म दीणे परभोयणमि मुहम्मंगलिओदरियं पगिद्धे
नीवारगिद्धे व महावराहे अदूर एवेहिइ घातमेव ॥४०५॥-२५
- (४०६) अण्णस्स पाणस्सिहलोइयस्स अणुप्पियं भासति सेवमाणे
पासत्थयं चैव कुसीलयं च निस्सारए होइ जहा पुलाए ॥४०६॥-२६
- (४०७) अण्णायपिंडेणइहियासएज्जा नो पूयणं तवसा आवहेज्जा
सदेहिं रुवेहिं असज्जमाणे सव्वेहिं कामेहिं विणीय गेहिं ॥४०७॥-२७
- (४०८) सव्वाइं संगाइं अइच्च धीरे सव्वाइं दुक्खाइं तितिकखमाणे
अखिले अगिद्धे अणिएयचारी अभयंकरे भिक्खु अनाविलप्पा ॥४०८॥-२८
- (४०९) भास्स जाता मुणि भुंजएज्जा कंखेज्ज पावस्स विवेग भिक्खू
दुक्खेण पुट्ठे धुयमाइएज्जा संगामसीसे व परं दमेज्जा ॥४०९॥-२९
- (४१०) अदि हम्ममाणे फलगावतट्ठी समागमं कंखइ अंतगस्स
निद्धय कम्मं न पवंचुवेइ अक्खक्खए वा सगहं ति वेमि ॥४१०॥-३०

● सत्तमं अञ्जयणं सप्तमं ●

अट्ठमं अञ्जयणं—वीरियं

- (४११) दुहा वेयं सुयक्खायं वीरियं ति पवुच्चइ
किण्णु वीरस्स वीरितं केण वीरो ति वुच्चति ॥४११॥-१
- (४१२) कम्ममेव पवेदेति अकम्मं वा वि सुव्वया
एतेहिं दोहिं ठाणेहिं जेहिं दीसंति मच्चिया ॥४१२॥-२
- (४१३) पमायं कम्ममाहंसु अप्पमायं तहावरं
तत्थावादेसओ वा वि बालं पंडियमेव वा ॥४१३॥-३
- (४१४) सत्थमेगे सुसिक्खंति अतिवाताय पाणिणं
एगे मंते अहिज्जंति पाणभूयविहेडिणो ॥४१४॥-४
- (४१५) माइणो कट्टु मायाओ कापभोगे सभारभे
हंता छेत्ता पगित्ता आय-सायाणुगामिणो ॥४१५॥-५
- (४१६) मणत्ता वयसा चैव कायसा चैव अंतसो
आरतो परतो वा वि दुहा वि य असंजता ॥४१६॥-६
- (४१७) वेराइं कुच्चती वेरी ततो वेरेहिं रज्जती
पावोवगा य आरंभा दुक्खफासा य अंतसो ॥४१७॥-७
- (४१८) संपरायं नियच्छंति अत्तदुक्ककारिणो
रागदोसस्सिया बाला पावं कुच्चंति ते बहुं ॥४१८॥-८

- (४१९) एतं सकम्पविरियं बालाणं तु पवेइयं
एत्तो अकम्पविरियं पंडियाणं सुणेह मे ॥४१९॥-९
- (४२०) दविए बंधणुम्पुक्के सव्वतो छिन्नबंधणे
पणोल्ल पावगं कम्मं सल्लं कंतति अंतसो ॥४२०॥-१०
- (४२१) नेयाउयं सुयक्खातं उवादाय समीहते
भुज्जो मुज्जो दुहावासं असुहत्तं तथा तथा ॥४२१॥-११
- (४२२) ठाणी विविहठाणाणि चइस्संति न संसओ
अनितिए अयं वासे नातीहि य सुहीहि य ॥४२२॥-१२
- (४२३) एवमायाय मेहावी अप्पणो गिद्धिमुद्धरे
आरियं उवसंपज्जे सव्वधम्ममकोवियं ॥४२३॥-१३
- (४२४) सहसंभइए नच्चा धम्मसारं सुणेतु वा
समुवट्ठिए अणगारे पच्चक्खाय पावए ॥४२४॥-१४
- (४२५) जं किंचुवक्कं जाणे आउक्खेमस्स अप्पणो
तस्सेव अंतरा छिप्पं सिक्खं सिक्खेज्ज पंडिए ॥४२५॥-१५
- (४२६) जहा कुम्मे सअंगाई सए देहे समाहरे
एवं पावेहि अप्पाणं अज्जप्पेण समाहरे ॥४२६॥-१६
- (४२७) साहरे हत्थपाए य मणं सव्विदियाणि य
पावगं च परीणामं भासादोसं च पावगं ॥४२७॥-१७
- (४२८) अइ माणं च मायं च तं परिणाय पंडिए
सुतं मे इह मेगेसिं एयं वीरस्स वीरियं ॥४२८॥-१८
- 卐 [उइढमहे तिरियं दिसासु जे पाणा तस धावरा
सव्वत्थ विरति कुज्जा संति-निव्वानमाहितं] 卐
- (४२९) पाणे य नाइवाएज्जा अदिन्नं पि य णातिए
सातियं ण मुसं वूया एस धम्पे वुसीमओ ॥४२९॥-१९
- (४३०) अतिक्रमंति वायाए मणसा वि न पत्थए
सव्वओ संवुडे दंते आयाणं सुसमाहरे ॥४३०॥-२०
- (४३१) कडं च कज्जमाणं च आगमेस्सं च पावगं
सव्वं तं नाणुजाणंति आयगुत्ता जिइंदिया ॥४३१॥-२१
- (४३२) जे चाऽबुद्धा महाभागा वीरा ऽसम्पत्तदंसिणो
असुद्धं तेसिं परक्कं सफलं होइ सव्वसो ॥४३२॥-२२
- (४३३) जे उ बुद्धा महाभागा वीरा सम्पत्तदंसिणो
सुद्धं तेसिं परक्कं तं अफलं होइ सव्वसो ॥४३३॥-२३
- (४३४) तेसिं तु तवोसुद्धो निक्खंता जे महाकुला
अवमाणिते परेणं तु न सिलोगं वयंति ते ॥४३४॥-२४
- (४३५) अप्पपिंडासि पाणासि अप्पं भासेज्ज सुव्वए
खंतेऽभिनिव्वुडे दंते वीतगेहि सया जए ॥४३५॥-२५

(४३६) ज्ञानजोगं सपाहद्दु कायं वोसेज्ज सध्वसो
तितिकखं परमं नद्या आमोक्खाए परिव्वएज्जासि - ति बेमि ॥४३६॥-२६

• अष्टमं अज्जयणं समत्तं •

नवमं अज्जयणं-धम्मो

- (४३७) कयरे धम्मे अक्खाए माहणेण मईमता
अंजुं धम्मं जहातच्चं जिणाणं तं सुणेह मे ॥४३७॥-३
- (४३८) माहणा खत्तिया वेस्सा चंडाला अदु बोक्खा
एसिया वेसिया सुहा जे य आरंभनिस्सिया ॥४३८॥-२
- (४३९) परिग्गहे निविट्ठाणं वेरं तेसिं पवइद्धई
आरंभसंभिया कामा न ते दुक्खविभोयगा ॥४३९॥-३
- (४४०) आघातकिच्चमाहेउं नाइओ विसएसिणो
अण्णे हरति तं वित्तं कम्पी कम्मेहि किच्चती ॥४४०॥-४
- (४४१) माता पिता न्हुसा माया भज्जा पुत्ता य ओरसा
नालं ते मम ताणाए लुण्णतस्स सकम्मुणा ॥४४१॥-५
- (४४२) एयमट्ठं सपेहाए परमट्ठाणुगामियं
निम्ममो निरहंकारो घरे भिक्खू जिणाहियं ॥४४२॥-६
- (४४३) चिच्चा वित्तं पुत्ते य नाइओ य परिग्गहं
चिच्चाण अंतगं सोयं निरवेक्खो परिव्वए ॥४४३॥-७
- (४४४) पुढवी आऊ अगणी वाऊ तण रुक्ख सब्बीयगा
अंडया पोय जराऊ रस संसेय उच्चिया ॥४४४॥-८
- (४४५) एतेहिं छहिं काएहिं तं विज्ज परिजाणिया
मणसा कायवक्खं नारंभी न परिग्गही ॥४४५॥-९
- (४४६) मुसावायं बहिद्धं च उग्गहं च अजाइयं
सत्थादाणाइं लोणंसि तं विज्जं परिजाणिया ॥४४६॥-१०
- (४४७) पत्तिउंचणं च भयणं च थंडिल्लुस्सयणाणि य
धुत्तादाणाणि लोणंसि तं विज्जं परिजाणिया ॥४४७॥-११
- (४४८) घावणं रयणं चेव वमणं च विरेयणं
वत्थिकम्मं सिरोवेधे तं विज्जं परिजाणिया ॥४४८॥-१२
- (४४९) गंधमल्लं सिणाणं च दंतपक्खालणं तथा
परिग्गहित्थिकम्मं च तं विज्जं परिजाणिया ॥४४९॥-१३
- (४५०) उट्ठेसियं कीयगडं पामिच्चं चेव आहडं
पूर्तिं अणेसणिज्जं च तं विज्जं परिजाणिया ॥४५०॥-१४
- (४५१) आसूणिमक्खिरागं च गिद्धवघायकम्मगं
उट्ठेणलणं च कक्कं च तं विज्जं परिजाणिया ॥४५१॥-१५
- (४५२) संपसारी कयकिरिए पसिणायतणाणि य
सागारियं पिंडं च तं विज्जं परिजाणिया ॥४५२॥-१६

(४५३)	अट्ठापदं न सिक्खेज्जा वेधादीयं च नो वए हत्यकम्मं विवायं च तं विज्जं परिजाणिया	॥४५३॥-17
(४५४)	उवाणहाओ छत्तं च नालियं बालवीयणं परकिरियं अण्णमण्णं च तं विज्जं परिजाणिया	॥४५४॥-18
(४५५)	उच्चारं पासवणं हरितेसु न करे मुणी वियडेण वावि साहट्टु नायमेज्ज कयाइ वि	॥४५५॥-19
(४५६)	परमत्ते अण्णपाणं न भुंजेज्ज कयाइ वि परवत्थं अचेत्तो वि तं विज्जं परिजाणिया	॥४५६॥-20
(४५७)	आसंदी पलियंके य निसिज्जं च गिहंतरे संपुच्छणं सण्णं वा तं विज्जं परिजाणिया	॥४५७॥-21
(४५८)	जसं कित्ती सिलोणं च जा य वंदणपूयणा सव्वलोगंसि जे कामा तं विज्जं परिजाणिया	॥४५८॥-22
(४५९)	जेणेहं निव्वहे भिक्ख अण्णपाणं तहाविहं अणुप्पदाणमण्णेसिं तं विज्जं परिजाणिया	॥४५९॥-23
(४६०)	एवं उदाहु निग्गंथे महावीरे महामुणी अणंतनाणदंसी से धम्मं देसितवं सुत्तं	॥४६०॥-24
(४६१)	भासपाणो न भासेज्जा नो य वप्फेज्ज मम्मयं माइट्ठाणं विवजेज्जा अणुवीइ वियागरे	॥४६१॥-25
(४६२)	संतिमा तहिया भासा जं वइत्ताणुत्तप्पई जं छणं तं ण वत्तव्वं एसा आणा नियंठिया	॥४६२॥-26
(४६३)	होलावायं सहीवायं गौयवायं च नो वए तुमं तुमं ति अमणुण्णं सव्वसो तं न वत्तए	॥४६३॥-27
(४६४)	अकुसीले सदा भिक्खू नो य संसण्णियं भए सुहुरूवा तत्युवसग्गा पडिबुज्जेज्ज ते विदू	॥४६४॥-28
(४६५)	नन्नत्थ अंतराएणं परगेहे न निसीयए गाम-कुमारियं किद्धं नाइवेलं हसे मुणी	॥४६५॥-29
(४६६)	अणुस्सुओ उरालेसु जयमाणे परिव्वए चरियाए अण्णमत्तो पुट्ठो तत्यऽहियासए	॥४६६॥-30
(४६७)	हम्ममाणो न कुप्पेज्जा बुद्धामाणो न संजले सुमणो अहियासेज्जा न य कोलाहलं करे	॥४६७॥-31
(४६८)	लद्धे कामे न पत्थेज्जा विवेगे एव माहिए आयरियाइं सिक्खेज्जा बुद्धाणं अंतिए सया	॥४६८॥-32
(४६९)	सुस्सुसमाणो उवासेज्जा सुप्पण्णं सुतवस्सियं वीरा जे अत्तपण्णेसी धितिमंता जिइंदिया	॥४६९॥-33
(४७०)	गिहे दीवमपासंता पुरिसादाणिया नरा ते वीरा बंधणुमुक्का नावकंछंति जीवियं	॥४७०॥-34

- (४७१) अगिद्धे सदफासेसु आरंभेसु अनिस्सिए
सव्वं तं समयातीतं जमेतं लवियं बहु ॥४७१॥-३५
- (४७२) अइमाणं च मायं च तं परिण्णाय पंडिए
गारवाणि य सव्वाणि निव्व्वाणं संघए मुणि ॥४७२॥-३६
-त्ति बेमि

• नवमं अज्झयणं सप्तं •

दसमं अज्झयणं—समाही

- (४७३) आधं मइमं अणुवीइ धम्मं अंजुं समाहिं तमिणं सुणेह
अपडिण्णे भिक्खू समाहिपत्ते अणिदाणभूते सुपरिव्वएज्जा ॥४७३॥-१
- (४७४) उइडं अहे यं तिरियं दिसासु तस्सा य जे थावर जे य पाणा
हत्थेहि पादेहि य संजमिता अदिन्मण्णेसु य नो गहेज्जा ॥४७४॥-२
- (४७५) सुयक्खायधम्मे वित्तिगिच्छत्तिण्णे लाढे चरे आयतुले पयासु
आयं न कुज्जा इह जीवियट्ठी चयं न कुज्जा सुतवस्सि भिक्खू ॥४७५॥-३
- (४७६) सव्विदियाभिनिव्वुडे पयासु चरे मुणी सव्वओ विप्पमुक्खे
पासाहि पाणे य पुढो विसण्णे दुक्खेण अट्टे परिपच्चमाणे ॥४७६॥-४
- (४७७) एतेसु बाले य पकुव्वमाणे आवट्ठी कम्मसु पावएसु
अतिवाततो कीरति पावकम्मं निउंजमाणे उ करेइ कम्मं ॥४७७॥-५
- (४७८) आदीनवित्ती वि करेति पावं मंता हु एगंतसमाहिमाहु
बुद्धे समाहीय एए विवेगे पाणाइवाया विरते ठितप्पा ॥४७८॥-६
- (४७९) सव्वं जगं तू समयापुणेही पियमप्पियं कस्सइ नो करेज्जा
उट्ठाय दीणे तु पुणो विसण्णे संपूयणं चैय सिलोयकामी ॥४७९॥-७
- (४८०) आहाकडं चैव निकामपीणे निकामसारी य विसण्णमेसी
इत्थीसु सत्ते य पुढो य बाले परिग्गहं चैव पकुव्वमाणे ॥४८०॥-८
- (४८१) वेराणुगिद्धे निचयं करेति इतो चुते से दुहमट्ठदुगं
तम्हा तु मेघावि समिक्ख धम्मं चरे मुणी सव्वतो विप्पमुक्खे ॥४८१॥-९
- (४८२) आयं ण कुज्जा इह जीवितट्ठी असज्जमाणो य परिव्वएज्जा
णिसम्मभासी य विणीयगिद्धी हिंसण्णितं वा ण कहं करेज्जा ॥४८२॥-१०
- (४८३) आहाकडं वा न निकामएज्जा निकामयंते य न संघवेज्जा
घुणे उरालं अपणवेक्खमाणे चेच्चाण सोयं अणुवेक्खमाणे ॥४८३॥-११
- (४८४) एगत्तमेवं अभिपत्थएज्जा एतं पमोक्खे न मुसं ति पास
एसप्पमोक्खे अमुसेऽवरे वी अकोहणे सच्चरए तवस्सी ॥४८४॥-१२
- (४८५) हत्थीसु या आरयमेहुणे उ परिग्गहं चैव अकुव्वमाणे
उच्चावएसु विसएसु ताई न संसयं भिक्खु समाहिपत्ते ॥४८५॥-१३
- (४८६) अरतिं रतिं च अभिमूय भिक्खु तणाविफासं तह सीतफासं
उण्हं च दंसं चऽहिमासएज्जा सुब्धिं च दुक्खिं च तित्तिक्खएज्जा ॥४८६॥-१४

- (४८७) गुत्ते वईए य सभाहिपत्ते तेसं समाहड्ड परिव्वएज्जा
गिहं ण छाए न वि छादएज्जा सम्मिस्सिभावं पजहे पयासु ॥४८७॥-१५
- (४८८) जे केइ लोगम्मि उ अकिरियाता अण्णेण पुट्ठा धुतमादिसंति
आरंभसत्ता गढिया य लोए धम्मं न जाणंति विमोक्खहेउ ॥४८८॥-१६
- (४८९) तेसिं पुढो छंदा माणवाणं किरियाकिरियाण व पुढोयदादं
जातस्स बालस्स पकुव्व देहं पवइढ्ढती वैरमसंजयस्स ॥४८९॥-१७
- (४९०) आउक्खयं घेद अवुज्झमाणे ममाइ से साहसकारि मंदे
अहो य राओ परितप्पमाणे अट्टे सुमूढे अजरामो व्व ॥४९०॥-१८
- (४९१) जहाय वित्तं पसवो य सव्वे जे बंधवा जे य पिथा य मित्ता
लालप्पई से वि उवेत्ति मोहं अण्णे जणा तं सि हरंति वित्तं ॥४९१॥-१९
- (४९२) सीहं जहा खुद्दमिगा चरंता दूरे चरंती परिसंक्रमाणा
एवं तु मेहावि समिक्ख घम्मं दूरेण पावं परिवज्जएज्जा ॥४९२॥-२०
- (४९३) संवुज्झमाणे उ नरे मतीमं पावाओ अप्पाण निवइएज्जा
हिंसप्पसूताणि दुहाणि मत्ता निव्वाणभूते व परिवएज्जा ॥४९३॥-२१
- (४९४) मुसं न दूया मुणि अत्तगामी निव्वाणमेयं कसिणं समाहिं
सयं न कुज्जा न वि कारवेज्जा करंतमनं पि य नाणुजाणे ॥४९४॥-२२
- (४९५) सुद्धे सिया जाए न दूसएज्जा अमुच्छित्तो अणज्झोववण्णो
धित्तिमं विमुक्केन य पूयणट्ठी न सिलोयकामी य परिव्वएज्जा ॥४९५॥-२३
- (४९६) निक्खम्म मेहाओ निरावकंखी कायं विओसअ निदाण्णिने
नो जीदितं नो मरणाभिकंखी चोअ भिक्खू वलया विमुक्के ॥४९६॥-२४
- ति वेमि

● दसमं अज्जयणं सप्तं ●

एगारसमं अज्जयणं—मग्गे

- (४९७) कयरे मग्गे अक्खाते पाहणेण मतीमता
जं मग्गं उज्जु पविता ओहं तरति दुरुत्तरं ॥४९७॥-१
- (४९८) तं मग्गं अणुत्तरं सुद्धं सव्वदुक्खविमोक्खणं
जाणासि णं जहा भिक्खू तं णे बूहि महामुणी ॥४९८॥-२
- (४९९) जइ णे केइ पुच्छेज्जा देवा अदुव माणुसा
तेसिं तु कयरं मग्गं आइक्खेज्ज कहाणि णे ॥४९९॥-३
- (५००) जइ वो केइ पुच्छेज्जा देवा अदुय माणुसा
तेसिं पडिसाहेज्जा मग्गसारं सुणेह मे ॥५००॥-४
- (५०१) अणुपुव्वेण महाधोरं कासवेण पवेइयं
जमादाय इओ पुव्वं समुहं दवहारिणो ॥५०१॥-५
- (५०२) अतरिंसु तरंतेगे तरिस्संति अणागया
तं सोच्चा पडिवक्खामि जंतवो तं सुणेह मे ॥५०२॥-६

(५०३)	पुढवीजीवा पुढो सत्ता आउजीवा तहागुणी वाउजीवा पुढो सत्ता तण रुक्खा सबीयगा	॥५०३॥-७
(५०४)	अहावरे तसा पाणा एवं छक्काय आहिया इत्ताव एव जीवकाए नावरे विज्जती कए	॥५०४॥-८
(५०५)	सव्वाहिं अणुजुतीहिं मइमं पडिलेहिया सव्वे अकंतदुक्खा य अतो सव्वे अहिंसया	॥५०५॥-९
(५०६)	एर्यं खु नाणिणो सारं जं न हिंसति कंचणं अहिंसा-समयं चेव एतावंतं विजागिया	॥५०६॥-१०
(५०७)	उड्ढं अहे तिरियं च जे केइ तसथावरा सव्वत्य विरंति कुज्जा संति निव्वाणमाहियं	॥५०७॥-११
(५०८)	पभू दोसे निराकिच्चा न विरुज्जेज्ज केणइ मणसा वयसा चेव कायसा चेव अंतसो	॥५०८॥-१२
(५०९)	संदुडे से महापण्णे धीरे दत्तेसणं चरे एसणासमिए निच्चं वज्जयंते अनेसणं	॥५०९॥-१३
(५१०)	मूयाइं समारंभ साधू उडिस्स जं कडं तारिसं तु न गेण्हेज्जा अन्नपाणं सुसंजए	॥५१०॥-१४
(५११)	पूतिकम्मं न सेवेज्जा एस धम्मो वुसीमतो जं किंचि अमिसंकेज्जा सव्वसो तं न कप्पते	॥५११॥-१५
(५१२)	ठाणाइं संति सड्डीण गामेसु नगरेसु वा अत्थि वा नत्थि वा धम्मो अत्थि धम्मो ति नो वते	॥५१२॥-१६
(५१३)	अत्थि वा नत्थि वा पुण्णं अत्थि पुण्णं ति नो वए अधवा नत्थि पुण्णं ति एवमेयं महम्मयं	॥५१३॥-१७
(५१४)	दाणदठयाय जे पाणा हम्मंति तसथावरा तेसिं सारक्खणट्ठाए अत्थि पुण्णं ति नो वए	॥५१४॥-१८
(५१५)	जेसिं तं उवकप्पेतिं अन्नं पाणं तहाविहं तेसिं लामंतरायं ति तन्हा नत्थि ति नो वए	॥५१५॥-१९
(५१६)	जे य दाणं पसंसंति वधमिच्छंति पाणिणं जे य णं पडिसेहंति वित्तिच्छेदं करंति ते	॥५१६॥-२०
(५१७)	दुहओ वि जे न भासंति अत्थि वा नत्थि वा पुणो आयं रयस्स हेच्चा णं निव्वाणं पाउणंति ते	॥५१७॥-२१
(५१८)	निव्वाण-परमा बुद्धा नक्खत्ताण व चंदमा तन्हा सया जए दंते निव्वाणं संघए मुणी	॥५१८॥-२२
(५१९)	वुज्जमाणाण पाणाणं किच्चंताणं सकम्मणा आधाति साधुतं दीवं पतिट्ठिसा पवुच्चइ	॥५१९॥-२३
(५२०)	आयगुत्ते सया दंते छिण्णसोए निरासवे जे धम्मं सुद्धमक्खाति पडिपुण्णमणेत्तिंसं	॥५२०॥-२४

(५२१)	तमेय अविजाणंता अबुद्धा बुद्धवादिणो बुद्धा मो त्ति य मण्णंता अंतए ते समाहिए	॥५२१॥-२६
(५२२)	ते य बीयोदगं चेव तमुहिस्सा य जं कडं भोद्या ज्ञाणं झियायंति अखेतण्णा असमाहिया	॥५२२॥-२६
(५२३)	जहा ढंका य कंका य कुलला मग्गुका सिही मच्छेसणं झियायंति ज्ञाणं ते कलुसाधमं	॥५२३॥-२७
(५२४)	एवं तु समणा एगे भिच्छदिट्ठी अणारिया विसएसणं झियायंति कंका या कलुसाधमा	॥५२४॥-२८
(५२५)	सुद्धं मग्गं विराहित्ता इहमेगे उ दुम्मती उम्मग्गया दुक्खं घातमेसंति तं तथा	॥५२५॥-२९
(५२६)	जहा आसाविणिं नावं जाइअंधो दुरुहिया इच्छई पारमागतुं अंतरा य विसीदति	॥५२६॥-३०
(५२७)	एवं तु समणा एगे भिच्छदिट्ठी अणारिया सोतं कसिणमावण्णा आगंतारो महक्खमं	॥५२७॥-३१
(५२८)	इमं च धम्ममादाय कासवेण पवेदितं तरे सोयं महाघोरं अत्तत्ताए परिब्बए	॥५२८॥-३२
(५२९)	विरते गायधम्महिं जे केई जगई जगा तेसिं अत्तुवमायाए थामं कुक्खं परिब्बए	॥५२९॥-३३
(५३०)	अतिमाणं च मायं च तं परिण्णाय पंडिए सब्बमेयं निराकिद्धा निव्वाणं संघए मुणी	॥५३०॥-३४
(५३१)	संघए साहुधम्मं च पावधम्मं निराकरे उवधानवीरिए भिक्खू कोहं माणं नं पत्थए	॥५३१॥-३५
(५३२)	जे य बुद्धा अतिकंता जे य बुद्धा अणागया सती तेसिं पइट्ठाणं भूयाणं जगई जहा	॥५३२॥-३६
(५३३)	अह णं वतमावण्णं फासा उद्धावया फूसे न तेहिं विणिहण्णेज्जा वातेण व महागिरी	॥५३३॥-३७
(५३४)	संवुडे से महापण्णे धीरे दत्तेसणं चरे निव्वुडे कालमाकंखे एवं केवलिणो मतं - त्ति वेमि	॥५३४॥-३८

• एगारसमं अज्जयणं सभत्तं •

बारसमं अज्जयणं—समोसरणं

(५३५)	चत्तारि समोसरणापिमाणि पावादुया जाइं पुढो वयंति किरियं अकिरियं विणयंति तइयं अन्नाणमाहंसु चउत्थमेव	॥५३५॥-१
(५३६)	अन्नाणिया ता कुसला वि संता असंयुया नो वितिगिच्छ तिण्णा अकोविया आहु अकोविएहिं अणाणुवीरिंति मुसं वदंति	॥५३६॥-२
(५३७)	सच्चं असच्चं इति चितयंता असाहु साहु त्ति उदाहरंता जेमे जणा वेणइया अणेगे पुट्ठा वि भावं विणइंसु नाम	॥५३७॥-३

- (५३८) अणोवसंखा इति ते उदाहु अट्ठे स ओभासइ अम्ह एवं
लवावसक्की य अणागएहिं नो किरियमाहंसु अकिरियआया ॥५३८॥-४
- (५३९) संभिस्सभावं सगिरा गिहीते से मुम्मूर्इ होइ अणाणुवाई
इमं दुपक्खं इममेगपक्खं आहंसु छलायतणं च कम्मं ॥५३९॥-५
- (५४०) ते एवमक्खंति अबुज्झमाणा विरूवरूवाणिह अकिरियाता
जमाइइत्ता बहवे मणूसा ममंति संसारमणोवदरगं ॥५४०॥-६
- (५४१) नाइच्चो उदेइ न अत्यमेइ न चंदिमा वइद्धति हायती वा
सलिला न संदीति न वंति वाया वंझे निति ए कसिणे हु लोए ॥५४१॥-७
- (५४२) जहा हि अंधे सह जोइणा वि रूवाणि नो पस्सइ हीननेते
संतं पि ते एवमकिरियआता किरियं न पस्संति निरूद्धपण्णा ॥५४२॥-८
- (५४३) संवच्छरं सुविणं लक्खणं च निमित्तदेहं च उप्पाइयं च
अट्ठंगमेयं बहवे अहिता लोगंसि जाणंति अणागताइं ॥५४३॥-९
- (५४४) केइं निमित्ता तहिया भवंति केसिंघि ते विप्पडिएंति नाणं
ते विज्जाभावं अणहिज्जमाणा आहंसु विज्जापलिमोक्खमेव ॥५४४॥-१०
- (५४५) ते एवमक्खंति समेच्च लोगं तथा-तहा समणा माहण य
सयंकडं नऽन्नकडं च दुक्खं आहंसु विज्जाचरणं पमोक्खं ॥५४५॥-११
- (५४६) ते चक्खु लोगस्सिह नायगा उ मग्गाणुसासंति हियं पयाणं
तहा तथा सासयमाहु लोए जंसी पया माणव संपगाढा ॥५४६॥-१२
- (५४७) जे रक्खसा जे जमलोइया वा जे आसुरा गंधच्चा य काया
आगासगामी य पुठोसिया ते पुणो पुणो विप्परियासुवेति ॥५४७॥-१३
- (५४८) जमाहु ओहं सलिलं अपारगं जाणाहि णं भवगहणं दुमोक्खं
जंसी विसण्णा विसयंगणाहिं दुहतो वि लोयं अणुसंचरंति ॥५४८॥-१४
- (५४९) न कम्मणा कम्म खवेति बाला अकम्मणा कम्म खवेति धीरा
मेघाविणो लोभमया वतीता संतोसिणो नो पकरंति पावं ॥५४९॥-१५
- (५५०) ते तीतउप्पन्नमणागयाइं लोगस्स जाणंति तहागताइं
नेतारो अन्नेसि अनन्नया बुद्धा हु ते अंतकडा भवंति ॥५५०॥-१६
- (५५१) ते नेव कुर्वंति न कारवेति भूताभिसंकाए दुग्गंठमाणा
सदा जता विप्पणमंति धीरा विदित्तु-वीरा य भवंति एगे ॥५५१॥-१७
- (५५२) इहरे य पाणे बुद्धे य पाणे ते आततो पासइ सब्वलोगे
उवेहती लोगमिणं महंतं बुद्धप्पमत्तेसु परिव्वएज्जा ॥५५२॥-१८
- (५५३) जे आततो परतो या दि नच्चा अलमप्पणो होति अलं परेसिं
तं जोइभूयं च सतताऽवसेज्जा जे पाउकुज्जा अणुवीइ धम्मं ॥५५३॥-१९
- (५५४) अत्ताण जो जाणइ जो य लोगं जो आगतिं जाणइ ऽणागतिं च
जो सासयं जाणं असासयं च जातिं मरणं च चयणोववातं ॥५५४॥-२०

- (५५५) अहो वि सत्ताण विउट्टणं च नो आसवं जाणति संवरं च
दुक्खं च जो जाणइ निज्जरं च सो भासिउमरिहति किरियवादं ॥५५५॥-२१
- (५५६) सट्ठेसु रुवेसु असज्जमाणे रसेसु गंधेसु अदुस्समाणे
नो जीवियं नो मरणाभिकंखे आयाणगुते वलया विमुक्के-त्ति बेमि ॥५५६॥-२२

● नारसमं अज्जयणं सप्तत्तं ●

तेरसमं अज्जयणं—आहत्तहीयं

- (५५७) आहत्तहीयं तु पवेयइस्स नाणप्पगारं पुरिसस्स जातं
सतो य धम्मं असतो य सीलं संति असंति करिस्सामि पाउं ॥५५७॥-१
- (५५८) अहो य रातो य समुद्धित्तेहिं तहागतोहिं पडिलब्भ धम्मं
समाहिमाधातमजोसयंता सत्थारमेव फरुसं वयंति ॥५५८॥-२
- (५५९) विसोहियं ते अणुकाहयंते जे या ऽऽत्तपावेण वियागरेज्जा
अट्ठाणिए होइ बहुगुणार्णं जे नाणसंकाए मुसं वदेज्जा ॥५५९॥-३
- (५६०) जे यावि पुट्ठ पलिउंचयंति आदाणपट्ठं छलु वंचयंति
असाहुणो ते इह साहुमाणी मायण्णिएहिंति अणंतघातं ॥५६०॥-४
- (५६१) जे कोहणे होइ जगतट्ठभासी विओसितं जे य उदीरएज्जा
अद्धे व से दंडपहं गहाय अविओसिते घासति पावकम्पी ॥५६१॥-५
- (५६२) जे विग्गहिए अन्नायभासी न से समे होइ अज्जंजपत्ते
ओवायकारी य हिरीमणे य एणंतदिट्ठी य अमाइरूवे ॥५६२॥-६
- (५६३) से पेसले सुहुमे पुरिसजाते जच्चण्णिते चेव सुउज्जुयारे
बहुं पि अणुसासिए जे तहच्ची समे हु से होइ अज्जंजपत्ते ॥५६३॥-७
- (५६४) जे यावि अप्पं वसुमं ति मंता संखाय वायं अपरिच्छ कुज्जा
तवेण वाहं अहिए ति मंता अन्नं जणं पस्सति बिंबभूतं ॥५६४॥-८
- (५६५) एणंतकूडेण तु से पलेइ न विज्जई मोणपदंसि गोते
जे माणपट्ठेण विउच्छसेज्जा वसुमण्णतरेण अबुज्जमाणे ॥५६५॥-९
- (५६६) जे माहणे छत्तिए जाइए वा तहुग्गपुत्ते तह लेच्छवी वा
जे पब्बइए परदत्तपोई गोतेण जे यब्भति माणवद्धे ॥५६६॥-१०
- (५६७) न तस्स जाती य कुलं व ताणं नन्नत्थ विज्जाचरणं सुचिण्णं
निक्खम्भ से सेवइऽगारिकम्मं न से पारए होति विमोयणाए ॥५६७॥-११
- (५६८) निक्किंचणे भिक्खु सुलूहजीवी जे गारवं होइ सिलोगामी
आजीवमेयं तु अबुज्जमाणो पुज्जो-पुज्जो विप्परियासुवेति ॥५६८॥-१२
- (५६९) जे भासवं भिक्खु सुसाहुवादी पडिहाणवं होइ विसारए य
आगाढपण्णे सुय-भाविप्या अन्नं जणं पण्णसा पुरिहवेज्जा ॥५६९॥-१३
- (५७०) एवं न से होति समाहिपत्ते जे पण्णसा भिक्खु विउच्छसेज्जा
अहवा वि जे लामपदावलित्ते अन्नं जणं खिसति बालपण्णे ॥५७०॥-१४

- (५७१) पण्णापदं चेव तवोमदं च निण्णामए गोयमदं च भिक्खु
आजीवगं चेव चउत्थमाहु से पंडिए उत्तमपोग्गले से ॥५७१॥-१५
- (५७२) एयाइं मदाइं विगिंच धीरा नेताणि सेवति सुधीरधम्मा
ते सव्वगोतायगता महेसी उच्चं अगोतं च गतिं वयति ॥५७२॥-१६
- (५७३) भिक्खु मुतच्चे तह दिट्ठधम्मे गामं व नगरं व अणुप्पविस्सा
से एसणं जाणमनेसणं च जो अन्नपाणे य अण्णाणुगिच्छे ॥५७३॥-१७
- (५७४) अरतिं रतिं व अभिमूय भिक्खु बहुजणे वा तह एणघारी
एगंतमोणेण वियागरेज्जा एगस्स जंतो गतिरागती य ॥५७४॥-१८
- (५७५) सयं समेच्चा अदुवा वि सोच्चा भासेज्ज धम्मं हितयं पयाणं
जे गरहिता सणिदाणप्पओग्ग नताणि सेवति सुधीरधम्मा ॥५७५॥-१९
- (५७६) केसिंचि तक्काए अबुज्ज भावं खुदं पि गच्छेज्ज असह्हाणे
आउस्स कालातियारं वधातं लद्धाणुमाणे य परेसु अट्ठे ॥५७६॥-२०
- (५७७) कम्मं च छंदं च विगिंच धीरे विणएज्ज तु सव्वतो आतभावं
रूवेहिं लुप्पंति मयावहेहिं विज्जं गहाय तसयावरेहिं ॥५७७॥-२१
- (५७८) न पूयणं चेव सिलोय कामे पियमप्पियं कस्सइ नो करेज्जा
सव्वे अणट्ठे परिवज्जयंते अणाइले या अकसाइ भिक्खु ॥५७८॥-२२
- (५७९) आहत्तहीयं समुपेहमाणे सव्वेहिं पाणेहिं निहाय दंडं
नो जीवियं नो मरणाहिकंखे चरेज्जमेघावि वलया विमुक्के
-त्ति वेमि

● तेरसमं अञ्जयणं सम्पत्तं ●

चउइसमं अञ्जयणं-मंघो

- (५८०) गंधं विहाय इह सिक्खमाणो उट्ठाय सुबंभचेरं वसेज्जा
ओवायकारी विणयं सुसिक्खे जे छेए से विप्पमादं न कुज्जा ॥५८०॥-१
- (५८१) जहा दिया-पोतमपत्तजातं सायासगा पवितुं मण्णमाणं
तमचाइयं तरुणमपत्तजायं ढंकादि अव्वत्तगमं हरेज्जा ॥५८१॥-२
- (५८२) एवं तु सिक्खे वि अपुट्ठधम्मे निस्सारं वुत्तिमं मण्णमाणो
दियस्स छावं व अपत्तजातं हरिसु णं पावधम्मा अणेगे ॥५८२॥-३
- (५८३) ओसाणमिच्छे मणुए समाहिं अणोसिते णंतकरे ति णच्चा
ओभासमाणे दवियस्स वित्तं न निच्छे बहिंया आसुपण्णो ॥५८३॥-४
- (५८४) जे ठाणओ या सयणासणे या परच्छे यावि सुसाहुजुत्ते
समितीसु गुत्तीसु य आयपण्णे वियागरेते य पुढो वएज्जा ॥५८४॥-५
- (५८५) सहाणि सोच्चा अदु पेरेवाणि अनासवे तेसु परिव्वएज्जा
निदं च भिक्खु न पमाय कुज्जा कहं कहं वी वित्तिगिच्छ तिण्णे ॥५८५॥-६
- (५८६) डहरेण बुड्ढेण ऽणुससिते तु रात्तिणिण्णाऽवि समव्वएणं
सम्मं तयं थिरतो नाभिगच्छ णिज्जंतए वावि अपारए से ॥५८६॥-७

- (५८७) विजट्टितेणं समयाणुसिट्ठे डहरेण बुद्धेण ऽनुसासिते तु
अब्भुट्टिताए घडदासिए वा अगारिणं वा समयाणुसिट्ठे ॥५८७॥-८
- (५८८) न तेसु कुञ्जे न य पव्वहेज्जा न याथि किंची फरुसं वदेज्जा
तहा करिस्सं ति पडिस्सुणेज्जा सेयं खु मेयं न पमाद कुञ्जा ॥५८८॥-९
- (५८९) वणंसि मूढस्स जहा अमूढा मग्गाणुसासंति हितं पयाणं
तेणा वि मज्झं इणमेव सेयं जं मे बुधा सम्पऽणुसासयंति ॥५८९॥-१०
- (५९०) अह तेण मूढेण अंमूढगस्स कायव्व पूया सविसेसजुता
एतोवमं तत्थ अदाहु वीरे अणुगम्म अत्थं उवणेइ सम्मं ॥५९०॥-११
- (५९१) नेता जहा अंधकारंसि राओ मग्गं न जाणाति अपस्समाणे
से सुरियस्सा अब्भुग्गमेणं मग्गं वियाणाति पगासितंसि ॥५९१॥-१२
- (५९२) एवं तु सेहे वि अपुट्ठधम्मे धम्मं न जाणाति अवुज्झमाणे
से कोविए जिणवयणेण पच्छा सूरुदए पासइ चक्खुणेव ॥५९२॥-१३
- (५९३) उड्ढं अहे यं तिरियं दिस्सासु तसा य जे थावर जे य पाणा
सया जए तेसु परिव्वएज्जा मणम्मओसं अविकंपमाणे ॥५९३॥-१४
- (५९४) कालेण पुच्छे समियं पयासु आइक्खाम्माणो दवियस्स वित्तं
तं सोयकारी य पुढो पवेसे संखाइमं केवलियं समाहिं ॥५९४॥-१५
- (५९५) अस्सि सुट्ठिच्चा तिविहेण तायी एएसु या संति निरोधमाहु
ते एवमक्खंति तिलोगदंसी न भुज्जमेतं ति पमायसंगं ॥५९५॥-१६
- (५९६) निसम्म से भिक्खु समीहमड्डं पडिभावणं होति विसारदे य
आदाणमट्ठी वोदाण-मोणं उवेच्च सुखेण उवेइ मोक्खं ॥५९६॥-१७
- (५९७) संखाए धम्मं च वियागरंति बुद्धा हु ते अंतकरा भवंति
ते पारगा दोण्ह विमोचणाए संसोधिंयं पण्हमुदाहरंति ॥५९७॥-१८
- (५९८) नो छादण नो वि य तूसएज्जा माणं न सेवेज्ज पगासणं च
न यावि पण्णे परिहास कुञ्जा न याऽऽसिसावाद वियागरेज्जा ॥५९८॥-१९
- (५९९) भूयाभिसंकाए दुग्गंछमाणे न निव्वहे मंतपएण गोयं
न किंचिमिच्छे मणुए पयासुं असाहुधम्माणि न संबएज्जा ॥५९९॥-२०
- (६००) हासं पि नो संघए पावधम्मे ओए तहिय फरुसं वियाणे
नो तुच्छए नो य विकत्थाएज्जा अनाइले या अकसाइ भिक्खू ॥६००॥-२१
- (६०१) संकेज्ज या ऽसंकितभाव भिक्खू विमज्जवायं च वियागरेज्जा
भासादुगं धम्मसमुट्ठितेहिं वियागरेज्जा समयाऽसुपण्णे ॥६०१॥-२२
- (६०२) अणुगच्छमाणे वितहं ऽमिज्जाणे तहा तहा साहु अकक्कसेणं
न कत्थइ भास विहिंसएज्जा निरुद्धं वादि न दीहएज्जा ॥६०२॥-२३
- (६०३) समालवेज्जा पडिपुण्णभासी निसामिया सपियाअट्ठदंसी
आणाए सिद्धं वयणं भिजुंजे अभिसंघए पावचिवेग भिक्खा ॥६०३॥-२४

- (६०४) अहावुइयाई सुसिक्खएज्जा जएज्ज या नाइवेलं यएज्जा
से दिट्ठमं दिट्ठि न लूसएज्जा से जाणइ भासिउं तं समाहिं ॥६०४॥-२५
- (६०५) अलूसए नो पच्छणभासी नो सुत्तमत्थं च करेज्ज अनं
सत्थारभती अणुवीचि वायं सुयं च सम्भं पडिवादएज्जा ॥६०५॥-२६
- (६०६) से सुद्धसुते उवहाणवं च धम्मं च जे विंदति तत्थ तत्थ
आएज्जवक्केकुसले वियत्ते से अरिहइ भासिउं तं समाहिं ॥६०६॥-२७
-त्ति वेमि

● चउदसमं अञ्जयणं समतं ●

पन्नरसमं अञ्जयणं—जमईए

- (६०७) जमतीतं पडुप्पणं आगमिस्सं च नातओ
सव्वं मण्णति तं ताई दंसणावरणंतए ॥६०७॥-१
- (६०८) अंतए वितिगिच्छए से जाणइ अणेलिसं
अणेलिसस्स अक्खाया न से होइ तहिं तहिं ॥६०८॥-२
- (६०९) तहिं तहिं सुयक्खावं से य सच्चे सुआहिए
सदा सच्चेण संपन्ने मेत्तिं भूतेसु कप्पए ॥६०९॥-३
- (६१०) भूतेसु न विरुज्जेज्जा एस धम्मो वुसीमओ
वुसीमं जाणं परिण्णाय अस्सिं जीवियभावणा ॥६१०॥-४
- (६११) भावणाजोगसुद्धप्या जले नावा व आहिया
नावा व तीरसंपन्ना सव्वदुक्खा तिउट्ठति ॥६११॥-५
- (६१२) तिउट्ठती उ मेहावी जाणं लोगंसि पावणं
तुट्ठति पावकम्माणि नवं कम्ममकुब्बओ ॥६१२॥-६
- (६१३) अकुब्बओ नवं नत्थि कम्मं नाम दिजाणतो
नच्चाण से महावीरे जे न जाई न मिज्जती ॥६१३॥-७
- (६१४) न मिज्जती महावीरे जस्स नत्थि पुरेकडं
वाऊ व जालमच्चेइ पिया लोगंसि इत्थिओ ॥६१४॥-८
- (६१५) इत्थिओ जे न सेवंति आदिमोक्खा हु ते जणा
ते जणा वंधणुमुक्का नावकंखंति जीवितं ॥६१५॥-९
- (६१६) जीवितं पिट्ठओ किच्चा अंतं पावंति कम्मणं
कम्मणा संमुहीभूता जे मग्गमणुसासति ॥६१६॥-१०
- (६१७) अणुसासणं पुढो पाणी वसुमं पूयणा सते
अणासते जत्ते दंते दढे आरत मेहुणे ॥६१७॥-११
- (६१८) नीवारे व न लीएज्जा छिण्णसोते अणाउले
अनाइले सदा दंते संधिं पत्ते अणेलिसं ॥६१८॥-१२
- (६१९) अणेलिसस्स खेयण्णे न विरुज्जेज्ज केणइ
मणसा वयसा चेव कायसा चेव चक्खुमं ॥६१९॥-१३

- (६२०) से हु चक्खू मणुस्साणं जे कंखाए य अंतए
अंतेण खुरो बहती चक्कं अंतेण लोइति ॥६२०॥-१४
- (६२१) अंताणि धीरा सेवंति तेण अंतकरा इहं
इह माणुस्सए ठाणे धम्ममाराहिं नरा ॥६२१॥-१५
- (६२२) निट्ठितट्ठा व देवा व उत्तरीए ति मे सुतं
सुतं च मेतमेगेसिं अमणुस्सेसु नो तथा ॥६२२॥-१६
- (६२३) अंतं करोति दुक्खाणं इहमेगेसिं आहितं
आघातं पुण एगेसिं दुल्लभेऽयं समुस्सए ॥६२३॥-१७
- (६२४) इतो विद्धंसमाणास्स पुणो संबोहि दुल्लभा
दुल्लभाओ तहच्चाओ जे धम्मट्ठं वियागरे ॥६२४॥-१८
- (६२५) जे धम्मं सुद्धमकखंति पडिपुणमणेलिसं
अणेलिसस्स जं ठाणं तस्स जम्मकहा कुतो ॥६२५॥-१९
- (६२६) कुतो कयाइ मेहावी उप्पज्जंति तथागता
तथागता अपुडिण्णा चक्खू लोगस्सनुत्तरा ॥६२६॥-२०
- (६२७) अनुत्तरे य ठाणे से कासवेण पवेदिते
जं किच्चा निच्चुडा एगे निट्ठं पावेति पंडिया ॥६२७॥-२१
- (६२८) पंडिए वीरियं लद्धं निग्घायाय पवत्तंगं
धुणे पुव्वकडं कम्मं नवं चावि न कुव्वइ ॥६२८॥-२२
- (६२९) न कुव्वइ महावीरे अणुपुव्वकडं रयं
रयसा संपुहीभूते कम्म हेच्चाण जं मतं ॥६२९॥-२३
- (६३०) जं मतं सव्वसाहूणं तं मतं सल्लगतणं
साहइत्ताय तं तिण्णा देवा वा अभविसु ते ॥६३०॥-२४
- (६३१) अभविसु पुरा वीरा आगमिस्सा वि सुव्वया
दुण्णिबोहस्स मगस्स अंतं पाउकरा तिण्ण - ति वेमि ॥६३१॥-२५

● पन्नारसमं अज्झयणं सप्तं ●

सोलसमं अज्झयणं—गाहा

(६३२) अहाह भगवं-एवं से दंते दविए वोसट्ठकाए ति बच्चे-माहणे ति वा, समणे ति वा, भिक्खू ति वा, निर्गंये ति वा पडिआए-भंते क्हं दंते दविए वोसट्ठकाए ति बच्चे-माहणे ति वा समणे ति वा भिक्खू ति वा निर्गंये ति वा तं नो बूहि महामुणी इतिविरत-सव्वपावक्कमे पेज्ज - दोस - कलह-अक्कख्खाण - पेसुण्ण-परपरिवाद-अरतिरति-मायामोस-मिच्छादंसणसल्ले विरते समिए सहिए सया जए, नो कुञ्जे नो मायी माहणे ति बच्चे एत्थ वि समणे अणिसिए अणिदाणे आदाणं च अतिदायं च मुसावायं च वहिद्धं च कोहं च माणं च मायं च लोहं च पेज्जं च दोसं च-इच्चेव जतो जतो आदाणाओ अप्पणो पद्दोसहेऊ ततो-ततो आदाणाओ पुव्वं पडिविरते सिआ दंते दविए वोसट्ठकाए समणे ति बच्चे एत्थ वि भिक्खू

अणुण्णते नावणते दंते दविए वोसट्ठकाए संविद्युणीय विरूवरूवे परिसहोवसणे अज्ज-
 ष्पजोगसुद्धादाने उवट्ठिए ठिअप्पा संखाए परदत्तभोई भिक्खू त्ति वच्चे एत्थ वि निग्गंधे एणे
 एणविदू बुद्धे संछिन्नसोए सुसंजाए सुसमिए सुसामाइए आतप्पवावपत्ते विऊ दुहओ वि
 सोयपलिच्छिन्ने नो पूयासक रत्ताभट्ठी धम्मट्ठी धम्मविऊ गियागपडिवण्णे समियं चोरे दंते
 दविए वोसट्ठकाए निग्गंधे त्ति वच्चे से एयमेय जाणह जमहं भयंतारो ।१।- त्ति वेमि -१

● सोलसणं अज्जयणं समतं ● पढमो सुयक्खंधो समतो ●

बीओ सुयक्खंधो पढमं अज्जयणं—पोंडरीए

(६३३) सुयं मे आउसं तेणं भगवया एवमक्खायं-इह खलु पोंडरीए नामज्जयणे तस्स
 णं अचमट्ठे पण्णते-से जहाणामए पोक्खरणी सिया बहुदउदगा बहुसेया बहुपुक्खला
 लद्धा पोंडरीकिणी पासदिया दरिसणीया अभिरूवा पडिरूवा तीसे णं पोक्खरणीए तत्थ-
 तत्थ देसे-देसे तहिं-तहिं बहवे पउमवरपोंडरीया बुइया-अणुपुव्वट्ठिया ऊसिया रूइला
 वण्णमंता गंधमंता रसमंता फासमंता पासदिया दरियसणीया अभिरूवा पडिरूवा तीसे णं
 पोक्खरणीए बहुमज्जदेसभाए एणे महं पउमवरपोंडरीए बुइए अणुपुव्वट्ठिए ऊसिए रूइले
 वण्णमंते गंधमंते रसमंते फासमंते पासदिए [दरिसणीए अभिरूवे] पडिरूवे सव्वावंति च णं
 तीसे पोक्खरणीए तत्थ-तत्थ देसे-देसे तहिं-तहिं बहवे पउमवर-पोंडरीया बुइया-अणु-
 पुव्वट्ठिया ऊसिया रूइला [वण्णमंता गंधमंता रसमंता फासमंता पासदिया दरिसणीया
 अभिरूवा] पडिरूवा सव्वावंति च णं तीसे पोक्खरणीए बहुमज्जदेसभाए एणे महं पउमवर-
 पोंडरीए बुइए-अणुपुव्वट्ठिए [ऊसिए रूइले वण्णमंते गंधमंते रसमंते फासमंते पासदिए
 दरिसणीए अभिरूवे] पडिरूवे ।३। -१

(६३४) अह पुरिसे पुरत्थिमाओ दिसाओ आगम्म तं पुक्खरणिं तीसे पुक्खरणीए तीरे
 ठिच्चा पासति तं महं एणं पउमवरपोंडरीयं अणुपुव्वट्ठियं ऊसियं [रूइलं वण्णमंतं गंधमंतं
 रसमंतं फासमंतं पासदियं दरिसणीयं अभिरूवं] पडिरूवं तए णं से पुरिसे एवं वयासी-
 अहमंसि पुरिसे देसकालण्णे छेत्तण्णे कुसले पंडिते विअत्ते मेधावी अबाले मग्गण्णे मग्गविदू
 मग्गस्स गति-आगतण्णे परच्छमण्णू अहमेतं पउमवरपोंडरीयं उण्णिक्खिस्साभि त्ति वच्चा से
 पुरिसे अभिक्रमे तं पुक्खरणिं जाव-जावं च णं अभिक्रमेइ ताव-तावं च णं महंते उदए महंते
 सेए पहीणे तीरं, अपत्ते पउमवरपोंडरीयं नो हव्वाए नो पाराए अंतरा पोक्खरणीए सेयंसि
 विसण्णे-पढमे पुरिसजाते ।३। -२

(६३५) अहावरे दोच्चे पुरिसजाते-अह पुरिसे दक्खिणाओ दिसाओ आगम्म तं
 पुक्खरणिं तीसे पुक्खरणीए तीरे ठिच्चा पासति तं महं एणं पउमवरपोंडरीयं अणुपुव्वट्ठियं
 [ऊसियं रूइलं वण्णमंतं गंधमंतं रसमंतं फासमंतं पासदियं दरिसणीयं अभिरूवं] पडिरूवं तं
 च एत्थ एणं पुरिसजाव पासइ पहीणतीरं अपत्तपउमवरपोंडरीयं नो हव्वाए नो पाराए अंतरा
 पोक्खरणीए सेयंसि विसण्णं तए णं से पुरिसे तं पुरिसं एवं वयासी-अहो णं इमे पुरिसे
 अदेसकालण्णे अछेत्तण्णे अकुसले अपंडिए अविअत्ते अमेधावी बाले नो मग्गण्णे नो मग्ग-

विदू नो मग्गस्स गति-आगतिण्णे नो परक्कमण्णु जण्णं एस पुरिसे अहं देसणो मग्गस्स गति-आगतिण्णे नो परक्कमण्णु जण्णं एस पुरिसे अहं देसकालण्णे खेतण्णे कुसले पंडिते विअत्ते मेघावी अबाले मग्गण्णे मग्गविदू मग्गस्स गति-आगतिण्ण परक्कमण्णु अहमेयं पउमवरपोंडरीयं उण्णिक्खिस्सामि नो य खलु एतं पउमवरपोंडरीयं एवं उण्णिक्खेयव्वं जहा णं एस पुरिसे मण्णे अहमंसि पुरिसे देसकालण्णे खेतण्णे कुसले पंडिते विअत्ते मेघावी अबाले मग्गमण्णे मग्गविदू मग्गस्स गति-आगतिण्णे परक्कमण्णु अहमेत पउमवरपोंडरीयं उण्णिक्खिस्सामि ति वच्चा से पुरिसे अभिक्कमे तं पोक्खरणिं जाव-जावं च णं अभिक्कमेइ ताव-तावं च णं महंते उदए महंते सेए पहीणे तीरं अपत्ते पउमवरपोंडरीयं नो हव्वाए नो पाराए [अंतरा पोक्खरणीए] सेयंसि विसण्णे-दोच्चे पुरिसजाते ।४।-३

(६३६) अहावरे तच्चे पुरिसजाते-अह पुरिसे पच्चत्थिमाओ दिसाओ आगम्भ तं पोक्खरणिं तीसे पोक्खरणीए तीरे ठिच्चा पासति तं महं एणं पउमवरपोंडरीयं अणुपुव्वट्ठियं [ऊसियं रूड्लं वण्णमंतं गंधमंतं रसमंतं फासमंतं पासादियं दरिसणीय अभिरूयं] पडिरूवं ते तत्थ दोण्णि पुरिसजाते पासति पहीणे तीरं अपत्ते पउमवरपोंडरीयं नो हव्वाए नो पाराए अंतरा पोक्खरणीए सेयंसि विसण्णे तए णं से पुरिसे एवं वयासी-अहो णं इमे पुरिसा अदेसकालण्णा अखेतण्णा अकुसला अपंडिया अविअत्ता अमेधावी बाला नो मग्गण्णा नो मग्गविदू नो मग्गस्स गति-आगतिण्णा नो परक्कमण्णु जण्णं एते पुरिसा एवं मण्णे-अहं तं पउमवरपोंडरीयं उण्णिक्खिस्सामो नो य खलु एतं पउमवरपोंडरीयं एवं उण्णिक्खेयव्वं जहा णं एते पुरिसा मण्णे अहमंसि पुरिसे देसकालण्णे खेतण्णे कुसले पंडिए विअत्ते मेघावी अबाले मग्गमण्णे मग्गविदू मग्गस्स गति-आगतिण्णे परक्क मण्णु अहमेयं पउमवरपोंडरीयं अण्णिक्खिस्सामि ति वच्चा से पुरिसे अभिक्कमे तं पोक्खरणिं जाव-जावं च णं अभिक्कमेइ ताव-तावं च णं महंते उदए महंते सेए [पहीणे तीरं अपत्ते पउमवरपोंडरीयं, नो हव्वाए नो पाराए, अंतरा पोक्खरणीए] सेयंसि विसण्णे-तच्चे पुरिसजाते ।५।-४

(६३७) अहावरे चउत्थे पुरिसजाते-अह पुरिसे उत्तराओ दिसाओ आगम्भ तं पोक्खरणिं तीसे पोक्खरणीए तीरे ठिच्चा पासति तं महं एणं पउमवरपोंडरीयं अणुपुव्वट्ठियं [ऊसियं रूड्लं वण्णमंतं गंधमंतं रसमंतं फासमंतं पासादियं दरिसणीयं अभिरूयं] पडिरूवं ते तत्थ तिण्णि पुरिसजाते पासति पहीणे तीरं अपत्ते पउमवरपोंडरीयं नो हव्वाए नो पाराए अंतरा पोक्खरणीए सेयंसि विसण्णे तए णं से पुरिसे एवं वयासी-अहो णं इमे पुरिसा अदेसकालण्णा अखेतण्णा [अकुसला अपंडिया अविअत्ता अमेधावी बाला नो मग्गण्णा नो मग्ग विदू नो मग्गस्स गति-आगतिण्णा नो परक्कमण्णु जण्णं एते पुरिसा एवं मण्णं-अहं एतं पउमवरपोंडरीयं उण्णिविक्खिस्सामो नो य खलु एतं पउमवरपोंडरीयं एवं उण्णक्खेयव्वं जहा णं एते पुरिसा मण्णे अहमंसि पुरिसे देसकालण्णे खेतण्णे [कुसले पंडिए विअत्ते मेघावी अबाले मग्गमण्णे मग्गविदू मग्गस्स गति-आगतिण्णे परक्कमण्णु अहमेयं पउमवरपोंडरीयं उण्णिक्खिस्सामि ति वच्चा से पुरिसे अभिक्कमे तं पोक्खरणिं जाव-जावं च णं अभिक्कमेइ ताव-तावं च णं महंते उदए महंते सेए पहीणे तीरं अपत्ते पउमवरपोंडरीयं नो हव्वाए नो पाराए अंतरा पोक्खरणीए सेयंसि विसण्णे-चउत्थो पुरिसजाते ।६।-५

(६३८) अह भिक्खू लूहे तीरट्ठी देसकालण्णे [कुसले पंडिते विअत्ते मेघावी अवाले मग्गण्णे मग्गविदू मग्गस्स गति-आगतिण्णे] परक्कमण्णू अण्णतरीओ दिसाओ वा अणुदिसाओ वा आगमं तं पोक्खरणिं तीसे पोक्खरणीए तीरे ठिच्चा पासति तं महं एणं पउमवरपोंडरीयं [अणुपुच्चट्ठीयं ऊसियं रूइलं वण्णमंतं गंधमंतं रसमंतं फासमंतं पासादियं दरिसणीयं अभिरूवं] पडिरूवं ते तत्थ चत्तारि पुरिसजाते पासति पहीणे तीरं अपत्ते पउमवरपोंडरीयं नो हव्वाए नो पासए अंतरा पोक्खरणीए सेयंसि विसण्णे तए णं से भिक्खू एवं वयासी-अहो णं इमे पुरिसा अदेसकालण्णा अखेतण्णा [अकुसला अपंडिया अविअत्ता अमेघावी वाला नो मग्गमण्णा नो मग्गविदू नो मग्गस्स गति-आगतिण्णा] नो परक्कमण्णू जण्णं एवे पुरिसा एवं मण्णे अन्हे एतं पउमवरपोंडरीयं उण्णिक्खिस्सामो नो य खलु एतं पउमवरपोंडरीयं एवं उण्णिक्खेयच्चं जहा णं एते पुरिसा मण्णे अहमंसि भिक्खू लूहे तीरट्ठी देसकालण्णे खेतण्णे [कुसले पंडिते विअत्ते मेघावी अवाले मग्गण्णे मग्गविदू मग्गस्स गति-आगतिण्णे] परक्कमण्णू अहमेयं पउमवरपोंडरीयं उण्णिक्खिस्सामि त्ति वच्चा से भिक्खू नो अभिक्कमे तं पोक्खरणिं तीसे पोक्खरणीए तीरं ठिच्चा सइं कुच्चा-उप्पयाहि खलु मो पउमवरपोंडरीया उप्पयाहि अह से उप्पतिते पउमवरपोंडरीए ।७।-६

(६३९) किट्टिए नाए समणाउसो अट्ठे पुण से जाणितव्वे भवति भंतेति निगंथा य निगंथीओ य समणं भगवं महावीरं वंदंति नमंसंति वंदिता नमंसित्ता एवं वयासी-किट्टिए नाए भगवया अट्ठं पुण से न जाणामो समणाउसोति समणे भगवं महावीरे ते बहवे निगंथे य निगंथीओ य आमंतेत्ता एवं वयासी-हंता समणाउसो आइक्खाभि विमयामि किट्टेमि पवेदेमि सअट्ठं सहेउं सणिमित्तं भुज्जो भुज्जो उवदंसेमि ।८।-७

(६४०) से बेमि-त्तोयं च खलु माए अप्पाहट्टु समणाउसो सा पोक्खरणी बुइया कम्म च खलु मे अप्पाहट्टु समणाउसो से उदए बुइए कामभोगे य खलु माए अप्पाहट्टु समणाउसो से सेए बुइए जणजाणवए च खलु माए अप्पाहट्टु समणाउसो ते बहवे पउमवरपोंडरीया बुइया रायाणं च खलु माए अप्पाहट्टु समणाउसो से एगे महं पउमवरपोंडरीए बुइए अण्णउत्थिया य खलु माए अप्पाहट्टु समणाउसो ते चत्तारि पुरिसजाया बुइया धम्मं च खलु माए अप्पाहट्टु समणाउसो से भिक्खू बुइए धम्मत्थियं च खलु माए अप्पाहट्टु समणाउसो से तीरे बुइए धम्मकहं च खलु माए अप्पाहट्टु समणाउसो से सइं बुइए निव्वाणं च खलु माए अप्पाहट्टु समणाउसो से उप्पाए बुइए एवमेयं च खलु माए अप्पाहट्टु समणाउसो से एवमेयं बुइयं ।९।-८

(६४१) इह खलु पाईणं वा पडीणं वा उदीणं वा दाहिणं वा संतेगइया मणुस्सा भवति अणुपुच्चेणं लोणं उववण्णा तं जहा-आरिया वेगे अणारिया वेगे उच्चागोया वेगे नीयागोया वेगे कायमंता वेगे हस्समंता वेगे सुवण्णा वेगे दुवण्णा वेगे सुरूवा वेगे दुरूवा वेगे तैसिं च णं मणुयाणं एगे राया भवति-महाहिमवंतं मलय-मंदर-महिंदसारे जाव पसंतडिंबडमरं रज्जं पसाहेमाणे विहरति तस्स णं रण्णो परिसा भवति-उग्गा उग्गपुत्ता, भोगा भोगपुत्ता इक्खागा इक्खागपुत्ता नागा नागापुत्ता कोरव्वा कोरव्वपुत्ता, भट्टा भट्टपुत्ता, माहणं माहणपुत्ता लेच्छईं लेच्छइपुत्ता पसत्थारो पसत्थपुत्ता सेणावई सेणावइपुत्ता तैसिं च णं एगइए सइडी भवति कामं तं समणा वा माहणा वा संपहारिसुं गमणाए तत्थ अण्णतरेणं धम्मेषं पण्णतारो वयं इमेणं

धम्मेणं पण्णवइस्सामो से एवमायाणह भयंतारो जहा मे एस धम्म सुयक्खाते सुपण्णाते भवइ तं जहा-उड्डं पायतला अहे केसग्गमत्थया तिरियं तयपरियंते जीवे एस आया पञ्चवे कसिणे एस जीवे जीवति एस मए नो जीवति सरिरे घरमाणे धरति विण्णट्ठम्भि य नो धरति एययंतं जीवियं भवति आदहणाए परेहिं निज्जइ अगणिज्झामिए सरिरे कवोतण्णाणि अट्ठीणि भवति आसंदीपंचमा पुरिसा गामं पद्दागच्छति एवं असंते असंविज्जमाणे जेसिं तं सुयक्खायं भवति-अन्नो भवइ जीवो अन्नं सरिरे तप्पा ते नो एवं विष्ण्डिवेदेति अयमाउसो आया दीहे ति वा इस्से ति वा परिमंडले ति वा वट्ठे ति वा तंसे ति वा चउरंसे ति वा आयते ति वा छलंसे ति वा किण्हे ति वा नीले ति वा लोहिए ति वा हालिइे ति वा सुक्किल्ले ति वा सुब्बिगंधे ति वा दुब्बिगंधे ति वा तित्ते ति वा कडुए ति वा कसाए ति वा अंबिले ति वा महुरे ति वा कक्खडे ति वा मउए ति वा गरुए ति वा लहुए ति वा सोए ति वा उतिसिणे ति वा निद्धे ति वा लुक्खे ति वा एवं असंते असंविज्जमाणे जेसिं तं सुयक्खायं भवइ-अन्नो जीवो अन्नं सरिरे तप्पा ते नो एवं उवलभति से जहानामए केइ पुरिसे कोसीओ असिं अभिणिव्वट्ठिता णं उवदंसेज्जा अयमाउसो असी अयं कोसी एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे मुंजाओ इसियं अभिणिव्वट्ठिता णं उवदंसेज्जा अयमाउसो मुंजे इमा इसिया इवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे मंसाओ अट्ठिंठ अभिणिव्वट्ठिता णं उवदंसेज्जा अयमाउसो मंसे अयं अट्ठी एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे करतलाओ आमलकं अभिणिव्वट्ठिता णं उवदंसेज्जा-अयमाउसो करतले अयं आमलाए एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे दहीओ नवणीयं अभिणिव्वट्ठिता णं उवदंसेज्जा अयमाउसो णवणीयं अयं दही एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे तिलेहिंतो तेत्थं अभिणिव्वट्ठिता णं उवदंसेज्जा-अयमाउसो तेत्थं अयं पिण्णाए एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे इक्खूओ खोयरसं अभिणिव्वट्ठिता णं उवदंसेज्जा अयमाउसो खोयरसे अयं छोए एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे से जहानामए केइ पुरिसे अरणीओ अग्गिं अभिणिव्वट्ठिता णं उवदंसेज्जा अयमाउसो अरणी अयं अग्गी एवमेव नत्थि केइ पुरिसे अभिणिव्वट्ठिता णं उवदंसेत्तारो-अयमाउसो आया अयं सरिरे एवं असंते असंविज्जमाणे जेसिं तं सुयक्खायं भवइ तं जहा-अन्नो जीवो अन्नं सरिरे तप्पा तं मिच्छा से हंता हणह खणह छणह इहह पयह आलुंपह विलुंपह सहसकूरेह विपरामुसह एतावताय जीवे नत्थि परलोए ते नो एवं विष्ण्डिवेदेति तं जहा-किरिया इ वा अकिरिया इ वा सुकडे इ वा दुक्कडे इ वा कज्जाणे इ वा पावए इ वा साहू इ वा असाहू इ या सिद्धी इ वा असिद्धी इ या निरए या अनिरए या एवं ते विरूवरूवेहिं कम्मसमारं मेहिं विरूवरूवाइं कामभोगाइं समारंभंति भोयणाए एवं एगे पागत्थिया निक्खम्म मामगं घम्मं पण्णवेति तं सहहमाणा तं पत्तियमाणा तं रोएमाणा साधु

सुयक्खाते समणेति वा माहणेति वा कामं खलु आउसो तुमं पूययामो तं जहा-असणेण वा पाणेण वा खाइमेण वा साइमेण वा वत्येण वा पडिग्गहेण वा कंबलेण वा पायपुंछणेण वा तत्येगे पूयणाए समाउट्टिसु तत्येगे पूयणाए निकाइंसु पुब्बामेव तैसिं नायं भवइ-समणा भविस्सामो अणगारा अकिंचणा अपुत्ता अपसू परदत्तभोइणो भिक्खुणो पावं कम्मं नो करि-स्सामो समुट्ठाए ते अप्पणा अप्पडिविरया भवंति समयाइयंति अन्ने वि आइयावेत्ति अन्नं पि आइयंतं समणुजाणंति एवामेव ते इत्थिकामभोगेहिं मुच्छिया गिद्धा गट्ठिया अण्णोववण्णा लुद्धा रागदोसवसण्ण ते नो अप्पाणं समुच्छेदेति नो परं समुच्छेदेति नो अण्णाइं पाणाइं भूयाइं जीवाइं सत्ताइं समुच्छेदेति परीणा पुब्बसंजोगा आरियं मग्गं असंपत्ता-इति ते नो हव्वाए नो पाराए अंतरा कामभोगेहिं विसण्णा इति पढमे पुसिसजाए तज्जीवतस्सरीरिए आहिए 1901-9

(६४२) अहावरे दोच्चे पुरिसजाए पंचमहभ्यूइए ति आहिज्जाइ-इह खलु पाईणं वा पडीणं वा उदीणं वा दाहिणं वा संतेगइया मणुस्सा भवंति अणुपुब्बेणं [लोगं उववण्णा तं जहा-आरिया वेगे अणारिया वेगे उच्चागोया वेगे नीयागोया वेगे कायमंता वेगे हस्समंता वेगे सुवण्णा वेगे दुवण्णा वेगे सुख्वा वेगे दुरुवा वेगे तैसिं च णं मणुयाणं एगे राया भवति-महाहिमवंतं-मलय-मंदर-महिंदसारे जाव पसंतडिंबडमरं रज्जं पसाहेमाणे विहरति तस्स णं रण्णो परिसा भवति-उग्गा उगगपुत्ता भोगा भोगपुत्ता इक्खाणा इक्खागपुत्ता नागा नागपुत्ता कोरव्वा कोरव्वपुत्ता भट्टा भट्टपुत्ता माहणा माहणपुत्ता लेच्छइ लेच्छइपुत्ता पसत्थारो पसत्थ-पुत्ता सेणावई सेणावइपुत्ता तैसिं च णं एगइए सइद्धी भवति कामं तं समणा वा माहणा वा संपहारिसुं गमणाए तत्य अन्नतरेणं धम्मणेण पन्नत्तारो वयं इमेण धम्मणेण पन्नवइस्सामो से एवमायाणह भयंतारो जहा मे एस धम्मे सुयक्खाते। सुपन्नते भवति-इह खलु पंचमहभ्यूया जेहिं नो कज्जाइ किरिया इ वा अकिरिया इ वा सुकडे इ वा दुक्के इ वा कल्लाणे इ वा पावए इ वा साहू इ वा असाहू इ वा सिद्धी इ वा असिद्धी इ वा निरए इ वा अनिरए इ वा अवि अंतसो तणमायमवि तं च पदोद्वेसेणं पुढोभूतसमवायं जाणेज्जा तं जहा-पुट्ठी एगे महभ्यूते आज्ज दुच्चे महभ्यूते तेऊ तच्चे महभ्यूते वाऊ चउत्ये महभ्यूते आगासे पंचमे महभ्यूते इच्चेते पंच महभ्यूया अण्णिमिया अण्णिमाविया अकडा नो कितिमा नो कडगा अणादिया अनिघणा अवज्ञा अपुरोहिता संतता सासया आयछट्ठा पुण एगे एवमाहु-सतो नत्थि विनासो असतो नत्थि संभवो एताव ताव जीवकाए एताव ताव अत्थिकाए एताव ताव सब्वलोए एतं मुहं लोगस्स करणायाए अवि अंतसो तणमायमवि से किणं किणावेमाणे हणं धायमाणे पयं पयावेमाणे अवि अंतसो पुरिसमवि विकिणित्ता धायइत्ता एत्थं पि जाणाहि नत्थित्थ दोसो ते नो एवं विष्पडिवेदेति तं जहा-किरिया इ वा [अकिरिया इ वा सुकडे इ वा दुक्के इ वा कल्लाणे इ वा पावए इ वा साहू इ वा असाहू इ वा सिद्धी इ वा असिद्धी इ वा निरए इ वा अनिरए इ वा] एवं ते विरुवरूवेहिं कम्मसमारंभेहिं विरुवरूवाइं कामभोगाइं समारंभेति भोयणाए एवं ते अणारिया विष्पडिवण्णा मामगं धम्मं पण्णवेति तं सद्दहमाणा तं पत्तियमाणा [तं रोएमाणा साधु सुयक्खाते समणेति वा माहणे ति वा कामं खलु आउसो तुमं पूययामो तं जहा-असनेन वा पाणेण वा खाइमेण वा साइमेण वा वत्येण वा पडिग्गहेण वा कंबलेण वा पायपुंछणेण वा तत्येगे पूयणाए समाउट्टिसु तत्येगे पूयणाए निकाइंसु पुब्बामेव तैसिं नायं भवइ-समणा

भविस्सामो अणगारा अकिंचणा अपुत्ता अपसु परदत्तभोइणो भिक्खुणो पावं कम्मं नो करिस्सामो समुट्ठाए ते अप्पणा अप्पडिविरिया भवंति सयमाइयंति अन्ने वि आइयावेति अन्न पि आइयंतं समणुजाणंति एवामेव ते इत्थिकामभोगेर्हेहं मुच्छिया गिद्धा गद्धिया अज्झो- ववण्णा लुद्धा रागदोसवसद्धा ते नो अप्पणं मुच्छेदेति नो परं समुच्छेदेति नो अण्णाइं पाणाइं भूयाइं जीवाइं सत्ताइं समुच्छेदेति पहीणा पुब्बसंजोगा आरियं मार्गं असंपत्ता। इति ते नो हव्वाए नो पाराए अंतरा कामभोगेसु विसण्णा दोच्चे पुरिसजाते पंचमहद्व्यूहए ति आहिए 1991-10

(१४३) अहावरे तच्चे पुरिसजाते ईसरकारणिए ति आहिज्जाइह खलु [पाईणं वा पडीणं वा उदीणं वा दाहिणं वा संतेगइया मणुस्सा भवंति अणुपुब्बेणं लोणं उववण्णा तं जहा-आरिया वेगे अणारिया वेगे, उच्चागोया वेगे नीयागोया वेगे, कायमंता वेगे हस्समंता वेगे सुवण्णा वेगे दुवण्णा वेगे सुरूवा वेगे दुरूवा वेगे तेसिं च णं मणुयाणं एगे राया भवति-महाहिमवंतं-मलय-मंदर-महिंदसारे जाव पसंतडिबडमरं रज्जं पसाहेमाणे विहरति तस्स णं रण्णो परिसा भवति-उग्गा उग्गपुत्ता भोगा भोगपुत्ता इक्खागा इक्खागपुत्ता नागा नागपुत्ता कोरब्बा कोरब्बपुत्ता मट्ठा भट्टपुत्ता माहणा माहणपुत्ता लेच्छइं लेच्छइपुत्ता पसत्थारो पसत्थ-पुत्ता सेणावई सेणावइपुत्ता तेसिं च णं एगइए सइद्धी भवति कामं तं समणा वा माहणा वा संपहारिसुं गमणाए तत्थ अण्णत्तरेणं धम्मेणं पण्णत्तारो वयं इमेणं धम्मेणं पण्णवइस्सामो से एवनायाणह भयंतारो जहा मे एस धम्मे] सुयकखाते सुपण्णत्ते भवति इह खलु धम्मा पुरिसादिया पुरिसोत्तरिया पुरिसप्पणीया पुरिससंभूता पुरिसपज्जोतिता पुरिसअभिसमण्णा-गता पुरिसमेव अभिमूय चिट्ठंति से जहानामए गंडे सिया सरीरे जाए सरीरे संवुइडे सरीरे अभिसमण्णागए सरीरमेव अभीमूय चिट्ठइ एवमेव धम्मा वि पुरिसादिया [पुरिसोत्तरिया पुरिसप्पणीया पुरिससंभूता पुरिसपज्जोतिता पुरिसओभिसमण्णगता पुरिसमेव अभिमूय चिट्ठंति से जहानामए वम्मिए सिया पुढविजाए पुढविसंवुइडे पुढविअभिसमण्णागए पुढविमेव अभिमूय चिट्ठइ एवमेव धम्मा वि पुरिसादिया [पुरिसोत्तरिया पुरिसप्पणीया पुरि-संभूता पुरिसपज्जोतिता पुरिसअभिसमण्णागता पुरिसमेव] अभिमूय चिट्ठंति से जहानामए रुक्खे सिया पुढविजाए पुढविसवुइडे पुढविअभिसमण्णागए पुढविमेव अभिमूय चिट्ठइ एवमेव धम्मा वि [पुरिसादिया पुरिसोत्तरिया पुरिसप्पणीया पुरिससंभूता पुरिसपज्जोतिता पुरिसअभिसमण्णागता पुरिसमेव अभिमूय चिट्ठंति] से जहानामए पुक्खरिणी सिया पुढ-विजाया पुढविसंवुइद्धा पुढविअभिसमण्णगया पुढविमेव अभिमूय चिट्ठइ एवमेव धम्मा वि पुरिसादिया [पुरिसोत्तरिया पुरिसप्पणीया पुरिससंभूता पुरिसपज्जोतिता पुरिसअभिसमण्ण-गता पुरिसमेव अभिमूय चिट्ठंति [से जहानामए उदगपुक्खले सिया उदगजाए उदगसंवुइडे उदगअभिसमण्णागए उदगमेव अभिमूय चिट्ठइ एवमेव धम्मा वि पुरिसादिया पुरिसोत्त-रिया पुरिसप्पणीया पुरिससंभूता पुरिसपज्जोतिता पुरिसअभिसमण्णागता पुरिसमेव अभिमूय चिट्ठंति से जहाणामए उदगवुब्बुए सिया उदगजाए उदगसंवुइडे उदगअभिसमण्णागए उदगमेव अभिमूय चिट्ठइ एवमेव धम्मा वि पुरिसादिया पुरिसोत्तरिया पुरिसप्पणीया पुरिससंभूता पुरिसपज्जोतिता पुरिसअभिसमण्णागता पुरिसमेव अभिमूय चिट्ठंति] जं पि घ इमं समणाणं निग्गथाणं उहिट्ठं पणीयं विअंजियं दुवालसंगं गण्णिपिडगं तं जहा-आयारो

[सुयगडो ठाणं समवाओ विवाहपन्नती नायाधम्मकहाओ उवासगदसाओ अंतगडदसाओ अनुत्तरोववाइयदसाओ पण्हावागरणं विवागसुयं] दिट्ठिवाओ-सव्वमेयं भिच्छा न एतं तहियं नएतं आहातहियं इमं सच्चं इमं तहियं इमं आहातहियं-ते एवं सण्णं कुव्वंति ते एवं सण्णं संठवेंति ते एवं सण्णं सोवट्ठवयंति तमेवं ते तज्जातियं दुक्खं नातिवट्ठंति सउणी पंजरं जहा ते नो विप्पडिवेदेति तं जहा-किरिया इ वा [अकिरिया इ वा सुकडे इ वा दुक्खे इ वा कल्लाणे इ वा पावए इ वा साहू इ वा असाहू इ वा सिद्धी इ वा असिद्धी इ वा निरए इ वा अनिरए इ वा] एवं ते विरूवरूवेहिं कम्मसमारंभेहिं विरूवरूवाइं कामभोगाइं समारंभंति भोयणाए एवं ते अणारिया विप्पडिवण्णा मामगं धम्मं पण्णवेंति [तं सदहपाणा तं पत्तिय-माणा तं रोएमाणा साधु सुयक्खाते समणेति वा माहणेति वा कामं खलु आउसो तुमं पूययाभो तं जहा-असणेण वा पाणेण वा खाइमेण वा साइमेण वा वत्थेण वा पडिग्गहेण वा कंबलेण वा पायपुंछणेण वा तत्थेगे पूयणाए समाउट्ठिसु तत्थेगे पूयणाए निकाइंसु पुव्वामेव तेसिं नायं भवइ-समणा मविस्सामो अणगारा अकिंचणा अपुत्ता अपसू परदत्तभोइणो भि-क्खुणो, पावं कम्मं नो करिस्सामो समुट्ठाए ते अप्पणा अप्पडिविरया भवंति सयथाइयंति अन्ने वि आइयावेंति अन्नं वि आइयंतं समणुजाणंति एवामेव ते इत्थिकामभोगेहिं मुच्छिया गिद्धा गढिया अज्झोबवण्णा लुद्धा रागदोसवसइहा ते नो अप्पाणं समुच्छेदेति नो परं समुच्छेदेति नो अन्नाइं पाणाइं भूयाइ जीवाइं सत्ताइं समुच्छेदेति पहीणा पुव्वसंजोगा आरिया मगं असंपत्ता] इति ते नो हव्वाए नो पाराए अंतरा कामभोगेसु विसण्णा तच्चे पुरिसजाते ईसरकारिणए ति आहिए ।१२। -११

(६४४) अहावरे चउत्थे पुरिसजाते नियतियाइए ति आहिअइ-इह खलु पाईणं वा [पडीणं वा उदीणं वा दाह्णिणं वा संतेगइया मणुस्सा भवंति अणुपुव्वेणं लोणं उववण्णा तं जहा-आरिया वेगे अणारिया वेगे उच्चागोया वेगे नीयागोया वेगे कायमंता वेगे हस्समंता वेगे सुवण्णा वेगे दुवण्णा वेगे सुरूवा वेगे दुरूवा वेगे तेसिं च नं मणुयाणं एगे राया भवति-महाहिमवंत-मत्तय-मंदर-महिंदसारे जाव पसंतडिंबडमरं रज्ज पसाहेमाणे विहरति तस्स णं रण्णो परिसा भवति-उग्गा उग्गपुत्ता भोगा भोगपुत्ता इक्खागा इक्खागपुत्ता नागा नागपुत्ता कोरव्वा कोरव्वपुत्ता भट्टा मट्टपुत्ता माहणा माहणपुत्ता लेच्छई लेच्छिपुत्ता पसत्यारो पसत्या-पुत्ता सेणावई सेणावइपुत्ता तेसिं च णं एगइए सइट्ठी भवति कामं तं समणा वा माहणा वा संपहारिसुं गमणाए तत्थ अण्णतरेणं धम्मेणं पण्णतारो वयं इमेणं धम्मेणं पण्णवइस्सामो से एवमायाणह भयंतारो जहा समे एस धम्मे सुयक्खाते सुपण्णत्ते भवति इह खलु दुवे पुरिसा भवंति-एगे पुरिसे किरियमाइक्खइ एगे पुरिसे नोकिरिय माइक्खइ जे य पुरिसे किरिय-माइक्खइ जे य पुरिसे नोकिरियामाइक्खइ दो वि ते पुरिसा तुल्ला एगट्ठा कारणामावण्णा बाले पुण एवं विप्पडिवेदेति कारणमावण्णे अहमंसि दुक्खामि वा सोयामि वा जूरामि वा तिप्पामि वा पीडामि वा परितप्पामि वा अहमेयकमासि परो वा जं दुक्खइ वा सोयइ वा जूरइ वा तिप्फइ वा पीडइ वा परितप्फइ वा परो एयमकासि एवं से बाले सकारणं वा परकारणं वा एवं विप्पडिवेदेति कारणमावण्णे मेहावी पुण एवं विप्पडिवेदेति कारणमावण्णे अहमंसि दुक्खामि वा सोयामि वा जूरामि वा तिप्पामि वा पीडामि वा परितप्पामि वा नो अहं एय-

मकासि परो वा जं दुक्खइ वा सोयइ वा जूरइ वा तिप्पइ वा पीडइ वा परितप्पइ वा नो परो
 एयमकासि एवं से मेहावी सकारणं वा परकारणं वा एवं विष्पडिवेदेति कारणमावण्णे से
 बेमि-पाईणं वा पडीणं वा उदीणं वा दाहिणं वा जे तसयावरा पाणा ते एवं संघायमागच्छंति ते
 एवं विष्परियायमावज्जंति ते एवं विवेगमागच्छंति ते एवं विहाणमागच्छंति ते एवं संगइयंति
 उवेहाए ते नो एयं विष्पडिवेदेति तं जहा-किरिया इ वा [अकिरिया इ वा सुकडे इ वा दुक्खे इ
 वा कल्लाणे इ वा पावए इ वा साहू इ वा असाहूइ वा सिद्धी इ वा असिद्धी इ वा निरए इ वा
 अणिरए इ वा एवं ते विरूवरूवेहिं कम्मसमारंभेहिं विरूवरूवाइं कामभोगाइं समारंभंति
 भोगणाए एवं ते अणारिया विष्पडिवण्णा मामगं धम्मं पण्णवेति तं सदहमाणा तं पतियमाणा
 तं रोएमाणा साधु सुयक्खाते समणेति वा माहणेति वा कामं खलु आउसो तुमं पूययापो तं
 जहा-असणेण वा पाणेण वा खाइमेण वा साइमेण वा वत्येण वा पडिग्गहेण वा कंबलेण वा
 पायपुंछणेण वा तत्येगे पूयणाए समाउट्टिसु तत्येगे पूयणाए निकाइंसु पुब्बामेव तेसिं नायं
 भवइ-समणा भविस्सामो अणगारा अकिचणा अपुत्ता अपसू परदत्तभोगो भिक्खुणो पावं
 कम्मं नो करिस्सामो समुट्ठाए ते अप्पणा अप्पडिविरिया भवंति सय माइयंति अन्ने वि
 आइयावेति अन्नं पि आइयंतं समणुजाणंति एवामेव ते इत्थिकामभोगेहिं मुच्छिया गिद्धा
 गढिया अज्झोववण्णा लुद्धा रागदोसवसइ ते नो अप्पाणं समुच्छेदेति नो परं समुच्छेदेति नो
 अप्पाणं पाणाइं भूयाइं जीवाइं सत्ताइं समुच्छेदेति पहीणा पुब्बसंजोगा आरियं मग्गं-
 असंपत्ता-इति ते नो हव्वाए नो पाराए अंतरा कामभोगेसु विसण्णा चउत्थे पुरिसजाते
 नियतिवाइए त्ति आहिए इच्चेते चत्तारि पुरिसजाया नापण्णा नाछंदा नासीला नादिट्ठी नारुई
 णाणारंभा नाज्झवसाणासंजुता पहीणा पुब्बसंजोगा आरियं मग्गं असंपत्ता इति ते नो
 हव्वाए नो पाराए अंतरा कामभोगेसु विसण्णा ।१३। -12

(६४५) से बेमि-पाईणं वा पडीणं वा उदीणं वा दाहिणं वा संतेगइया मणुसा भवंति
 तं जहा-आरिया वेगे अणारिया वेगे [उच्चागोया वेगे जीयागोया] वेगे कायमंता वेगे हस्समंता
 वेग सुदण्णा वेगे दुवण्णा वेगे सुरूवा वेगे दुरूवा वेगे तेसिं च नं खेत्तवत्थूणि परिग्गहियामि
 भवंति तं जहा-अप्पयरा वा मुज्जयरा वा तेसिं च नं जणजाणवयाइं परिग्गहियाइं भवंति तं
 जहा-अप्पयरा वा मुज्जयरा वा तहप्पगारंहे कुलोहेहिं आगम्म अभिभूय एगे भिक्खायरियाए
 समुट्ठिया सतो वा वि एगे नायओ य उवगरणं च विष्पजहाय भिक्खायरियाए समुट्ठिया
 असतो वा वि एगे नायओ य उवगरणं च विष्पजहाय भिक्खायरियाए समुट्ठिया जे ते सतो
 वा असतो वा नायओ य उवगरणं च विष्पजहाय भिक्खायरियाए समुट्ठिया पुब्बमेव तेहिं
 णातं भवति-इह खलु पुरिसे अणमण्णं ममट्ठाए एवं विष्पडिवेदेति तं जहा-खेतं मे वत्थू मे
 हिरण्णं मे सुवण्णं मे घणं मे घण्णं मे कंसं मे दूसं मे विपुल-घण-कणग-रयण-मणि-भोत्तिय-
 संख-सिल-प्पवाल-रत्तरयण-संत-सार-सावतेयं मे सहा मे रूवा मे गंधा मे रसा मे फासा मे
 एते खलु मे कामभोगा अहमवि एतेसिं से मेहावी पुब्बमेव अप्पणा एवं समभिजाणेज्जा-इह
 खलु मम अण्णतरं दुक्खे रोगातंके समुप्पजेज्जा-अणिट्ठे अकंते अप्पिए असुभे अमणुण्णे
 अमणामे दुक्खे नो सुहे से हंता भयंतारो कामभोगा मम अण्णतरं दुक्खं रोगायकं
 परियाइयह-अणिट्ठं अकंतं अप्पियं असुभं अमणुण्णं अमणामं दुक्खं नो सुहं माऽहं दुक्खा-

मि वा सोयामि वा जूरामि वा तिप्पामि वा पीडामि वा परितप्पामि वा इमाओ मे अण्णतराओ दुक्खाओ अमणुण्णाओ अमणामाओ दुक्खाओ नो सुहाओ एवमेव नो लद्धपुव्वं भवति इह खलु कामभोगा नो ताणाए वा नो सरणाए वा पुरिसे वा एगया पुव्वि कामभोगे विप्पजहइ कामभोगा वा एगया पुव्वि पुरिसं विप्पजहंति अन्ने खलु कामभोगा अन्नो अहमंसि से किमंग पुण वयं अण्णमण्णेहिं कामभोगेहिं मुच्छामो इति संखाए णं वयं कामभोगे विप्पजहिस्सामो से मेहावी जाणेज्जा-बाहिरगमेयं इणमेव उवणीयतरगं तं जहा-माता मे पिता मे धाया मे भागिणी मे भज्जा मे पुत्ता मे नत्ता मे धूवा मे पेसा मे सहा मे सुही मे सयणसंगंयसंयुया मे एते खलु मम नायओ अहमवि एएसिं से मेहावी पुव्वमेव अण्णया एवं समभिजाणेज्जा-इह खलु मम अण्णयरे दुक्खे रोगातंके समुप्पजेज्जा-अणिट्ठे अकंते अप्पिए असुभे अमणुण्णे अमणाम दुक्खे नो सुहे से हंता भयंतारो नायओ इमं मम अण्णयरं दुक्खं रोगातंके परिया-इयह-अणिट्ठं [अकंतं अप्पियं असुभं अमणुण्णं अमणामं दुक्खं] नो सुहं माऽहं दुक्खामि वा सोयामि वा जूरामि वा तिप्पामि वा पीडामि वा परितप्पामि वा इमाओ मे अण्णतराओ दुक्खाओ रोगातंकाओ परिमोयह अणिट्ठाओ अकंताओ अप्पियाओ असुमाओ अमणुण्णाओ अमणामाओ दुक्खाओ नो सुहाओ एवमेवं नो लद्धपुव्वं भवइ तेसिं वा वि मयंताराणं मम नाययाणं अण्णयरे दुक्खे रोगातंके समुप्पजेज्जा अणिट्ठे [अकंते अप्पिए असुभे अमणुण्णे अमणामे दुक्खे] नो सुहे से हंता अहमेतेसिं भयंताराणं नाययाणं इमं अण्णतरं दुक्खं रोगातंके परिया-इयामि-अणिट्ठं अकंतं अप्पियं असुभं अमणुण्णं अमणामं दुक्खं नो सुहं मा मे दुक्खंतु वा सोयंतु वा जूरंतु वा तिप्पंतु वा पीडंतु वा परितप्पंतु वा इमाओ नं अण्णयराओ दुक्खाओ रोगातंकाओ परिमोएमि-अणिट्ठाओ अकंताओ अप्पियाओ असुमाओ अमणुण्णाओ अमणामाओ दुक्खाओ नो सुहाओ एवमेव नो लद्धपुव्वं भवति अण्णस्स दुक्खं अण्णो नो परियाइयइ अण्णेण कतं अण्णो नो पडिसंवेदेइ पत्तेयं जायइ पत्तेयं मरइ पत्तेयं चयइ पत्तेयं उव्वज्जइ पत्तेयं झंजा पत्तेयं सण्णा पत्तेयं मण्णा पत्तेयं विण्णू पत्तेयं वेदणा इति खलु नातिसंजोगा नो ताणाए वा नो सरणाए वा पुरिसरे वा एगया पुव्वि नाइसंजोगे विप्पजहइ नाइसंजोगा वा एगया पुव्वि पुरिसं विप्पजहंति अण्णे खलू नातिसंजोगा अण्णो अहमंसि से किमंग पुण वयं अण्णमण्णेहिं नाइसंजोगेहिं मुच्छामो इति संखाए णं वयं नातिसंजोगे विप्पजहिस्सामो से मेहावी जाणेज्जा-बाहिरगमेयं इणमेव उवणीयतरगं तं जहा-हत्था मे पाया मे दाहा मे ऊरू मे उदरं मे सीसं मे आउं मे बलं मे वण्णो मे तथा मे छाया मे सोयं मे चक्खु मे घाण मे जिब्बा मे फासा मे ममाति वयाओ परिजूरइ तं जहा-आऊओ बत्ताओ वण्णाओ तथाओ छायाओ सोयाओ चक्खूओ घाणाओ जिब्बाओ फासाओ सुसंधिता संधी विसंधीभवति वलितरगे गाए भवति क्रिण्हा केसा पलिया भवंति जं पि य इमं सरीरं उरालं आहारोवचियं एयं पि य मे अणुपुव्वेणं विप्पजहियव्वं भविस्सति एयं संखाए से भिक्खु भिक्खायरियाए समुट्ठिए दुहओ लोगं जाणेज्जा तं जहा-जीवा चेव अजीवा चेव तसा चेव थावरा चेव 1981 -13

(६४६) इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा-जे इमे तसा थावरा पाणा-ते सयं समारंभंति अण्णेण वि समारंभावेति अन्नं पि

समारंभंतं समणुजाणंति इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा-जे इमे कामभोगा सचित्ता वा अचित्ता वा-ते सयं परिगिण्हंति अण्णेण वि परिगिण्हवेति अन्नं पि परिगिण्हंतं समणुजाणंति इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा अहं खलु अणारंभे अपरिग्गहे जे खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा एतेसिं चेव णिस्साए बंभचेरवासं वसिस्सामो कस्स णं तं हेउं जहा पुव्वं तथा अवरं जहा अवरं तथा पुव्वं अंजू एते अणुवरया अणुवट्ठिया पुणरवि तारिसगा चेव जे खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा दुहओ पावाइं कुव्वंति इति संखाए दोहि वि अंतेहिं अदिस्समाणे इति भिक्खू रीएजा से वेमि-पाईणं वा पडीमं वा उदीणं वा दाहिणं वा एवं से परिण्णातकम्मे एवं से ववेयकम्मे एवं से वियंतकारए भवइ ति मक्खायं ।१५।-१४

(६४७) तस्य खलु भगवया छज्जीवणिकाया हेऊ पण्णत्ता तं जहा-पुलवीकाए आउ-काए तेउकाए वाउकाए वणस्सइकाए तसकाए से जहानामए मम असायं दंडेण वा अट्ठीण वा मुट्ठीण वा लेलुणा वा कवालेण वा आउडिज्जमाणस्स वा हम्ममाणस्स वा तज्जिज्जमाणस्स वा ताडिज्जमाणस्स वा परिताविज्जमाणस्स वा किलामिज्जमाणस्स वा उहविज्जमाणस्स वा जाव लोमुक्खणणमायमवि हिंसाकारं दुक्खं भयं पडिसंवेदेमि-इधेवं जाण सव्वे पाणा सव्वे भूया सव्वे जीवा सव्वे सत्ता दंडेण वा अट्ठीण वा मुट्ठीण वा लेलुणा वा कवालेण वा आउडिज्जमाणा वा हम्ममाणा वा तज्जिज्जमाणा वा ताडिज्जमाणा वा परिताविज्जमाणा वा किलामिज्जमाणा वा उहविज्जमाणा वा जाव लोमुक्खणणमायमवि हिंसाकारं दुक्खं भयं पडिसंवेदेति एवं नच्चा सव्वे पाणा सव्वे भूया सव्वे जीवा सव्वे सत्ता न हंतव्या न अजा-वेयव्या न परिपेतव्या न परितावेयव्या न उहवेयव्या एस धम्मे धुवे णितिए सासए समेच्च लोगं खेयण्णेहिं पवेइए एवं से भिक्खू विरए पाणाइवायाओ [विरए मुसावायाओ विरए अदत्तादाणाओ विरए मेहुणाओ] विरए परिग्गहाओ नो दंतपक्खालणेणं दंते पक्खालेजा नो अंजणं नो वमणं नो चिरेयणं नो धूवणे नो तं परियाविएजा से भिक्खू अकिरिए अलसए अकोहे अपाणे अमाए अलोहे उवसंते परिनिव्वुडे नो आसंसं पुरतो करेजा-इमेण मे दिट्ठेण वा सुएण वा मएण वा विण्णाएण वा इमेण वा सुचरिय-तव-नियम-वंभचेरवासेणं इमेण वा जायामायावुत्तिएणं धम्मेणं इतो चुते पेच्चा देवे सिया कामभोगाण वसवती सिद्धे वा अदुक्ख-मसुहे एत्थ वि सिया, एत्थ वि नो सिया से भिक्खू सदेहिं अमुच्छिए रूवेहिं अमुच्छिए गंधेहिं अमुच्छिए रसेहिं अमुच्छिए फासेहिं अमुच्छिए विरए-कोहाओ माणाओ मायाओ लोभाओ पेजाओ दोसाओ कलहाओ अब्भक्खणाओ पेसुण्णाओ परपरियाओ अरइईओ मावा-भोसाओ मिच्छादंसणसल्लाओ-इति से महतो आदाणाओ उवसंते उवट्ठिए पडिविरते से भिक्खू-जे इमे तसयावरा पाणा भवंति-ते नो सयं सभारंभइ नो अण्णेहिं समारंभावेइ अन्ने समारंभंते वि न समणुजाणइ-इति से महतो आदाणाओ उवसंते उवट्ठिए पडिविरते से भिक्खू-जे इमे कामभोगा सचित्ता वा अचित्ता वा-ते नो सयं परिगिण्हइ नो अण्णेणं परिगिण्हवेइ अन्नं परिगिण्हंतंपि न समणुजाणइ-इति से महतो आदाणाओ उवसंते उवट्ठिए पडिविरते से भिक्खू-जं पिय इमं संपराइयं कम्मं कज्जइ-नो तं सयं करेइ नो अण्णेणं

कारवेइ अन्नं पि करेत्तं न समणुजाणइ-इति से महतो आदाणाओ उवसंते उवट्ठिए पडिविरते से भिक्खू जाणेज्जा-असणं वा पाणं वा खाइमं वा साइमं वा अस्सिपडियाए एणं साहम्मियं समुदिसस पाणाइं भूयाइं जीवाइं सत्ताइं समारब्भ समुदिसस कीयं पामिच्चं अच्छेज्जं अणिसट्ठं अभिहं आहट्ठेसियं तं चेतियं सिया तं नो सयं भुंजइ नो अण्णेणं भुंजावेइ अन्नं पि भुजंतं न समणुजाणइ-इति से महतो आदाणाओ उवसंते उवट्ठिए पडि-विरते से भिक्खू अह पुण एव जाणेज्जा-तं विज्जइ तेसिं परच्छे जस्सट्ठाए चेतियं सिया तं जहा-अप्पणो पुत्ताणं धूयाणं सुण्हाणं धातीणं नातीणं राईणं दासाणं दासीणं कम्मकराणं कम्मकरीणं आएसाणं पुढो पहेणाए सामासाए पातरासाए सण्णिहि-सण्णिचओ कज्जति इह एएसिं माणवाणं भोगणाए तत्थं भिक्खू परकड-परणिट्ठितं उग्गमुप्पायणेसणासुद्धं सत्यातीतं सत्यपरिणामितं अवि-हिसितं एसितं वेसितं सामुदाणियं पण्णमसणं कारणट्ठा पमाणजुत्तं अक्खोवज्जण-वणले-वणभूयं संजमजायामायावुत्तियं विलमिव पण्णगभूतेणं अप्पाणेणं आहारं आहारेज्जा-अन्नं अन्नकाले पाणं पाणकाले वत्थं वत्थकाले लेणं लेणकाले सयणं सयणकाले से भिक्खू मायण्णे अण्णयरिं [दसं वा अणुदिसं वा पडिवण्णे धम्मं आइक्खे विभए किट्ठे उवट्ठिएसु वा अणुव-ट्ठिएसु वा सुस्ससमाणेसु पवेदए-संतिं विरतिं उवसमं निच्चाणं सोयवियं अज्जवियं महवियं लापयियं अणतिवातियं सच्च्वेसिं पाणाणां सच्च्वेसिं भूयाणं सच्च्वेसिं जीवाणं सच्च्वेसिं सत्ताणं अणुवीइ किट्ठए धम्मं से भिक्खू धम्मं किट्ठेमाणे नो अण्णस्स हेउं धम्ममाइक्खेज्जा नो पाणस्स हेउं धम्ममाइक्खेज्जा नो सयणस्स हेउं धम्ममाइक्खेज्जा नो अण्णेसिं विरूवरूवाणं काम-भोगाणं हेउं धम्ममाइक्खेज्जा अगिलाए धम्ममाइक्खेज्जा णण्णत्थ कम्मणिज्जरट्ठयाए धम्म-माइक्खेज्जा इह खलु तस्स भिक्खुस्स अंतिए धम्मं सोच्चा निसम्म सम्मं उट्ठाणेणं उट्ठाय वीरा अस्सिं धम्मे समुट्ठिया जे तस्स भिक्खुस्स अंतिए धम्मं सोच्चा निसम्म सम्मं उट्ठाणेणं उट्ठाय वीरा अस्सिं धम्मे समुट्ठिया ते एवं सच्च्वोवगता ते एवं सच्च्वोवरता ते एवं सच्च्वोवसंता ते एवं सच्च्वत्ताए परिणिच्चुड ति वेमि एवं से भिक्खू धम्मट्ठी धम्मविज्जु नियागपडिवण्णे से जहेय बुइयं अदुवा पत्ते पउमवरपोंडरीयं अदुवा अपत्ते पउमवरपोंडरीयं एवं से भिक्खू परिण्णायकमे परिण्णायसंगे परिण्णायगेहवासे उवसंते समिए सहिए सया जए से एय-वयणिज्जे तं जहा-समणे ति वा माहणे ति वा खंते ति वा दंते ति वा गुत्ते ति वा मुत्ते ति वा इसी ति वा मुणी ति वा कती ति वा विदू ति वा भिक्खू ति वा लूहे ति वा तीरट्ठी ति वा चरणकरणपारविउ - ति वेमि 19। -15

● वीए सुयक्खंये पढमं अञ्जयणं समत्तं ●

वीअं अञ्जयणं—किरियाठाणे

(६४८) सुयं मे आउसं तेणं भगवया एवमख्यायं-इह खलु किरियाठाणे णामज्झयणे पण्णत्ते तस्स नं अयमट्ठे इह खलु संजूहेणं दुवे ठाणा एवमाहिज्जति तं जहा-धम्मे चेव अधम्मे चेव उवसंते चेव अणुसंते चेव तत्थ णं जे से पढमठाणस्स अधम्मपक्खस्स विपंते तस्स णं अयमट्ठे इह खलु पाईणं वा पडीणं वा उदीणं वा दाहिणं वा संतेगइया मणुस्सा पवंति तं जहा आरिया वेगे अणारिया वेगे उच्चागोया वेगे नीयागोया वेगे कायपंता वेगे हस्समंता वेगे सुवण्णा वेगे दुवण्णा वेगे सुरूवा वेगे दुरुवा वेगे तेसिं च णं इमं इयारूव दंडसमादाणं संपेहाए

तं जहा-पेरइएसु तिरिक्खजोणिएसु माणुसेसु देवेसु जे यावण्णे तहप्पगारा पाणा विण्णू वेचणं येयंति तेसिं पि य नं इमाइं तेरस किरियाठाणाइं भवंतीति मक्खायं तं जहा-अट्ठादंडे अणट्ठादंडे हिसादंडे अकस्मादंडे दिट्ठिविपरियासियादंडे मोसवत्तिए अदिन्नादाणवत्तिए अज्झत्थिए माणवत्तए भित्तदोसवत्तिए मायावत्तिए लोभवत्तिए इरियावहिए १७७। -१६

(६४९) पढमे दंडसमादाणे अट्ठादंडवत्तिए ति आहिज्झहं से जहाणामए केइ पुरिसे आयहेउं वा नाइहेउं वा अगारहेउं वा परिवारहेउं वा भित्तहेउं वा नागहेउं वा भूयहेउं वा अक्खहेउं वा तं दंडं तसयावरेहिं पाणेहिं सयमेव निसिरति अण्णेण वि निसिरावेति अन्नं पि निसिरंत समणुजाणति एवं खलु तस्स तप्पत्तियं सावज्जं ति आहिज्झइ पढमे दंडसमादाणे अट्ठादंडवत्तिए ति आहि १७८। -१७

(६५०) अहावरे दोच्चे दंडसमादाणे अणट्ठादंडवत्तिए ति आहिज्झइ से जहाणामए केइ पुरिसे जे इमे तसा पाणा भवंति ते नो अच्चाए नो अजिणाए नो मंसाए नो सोणियाए नो हिययाए नो पित्ताए नो वसाए नो पिच्छाए नो पुच्छाए नो बालाए नो सिंगाए नो विसाणाए नो दंताए नो दाढाए नो नहाए नो ष्णारुणिए नो अट्ठीए नो अट्ठिमिंजाए नो हिंसिसु मे ति नो हिंसंति मे ति नो हिंसिस्संति मे ति नो पुत्तपोसाणाए नो पसुपोसाणाए नो अगारपरिवूहणयाए नो समणमाहण वत्तणाहेउं नो तस्स सरीरगस्स किंचि विपरियाइत्ता भवति से हंता छेत्ता भेत्ता लुंपइत्ता विलुंपइत्ता ओदवइत्ता उज्झिउं बाले वेरस्स आभागी भवति-अणट्ठादंडे से जहाणामए केइ पुरिसे जे इमे थावरा पाणा भवंति तं जहा-इक्खडा इ वा कडिमा इ वा जंतुगा इ वा परगा इ वा मोरका इ वा तणा इ वा कुसा इ वा कुच्छगा इ वा पव्वगा इ वा पलाला इ वा-ते नो पुत्तपोसाणाए नो पसुपोसाणाए नो अगारपरिवूहणयाए नो समणमाहणत्तणाहेउं नो तस्स सरीरगस्स किंचि विपरियाइत्ता भवति से हंता छेत्ता भेत्ता लुंपइत्ता विलुंपइत्ता ओदवइत्ता उज्झिउं बाले वेरस्स आभागी भवइ-अणट्ठादंडे से जहानामए केइ पुरिसे कच्छंसि वा दहंसि वा उदगंसि वा दवियंसि वा नूमंसि वा गहणंसि वा गहणविदुग्गंसि वा वणंसि वा वणविदुग्गंसि वा पुव्वयंसि वा पव्वयविदुग्गंसि वा तणाइं ऊसविय-ऊसविय सयमेव अगणिकायं निसिरति अण्णेण वि अगणिकायं निसिरावेति अन्नं पि अगणिकायं निसिरंतं समणुजाणति-अणट्ठादंडे एवं खलु तस्स तप्पत्तियं सावज्जं ति आहिज्झइ दोच्चे दंडसमादाणे अणट्ठादंडवत्तिए ति आइए १७९। -१८

(६५१) अहावरे तच्चे दंडसमादाणे हिसादंडवत्तिए ति आहिज्झइ से जहानामए केइ पुरिसे ममं वा ममियं वा अन्नं वा अन्नियं वा हिंसिसु वा हिंसंति वा हिंसिस्संति वा तं दंडं तसयावरेहिं पाणेहिं सयमेव निसिरइ अण्णेण वि निसिरावेइ अण्णं पि निसिरंतं समणुजाणइ-हिसादंडे एवं खलु तस्स तप्पत्तियं सावज्जं ति आहज्झइ तच्चे दंडसमादाणे हिसादंडवत्तिए ति आहि १८०। -१९

(६५२) अहावरे चउत्थे दंडसमादाणे अकस्मादंडवत्तिए ति आहिज्झइ से जहानामए केइ पुरिसे कच्छंसि वा [दहंसि वा उदगंसि वा दवियंसि वा वलयंसि वा नूमंसि वा गहणंसि वा गहणविदुग्गंसि वा वणंसि वा वणविदुग्गंसि वा पव्वयंसि] वा पव्वयविदुग्गंसि वा मियवत्तिए मियसंकपे मियपणिहाणे मियवहाए गंता एते मिय ति काउं अण्णयरस्स मियस्स

वहाए उसुं आयापेत्ता णं निसिरेज्जा से मियं वहिस्सामि ति कट्टु तित्तिरं वा यट्टुं वा चड्ढं वा लायणं वा कवोयणं वा कविं वा कविजलं वा विंथित्ता भवति-इति खलु से अन्नस्स अट्ठाए अन्नं फुसइ-अकस्मादंडे से जहानामए केइ पुरिसे सालीणि वा वीहीणि वा कोइधामि वा कंगूणि वा परगापि वा रालाणि वा निल्लिज्जमाणे अन्नचरस्स तणस्स वहाए सत्थं निसिरेज्जा से सामगं तणणं मुकुंदुणं वीहीऊसियं कलेसुयं तणं छिदिस्सामि ति कट्टु सालिं वा वीहिं वा कोइवं वा कंगुं वा परगं वा रायलयं वा छिदिंत्ता भवति-इति खलु से अन्नस्स अट्ठाए अन्नं फुसति-अकस्मादंडे एवं खलु तस्स तप्पत्तियं सावज्जं ति आहिज्जइ चउत्थे दंडसमादाणे अकस्मादंडवत्तिए आहिए ।२१।-२०

(६५३) अहावरे पंचमे दंडसमादाणे दिट्ठिविपरियासियादंडवत्तिए ति आहिज्जइ से जहानामए केइ पुरिसे माईहिं वा पिईहिं वा भाईहिं वा मणिणीहिं वा भज्जाहिं वा पुतेहिं वा धूयाहिं वा सुण्हाहिं वा सच्चिं संवसमाणे मित्तं अमित्तमित्ति मन्नमाणे मित्ते ह्यपुब्बे भवइ-दिट्ठिविपरियासियादंडे से जहानामए केइ पुरिसे गामधायंसि वा नगरधायंसि वा खेड्ढा-यंसि कच्चड्ढायंसि वा दोणमुह्ढायंसि वा पट्टणधायंसि वा आसमधायंसि वा सण्णिवेस-धायंसि वा निगमधायंसि वा रायहाणिधायंसि वा अतेणं तेणमित्ति मन्नमाणे अतेणे ह्यपुब्बे भवइ-दिट्ठिविपरियासियादंडे एवं खलु तस्स तप्पत्तियं सावज्जं ति आहिज्जइ पंचमे दंड-समादाणे दिट्ठिविपरियासियादंडवत्तिए ति आहिए ।२२।-२१

(६५४) अहावरे छट्ठे किरियट्ठाणे मोसवत्तिए ति आहिज्जइ से जहानामए केइ पुरिसे आयहेउं वा नाइहेउं वा अगारहेउं वा परिवारहेउं सयमेव मुसं वयति अण्णेण वि मुसं बयावेइ मुसं वयंतं पि अन्नं समणुजाणति छट्ठे किरियट्ठाणे मोसवत्तिए ति आहिए ।२३।-२२

(६५५) अहावरे सत्तमे किरियट्ठाणे अदिन्नादाणवत्तिए ति आहिज्जइ से जहानामए केइ पुरिसे आयहेउं वा नाइहउं वा अगारहेउं वा परिवारहेउं वा सयमेव अदिन्नं आदियति अण्णेण वि अदिन्नं आदियावेति अदिन्नं आदियंतं पि अन्नं समणुजाणइ एवं खलु तस्स तप्पत्तियं समाज्जं ति आहिज्जइ सत्तमे किरियट्ठाणे अदिन्नादाणवत्तिए ति आहिए ।२४।-२३

(६५६) अहावरे अट्ठमे किरियट्ठाणे अञ्जत्थिए ति आहिज्जइ- से जहानामए केइ पुरिसे-नत्थि णं केइ किंचि विसंवादेइ-सयमेण हीणे दीणे दुट्ठे दुम्मणे ओहयमण-संकप्पे चिंतासोगसागरसंपविट्ठे करतलपल्लत्थुमुहे अट्टज्जाणोवगए भूमिगयदिट्ठिए झियाति तस्स णं अञ्जत्थिया असंसइया चत्तारि ठाणा एवमाहिज्जंति तं जहा-कोहे माणे माया लोहे एवं खलु तस्स तप्पत्तियं सावज्जं ति आहिज्जइ अट्ठमे किरियट्ठाणे अञ्जत्थिए ति आहिए ।२५।-२४

(६५७) अहावरे नवमे किरियट्ठाणे माणवत्तिए ति आहिज्जइ- से जहानामए केइ पुरिसे जाइमदेण वा कुलमदेण वा बलमदेण वा रूवमदेण वा तवमदेण वा सुयमदेण वा लाभ-मदेण वा इस्सरियमदेण वा पण्णामदेण वा अण्णचरेण वा मदट्ठाणेणं मत्ते समाणे परं हीलेति निंदेति खिसति गरिहति परिभवति अवमन्नति इत्तरिए अयं अहमंसि पुण विसिट्ठजाइ कुलबलाइगुणोववेए-एवं अप्पाणं समुक्खसे देहा चुए कम्मविइए उवसे पयाति तं जहा-गम्भा-ओ गत्थं जम्माओ जम्मं माराओ मारं नरगाओ नरगं चंडे धरुत्ते चवले माणी यावि भवइ एवं

खलु तस्स तप्पत्तियं सावज्जं ति आहिज्जइ नवमे किरियट्ठाणे माणवत्तिए ति आहिए ।२६।-२५

(६५८) अहावरे दसमे किरियट्ठाणे मित्तदोसवत्तिए ति आहिज्जइ- से जहानामए केइ पुरिसे माईहिं वा पिईहिं वा भाईहिं वा भइणीहिं वा मज्जाहि वा घूयाहिं वा पुतेहिं वा सुण्हाहिं वा सद्धिं संवसमाणे तेसिं अण्णयरंसि अहालहुंगंसि अवराहंसि सयमेव गरुयं दडं निव्वलेति तं जहा-सीओदगवियडंसि वा कायं उब्बोलेत्ता भवइ उसिणोदगवियडेण वा कायं ओसिंचित्ता भवइ अगणिकीयेणं कायं उद्दिहत्ता भवइ जोत्तेण वा वेत्तेण वा नेत्तेण वा तथा या कसेण वा छियाए या लयाए वा अण्णयेण वा दवरएण पासाइं उद्दीलित्ता भवति दंडेण वा अट्ठीण वा मुट्ठीण वा लेलुणा वा कवालेण वा कायं आउट्ठित्ता भवति तहप्पगारे पुरिसजाते संवसमाणे दुम्पणा भवति पवसमाणे सुमणा भवति तहप्पगारे पुरिसजाते दंडपासी दंडगरुए दंडपुरक्खडे अहिते इपंसि लोगंसि अहिते परंसि लोगंसि संजलणे कोहणे पिट्ठिमंसियावि भवइ एवं खलु तस्स तप्पत्तियं सावज्जं ति आहिज्जति दसमे किरियट्ठाणे मित्तदोसवत्तिए ति आहिए ।२७।-२६

(६५९) अहावरे एक्कारसमे किरियट्ठाणे मायावत्तिए ति आहिज्जइ-जे इमे भवति गूढायारा तभोकासिया उलूगपत्तलहूया पव्वयगुरुया ते आरिया वि संता अणारियाओ भासाओ पठंजति अण्णहा संतं अप्पाणं अण्णहा भन्ति अन्नं पुट्ठा अन्नं वागरेति अन्न आइक्खियव्वं अण्ण आइक्खंति से जहानामए केइ पुरिसे अंतोसत्थे तं सत्थं नो सयं नीहरति नो अण्णेण नीहरावेति नो पडिविद्धसेति एवमेव निहवेति अविउट्ठमाणे अंतो-अंतो रियाति एवमेव माई मायं कट्ठु नो आलोएइ नो पडिक्कमेइ नो निंदइ नो गरहइ नो विउट्ठइ नो विसोहेइ नो अकरणाए अब्भुट्ठेइ नो अहारिहं तवोकम्मं पायच्छित्तं पडिवज्जइ माई असिं लोए पच्चायाति माई परंसि लोए पच्चायाति निंदइ पसंसति निच्चरति न नियइति निरिरिया दंडं छाएइ माई असमाहडसुहलेस्से यावि भवइ एवं खलु तस्स तप्पत्तियं सावज्जं ति आहिज्जइ एक्कारसमे किरियट्ठाणे मायावत्तिए ति आहिए ।२८।-२७

(६६०) अहावरे बारसमे किरियट्ठाणे लोभवत्तिए ति आहिज्जइ-जे इमे भवति आरणिग्या आवसाहिया गामंतिया कण्हईरहसिया नो बहुपडिविरया सव्वपाणभूय-जीवसत्तेहिं ते अप्पणा सच्चापोसाइं एवं विउंजति-अहं न हंतव्वो अन्ने हंतव्वा अहं न अज्जावेचव्वो अन्ने अज्जावेयव्वा अहं न परिघेतव्वो अन्ने परिछेतव्वा अहं न परितावेयव्वो अन्ने परितावेयव्वा अहं न उद्देवयव्वो अन्ने उद्देवयव्वा एवामेव ते इत्थिकामेहिं मुच्छिया गिद्धा गट्ठिया अज्झोववण्णा जाव वासाइं घउपंचभाइं छदसमाइं अप्पयरो वा भुज्जयरो वा भुंजितु भोगभोगाइं कालमासे कालं किच्चा अण्णयरोसु आसुरिएसु किब्बिसिएसु ठाणेसु उवदत्तारो भवति तओ विप्पमुच्चमाणं भुज्जो एलभूयत्ताए तभूयत्ताए जाइभूयत्ताए पच्चार्यति एवं खलु तस्स तप्पत्तियं सावज्जं ति आहिज्जइ दुवालसमे किरियट्ठाणे लोभवत्तिए ति आहिए इच्चेताइं दुवालस किरियट्ठाणाइं दविएणं समणेणं वा माहणेणं वा सम्भं सुपरिजाणियव्वाणि भवति ।२९।-२८

(६६१) अहावरे तेरसमे किरियट्ठाणे इरियावहिए ति आहिज्जइ-इह खलु अत्तत्ताए संवुडस्स अणगारस्स इरियासमियस्स भासासमियस्स एसणासमियस्स आयणभंड-उमत्त-

निक्खेणासमियस्स उच्चार-पासवण-खेल-सिंघाण-जल्ल -पारिद्धा वणियासमियस्स मणस-
मियस्स वइसमिवस्स कायसमियस्स मणगुत्तस्स वइगुत्तस्स कायगुत्तस्स गुत्तिदियस्स गुत्तबंभ-
यारिस्स आउत्तं गच्छमाणस्स आउत्तं चिट्ठमाणस्स आउत्तं निसीयमाणस्स आउत्तं तुयट्ठ-
माणस्स आउत्तं भुंजमाणस्स आउत्तं मासमाणस्स आउत्तं वत्थं पडिग्गहं कंबलं पायपुच्छणं
गिण्हमाणस्स वा निक्खिवमाणस्स वा जाव चक्खुपम्हणिवायमवि अत्थि विमाया सुहुमा
किरिया इरियावहिया नाम कज्झइ-सा पढमसमए बद्धपुट्ठा बितियसमए वेइया ततिय-
समए निञ्जिण्णा सा बद्धपुट्ठा उदीरिया वेइया निञ्जिण्णा सेयकले अकम्मयाऽवि भवइ एवं
खलु तस्स तत्पत्तियं आहिञ्जइ तेरसमे किरियट्ठाणे इरियावहिए ति आहिए से बेमि-जे य
अईया जे य पडुप्पण्णा जे य आगमेस्सा अरहंता भगवंता सब्बे ते एयाई चेव तेरस
किरियट्ठाणाइं भासिंसु वा भासेंति वा भासिस्संति वा पण्णयेंसु वा पण्णवेत्ति वा पण्णवेस्संति
वा एवं चेव ते रसमं किरियट्ठाणं सेविंसु वा सेवंति वा सेविस्संति वा ।३०। -२७

(६६२) अदुत्तरं च णं पुरिस-विजय-विभंगमाइक्खिस्सामि-इह खलु नानापण्णाणं
नानाछंदाणं नानासीलाणं नानादिट्ठीणं नानारुईणं नानारंमाणं नानाज्झवसाणसंजुत्ताणं
इहलोगपडिवद्धाणं परलोगणिप्पिवासाणं विसयतिसियाणं इणं नानाविहं पावसुयज्झयणं
भवइ तं जहा- भोमं उप्पायं सुविणं अंतलिक्खं अंगं सरं लक्खणं वंजणं इत्थिलक्खणं
पुरिसलक्खणं हयलक्खणं गचलक्खणं गोणलक्खणं मेंढलक्खणं कुक्कुडलक्खणं तित्तिरल-
क्खणं वट्टगलक्खणं स्तावगलक्खणं चक्कलक्खणं छत्तलक्खणं चम्मलक्खणं दंडलक्खणं असि-
लक्खणं मणिलक्खणं कागणिलक्खणं सुभगाकरं दुब्भगाकरं गब्भगाकरं मोहणकरं आहव्व्यणि
पागसासणिं दव्वहोमं खत्तियविज्जं चंदचरियं सूचरियं सुक्क चरियं बहस्सइचरियं उक्कापायं
दिसादाहं मियचक्कं वायसपरिमंडलं पंसुवुट्ठिं केसवुट्ठिं मंसवुट्ठिं रुहिरवुट्ठिं वेयालिं
अद्धवेयालिं ओसावणिं तालुग्धाडणिं सोवागिं सावरीं दामिलिं कालिं गी गोरिं गंधारिं
ओवत्तणिं उप्पत्तणिं जंभणिं थंभणिं लेसणिं आयमकरणिं विसल्लकरणिं पक्कमणिं अंतद्धाणिं
एवमाइयाओ विज्जाओ अन्नस्स हेउं पउंजंति पाणस्स हेउं पउंजंतिवत्थस्स हेउं पउंजंति
लेणस्स हेउं पउंजंति सयणस्स हेउं पउंजंति अण्णेसिं वा विरूवरूयाणं कामभोगाण हेउं
पउंजंति तेरिच्छं ते विज्जं सेवंति ते अणारिय विप्पडिवण्णा कालमासे कालं किच्चा अण्णयरेसु
आसुरिएसु किच्चिसिएसु ठाणेसु उववत्तारो भवंति ततो वि विप्पमुच्चमाणा भुज्जो एलमूय-
त्ताए तमंघयाए पच्चायंति ।३१। -३०

(६६३) से एगइओ आयहेउं वा नाइहेउं वा अगारहेउं वा परिवारहेउं वा नायगं वा
सहवासियं वा निस्साए- अदुवा अणुगामिए अदुवा उवचरए अदुवा पाडिपहिए अदुवा
संधिच्छेयए अदुवा गंढिच्छेयए अदुवा ओरब्भिए अदुवा सोयरिए अदुवा वागुरिए अदुवा
साउणिए अदुवा मच्छिए अदुवा गोवालए अदुवा गोधायए अदुवा सोवणिए अदुवा
सोवणियंतिए से एगइओ अणुगामिवभावं पडिसंघाय तमेव अणुगामिय हंता छेत्ता भेत्ता
लुंपइत्ता विलुंपइत्ता उद्वयइत्ता आहारं आहारेति-इति से महया पावेहिं कम्महिं अत्ताणं
उवक्खाइत्ता भवति से एगइओ उवचरगभावं पडिसंघाय तमेव उवचरिय हंता छेत्ता भेत्ता
लुंपइत्ता विलुंपइत्ता उद्वयइत्ता आहारं आहारेइ-इति से महया पावेहिं कम्महिं अत्ताणे उव-

क्खाइत्ता भवति से एगइओ पाडिपहियभावं पडिसंधाय तमेव पडिपहे ठिछा हंता छेत्ता भेत्ता [लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं उवक्खाइत्ता भवति से एगइओ संधिच्छेदगमावं पडिसंधाय तमेव संधिं छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं उत्ताणं उवक्खाइत्ता भवति से एगइओ गंठिच्छेदगमावं पडिसंधाय तमेव गंठिं छेत्ता भेत्ता [लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं उवक्खाइत्ता भवति से एगइओ ओरब्बियभावं पडिसंधाय उरब्बं वा अन्नतरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं उवक्खाइत्ता भवति से एगइओ सोयरियभावं पडिसंधाय महिसं या अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं] उवक्खाइत्ता भवति से एगइओ वागुरियभावं पडिसंधाय मियं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं] उवक्खाइत्ता भवति से एगइओ साउणियभावं पडिसंधाय सउणिं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं] उवक्खाइत्ता भवति से एगइओ मच्छियभावं पडिसंधाय मच्छं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं उवक्खाइत्ता भवति से एगइओ गोघायगभावं पडिसंधाय गोणं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं] उवक्खाइत्ता भवति से एगइओ सोवणियभावं पडिसंधाय मणुस्सं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं उत्ताणं उवक्खाइत्ता भवति ।३२।.३१

(६६४) से एगइओ परिसामज्जाओ उट्ठेता अहमेयं हणामि ति कट्टु तित्तिरं वा वट्टुं वा चडगं वा लावगं वा कदोयगं वा कविं वा कविजलं वा अण्णयरं वा तसं पाणं हंता [छेत्ता भेत्ता लुंपइत्ता विलुंपइत्ता उद्वइत्ता आहारं आहारेइ-इति से महया पावेहिं कम्मेहिं अत्ताणं] उवक्खाइत्ता भवति से एगइओ केणइ आदाणेणं विरुद्धे समाणे अदुवा खलदाणेणं अदुवा सुरायालएणं गाहावईणं वा गाहावइपुत्ताणं वा सयमेव अगणिकाएणं सस्साइं झामेइ अनेण वि अगणिकाएणं सस्साइं झामावेइ अगणिकाएणं सस्साइं झामेतं पि अण्णं समणुजाणइ-इति से महया पावकम्मेहिं अत्ताणं उवक्खाइत्ता भवति से एगइओ केणइ आदाणेणं विरुद्धे समाणे अदुवा खलदाणेणं अदुवा सुरायालएणं गाहावईणं वा गाहावइपुत्ताणं वा उट्ठणं वा गोणाय वा घोडगाणं वा गहमाणं वा सयमेव धूराओ कम्पेइ अण्णेण वि कम्पावेइ कप्पंतं वि अन्नं समणुजाणइ-इति से महया पावकम्मेहिं उत्ताणं उवक्खाइत्ता भवति से एगइओ केणइ आदाणेणं विरुद्धे समाणे अदुवा खलदाणेणं अदुवा सुरायालएणं गाहावईणं वा गाहावइपुत्ताणं वा उट्ठसालाओ वा गोणसालाओ वा घोडगसालाओ वा दाग्गसालाओ वा कंटकवीदियाए पडिपेहित्ता सयमेव अगणिकाएणं झामेइ अण्णेण वि झामावेइ झामंतं पि अन्नं समणुजाणइ-

इति से महया पावकम्महिं अत्ताणं उवक्खाइत्ता भवति से एगइओ केणइ आदाणेणं विरुद्धे समाणे अदुवा खलदाणेणं अदुवा सुरायालएणं गाहावईण वा गाहावइपुत्ताणं कुंडलं वा मणिं वा मोत्तियं वा सयमेव अवहरइ अण्णेण वि अवहरावेइ अवहरंतं पि अन्नं समणुजाणइ-इति से महया पावकम्महिं अत्ताणं उवक्खाइत्ता भवति से एगइओ केणइ वि आदाणेण विरुद्धे समाणे समणाणं वा माहणाणं वा दंडगं वा छत्तगं वा भंडगं वा मत्तगं वा लट्ठिगं वा भिसिगं वा चेलगं वा चिल्लिमिलिगं वा चम्मगं वा चम्मछेयणं वा चम्मकोसियं वा सयमेव अवहरइ अण्णेण वि अवहरावेइ अवहरंतं पि अन्नं समणुजाणइ-इति से महया पावकम्महिं अत्ताणं उवक्खाइत्ता भवति से एगइओ नो वित्तिगिंछइ-गाहावईण वा गाहावइपुत्ताण वा सयमेव अगणिकाएणं ओसहीओ ज्ञामेइ [अण्णेण वि अगणिकाएणं ओसहीओ ज्ञामावेइ अगणिका- एणं ओसहीओ] ज्ञामेंतं पि अन्नं समणुजाणइ-इति से महया पावकम्महिं अत्ताणं उवक्खाइत्ता भवति से एगइओ नो वित्तिगिंछइ-गाहावईण वा गाहावइपुत्ताण वा उट्ठाण वा गोणाण वा षोडगाण वा गद्दमाण वा सयमेव घूराओ कप्पेइ अण्णेण वि कप्पावेइ अन्नं पि कप्पंतं समणुजाणइ-इति से महया पावकम्महिं अत्ताणं उवक्खाइत्ता भवति से एगइओ नो वित्तिगिंछइ-गाहावईण वा गाहावइपुत्ताण वा उट्ठसालाओ वा गोणसालाओ वा षोडगसालाओ वा गद्दभसालाओ वा कंटकबोदियाए पडिपेहिता सयमेव अगणिकाएणं ज्ञामेइ अण्णेण वि ज्ञामावेइ ज्ञामंतं पि अन्नं समणुजाणइ

से एगइओ नो वित्तिगिंछइ-गाहावईण वा गाहावइपुत्ताण वा कुंडलं वा मणिं वा मोत्तियं वा सयमेव अवहरइ अण्णेण वि अवहरावेइ अवहरंतं पि अन्नं समणुजाणइ से. एगइओ नो वित्तिगिंछइ-समणाण वा माहणाण वा दंडगं वा [छत्तगं वा भंडगं वा मत्तगं वा लट्ठिगं वा भिसिगं वा चेलगं वा चिल्लिमिलिगं वा चम्मगं वा चम्मछेयणं वा सयमेव अवहरइ अण्णेण वि अवहरावेइ अवहरंतं पि अन्नं समणुजाणइ-इति से महया पावकम्महिं अत्ताणं उवक्खाइत्ता भवति से एगइओ समणं वा माहणं वा दिस्सा नाणाविहेहिं पावेहिं कम्महिं अत्ताणं उवक्खाइत्ता भवइ अदुवा णं अच्छराए आफालित्ता भवइ अदुवा णं फरुसं वदित्ता भवइ कालेण वि से अणुपविट्ठस्स असणं वा पाणं वा खाइमं वा साइमं वा नो दयावेत्ता भवति जे इमे भवति-वोणमंता भारद्धंता अलसगा घसलगा किवणगा समणगा ते इणमेव जीवितं धिञ्जीवियं संपडिवूहेति नाइ ते पारलोइयस्स अट्ठयस्स किंचि वि सिलिस्संति ते दुक्खंति ते सोयंति ते जूरंति ते तिप्पंति ते पिट्ठंति ते परितप्पंति ते दुक्खण-जूरण-सोयण-तिप्पण-पिट्ठण-परितप्पण-वह-बंध-परिकिलेसाओ अपडिविरता भवति ते महता आरंभेण ते महता समारंभेण ते महता आरंभसमारंभेण विरूवरूवेहिं पावकम्म-रिच्चोहिं उरालाई माणुस्सगाई भोगभोगाई भुंजित्तारे भवति

- तंजहा-अन्नं अन्नकाले पाणं पाणकाले वत्थं वत्थकाले लेणं लेणकाले सयणं सयणकाले सपुब्बावरं च णं ण्हाए कयवलिकम्मे कय-कोउय-मंगल-पायच्छित्ते सिरसा ण्हाए कंठेमालकडे आविद्धमणिसुवण्णे कप्पियमालामउली पडिबद्धसरीरे वग्धारिय-सोणिसुत्तग-मद्ददामकलावे अहयवत्थपरिहिए चंदणोक्खित्तगाय-सरीरे महइमहालियाए कूडागारसालाए महइमहालयंसि सीहासर्णंसि इत्थी गुम्पसंपरिदुडे सव्वराइएणं जोइणा झियायमाणेणं

महयाहय-नष्ट-गीय-बाइय-तंती-तल-ताल-तुडिय-घण-मुडंग-पडुपवाइय-रवेणं उरालाई मा-
पुस्तागाई भोगभोगाई भुंजमाणे विहरए तस्स णं एगमवि आपणवेमाणस्स जाव चत्तारि पंच
जणा अवुत्ता चेव अब्भु- द्ढंति-भण देवाणुप्पिया किं करेभो किं आहरेभो किं उवणेमो किं
उवट्ठावेमो किं मे हियइच्छियं किं मे आसगस्स सयइ तमेव पासित्ता अणारिया एवं वयंति-
देवे खलु अयं पुरिसे देवसिणाए खलु अयं पुरिसे देवजीवणिजे खलु अयं पुरिसे अण्णे वि य णं
उवजीवंति तमेव पासित्ता आरिया वयंति-अभिकंतकूरकम्मे खलु अयं पुरिसे अइधूए आइ-
आयरक्खे दाह्णिणामिए नेरइए कण्हपक्खिए आगमिस्साणं दुल्लहवोहिए यावि भविस्साइ
इच्छेतस्स ठाणस्स उट्ठित्ता वेगे अभिगिज्झंति अणुट्ठित्ता वेगे अभिगिज्झंति अभिज्जाजउरा
अभिगिड्ढंति एस्स ठाणे अणारिए अकेवले अप्पडिपुण्णे अणेयाउए असंसुद्धे असल्लगतोण
असिद्धिमग्गे अमुत्तिमग्गे अनिच्चाणमग्गे अनिज्जाणमग्गे असव्वदुक्खपहीण-मग्गे एंगत-
मिच्छे असाहू एस्स खलु पढमस्स ठाणस्स अधम्मपक्खस्स विभंगे एवमाहिए ।३३।-३२

(६६५) अहावरे दोच्चस्स ठाणस्स धम्मपक्खस्स विभंगे एवमाहिज्झइ-इह खलु पाईणं
वा पडीणं वा उदीणं वा दाह्णिणं वा संतेगइया मणुस्सा भवंति तं जहा आरिया वेगे अणारिया
वेगे उच्चागोया वेगे नीयागोया वेगे कायमंता वेगे हस्समंता वेगे सुवण्णा वेगे दुवण्णा वेगे
सुरूवा वेगे दुरूवा वेगे तेसिं च णं खेतवत्थूणि परिग्गहियाइं भवंति [तं जहा-अप्पयरा वा
भुज्जयरा वा तेसिं च णं जणजाणवयाइं परिग्गहियाइं भवंति तं जहा-अप्पयरा वा भुज्जयरा वा
तहप्पगारेहिं कुलेहिं आगम्म अभिभूय एगे भिक्खायरियाए समुट्ठिया सतो वा वि एगे नायओ य
उवगरणं च विष्पजहाय भिक्खायरियाए समुट्ठिया असतो वा वि एगे नायओ य
उवगरणं च विष्पजहाय भिक्खायरियाए समुट्ठिया जे ते सतो वा असतो वा नायओ य
उवगरणं च विष्पजहाय भिक्खायरियाए समुट्ठिया पुव्वमेव तेहिं नातं भवति-इह खलु
पुरिसे अण्णमण्णं ममट्ठाए एवं विष्पडिवेदेति तं जहा-खेतं मे वत्थू मे हिरण्णं मे सुवण्णं मे
धणं मे धण्णं मे कंसं मे दूसं मे विपुल-धण-कणग-रण-मणि-मोत्तिय-तंख-सिल-प्पवाल-
रत्तरयण-संत-सार-सावतेयं मे सद्दा मे रुवा मे गंधा मे रसा मे फासा मे एते खलु मे कामभोगा
अहमवि एतेसिं से मेहावी पुव्वमेव अप्पणा एवं समभिजाणेज्जा-इह खलु मम अण्णतरे दुक्खे
रोगातंके समुप्पजेज्जा-अणिट्ठे अकंते अप्पिए असुभे अमणुण्णे अमणामे दुक्खे नो सुहे

से हंता भयंतारो कामभोगा मम अण्णतरं दुक्खं रोगायकं परियाइयह-अणिट्ठं
अकंतं अप्पियं असुभं अमणुण्णं अमणामं दुक्खं नो सुहं माऽहं दुक्खामि वा सोयामि वा
जूरामि वा तिप्पामि वा पीडामि वा परितप्पामि वा इमाओ मे अण्णतराओ दुक्खाओ रोगा-
तंकाओ पडिभोयह-अणिट्ठाओ अकंताओ अप्पियाओ असुभाओ अमणुण्णाओ अमणा-
माओ दुक्खाओ नो सुहाओ एवमेव नो लद्धपुव्वं भवति इह खलु कामभोगा नो ताणाए वा
नो सरणाए वा पुरिसे वा एगया पुब्बि कामभोगे विष्पजहइ कामभोगा वा एगया पुब्बि पुरिसं
विष्पजहंति अन्ने खलु कामभोगा अन्ने अहमंसि से किमंग पुण वयं अन्नमण्णेहिं काम-
भोगेहिं मुच्चाओ इति संखाए णं दयं कामभोगे विष्पजहिस्सामो से मेहावी जाणेज्जा-वाहिर-
गमेवं इणमेव उवणीयतरगं तं जहा-माता मे पिता मे भाया मे भगिणी मे भज्जा मे पुत्ता मे नत्ता
मे धूया मे पेसा मे सहा मे सुही मे सयणसंगंयसंथुया मे एते खलु मम नायओ अहमवि एएसिं

से मेहावी पुव्वमेव अप्पणा एवं समभिजाणेज्जा इह खलु मम अण्णयरे दुक्खे रोगातंके समुप्पजेज्जा-अणिट्ठे अकंते अप्पिए असुभे अमणुण्णे अमणामे दुक्खे नो सुहे से हंता भयंतारो णायओ इमं मम अण्णयंरं दुक्खं रोगातंकं परियाइयह-अणिट्ठं अकंतं अप्पियं असुभं अमणुण्णं अमणामं दुक्खं नो सुहं माऽहं दुक्खामि वा सोयामि वा जूरामि वा तिप्पामि वा पीडामि वा परितप्पामि वा इमाओ मे अण्णतराओ दुक्खाओ रोगातंकाओ परिमोयह अणिट्ठाओ अकंताओ अप्पियाओ असुभाओ अमणुण्णाओ अमणामाओ दुक्खाओ नो सुहाओ एवमेवं नो लद्धपुव्वं भवइ तेसिं वा वि भयंतारणं मम नाययाणं अण्णयरे दुक्खे रोगातंके समुप्पजेज्जा अणिट्ठे अकंते अप्पिए असुभे अमणुण्णे अमणामे दुक्खे नो सुहे से हंता अहमेतेसिं भयंतारणं नाययाणं इमं अण्णतरं दुक्खं रोगातंकं परियाइयामि-अणिट्ठं अकंतं अप्पियं असुभं अमणुण्णं अमणामं दुक्खं नो सुहं मा मे दुक्खंतु वा सोयंतु वा जूरंतु वा तिपंतु वा पीडंतु वा परितपंतु वा इमाओ णं अण्णयराओ दुक्खाओ रोगातंकाओ परिमोएमि-अणिट्ठाओ अकंताओ अप्पियाओ असुभाओ अमणुण्णाओ अमणामाओ दुक्खाओ नो सुहाओ एवमेव नो लद्धपुव्वं भवति अन्नस्स दुक्खं अन्नो नो परियाइयइ अन्नेण कतं अन्नो नो पडिसंवेदेइ पत्तेयं जायइ पत्तेयं मरइ पत्तेयं पचइ पत्तेइ उववज्जइ पत्तेयं झंझा पत्तेयं सण्णा पत्तेयं मण्णा पत्तेयं विण्णू पत्तेयं वेदणा इति खलु नातिसंजोगा नो ताणाए वा नो सरणाए वा पुरिसे वा एगया पुव्विं नाइसंजोगे विप्पजहइ माइसंजोगा वा एगया पुव्विं पुरिसं विप्पजहंति अन्ने खलु नातिसंजोगा अन्नो अहमंसि से किमंग पुण दयं अण्णमण्णेहिं नाइसंजोगेहिं मुच्छामो इति संखाए णं दयं नातिसंजोगे विप्पजहिस्सामो

से मेहावी जाणेज्जा-वाहिरगमेयं इणमेव उवणीयतरगं तं जहा-हत्था मे पाया मे बाहा मे ऊरु मे उदरं मे सीसं मे आउं मे बलं मे वण्णो मे तथा मे छाया मे सोयं मे चक्खुं मे घाणं मे जिब्बा मे फासा मे ममाति वयाओ परिजूरइ तं जहा-आऊओ वलाओ वण्णाओ तथाओ छायाओ सोवाओ चक्खूओ घाणाओ जिब्बाओ फासाओ सुसंधिता संधी विसंधीभवति वलितरंगे गाए भवति किण्हा केसा पलिया भवंति जं पि य इमं सरीरगं उरालं आहारोवचियं एयं पि य मे अणुपुव्वेणं विप्पज- हियव्वं भविस्सति एयं संखाए से भिक्खू भिक्खायरियाए समुट्ठिए दुहओ लौगं जाणेज्जा तं जहा-जीवा चेव अजीवा चेव तसा चेव थावरा चेव इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा-जे इमे तसा थावरा पाणा-त्ते सयं समारंभंति अण्णेण वि समारंभावेति अण्णं पि समारंभंतं समणुजाणंति इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा जे इमे काममोगा सचित्ता वा अचित्ता वा-त्ते सयं परिगिण्हंति अन्नेवि परिगिण्हावेति अन्नं पि परिगिण्हं समणुजाणंति इह खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा अहं खलु अनारंभे अपरिग्गहे जे खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा एतेसिं चेव निस्साए बंधचेरवासं वसिस्सामो कस्स णं तं हेउं जहा पुव्वं तथा अवरं जहा अवरं तथा पुव्वं अंजू एते अणुवरया अणुवट्ठिया पुणरवि तारिसगा चेव जे खलु गारत्था सारंभा सपरिग्गहा संतेगइया समणा माहणा वि सारंभा सपरिग्गहा दुहओ पावाइं कुव्वंति इति संखाए दोहि वि अंतेहिं

अदिस्समाणो इति भिक्खू रीएज्जा से बेमि-पाईणं वा पडीणं वा उदीणं वा दाहिणं वा एवं से परिण्णातकम्मे एवं से ववेयकम्मे एवं से वियंतकारए भवइ त्ति मक्खायं तत्थ खलु भगवया छत्रीवनिकाया हेऊ पन्त्ता तं जहा-पुढवीकाए आउकाए तेउकाए वाउकाए वणस्सइकाए तसकाए से जहानामए मम असायं दंडेण वा अट्ठीण वा मुट्ठीण वा लेलुणा वा कवालेण वा आउडिज्जमाणस्स वा हम्ममाणस्स वा तज्जिज्जमाणस्स वा ताडिज्जमाणस्स वा परिताविज्ज-माणस्स वा किलामिज्जमाणस्स वा उह्विज्जमाणस्स वा जाव लोभुक्खणणमायमवि हिंसा-कारणं दुक्खं भयं पडिसंवेदेमि-इच्चेवं जाण सव्वे पाणा सव्वे भूया सव्वे जीवा सव्वे सत्ता दंडेण वा अट्ठीण वा मुट्ठीण वा लेलुणा वा कवालेण वा आउडिज्जमाणा वा हम्ममाणा वा तज्जिज्जमाणा वा ताडिज्जमाणा वा परिताविज्जमाणा वा किलामिज्ज-माणा वा उह्विज्जमाणा वा जाव लोभुक्खणणमायमवि हिंसाकारणं दुक्खं भयं पडिसंवेदेति एव नच्चा सव्वे पाणा सव्वे भूया सव्वे जीवा सव्वे सत्ता न हंतव्वा न अज्जावेयव्वा न परिधे-तव्वा न परिता-वेयव्वा न उह्वेयव्वा

से बेमि-जे अईया जे य पडुप्पणा जे य आगमेस्सा अरहंता भगवंतो सव्वे ते एवमाइक्खंति एवं भासंति एवं पण्णवेति एवं पहवेति सव्वे पाणा सव्वे भूया सव्वे जीवा सव्वे सत्ता न हंतव्वा न अज्जावेयव्वा न परिधेतव्वा न परितावेयव्वा न उह्वेयव्वा एस धम्मे धुवे नितिए सासए समेच्च लोगं खेयण्णेहिं पवेइए एवं से भिक्खू विरए पाणाइवायाओ विरए मुसावायाओ विरए अदत्तादाणाओ विरए मेहुणाओ विरए परिग्गहाओ नो दंत-पक्खालणेणं दंते पक्खालेज्जा नो अंजणं नो वमणं नो विरेयणं नो धूवणे नो तं परिघाविएज्जा से भिक्खू अकिरिए अलूसए अकोहे अमाणे अमाए अलोहे उवसंते परिनिव्वुडे नो आसंसं पुरतो करेज्जा-इमेण मे दिट्ठेण वा सुएण वा मएण वा विण्णाएण वा इमेण वा सुचरिय-तव-नियम-बंभवेरवासेणं इमेणं वा जायामायावुत्तिएणं धम्मेणं इतो चुते पेच्चा देवे सिया काम-भोगाण वसवती सिद्धे वा अदुक्खमसुहे एत्थ वि सिया एत्थ वि नो सिया से भिक्खू सदेहिं अमुच्छिए ह्वेहिं अमुच्छिए गंधेहिं अमुच्छिए रसेहिं अमुच्छिए फासेहिं अमुच्छिए विरए-कोहाओ माणाओ मायाओ लोभाओ पेज्जाओ दोसाओ कलहाओ अब्भक्खाणाओ पेसुन्ना-ओ परपरिवायाओ अरइरईओ मायामोसाओ मिच्छादंसणसल्लाओ-इति से महंतो आदा-णाओ उवसंते उवट्ठिए पडिविरते

से भिक्खू-जे इमे तसथावरा पाणा भवंति-ते नो सयं समारंभइ नो अन्नेहिं समा-रंभावेइ अन्ने समारंभंते वि न समणुजाणइ-इति से महंतो आदाणाओ उवसंते उवट्ठिए पडिविरते से भिक्खू-जे इमे काममोगा सचित्ता या अचित्ता या-ते नो सयं परिगिण्हइ नो अण्णेणं परिगिण्हवेइ अण्णं परिगिण्हंतंपि न समणुजाणइ इति से महंतो आदाणाओ उवसंते उवट्ठिए पडिविरते से भिक्खू-जं पि य इमं संपराइयं कम्मं कज्जइ-नो तं सयं करेइ नो अन्नेणं कारवेइ अन्नं पि करंतं न समणुजाणइ-इति से महंतो आदाणाओ उवसंते उवट्ठिए पडिविरते से भिक्खू जाणेज्जा-असणं या पाणं वा खाइमं वा साइमं वा अस्सिपडियाए एवं साहम्मियं समुद्धिस्स पाणाइं भूयाइं जीवाइं सत्ताइं समारब्भ समुद्धिस्सा कीयं पामिच्चं अच्छेज्जं अणिसट्ठं अभिरुडं आहइहेसियं तं चेतियं सिया तं नो सयं भुंजइ नो अन्नेणं भुंजावेइ अन्नं

पि भुंजंतं न समणुजाणइ-इति से महतो आदा- णाओ उवसंते उवट्ठिए पडिविरते से भिक्खू अह पुण एवं जाणेज्जा-तं विज्जइ तेसिं परकम्मे जस्सट्ठाए चैतियं सिया तं जहा-अप्यणो पुत्ताणं धूयाणं सुण्हाणं धातीणं नातीणं राईणं दासाणं दासीणं कम्मकाराणं कम्मकरीणं आएसाणं पुढो पहेणाए सामासाए पातरासाए सन्निहि-सन्निचओ कज्जति इह एएसिं माण-वाणं भोयणाए तथ्य भिक्खू परकइ-परनिट्ठितं उग्गमुप्पायणे-सणायसुद्धं सत्थातीतं सत्थ-परिणामितं अविहिंसितं एसितं वेसितं सामुदाणियं पण्णमसणं कारणाट्ठा पमाणजुत्तं अक्खोवज्जण-वणलेवणभूयं संजमजायामायावुत्तियं विलभिव पण्णगभूतेणं अप्पाणेणं आ-हारं आहारेज्जा-अन्नं अन्नकाले पाणं पाणकाले वत्थं वत्थकाले लेणं लेणकाले सयणं सयण-काले से भिक्खू मायण्णे अण्णयरिं दिसं वा अणुदिसं वा पडिण्णे धम्मं आइक्खे विभए किट्ठे-उवट्ठिएसु वा अणुवट्ठिएसु वा सुसूसमाणेसु पवेदए-संतिं विरतिं उवसमं निव्वाणं सोयवियं अज्जवियं महवियं लाघवियं अणति-वातियं सव्वेसिं पाणाणं सव्वेसिं धूयाणं सव्वेसिं जीवाणं सव्वेसिं सत्ताणं अणुवीइ विट्ठए धम्मं से भिक्खू धम्मं किट्ठमाणे-नो अन्नस्स हेउं धम्ममाइक्खेज्जा नो पाणस्स हेउं धम्म-माइक्खेज्जा नो वत्थस्स हेउं धम्ममाइक्खेज्जा नो लेणस्स हेउं धम्ममाइक्खेज्जा नो सयणस्स हेउं धम्ममाइक्खेज्जा नो अनेसिं विरूवरूवाणं कामभोगाणं हेउं धम्ममाइक्खेज्जा अगिलाए धम्ममाइक्खेज्जा नन्नत्थ कम्मनिज्जरट्ठयाए धम्ममाइक्खेज्जा इह खलु तस्स भिक्खुस्स अंतिए धम्मं सोच्चा निसम्म सम्मं उट्ठाणेणं उट्ठाय वीरा अस्सिं धम्मे समुट्ठिया जे तस्स भिक्खुस्स अंतिए धम्मं सोच्चा निसम्म सम्मं उट्ठाणेणं उट्ठाय वीरा अस्सिं धम्मे समुट्ठिया ते एवं सव्वोवगता ते एवं सव्वोवरता ते एवं सव्वोव-संता ते एवं) सव्वत्ताए परिनिव्वुड ति वेमि एस ठाणे आरिए केवले [पडिपुण्णे नेयाउए संसुद्धे सल्लगतणे सिद्धिमग्गे मुत्तिमग्गे निव्वाणमग्गे निज्जाणमग्गे] सव्व-दुक्खप्पहीणमग्गे एगंतसम्मे साहू दोच्चस्स ठाणस्स धम्मपक्खस्स विभंगे एवमाहिए ।३४।-३३

(६६६) अहावरे तच्चस्स ठाणस्स मीसगस्स विभंगे एवमाहिज्जइ-जे इमे भवंति आर-ण्णिया आवसहिया गामंतिया कणहुईरहस्सिया [नो बहुसंजया नो बहुपडिविरया सव्वपाण-भूयजीवसत्तेहिं ते अप्यणा सच्चा मोसाइं एवं विउंजंति-अहं न हंतव्वो अन्ने हंतव्वा अहं न अज्जावेयव्वो अन्ने अज्जावेयव्वा अहं न परिधेतव्वो अन्ने परिधेतव्वा अहं न परिता-वेयव्वो अन्ने परितावेयव्वा अहं न उद्देवेयव्वो अन्ने उद्देवेयव्वा एवामेव ते इत्थिकामेहिं मुच्छिया गिद्धा गट्ठिया अज्जोववण्णा जाव वासाइं चउपंचमाइं उद्दसमाइं अप्ययो वा भुज्जयो वा भुजित्तु भोगभोगाइं-कालमासे कालं किच्चा अन्नयरेसु आसुरिएसु किब्बिसिएसु ठाणेसु उववतारो भवंति] तओ विष्णुमुच्चमाणा भुज्जो एलभूयत्ताए तभूयत्ताए पच्चायंति एस ठाणे ण्णारिए अकेवले [अप्पडिपुण्णे अणेयाउए असंसुद्धे असल्लगतणे असिद्धिमग्गे अमुत्तिमग्गे अनिज्जाणमग्गे अनिज्जाणमग्गे असव्वदुक्खप्पहीणमग्गे एगंतमिच्छे असाहू एस खलु तच्च-स्स ठाणस्स मीसगस्स विभंगे एवमाहिए ।३५।-३४

(६६७) अहावरे पढमस्स ठाणस्स अधम्मपक्खस्स विभंगे एवमाहिज्जइ-इह खलु पा-इं वा पडीणं वा उदीणं वा दाहिणं वा संतेगइया मणुस्सा भवंति-महिच्छा महारंभा महाप-रिग्गहा अधम्मिया अधम्माणया अधम्मिट्ठा अधम्मक्खाइं अधम्मपायजीविणो अधम्मप-

लोडणो अधम्मपलज्जणा अधम्मसीलसमुदाचारा अधम्मणे च वित्ति कप्पेमाणा विहरति हण छिंद भिंद विगत्ता लोहियपाणी चंडा रुद्धा खुद्धा साहसिया उवकंचण-बंधण-माया-नियडि-कूड-कवड-साइ-संपओगवहुला दुस्सीला दुब्बाया दुप्पडियानंदा असाहू सव्वाओ पाणाइवा-याओ अप्पडिविरया जावज्जीवाए सव्वाओ मुसावायाओ अप्पडिविरया जावज्जीवाए सव्वा-ओ अदिन्नादाणाओ अप्पडिविरया जावज्जीवाए सव्वाओ मेहुणाओ अप्पडिविरया जावज्जी-वाए सव्वाओ परिग्गहाओ अप्पडिविरया जावज्जीवाए सव्वाओ कौहाओ माणाओ माया-ओ लोभाओ पेज्जाओ दोसाओ कलहाओ अब्भक्खाणाओ पेसुण्णाओ परपरिवायाओ अरइ-रईओ मायामोसाओ मिच्छदंसणसल्लाओ अप्पडिविरया जावज्जीवाए सव्वाओ ण्हाणुम्म-हण-वण्णग-विलेदण-सद्द-फरिस-रस-रुव-गंध-मल्लालंका- राओ अप्पिविरया जावज्जीवाए सव्वाओ सगड-रह-जाण-जुग्ग-मल्लालंकाराओ अप्पडिवि-रया जावज्जीवाए सव्वाओ सगड-रह-जाण-जुग्ग-गिल्लि-थिल्लि-सिय-संदमाणिया -स्यणा-सण - जाण- वाहण -भोग - भोयण-पवित्तरविहीओ अप्पडिविरया जावज्जीवाए सव्वाओ कय-किक्कय-मासद्धमास-रुवग-संबव-हाराओ अप्पडिविरया जावज्जीवाए सव्वाओ हिरण्ण-सुवण्ण-घण-धण्ण-मणि-भोत्तिय- संख-सिल्ल-प्पवालाओ अप्पडिविरया जावज्जीवाए सव्वाओ कूडतुल-कूड माणाओ अप्पडि-विरया जावज्जीवाए सव्वाओ आरंभसमारंभाओ अप्पडिविरया जावज्जीवाए सव्वाओ करण-कारावणाओ अप्पडिविरया जावज्जीवाए सव्वाओ पयण-पयावणाओ अप्पडिविरया जाव-ज्जीवाए सव्वाओ कुट्टण-पिट्टण-त्तज्जण-त्ताडण-वह-बंधपरिकिलेसाओ अप्पडिविरया जाव-ज्जीवाए जे यावण्णे तहप्पगारा सावज्जा अबोहिया कम्मता परपाणपरियावणकरा कज्जति ततो वि अप्पडिविरया जावज्जीवाए

से जहाणमए केइ पुरिसे कलम-मसूर-तिल-मुग्ग-मास-णिष्काव-कुलत्थ-आलिसं-दग-परिमंथगमादिएहिं अयते कूरे मिच्छदंडं पडंजति एवमेव तहप्पगारे पुरिसजाए तित्तिर-वट्टग-लावग-कवोय-कविंजल-पिय - महिस - वराए - गाह - गोह-कुम्म-सिरीसिवामादिएहिं अयते कूरे मिच्छदंडं पडंजति जा वि य से बाहिरिया परिसा भवइ तं जहा-दासे इ वा पेसे इ वा भयए इ वा भाइल्ले इ वा कम्मकरए इ वा भोगपुरिसे इ वा तेसिं पि य णं अण्णयरंसि अहाल-हुगंसि अवराहंसि सयमेव गरुयं दंडं निव्वतेइ तं जहा-इमं दंडेह इमं मुंडेह इमं तज्जेह इमं तालेह इमं अंदुयबंधणं करेह इमं नियलबंधणं करेह इमं हडिबंधणं करेह इमं चारगबंधणं करेह इमं नियल-जुयल-संकोडिय-मोडियं करेह इमं हत्थिच्छिण्णयं करेह इमं ओट्ट-च्छिण्णयं करेह इमं सीसच्छिण्णयं करेह इमं मुहच्छिण्णयं करेह इमं वेयवहितं करेह इमं अंगवहितं करेह इमं फोडियपयं करेह इमं नयणुप्पाडियं करेह इमं दसुण्णप्पडियं करेह इमं वसणुप्पाडियं करेह इमं जिब्बुप्पाडियं करेह इमं ओल्लवियं करेह इमं षसियं करेह इमं घोलियं करेह इमं सूलाइयं करेह इमं सूलाभिण्णयं करेह इमं खारपत्तियं करेह इमं वज्झपत्तियं करेह इमं सीहपुच्छियगं करेह इमं वसहपुच्छियगं करेह इमं कडिगिदड्ढयं करेह इमं कागणिमं-सखावियगं करेह इमं भत्तपाणनिरुद्धगं करेह इमं जावज्जीवं वहबंधणं करेह इमं अन्नतरेणं असुभेणं-कु-मारेणं मारेह जावि य से अब्भितरिया परिसा भवइ तं जहा-माया इ वा पिया इ वा भाया इ वा भगिणी इ वा भज्जा इ वा पुत्ता इ वा धूया इ वा सुण्हा इ वा तेसिं पि य णं अन्न-

यंसि अहालहुगंसि अवराहंसि सयमेव गरुवं दंडं निव्वत्तेति तं जहा-सीओदगवियडंसि उव्वालेत्ता भवइ [उसिणोदगवियडेण वा कायं ओसिंचित्ता भवइ अगणिकायेणं कायं उह-हिता भवइ जोत्तेण वा वेत्तेण वा नेत्तेण वा तथा वा कसेण वा छिप्पाए वा सत्थाए वा अन्नदरेण वा दवरएण पासाइं उहलित्ता भवति दंडेण वा अट्ठीण वा मुट्ठीण वा लेलुणा वा क्वात्तेण वा कायं आउट्ठित्ता भवति तहप्पगारे पुरिसजाते संवसमाणे दुम्पणा भवंति पवसमाणे सुमणा भवंति तहप्पगारे पुरिसजाते दंडपासी दंडगरुए दंडपुरक्खडे अहिते इमंसि लोगंसि अहिते परंसि लोगंसि] ते दुक्खंति सोयंति जूरंति तिप्पंति पिट्ठंति परितप्पंति ते दुक्खण-सोयण-जूरण-तिप्पण-पिट्ठण-परितप्पण-वह-बंधण-परिकिलेसाओ अप्पडिविरया भवंति एवामेव ते इत्थिकामेहिं मुच्छिया गिद्धा गट्ठिया अञ्जोववण्णा जाव वासाइं चउपंचमाइं छद्द-समाइं वा अप्पयरो वा भुज्जयरो वा कालं भुजितुं भोगभोगाइं पसवित्तु वेरायतणाइं संचिणित्ता यद्दुइं कूराइं कम्माइं उस्सण्णाइं संभारकडेण कम्मुणा- से जहानामए अयगोले इ वा सेलगोले इ वा उदगंसि पक्खित्ते समाणे उदग-तलमइवइत्ता अहे धरणितलपइट्ठणे भवति एवामेव तहप्पगारे पुरिसजाते वज्जबहुले धूयबहुले पंकबहुले अप्पत्तियवहुले दंभबहुले नियडिवहुले साइबहुले अयसबहुले उस्सण्णतसपाणघाती कालमासे कालं किच्चा धरणितल मइवइत्ता अहे नरगतलपइट्ठणे भवति ।३६। -३५

(६६८) ते णं नरगा अंतो वट्ठा बाहिं चउरंसा अहे खुरप्पसंठाणंसंठिया निच्चंध- गारत-मासा ववगय-गह-चंद-सूर-नक्खत्त-जोइत्तप्पहा भेद-वसा-मंस-रुहिर-पूय-पडल-चिक्खल्ल-लित्ताणुलेवणतला असुईं वीसा परमदुब्धिगंधा कण्ह अगणिवण्णाभा कक्खड- फासा दुरहियासा असुभा नरगा असुभा नरएसु वेयणाओ नो चेव णं नरएसु नेरइया निद्दयंति वा पयलायंति वा सइं वा रइं वा धिइं वा मइं वा उवलपंते ते णं तत्थ उज्जलं विउलं पंगाढं कडुयं कक्कसं चंडं दुक्खं दुग्गं तिक्कं दुरहियासं नेरइय-वेयणं पच्चणुभवमाणा विहरंति ।३७। -३६

(६६९) से जहाणामए रुक्खे सिया पव्वयग्गे जाए मूले णिन्ने अग्गे गरुए जओ निन्नं जओ विसमं जओ दुग्गं तओ पवडति एवामेव तहप्पगारे पुरिसजाते गब्भाओ गब्भं जम्माओ जम्मं माराओ मारं नरगाओ नरगं दुक्खाओ दुक्खं दाहिणं गामिए नेरइए कण्ह-पक्खिए आगमिस्साणं दुल्लभबोहिए यावि भवइ एस ठाणे अणारिए अकेवले अप्पडिपुण्णे अनेयाउए असंसुडे असल्लगत्ते असिद्धिमग्गे अमुत्तिमग्गे अनिब्बानमग्गे अनिज्जाणमग्गे असव्वदुक्खप्पहीणमग्गे एगंतमिच्छे असाहू पढमस्स ठाणस्स अधम्मप- क्वस्स विभंते एवमाहिए ।३८। -३७

(६७०) अहावरे दोच्चस्स ठाणस्स धम्मपक्खस्स विभंते एवमाहिज्जइ-इह खलु पाईणं वा पडीणं वा उदीणं वा दाहिणं वा संतेगइया मणुस्सा पवंति तं जहा-अणारंभा अपरिग्गहा धम्मिया धम्माणुगा धम्मिट्ठा [धम्मक्खाइं धम्मपलोईं धम्मपलज्जणा धम्मसमुदायारा] धम्मेण चेव वित्तिं कप्पेमाणा विहरंति सुसीला सुव्वया सुप्पडियाणंदा सुसाहू सव्वाओ पाणाइ-वायाओ पडिविरया जावज्जीवाए सव्वाओ मुसावायाओ पडिविरया जावज्जीवाए सव्वाओ अदिन्नादाणाओ पडिविरया जावज्जीवाए सव्वाओ मेहुणाओ पडिविरया जावज्जीवाए सव्वाओ परिग्गहाओ पडिविरया जावज्जीवाए सव्वाओ कोहाओ माणाओ मायाओ लोभा-

ओ पेज्जाओ दोसाओ कलहाओ अब्मक्खाणाओ पेसुण्णाओ परपरिवायाओ अरइरईओ
 मायापोसाओ मिच्छादंसण सङ्गाओ पडिविरया जावज्जीवाए सव्वाओ णाणुम्मद्वण-वण्णग-
 विलेचण-सह-फरिस-रस-रुव-गंध-मल्लालंकाराओ पडिविरया जावज्जीवाए सव्वाओ सगड-
 रह-जाण-जुग्ग-गिल्लि - थिल्लि - सिय - संदमाणिया - सयणासण - जाण - वाहण - भोग - भोयण
 पवित्थरचिहीओ पडिविरया जावज्जीवाए सव्वाओ कय-विककम्प मासद्धमास-रुवग-संवव-
 हाराओ पडिविरया जावज्जीवाए सव्वाओ हिरण्ण-सुवण्ण-धण-धण्ण-मणि-मोत्तिय-संख-
 सित्त-प्पवालाओ पडिविरया जावज्जीवाए सव्वाओ कूडतुल-कूडमाणाओ पडिविरया जाव-
 ज्जीवाए सव्वाओ आरंभसमारंमाओ पडिविरया जावज्जीवाए सव्वाओ करण-काराव- णाओ
 पडिविरया जावज्जीवाए सव्वाओ पयण-पयावणाओ पडिविरया जावज्जीवाए सव्वाओ
 कुट्टण-पिट्ठण-त्तज्जण-ताडण-वह-बंधपरिकिलेसाओ पडिविरया जावज्जीवाए जे यावण्णे
 तहप्पगारा सावज्जा अबोहिया कम्मंता परपाणपरियावणकरा कज्जंति तओ वि पडिविरया
 जावज्जीवाए से जहानामए अणगारा भगवंतो इरियासमिया भासासमिया एसणासमिया
 आयाण-मंड-ऽमत्त-निक्खेवणासमिया-उच्चार-पासवण-खेल-सिंघाण-जल्ल पारिट्ठावणि-
 यासमिया मणसमिया वइसमिया कायसमिया मणगुत्ता वयगुत्ता कायगुत्ता गुत्ता गुत्तिंदिया
 गुत्तबंधयारी अकोहा अमाणा अमाया अलोभा संता पसंता उवसंता परिनिव्वुडा अणासवा
 अगंधा छिण्णसोया निरुवलेवा कंसपाई व मुक्कतोया संखो इव निरंजणा जीव इव अप्प-
 डिहयगई गगणतलं इव निरालंबणा वायुरिव अप्पडिबद्धा सारदसलिलं व सुद्धहियया
 पुक्खरपत्तं व निरुवलेवा कुम्भो इव गुत्तिंदिया विहग इव विष्पमुक्का खग्गविसाणं व एगजाया
 मारुंडपक्खी व अप्पमत्ता कुंजरो इव सोंडीरा वसभो इव जायथामा सीहो इव दुद्धरिसा मंदरो
 इव अप्पकंपा सागरो इव गंभीरा चंदो इव सोमलेसा सुरो इव दित्ततेया जच्चकणं व जायरूवा
 वसुंधरा इव सव्वफासविसहा सुहुयहुयासणो विव तेयसा जलंता नत्थि णं तेसिं भगवंताणं
 कत्थं वि पडिबंधे भवइ से पडिबंधे छउच्चिहे पण्णत्ते तं जहा-अडए इ वा पोयए इ वा उग्गहे इ
 वा पग्गहे इ वा जण्णं जण्णं दिसं इच्छंति तण्ण-तण्णं दिसं अप्पडिबद्धा सुईभूया लहुभूया
 अप्पग्गंथा संजेमेणं तवसा अपापाणं भावेमाणा विहरंति तेसिं णं भगवंताणं इमा एयारूवा
 जायामायावित्ती होत्था तं जहा-चउत्थे भत्ते छट्ठे भत्ते अट्ठमे भत्ते दसमे भत्ते दुवालसमे
 भत्ते चउदसमे भत्ते अद्धमासिए भत्ते मासिए भत्ते दोमासिए भत्ते तिमासिए भत्ते चउम्मासिए
 भत्ते पंचमासिए भत्ते छम्मासिए भत्ते अदुत्तरं च णं उक्खित्तरगा णिक्खित्तरगा उक्खित्तिणि-
 क्खित्तचरगा अंतचरगा पंतचरगा लूहचरगा समुदाणचरगा संसट्ठचरगा अससट्ठचरगा
 तज्जया संसट्ठचरगा दिट्ठलाभिया अदिट्ठलाभिया पुट्ठलाभिया अपुट्ठलाभिया भिक्ख-
 लाभिया अभिक्खलाभिया अण्णातचरगा उवणिहिया संखादतिया परिमिय-पिंडवाइया
 सुद्धेसणिया अंताहारा पंताहारा अरसाहारा विरसाहारा लूहाहारा तुच्छाहारा अंतजीवी पंत-
 जीवी पुरिमड्ढिया आर्यविलिया णिव्विगइया अमज्जंसंसासिणो नो णियामरसभोई ठामाइया
 पडिमट्ठाइया पेसिज्जिया वीरासणिया दंडायतिया लंगडसाइणो अवाउडा अगतया अकं-
 डया अणिट्ठुहा धुत्तकेसमंसु रोमण्हा सव्वगायपडिकम्मविप्रमुक्क चिट्ठंति

ते णं एतेणं विहा- रेण विहरमाणा बहूइं वासाइं सामण्णपरियागं पाउणंति पाउणित्ता

आबाहंसि उप्पणंसि वा अणुप्पणंसि वा बहूइं भत्ताइं पच्चक्खंति पच्चविखत्ता बहूइं भत्ताइं अणसणाए छेदेति छेदिता जस्सट्ठाए कीरइ नग्गभावे मुंडभावे अप्पहाणगे अदंतवणगे अच्छत्ताए अणो- दाहणए भूमिसेज्जा फलगसेज्जा कट्ठसेज्जा केसलोए बंधवेरवासे परघरपवसे लद्धावलद्धं माणाय-माणणाओ हीलणाओ निंदणाओ खिसणाओ गरहणाओ तज्जणाओ तालणाओ उच्चावया गामकंडगा बावीसं परीसहोयसग्गा अहियासिज्जंति तमट्ठं आराहेति तमट्ठं आराहेत्ता चरनेहिं उस्ससणिस्सासेहिं अणंतं अनुत्तरं निव्वाघायं गिरावरणं कसिणं पडिपुणं केवलवरणाणदंसणं सम्पुपाडेति तओ पच्छा सिज्जंति बुज्जंति मुच्चंति परिनिव्वा-यंति सब्बदुक्खाणं अंतं करेति एगच्चाए पुण एगे मयंतारो भवंति अयो पुण पुव्वकम्मावसे-सेणं कालमासे कालं किच्चा अण्णयरेसु देवलोएसु देवत्ताए उववत्तारो भवंति तं जहा-महड्ढिएसु महज्जुइएसु महापरक्क मेसु महाजसेसु महब्बलेसु महानुभावेसु महासोक्खेसु ते णं तत्थ देवा भवंति महड्ढिया महज्जुइया महापरक्का महाजसा महब्बला महानुभावा महा-सोक्खा हार-विराइय-वच्छा कडग-तुडिय-थंभिय-मुया अंगय-कुंडल-मट्ठगंडयल-कण्ण-पीढधारी विचित्तहत्थाभरणा विचित्तमाला-मउलिमउडा कल्लाणग-पवर-थत्थपरिहिया कल्ला-णग-पवरमल्लणुलेवणधरा भासुरबोदी पलंबवणमालधरा दिव्वेणं रूवेणं दिव्वेणं वण्णेणं दिव्वेणं गंधेणं दिव्वेणं फासेणं दिव्वेणं संधाएणं दिव्वेणं संठाणेण दिव्वाए इड्डीए दिव्वाए जुत्तीए दिव्वाए पभाए दिव्वाए छायाए दिव्वाए अच्चीए दिव्वेणं तेएणं दिव्वाए सेलाए दस दिसाओ उज्जोवेमाणा पप्पासेमाणा गइकल्लाणा ठिइकल्लाणा आगमैसिभइया यावि भवंति एस ठाणे आरिए [केवले पडिपुण्णे नेयाउए संसुद्धे सल्लगतणे सिद्धिभागे मुत्तिभागे निव्वाण-मगे निज्जाणमगे सब्बदुक्खप्पहीणमगे एगंतसम्मे साहू दोच्चस्स ठाणस्स धम्मपक्खस्स विभगे एवमाहिए ।३९। -३४

(६७९) अहावरे तच्चस्स ठाणस्स मीसगस्स विभंणे एवमाहिज्जइ-इह खलु पाईणं वा पडीणं वा उदीणं वा दाहिणं वा संतेगइया मणुस्सा भवंति तं जहा-अप्पिच्छा अप्पारंभा अप्पपरिग्गहा धम्मिया धम्माणुया [धम्मिट्ठा धम्मक्खाई धम्मपलोई धम्मपलज्जणा धम्मसमु-दायारा] धम्मेण चैव वित्तिं कप्पेमाणा विहरंति सुसीला सुव्वया सुप्पडियाणंदा सुसाहू एग-च्चाओ पाणाइवायाओ पडिविरया जावज्जीवाए एगच्चाओ अप्पडिविरया [एगच्चाओ मुसावा-याओ पडिविरया जावज्जीवाए एगच्चाओ अप्पडिविरया एगच्चाओ अदिन्नादाणाओ पडिविरया जावज्जीवाए एगच्चाओ अप्पडिविरया एगच्चाओ मेहुणाओ पडिविरया जावज्जीवाए एग-च्चाओ अप्पडिविरया एगच्चाओ मेहुणाओ पडिविरया जावज्जीवाए एगच्चाओ अप्पडिविरया एगच्चाओ परिग्गहाओ पडिविरया जावज्जीवाए एगच्चाओ अप्पडिविरया एगच्चाओ कोहाओ माणाओ मायाओ लोहाओ पेज्जाओ दोसाओ कलहाओ अब्बक्खाणाओ पेसुण्णाओ परपरिवायाओ अरइरईओ मायामोसाओ मिच्छादंसणसल्लाओ पडिविरया जावज्जीवाए एग-च्चाओ अप्पडिविरया एगच्चाओ ऱ्हाणुम्मइण-वण्णग-विलेवण-सह-फरिस-रस-रूव-गंधमल्ला-लंकाराओ पडिविरया जावज्जीवाए एगच्चाओ अप्पडिविरया एगच्चाओ सगड-रह-जाण-जुग-गिद्धि-थिद्धि-सिय-संदमाणिया-सयणासण-जाण-वाहण-भोग-भोयण- पवित्तरविहीओ पडिविरया जावज्जीवाए एगच्चाओ अप्पडिविरया एगच्चाओ कय-विक्रय-मासद्धमास-

रुवग-संदवहाराओ पडिविरया जावज्जीवाए एगद्याओ अप्पडिविरया एगद्याओ हिरण्ण-सुवण्ण-धण-धण्ण-मणि-मोत्तियं-संख-सिल-प्पावालाओ पडिविरया जावज्जीवाए एगद्याओ अप्पडिविरया एगद्याओ आरंभ-समारंभाओ पडिविरया जावज्जीवाए एगद्याओ अप्पडिविरया एगद्याओ करण-कारावणाओ पडिविरया जावज्जीवाए एगद्याओ अप्पडिविरया एगद्याओ पयण-प्पावणाओ पडिविरया जावज्जीवाए एगद्याओ अप्पडिविरया एगद्याओ कुट्टण-पिट्टण-तज्जण-ताडण-वह-बंध-परिकिलेसाओ पडिविरया जावज्जीवाए एगद्याओ अप्पडिविरया] जे यावण्णे तहप्पगारा सावज्जा अबोहिया कम्मंता परपाणपरितावणकरा कज्जंति तओ वि एगद्याओ पडिविरया जावज्जीवाए एगद्याओ अप्पडिविरया से जहानामए समणो-वासगा भवंति - अभिगयजीवाजीवा उवल्लद्ध - पुण्ण - पावा - आसव - संबर-वेयण-निज्जर-किरियअहिरण-बंधमोक्ख असहेज्जा देवासुर-णाग-सुवण्ण-जक्ख-रक्खस-किण्णर-किंपु-रिस-गरुल-गंधव्व-महोरगाइ-एहिं देवगणेहिं णिगंथाओ पावयणाओ अणतिक्खमणिज्जा इणमा निगंथिए पावयणे निस्संकिया निक्कं खिया निव्वतिगिच्छा लद्धट्ठा गहियट्ठा पुच्छियट्ठा विणिच्छियट्ठा अभिगयट्ठा अट्ठिमिज-येम्माणुरागरत्ता अयमाउसो निगंथे-पावयणे अट्ठं अयं परमट्ठं सेसे अणट्ठे ऊसियफलिहा अवंगुयदुवारा वियत्तंते उर-परधरदारप्प- वेस चाउइसट्ठमुद्धिट्ठपुण्णामासिणीसु पडिपुण्णं पोसहं सम्मं अणुपालेमाणा समणे निगंथे फासुएसणिजेणं असण-पाण-खाइम-साइमेणं वत्थं-पडिग्गाह-कंबल-पाय-पुंछणेणं ओसह-मेसजेणं पीढ-फलग-सेआसंधारएणं पडिलाभे- माणा बहुहिं सीलव्वय-गुण-वेरमण-पच्चक्खाण-पोसहोववासेहिं अहापरिग्गहिएहिं तवो- कम्मैहिं अप्पाणं भावेमाणा विहरंति ते णं एयारूवेणं विहारेणं विहरमाणा बहूइं वासाइ समणोवासगपरियागं पाउणंति पाउणिता अबाहंसि उप्पणंसि वा अणुप्पणंसि वा बहूइं भत्ताइं पच्चक्खंति पच्चक्खित्ता बहूइं भत्ताइं अणसणाए छंटेति छेदिता आलोइय पडिक्खंता समाहिपत्ता कालमासे कालं किद्या अन्नयरेसु देवलोएसु देवत्ताए उवयत्तारी भवंति तं जहा-महड्ढिएसु महज्जुइएसु [महापरक्क मेसु महा- जसेसु महब्बलेसु महाणुभावेसु महासोक्खेसु ते णं तत्थ देव भवंति-महड्ढिया महज्जुइया महापरक्क मा महाजसा महब्बला महाणुभावा महासोक्खा हार-विराइय-वच्छा कडग-तुडिय-थंभिय-मुया अंगय-कुडल-मट्ठगंडयल-कण्णपीधारी विचित्तहत्याभरणा विचित्त-माला-मउलि-मउडा कल्लाणग-पवरवत्थपरिहिया कल्लाणग-पवरमल्लाणुलेवणधरा पासुर बांदी पलंबवणमालधरा दिव्वेणं रूवेणं दिव्वेण वण्णेणं दिव्वेणं गंधेणं दिव्वेणं फासेणं दिव्वेणं संधाएणं दिव्वेणं संठाणेणं दिव्वाए इड्डीए दिव्वाए जुतीए दिव्वाए पजाए दिव्वाए छायाए दिव्वाए अच्चीए दिव्वेणं तेएणं दिव्वाए लेसाए दस दिसाओ उज्जोवेमाणा पभासेमाणा गइक्कलाणा ठिइक्कलाण आगमेसि-भदया यावि भवंति एसट्ठाणे आरिए केवले पडिपुण्णे नेयाउए संसुद्धे सल्लगत्ते सिद्धिग्गे मुत्तिमग्गे निव्वाणमग्गे निज्जाणमग्गे सब्बदुक्खप्प-हीणमग्गे एगतसम्मै साहू तच्चस्स ठाणस्स मीसगस्स विभंगे एवमाहिंए अविरइं पडुच्च बाले आहिज्जइ विरइं पडुच्च पंडिए आहिज्जइ विरयाविरइं पडुच्च बालपंडिए आहिज्जइ तत्थ णं जा सा सब्बओ अविरइं एसट्ठाणे आरंभट्ठाणे अणारिए अकेवले अप्पडिपुण्णे अणोयाउए असंसुद्धे असल्लगत्ते असिद्धिमग्गे अमुत्तिमग्गे अनिव्वाणमग्गे अनिज्जाणमग्गे असव्व-

दुःखस्पर्शीणमग्ने एगंतमिच्छे असाहू तत्थ णं जा सा विरई एसट्ठाणे अणारंभट्ठाणे आरिए केवले पडिपुण्णे णेयाउए संसुद्धे सल्लगतणे सिद्धिमग्ने मुत्तिमग्ने निव्वानमग्ने निज्जाणमग्ने सच्च दुःखस्पर्शीणमग्ने] एगंतस्समे साहू तत्थ णं जा सा विरयाविरई एसठाणे आरंभाणा-रंभट्ठाणे एसट्ठाणे आरिए केवले पडिपुण्णे नेयाउए संसुद्धे सल्लगतणे सिद्धिमग्ने मुत्तिमग्ने निव्वानमग्ने निज्जाणमग्ने सच्चदुःखस्पर्शीणमग्ने एगंतस्समे साहू 1801-39

(६७२) एवामेव समणुगम्ममाणा इमेहिं चैव दोहिं ठापेहिं समयरंति तं जहा-धम्मं चैव अधम्मं चैव उवसंते चैव अणुवसंते चैव तत्थ णं जे से पढमट्ठाणस्स अधम्मपक्खस्स विभंगे एवमाहिंए तस्स णं इमाइं तिण्णि तेवट्ठाइं पावदुयसथाइं भवतीति मक्खयाइं जहा-क्किरियावाईणं अक्किरियावाईणं अन्नाणियवाईणं वेणइयवाईणं तेवि निव्वानमाहंसु तेवि पलिमोक्खमाहंसु तेवि लवंति सावगा तेवि लवंति सावइत्तारो 1891-40

(६७३) ते सच्चे पावादुया आइगरा धम्माणं नानापण्णा नानाछंदा नाणासीला नाणादिट्ठी नाणारूई नाणारंभा नाणाज्झवसाणसंजुत्ताएगं महं मंडलिवंधं किच्चा सच्चे एगओ चिट्ठंति पुरिसे य सागणियाणं इंगालाणं पाइं बहुपडिपुण्णं अओमेणं संडासएणं गहाय ते सच्चे पावादुए आइगरे धम्माणं नाणापण्णे नाणाछंदा नाणासीले नाणादिट्ठी नाणारूई नाणारंभे नाणाज्झवसाणसंजुते एवं वयासी-हंभो पावादुया आइगरा धम्माणं नाणापण्णा नाणाछंदा नाणासीला नाणादिट्ठी नाणारूई नाणारंभा नाणाज्झवसाणसंजुत्ता इमं ताव तुब्भे सागणियाणं इंगालाणं पाइं बहुपडिपुण्णं गहाय मुहुत्तगं-मुहुत्तगं पाणिणा घरेह नो बहु संडासगं संसारियं कुज्जा नो बहु अग्गियंभणियं कुज्जा नो बहु साहम्मियवेयावडियं कुज्जा नो बहु परमधम्मियवेयावडियं कुज्जा उज्जुया नियागपडिवण्णा अमाय कुच्चमाणा पाणिं पसारोहि-इति वुच्चा से पुरिसे तेसिं पावादुयाण तं सागणियाणं इंगालाणं पाइं बहुपडिपुण्णं अओमेणं संडासएणं गहाय पाणिंसु निसिरंति तए णं ते पावादुया आइगरा धम्माणं नाणा-पण्णा नाणाछंदा नाणासीला नाणादिट्ठी नाणारूई नाणारंभा नाणाज्झवसाणसंजुत्ता पाणि पडिसाहरंति तए णं से पुरिसे ते सच्चे पावादुए आइगरे धम्माणं नाणापण्णे नाणाछंदा नाणासीले नाणादिट्ठी नाणारूई नाणारंभे नाणाज्झवसाणसंजुत्ता एवं वयासी-हंभो पावा-दुया आइगरा धम्माणं नाणापण्णा नाणाछंदा नाणासीला नाणादिट्ठी नाणारूई नाणारंभा नाणाज्झवसाणसंजुत्ता कम्हा णं तुब्भे पाणि पडिसाहरह पाणी नो इज्जेआ दइडे किं भवि-स्सइ दुक्खं दुक्खंति मण्णमाणा पडिसाहरह एस तुला एस पमाणे एस समोसरणे पतेयं तुला पतेयं पमाणे पतेयं समोसरणे तत्थ णं जे ते समणमाहणा एवमाइक्खंति एवं भासंति एवं पण्णवेति एवं परुवेति-सच्चे पाणा सच्चे भूया सच्चे जीवा सच्चे सत्ता हंतव्वा अज्जावेयव्वा परिधेतव्वा परितावेयव्वा किलामेयव्वा उद्दवेयव्वा - ते आगंतु छेयाए ते आगंतु भेयाए ते आगंतु जाइ-जरा-मरण-जोणिजम्मण-संसार-पुणब्भव-गम्भवास-भवपवंच-कलंकलीभाणि-णो भविस्संति ते बहूणं दंडणाणं बहूणं मुंडणाणं बहूणं तज्जणाणं बहूणं तालणाणं बहूणं अंदुबंधणाणं बहूणं घोत्तणाणं बहूणं माइमरणाणं बहूणं पिइमरणाणं बहूणं भाइमरणाणं बहूणं भणिणीमरणाणं बहूणं भज्जामरणाणं बहूणं दोहग्गाणं बहूणं अप्पियसंवासाणं बहूणं पिय-विष्पओगाणं बहूणं दुक्ख-दोमणस्साणं आभाणिणो भविस्संति अणादियं च णं अणवयग्गं दीहमद्धं चाउरंत-संसार-कंतारं भुज्जो-भुज्जो अणुपरियट्ठिंसंति ते नो सिज्झिस्संति नो बुज्झि-

संति [नो मुच्चिस्संति नो परिनिव्वाइस्संति] नो सव्वदुक्खाणमंतं करिस्संति एस तुला एस पमाणे एस समोसरणे पत्तेयं तुला पत्तेयं पमाणे पत्तेयं समोसरणे

तत्थ णं जे ते समणमाहणा एवमाइक्खंति एवं भासंति एवं पण्णवेति एवं परुवेति-सव्वे पाणा सव्वे भूया सव्वे जीवा सव्वे सत्ता न हंतव्वा न अज्जावेयव्वा न परिधेतव्वा न परितावेयव्वा न किलामेयव्वा न उद्वेयव्वा ते नो आगंतु छेयाए ते नो आगंतु भेयाए ते नो आगंतु जाइ-जरा-मरण-जोणि-जम्भण-संसार-पुणव्वव-गव्ववास-मवपवंच-कलंकलीमा-गिणो भविस्संति ते नो बहूणं दंडणाणं नो बहूणं मुंडणाणं [नो बहूणं तज्जणाणं नो बहूणं तालणाणं नो बहूणं अंदुबंधणाणं नो बहूणं धोलणाणं नो बहूणं माइमरणाणं नो बहूणं पिइमरणाणं नो बहूणं भाइमरणाणं नो बहूणं भगिणीमरणाणं नो बहूणं भज्जामरणाणं नो बहूणं पुत्तमरणाणं नो बहूणं धूयमरणाणं नो बहूणं सुण्हामरणाणं नो बहूणं दारिद्राणं नो बहूणं दोहग्गाणं नो बहूणं अप्पियसंवासाणं नो बहूणं पिय-विप्पओमाणं] नो बहूणं दुक्ख-दोम णस्साणं आभागिणो भविस्संति अणाइयं च णं अणवयणं दीहमइं चाउरंत-संसार-कंतारं मुज्जो-मुज्जो नो अणुपरियट्ठिस्संति ते. सिज्झिस्संति [बुज्झिस्संति मुच्चिस्संति परिनिव्वाइस्संति] सव्वदुक्खाणं अंतं करिस्संति १४२। -41

(६७४) इच्छेतेहिं बारसहिं किरयाठाणेहिं वट्टमाणा जीवा नो सिज्झिसु नो बुज्झिसु नो मुच्चिसु नो परिनिव्वाइसु नो सव्वदुक्खाणं अंतं करेसुं या नो करेति वा नो करिस्संति वा एयंसि चेव तेरसमे किरियाठाणे वट्टमाणा जीवा सिज्झिसु बुज्झिसु मुच्चिसु परिणिव्वाइसु सव्वदुक्खाणं अंतं करेसुं वा करेति वा करिस्संति वा एवं से भिक्खू आयट्ठी आयहिंए आयगुत्ते आयजोगी आयपरक्खे आयरक्खिंए आयाणुकंपए आयणिकप्पेए आयाणमेव पडिसाहरेज्जासि ति वेमि १४३। -42

● बीए सुयक्खंये बीअं अज्जयणं समतं ●

तइयं अज्जयणं—आहारपरिण्णा

(६७५) सुयं मे आउसं तेणं भगवया एवमक्खायं-इह खलु आहारपरिण्णा नामज्झ- यणे तस्स णं अयमट्ठे इह खलु पाईणं वा पडीणं वा उदीणं वा दाहिणं वा सव्वओ सव्वावंति च णं लोगंसि चत्तारि बीयकाया एवमाहिज्जंति तं जहा अग्गवीया भूलवीया पोरबीया खंध- बीया तेसिं च णं अहावीएणं अहावगासेणं इहेगइया सत्ता पुढवितोणिया पुठविसंभवा पुढ- विवक्कमा तज्जोणिया तस्संभवा तव्वक्क मा कम्मोवगा कम्मणियाणेणं तत्थवक्क मा नानाविह- जोणियासु पुढवीसु रुक्खत्ताए विउट्ठंति ते जीवा तासिं नानाविहजोणियाणं पुढवीणं सिणेह- माहारंति-ते जीवा आहारंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नाणाविहणं तसथावरणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सास्विकडं संतं सव्वप्पणत्ताए आहारंति अवरे वि य णं तेसिं पुढवि-जोणियाणं रुक्खाणं सरीरा नाणावण्णा नाणागंधा नाणारसा नाणाफास्रा नाणा- संठाणसंठिया णाणाविहसरीरपोग्गलविउव्विया ते जीवा कम्मोवदण्णा मवंति ति मक्खायं १४४। -43

(६७६) अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्क मा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा पुढविजोणिएहिं रुक्खे-

हिं रुक्खत्ताए विउट्टंति ते जीवा तेसिं पुढविजोणियाणं रुक्खाणं सिणेहमाहारैति-ते जीवा आरारैति पुढविसरीरं आउसरीरं तेउसरीरं वाउसरीरं वणस्सइसरीरं परिविद्धत्थं तं सरीरं पुव्वाहारियं तथाहारियं विपरिणयं सारुविकडं संतं सव्वप्पणत्ताए आहारैति अवरे वि य णं तेसिं रुक्खजोणियाणं रुक्खाणं सरीरा नाणावण्णा नाणागंधा नाणारसा नाणाफासा नाणा-संठाणसंठिया नानाविहसरीरपोग्गलविउट्टिया ते जीवा कम्मोववण्णागा भवंति त्ति मक्खायं १४५१-४४

(६७७) अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्क मा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा रुक्खजोणिएसु रुक्खे- सु रुक्खत्ताए विउट्टंति ते जीवा तेसिं रुक्खजोणियाणं रुक्खाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नाणाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारुविकडं संतं सव्वप्पणत्ताए आहारैति अवरे वि य णं तेसिं रुक्खजोणियाणं रुक्खाणं सरीरा नाणावण्णा नाणागंधा नाणारसा नाणाफासा नाणासंठाण- संठिया नाणाविह-सरीरपोग्गलविउट्टिया ते जीवा कम्मोववण्णागा भवंति त्ति मक्खायं १४६१-४५

(६७८) अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा रुक्खजोणिएसु रुक्खे- सु रुक्खत्ताए विउट्टंति ते जीवा तेसिं रुक्खजोणियाणं रुक्खाणं सिणेहमाहारैति ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नाणाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारुविकडं संतं सव्वप्पणत्ताए आहारैति अवरे वि य णं तेसिं रुक्खजोणियाणं मूलाणं कंदाणं खंधाणं तथाणं सालाणं पवालानं पत्ताणं पुप्फाणं फलाणं बीयाणं सरीरा नाणा-वण्णा नाणागंधा नाणारसा नाणाफासा नानासंठाणसंठिया नानाविहसरीरपोग्गलविउ-ट्टिया ते जीवा कम्मोववण्णागा भवंति त्ति मक्खायं १४७१-४६

(६७९) अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्क मा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा रुक्खजोणिएहिं रुक्खे-हिं अज्जारोहत्ताए विउट्टंति ते जीवा तेसिं रुक्खजोणियाणं रुक्खाणं सिणेहमाहारैति-ते जीवा आहारैति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नाणा-विहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं] सारुविकडं संतं सव्वप्पणत्ताए आहारैति अवरे वि य णं तेसिं रुक्ख- जोणियाणं अज्जारोहाणं सरीरा [नाणावण्णा नानागंधा नानारसा नानाफासा नानासंठाणसंठिया नाणा-विसहसरीरपोग्गलविउट्टिया ते जीवा कम्मोववण्णागा भवंति त्ति] मक्खायं १४८१-४८

(६८०) अहावरं पुरक्खायं-इहेगइया सत्ता अज्जारोहजोणिया [अज्जारोहसंभवा अज्जारोहवक्क मा तज्जोणिया तस्संभवा तव्वक्कमा कम्मोवगा] कम्मणियाणेणं तत्थवक्कमा रुक्ख-जोणिएसु अज्जारोहेसु अज्जारोहत्ताए विउट्टंति ते जीवा तेसिं रुक्खजोणियाणं अज्जारो-हाणं सिणेहमाहारैति-ते जीवा आहारैति [पुढविसरीरं आउसरीरं तेउसरीरं वाउसरीरं वणस्स-

इसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं] सारूविकडं संतं सव्वप्पणत्ताए आहारैति अवरे वि य णं तैसिं अज्झारोहजोणियाणं अज्झारोहाणं सरीरा नानावण्णा [नानागंधा नानारसा नामा-फासा नानासंठाणसंठिया णाणाविसहसरीरपोग्गलविउब्बिया ते जीवा कम्मोववण्णागा भवंति] ति मक्खायं १४९। -४८

(६८९) अहावरं पुरक्खायं - इहेगया सत्ता अज्झारोहजोणिया अज्झारोहसंभवा अज्झारोहवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा अज्झारोहजोणिएसु अज्झारोहेसु अज्झारोहत्ताए विउट्ठंति ते जीवा तैसिं अज्झारोह- जोणियाणं अज्झारोहाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अवरे वि य णं तैसिं अज्झारोहजोणियाणं अज्झारोहाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मो-ववण्णागा भवंति] ति मक्खायं १५०। -४९

(६८२) अहावरं पुरक्खायं-इहेगइया सत्ता अज्झारोहजोणिया अज्झारोहसंभवा [अज्झारोहवक्कमा तज्जोणिया तस्संभवा तव्वक्कमा कम्मोवगा] कम्मणियाणेणं तत्थवक्कमा अज्झारोहजोणिएसु अज्झारोहेसु मूलत्ताए [कंदत्ताए खंधत्ताए तयत्ताए सालत्ताए पवालत्ताए पत्तत्ताए पुप्फत्ताए फलत्ताए] बीयत्ताए विउट्ठंति ते जीवा तैसिं अज्झारोहजोणियाणं अज्झारोहाणं सिणेहमाहारैति-[ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति] अवरे वि य न तैसिं अज्झारोहजोणियाणं मूलाणं [कंदाणं खंधाणं तयाणं सालाणं पवालाणं पत्ताणं पुप्फाणं फलाणं बीयाणं सरीरा नानावण्णा नानागंधा नानारसा नानाफासा नानासंठाणसंठिया णाणाविहसरीरपोग्गलविउब्बिया ते जीवा कम्मोववण्णागा भवंति ति] मक्खायं १५१। -५०

(६८३) अहावरं पुरक्खायं-इहेगइया सत्ता [पुढविजोणिया पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा] नानाविहजोणियासु पुढवीसु तणत्ताए विउट्ठंति ते जीवा तासिं नानाविहजोणियाणं पुढवीणं सिणेहमाहारैति-[ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अवरे वि य णं तैसिं पुढविजोणियाणं तणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णागा भवंति ति मक्खायं १५२। -५१

(६८४) [अहावरं पुरक्खायं-इहेगइया सत्ता तणजोणिया तणसंभवा तणवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा] पुढविजोणिएसु तणेसु तणत्ताए विउट्ठंति ते जीवा तैसिं पुढविजोणियाणं तणाणं सिणेहमाहारैति-ते जीवा आहारैति

पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं णाणाविहाणं तस-
थावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं
विपरिणयं सारूविकडं संतं सव्वप्पणत्ताए आहारेंति अवरं वि य णं तेंसिं पुढविजोणियाणं
तणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहस-
रीरपोग्गलविउब्बिया ते जीवा कम्मोववण्णगा भवंति ति मक्खायं [५३] -५२

(६८५) [अहावरं पुरक्खायं-इहेगइया सत्ता तणजोणिया तणसंभवा तणवक्क मा
तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा] तणजोणिएसु तणेसु
तणत्ताए विउट्ठंति ते जीवा तेंसिं तणजोणियाणं तणाणं सिणेहमाहारेति-ते जीवा आहारेति
पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथा-
वराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं
सारूविकडं संतं सव्वप्पणत्ताए आहारेंति अवरं वि य णं तेंसिं तणजोणियाणं तणाणं सरीरा
नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलवि-
उब्बिया ते जीवा कम्मोववण्णगा भवंति ति मक्खायं अहावरं पुरक्खायं-इहेगइया सत्ता
तणजोणिया तणसंभवा तणवक्कमा तज्जोणिया तरसंभवा तव्वक्कमा कम्मोवगा कम्मणियाणेणं
तत्थवक्कमा तणजोणिएसु तणेसु मूलत्ताए कंदत्ताए खंधत्ताए तयत्ताए सालत्ताए पवालत्ताए
पत्तत्ताए पुप्फत्ताए फलत्ताए बीयत्ताए विउट्ठंति ते जीवा [तेसिं तणजोणियाणं तणाणं सिणेह-
माहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तस-
पाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं
पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवरं वि य णं
तेंसिं तणजोणियाणं मूलाणं कंदाणं खंधाणं तयाणं सालाणं पवालाणं पुप्फाणं फलाणं बीयाणं
सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्ग-
लविउब्बिया ते जीवा कम्मोववण्णगा भवंति ति] मक्खायं [अहावरं पुरक्खायं-इहेगइया
सत्ता पुढविजोणिया पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा
कम्मणियाणेणं तत्थवक्कमा नानाविहजोणियासु पुढवीसु ओसहिताए विउट्ठंति ते जीवा तासिं
नानाविहजोणियाणं पुढवीणं सिणेहमाहारेति-ते जीवा आहारेति पुढविसरीरं आउसरीरं
तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं
उचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं
सव्वप्पणत्ताए आहारेंति अवरं वि य णं तासिं पुढविजोणियाणं ओसहीणं सरीरा नानावण्णा
नानागंधा नानारसा नानाफासा नानासंठाणसंठिया णाणाविहसरीरपोग्गलविउब्बिया ते
जीवा कम्मोववण्णगा भवंति ति मक्खायं] अहावरं पुरक्खायं-इहेगइया सत्ता ओसहिजोणिया
ओसहिंसंभवा ओसहिक्कमा [तज्जोणिया तस्संभवा तव्वक्कमा कम्मोवगा कम्मणियाणेणं तत्थ-
वक्क मा पुढविजोणियासु ओसहीसु ओसहिताए विउट्ठंति ते जीवा तासिं पुढविजोणियाणं
ओसहीणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं
वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परि-
विद्धत्तं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारेंति

अवरे वि य णं तासिं पुढविजोणियाणं ओसहीणं सरीरा नानावण्णा नानागंधा नानारसा नानाफासा नानासंठाणसंठिया णाणाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता ओसहिजोणिया ओसहिसंभवा ओसहिवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा ओसहिजोणियासु ओसहीसु ओसहिताए विउट्टंति [ते जीवा तासिं ओसहिजोणियाणं ओसहीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरणं नानाणं सरीरं अचित्तं कुच्चंति परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सब्बप्पणत्ताए आहारेंति अवरे वि य णं तासिं ओसहिजोणियाणं ओसहीणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउच्चिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता [ओसहिजोणिया ओसहिसंभवा ओसहिवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा ओसहिजोणियासु ओसहीसु मूलत्ताए कंदत्ताए खंधत्ताए तयत्ताए सालत्ताए पवालत्ताए पत्तत्ताए पुप्फत्ताए फलत्ताए ढीयत्ताए विउट्टंति ते जीवा तासिं ओसहिणियाणं ओसहीणं सिणेहमाहारेंति-ते जीवा आहारेंति पुढवीसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरणं पाणाणं सरीरं अचित्तं कुच्चंति परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सब्बप्पणत्ताए आहारेंति अवरे वि य णं तेसिं ओसहिजोणियाणं मूलाणं कंदाणं खंधाई तयाणं सालाणं पवालानं पत्ताणं पुप्फाणं फलाणं ढीयाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता पुढविजोणिया [पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा नानाविहजोणियासु पुढवीसु हरियत्ताए विउट्टंति ते जीवा तासिं नानाविहजोणियाणं पुढवीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरणं पाणाणं सरीरं अचित्तं कुच्चंति परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सब्बप्पणत्ताए आहारेंति अवरे वि य णं तेसिं पुढविजोणियाणं हरियाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता हरियजोणिया हरियसंभवा हरियवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा पुढविजोणिएसु हरिएसु हरियत्ताण विउट्टंति ते जीवा तेसिं पुढविजोणियाणं हरियाणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरणं पाणाणं सरीरं अचित्तं कुच्चंति परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सब्बप्पणत्ताए आहारेंति अवरे वि य णं तेसिं पुढविजोणियाणं हरियाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति] मक्खायं [अहावरं

पुरक्खायं-इहेगइया सत्ता हरियजोगिया हरियसंभवा हरियावक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्कमा हरियजोगिएसु हरिएसु हरियत्ताए विउट्ठंति ते जीवा तेसिं हरियजोगियाणं हरियाणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीर पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवेरे वि य णं तेसिं हरियजोगियाणं हरियाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता हरियजोगिया हरियसंभवा हरियवक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्कमा हरियजोगिएसु हरिएसु मूलत्ताए कंदत्ताए खंधत्ताए तयत्ताए सालत्ताए पवालत्ताए पत्तत्ताए पुप्फत्ताए फलत्ताए वीयत्ताए विउट्ठंति ते जीवा तेसिं हरियजोगियाणं हरियाणं सिणेहमाहारेति-ते जीवा आहारेति पुढविसरीरं आउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवेरे वि य णं तेसिं हरियजोगियाणं मूलाणं कंदणं खंधाणं तथाणं सालाणं पवालाणं पत्ताणं पुप्फाणं फलाणं वीयाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मोववण्णा भवंति त्ति] मक्खायं १५४।-५३

(६८६) अहावरं पुरक्खायं-इहेगइया सत्ता पुढविजोगिया पुढविसंभवा पुढविवक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्कमा पाणाविहजोगियासु पुढवीसु आयत्ताए कायत्ताए कुहणत्ताए कुंदकत्ताए उव्वेहलियत्ताए निव्वेहलियत्ताए सछत्ताए छत्तगत्ताए वासाणियत्ताए कूरत्ताए विउट्ठंति ते जीवा तासिं नानाविहजोगियाणं पुढवीणं सिणेहमाहारेति-ते जीवा आहारेति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं] संतं सव्वप्पणत्ताए आहारेति अवेरे वि य णं तेसिं पुढविजोगियाणं आयाणं [कायाणं कुहणाणं कंदुकाणं उव्वेहलियाणं निव्वेहलियाणं सउत्ताणं छत्तगाणं वासाणियाणं कूराणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मोववण्णा भवंति त्ति मक्खायं एकौ] चैव आलावगो सेसा तिण्णि नत्थि, अहावरं पुरक्खायं-इहेगइया सत्ता उदगजोगिया [उदगसंभवा उदगवक्कमा तज्जोगिया तस्संभवा तव्वक्कमा कम्मोवगा] कम्मणियाणेणं तत्थवक्कमा नानाविहजोगिएसु उदएसु रुक्खत्ताए विउट्ठंति ते जीवा तेसिं नानाविहजोगियाणं उदगाणं सिणेहमाहारेति-ते जीवा आहारेति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति] अवेरे वि य णं तेसिं उदगजोगियाणं रुक्खाणं सरीरा [नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मो-

ववण्णागा भवन्ति त्ति] मक्खायं अहावरं पुरक्खायं-इहेगइया सत्ता रुक्खजोगिया रुक्ख-
संभवा रुक्खवक्कमा [तज्जोगिया तस्संभवा तव्वकक्कमा कम्मोवगा कम्मणियाणेणं तत्थवक्कमा
उदगजोगिएहिं रुक्खेहिं रुक्खत्ताए विउट्टंति ते जीवा तेसिं उदगजोगियाणं रुक्खाणं
सिणेहमाहारेंति-ते जीवा आहारेंती पुढविसरीरं आउसरीरं तेउसरीरं वाउसरीरं वणस्सइसरीरं
तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं
पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवरे दि य णं
तेसिं उदगजोगियाणं रुक्खाणं सरीरा नानावण्णा नानागंधा नानारसा नानाफासा नाना-
संठाणसंठिया नानाविहसरीरपोग्गलविउव्विया ते जीवा कम्मोववण्णागा भवन्ति त्ति मक्खायं
अहावरं पुरक्खायं-इहेगइया सत्ता रुक्खजोगिया रुक्खसंभवा रुक्खवक्कमा तज्जोगिया तस्सं-
भवा तव्वक्कमा कम्मोवगा कम्मणियाणेणं तत्थवक्कमा उदगजोगिएसु रुक्खेसु रुक्खत्ताए विउ-
ट्टंति ते जीवा तेसिं उदगजोगियाणं रुक्खाणं सिणेहमाहारेंति-ते जीवा आहारेंति पुढविसरीरं
आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पा-
णाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारू-
विकडं संतं सव्वप्पणत्ताए आहारेंति अवरे वि य णं तेसिं उदगजोगियाणं रुक्खाणं सरीरा
नानावण्णा नानागंधा नानारसा नानाफासा नानासंठाणसंठिया पाणाविहसरीरपोग्गलि-
उव्विया ते जीवा कम्मोववण्णागा भवन्ति त्ति मक्खायं अहावरं पुरक्खायं- इहेगइया सत्ता
रुक्खजोगिया रुक्खसंभवा रुक्खवक्कमा तज्जोगिया तस्संभवा तव्वक्कमा कम्मोवगा कम्मणि-
याणेणं तत्थवक्कमा उदगजोगिएसु रुक्खेसु मूलत्ताए कंदत्ताए खंधत्ताए तयत्ताए सालत्ताए
पवालत्ताए पत्तत्ताए पुफ्फत्ताए फलत्ताए बीयत्ताए विउट्टंति ते जीवा तेसिं उदगजोगियाणं
रुक्खाणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं
वणस्सइसरीरं तसपाण सरीरं नानाविहाणं तसथावराणं पाणाणं सरीरं अचित्तं कुब्बंति परि-
विद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेंति
अवरे वि य णं तेसिं उदगजोगियाणं मूलाणं कंदाणं खंधाणं तथाणं सालाणं पयालाणं पत्ताणं
पुफ्फाणं फलाणं बीयाणं सरीरा नानावण्णा नानागंधा नानारसा नानाफासा नानासंठाण-
संठिया नानाविहसरीरपोग्गलविउव्विया ते जीवा कम्मोववण्णागा भवन्ति त्ति मक्खायं अहा-
वरं पुरक्खायं-इहेगइया सत्ता रुक्खजोगिया रुक्खसंभवा रुक्खवक्कमा तज्जोगिया तस्संभवा
तव्वक्कमा कम्मोवगा कम्मणियाणेणं तत्थवक्कमा उदगजोगिएहिं रुक्खेहिं अज्जारोहत्ताए विउ-
ट्टंति ते जीवा तेसिं उदगजोगियाणं रुक्खाणं सिणेहमाहारेंति-ते जीवा आहारेंति पुढविसरीरं
तेउसरीरं वाउसरीरं वणस्सइसरीरं तसपाणं सरीरं नानाविहाणं तसथावराणं पाणाणं सरीरं
अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं
सव्वप्पणत्ताए आहारेंति अवरे वि य णं तेसिं उदगजोगियाणं अज्जारोहाणं सरीरा नाना-
वण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया]
ते जीवा कम्मोववण्णागा भवन्ति त्ति मक्खायं अहावरं पुरक्खायं-इहेगइया सत्ता अज्जारोह-
जोगिया अज्जारोहसंभवा अज्जारोहवक्कमा [तज्जोगिया तस्संभवा तव्वक्कमा कम्मोवगा कम्म-
णियाणेणं तत्थवक्कमा उदगजोगिएसु अज्जारोहेसु अज्जारोहत्ताए विउट्टंति ते जीवा तेसिं

उदगजोणियाणं अञ्जारोहाणं सिणेहमाहारेति-ते जीवा आहारेति पुढविसरीरं आसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवरं वि य णं तेषिं अञ्जारोहजोणियाणं अञ्जारोहाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउ-व्विया ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता अञ्जारोहजोणिया अञ्जारोहसंभवा अञ्जारोहवक्कमा तज्जोणिया तस्समवा तव्वक्कमा कम्मोवगा कम्मणियाणेणं तत्थवक्कमा अञ्जारोहजोणिएसु अञ्जारोहेसु अञ्जारोहत्ताए विउ-ड्ढंति ते जीवा तेषिं अञ्जारोहजोणियाणं अञ्जारोहाणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं पाणाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवरं वि य णं तेषिं अञ्जारोहजोणियाणं अञ्जारोहाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता अञ्जारोहजोणिया अञ्जारोहसंभवा अञ्जारोहवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा अञ्जारोहजोणिएसु अञ्जारोहेसु मूलत्ताए कंदत्ताए खंधत्ताए तपत्ताए सालत्ताए पवालत्ताए पत्तत्ताए पुप्फत्ताए फलत्ताए वीयत्ताए विउड्ढंति ते जीवा तेषिं अञ्जारोहजोणियाणं अञ्जारोहाणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवरं वि य णं तेषिं अञ्जारोहजोणियाणं भूलाणं कंदाणं खंधाणं तयाणं सालाणं पवालाणं पत्ताणं पुप्फाणं फलाणं वीयाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउ-व्विया] ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता उदगजोणिया उदगसंभवा उदगवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा नानाविहजोणिएसु उदएसु तणत्ताए विउड्ढंति ते जीवा तेषिं नानाविहजोणियाणं उदगाणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवरं वि य णं तेषिं उदगजोणियाणं तणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता तणजोणिया तणसंभवा तणवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा उदगजोणिएसु तणेषु तणत्ताए विउ-ड्ढंति ते जीवा तेषिं उदगजोणियाणं तणाणं सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं

पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तेषिं उदगजोगियाणं तणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता तण-जोगिया तणसंभवा तणवक्कमा तज्जोगिया तस्संभवा तव्वक्कमा कम्मोवगा कम्मनियाणेणं तत्थ-वक्कमा तणजोगिएसु तणेसु तणत्ताए विउट्ठंति ते जीवा तेषिं तणजोगियाणं तणाणं सिणे-हमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तेषिं तणजो-गियाणं तणाणं सरीरा नानावण्णा नानागंधा नानारसा नानाफासा नानासंठाणसंठिया ना-नाविहसरीरपोगलविउब्बिया ते जीवा कम्मोववण्णगा भवन्ति त्ति मक्खायं अहावरं पुरक्-खायं-इहेगइया सत्ता तणजोगिया तणसंभवा तणवक्कमा तज्जोगिया तस्संभवा तव्वक्कमा कम्मो-वा कम्मनियाणेणं तत्थवक्कमा तणजोगिएसु तणेसु मूलत्ताए कंदत्ताए खंधत्ताए तचत्ताए साल-त्ताए पवालत्ताए पत्तत्ताए पुफ्फत्ताए फलत्ताए बीयत्ताए विउट्ठंति ते जीवा तेषिं तणजो-गियाणं तणाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउ-सरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तेषिं तणजोगियाणं मूलाणं कंदाणं खंधाणं तथाणं सालाणं पवालानं पत्ताणं पुफ्फाणं फलाणं बीयाणं सरीरा नानावण्णा नानागंधा नानारसा नानाफासा नाना-संठाणसंठिया नानाविहसरीरपोगलविउब्बिया ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता उदगजोगिया उदगसंभवा उदगवक्कमा तज्जोगिया तस्सं-भवा-तव्वक्क मा कम्मोवगा कम्मनियाणेणं तत्थवक्क मा नानाविहजोगिएसु उदएसु ओसहि-त्ताए विउट्ठंति ते जीवा तेषिं नानाविहजोगियाणं उदगाणं सिणेहमाहारैति-नि जीवा आहा-रैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तासिं उदगजोगियाणं ओसहीणं सरीरा नानावण्णा नानागंधा नानारसा नानाफासा नानासंठाणसंठिया नाना-विहसरीरपोगलविउब्बिया ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता ओसहिजोगिया ओसहिसंभवा ओसहिवक्कमा तज्जोगिया तस्संभवा तव्वक्कमा कम्मोवगा कम्मनियाणेणं तत्थवक्कमा उदगजोगियासु ओसहीसु ओसहिताए विउट्ठंति ते जीवा तासिं उदगजोगियाणं ओसहीणं सिणेहमाहारैति-ते जीवा आहारैति पुढविसरीरं आउ-सरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तासिं उदगजोगियाणं ओसहीणं सरीरा नाना-वण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया

ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता ओसहि-
जोगिया ओसहिसंभवा ओसहिवक्कमा तज्जोगिया तस्संभवा तवक्कमा कम्मोवगा कम्मणिया-
णेणं तत्थवक्कमा ओसहजोगियासु ओसहीसु ओसहिताए विउट्ठंति ते जीवा तासिं ओसहि-
जोगियाणं ओसहीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं
वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं
कुव्वंति परिविद्धत्थं तं सरीरं पुच्चाहारियं तथाहारियं विपरिणयं सारूविकडं संतं सव्वप्पण-
त्ताए आहारेंति अवेरे वि य णं तासिं ओसहजोगियाणं ओसहीणं सरीरा नानावण्णा नाना-
गंधा नानारसा नानाफासा नानासंठाणसंठिया नानाविहसरीरपोग्गलविउव्विया ते जीवा
कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता ओसहजोगिया ओस-
हिसंभवा ओसहिवक्कमा तज्जोगिया तस्संभवा तवक्कमा कम्मोवगा कम्मणियाणेणं तत्थवक्कमा
ओसहजोगियासु ओसहीसु मूलत्ताए कंदत्ताए खंधत्ताए तयत्ताए सालत्ताए पवालत्ताए
पत्ताए पुप्फत्ताए फलत्ताए वीयत्ताए विउट्ठंति ते जीवा तासिं ओसहजोगियाणं] ओसहीणं
[सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइ-
सरीरं तसपाणसरीरं नानाविहाणं तसथावरणं पाणाणं सरीरं अचित्तं कुव्वंति परिविद्धत्थं तं
सरीरं पुच्चाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवेरे वि
य णं तेसिं ओसहजोगियाणं मूलाणं कंदाणं खंधाणं तयाणं सालाणं पवालानं पत्ताणं पुप्फाणं
फलाणं वीयाणं सरीरा नानावण्णा नानागंधा नानारसा नानाफासा नानासंठाणसंठिया नाना-
विहसरीरपोग्गलविउव्विया ते जीवा कम्मोववण्णगा भवन्ति त्ति मक्खायं अहावरा पुरक्खायं-
इहेगइया सत्ता उदजोगिया उदगसंभवा उदगवक्कमा तज्जोगिया तस्संभवा तवक्कमा कम्मो-
वगा कम्मणियाणेणं तत्थवक्कमा नानाविहजोगिएसु उदएसु हरियत्ताए विउट्ठंति ते जीवा
तेसिं नानाविहजोगियाणं उदगाणं सिणेहमाहारेंति-ते जीवा आहारेंति पुढविसरीरं आउ-
सरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं
सरीरं अचित्तं कुव्वंति परिविद्धत्थं तं सरीरं पुच्चाहारियं तथाहारियं विपरिणयं सारूविकडं
संतं सव्वप्पणत्ताए आहारेंति अवेरे वि य णं तेसिं उदगजोगियाणं हरियाणं सरीरा नानावण्णा
नानागंधा नानारसा नानाफासा नानासंठाणसंठिया नानाविहसरीरपोग्गलविउव्विया ते
जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता हरिया जोगिया
हरियसंभवा हरियवक्कमा तज्जोगिया तस्संभवा तवक्कमा कम्मोवगा कम्मणियाणेणं तत्थवक्कमा
उदग जोगिएसु हरिएसु हरियत्ताए विउट्ठंति ते जीवा तेसिं उदगजोगियाणं हरियाणं सिणेह-
माहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं
तसपाणसरीरं नानाविहाणं तसथावराणं पाणाणंसरीरं अचित्तं कुव्वंति परिविद्धत्थं तं सरीरं
पुच्चाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवेरे वि य णं
तेसिं उदगजोगियाणं हरियाणं सरीरा नानावण्णा नानागंधा नानारसा नानाफासा नानासं-
ठाणसंठिया नानाविहसरीरपोग्गला विउव्विया ते जीवा कम्मोववण्णगा भवन्ति त्ति मक्खायं
अहावरं पुरक्खायं- इहेगइया सत्ता हरियजोगिया हरियसंभवा हरियवक्कमा तज्जोगिया तस्सं-
भवा तवक्कमा कम्मोवगा कम्मणियाणेणं तत्थवक्कमा हरियजोगिएसु हरिएसु हरियत्ताए विउ-

इति ते जीवा तेषिं हरियजोणियाणं] हरियाणं [सिणेहमाहारेति-त्ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवेरे वि य णं तेषिं हरियजोणियाणं हरियाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता हरियजोणिया हरियसंभवा हरियवक्कमा तज्जोणिया तस्संभवा तव्वक्कमा कम्मोववगा कम्मणियाणेणं तत्थवक्कमा हरियाजोणिएसु हरिएसु मूलत्ताए कंदत्ताए खंधत्ताए तयात्ताए सालत्ताए पवालत्ताए पत्ताए पुफ्फत्ताए फलत्ताए बीयत्ताए विउट्ठंति ते जीवा तेषिं हरियजोणियाणं हरियाणं सिणेहमाहारेति-त्ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवेरे वियणं तेषिं हरियजोणियाणं मूलाणं कंदाणं खंधाणं तयाणं सालाणं पवालाणं पत्ताणं पुफ्फाणं फलाणं बीयाणं सरीरा नानावण्णा पाणाणं गंधा नानारसा नानाफासा नानासंठाणंठिया नानाविहसरीरपोग्गलविउब्बिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता उदगजोणिया उदगसंभवा उदगवक्कमा तज्जोणिया तस्संभवा तव्वक्कमा कम्मोववगा कम्मणियाणेणं तत्थवक्कमा नानाविहजोणिएसु उदएसु उदगत्ताए अवगत्ताए पणगत्ताए सेवालत्ताए कलंबुगत्ताए हट्ठत्ताए कसेरुगत्ताए कच्छभाणियत्ताए उप्पलत्ताए पउमत्ताए कुमुयत्ताए नलिणत्ताए सुभगत्ताए सोगंधियत्ताए पोंडीयत्ताए महापोंडीयत्ताए सयपत्ताए सहस्सपत्ताए कल्हारात्ताए कौकणयत्ताए अरविंदत्ताए तामरसत्ताए मिसत्ताए मिसमुणालत्ताए पुक्खलत्ताए पुक्खलच्छिभगत्ताए विउट्ठंति ते जीवा तेषिं नानाविहजोणियाणं उदगाणं सिणेहमाहारेति-त्ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेति अवेरे वि य णं तेषिं उदगजोणियाणं उदगाणं अवगाणं पणगाणं सेवालाणं कलंबुगाणं हट्ठाणं कसेरुगाणं कच्छभाणियामं उप्पलाणं पउमाणं कुमुयाणं नलिणाणं सुभगाणं सोगंधियाणं पोंडीयाणं महापोंडीयाणं सयपत्ताणं सहस्सपत्ताणं कल्हाराणं कौकणयाणं अरविंदाणं तामरसाणं मिसाणं मिसमुणालाणं पुक्खलाणं पुक्खलच्छिभगाणं सरीरा [नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णगा भवंति त्ति] मक्खायं 1५५1-54

(६८७) अहावरं पुरक्खायं-इहेगइया सत्ता पुढविजोणिया [पुढविसंभवा पुढविवक्कमा तज्जोणिया तस्संभवा तव्वक्कमा मक्म्मोववगा कम्मणियाणेणं तत्थवक्कमा] पुढविजोणिएहिं रुक्खेहिं तसपाणत्ताए विउट्ठंति [ते जीवा तेषिं पुढविजोणियाणं रुक्खाणं सिणेहमाहारेति-त्ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं

तयाहारियं विपरिणयं सारूविकडं संतं सव्वप्पणत्ताए आहारैति अवरे वि य णं तैसिं रुक्ख-
जोणियाणं तसपाणाणं सरीरा नानावण्णा नानागंधा नानारसा नानाफासा नानासंठाण-
संठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं अहा-
वरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्क मा तज्जोणिया तस्सं-
भवा तव्वक्क मा कम्मोवगा कम्मणियाणेणं तत्थवक्क मा] रुक्खजोणिएहिं रुक्खोहिं तसपाणत्ताए
विउट्टंति [ते जीवा तैसिं रुक्खजोणियाणं रुक्खाणं सिणेहमाहारैति-ते जीवा आहारैति
पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथा-
वराणं पाणाणं सरीरं अचित्तं कुच्चंति परिविद्धत्थं तं सरीरं पुव्वाहारियं विपरिणयं सारूविकडं
संतं सव्वप्पणत्ताए आहारैति अवरे वि य णं तैसिं रुक्खजोणियाणं तरापाणाणं सरीरा नाना-
वण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउच्चिया
ते जीवा कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता रुक्ख-
जोणिया रुक्खसंभवा रुक्खवक्क मा तज्जोणिया तस्संभवा तव्वक्क मा कम्मोवगा कम्मणियाणेणं
तत्थवक्क मा] रुक्खजोणिएहिं मूलेहिं कंदेहिं खंधेहिं तयाहिं सालाहिं पवालैहिं पत्तेहिं पुप्फेहिं
फलेहिं वीएहिं [तसपाणत्ताए विउट्टंति ते जीवा तैसिं रुक्खजोणियाणं मूलाणं कंदाणं खंधाणं
तयाणं सालाणं पवालानं पत्ताणं पुप्फाणं फलाणं वीयाणं सिणेहमाहारैति-ते जीवा आहारैति
पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथा-
वराणं पाणाणं सरीरं अचित्तं कुच्चंति परिविद्धत्थं तं सरीरं पुव्वाहारियं तयाहारियं विपरिणयं
सारूविकडं संतं सव्वप्पणत्ताए आहारैति अवरे वि य णं तैसिं मूलजोणियाणं कंदजोणियाणं
खंधजोणियाणं तयजोणियाणं सालजोणियाणं पवालजोणियाणं पत्तजोणियाणं फलजोणि-
याणं वीयजोणियाणं तसपाणाणं सरीरा नानावण्णा नानागंधा नानारसा नानाफासा नाना-
संठाणसंठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं
अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्क मा तज्जोणिया तस्सं-
भवा तव्वक्क मा कम्मोवगा कम्मणियाणेणं तत्थवक्क मा] रुक्खजोणिएहिं अञ्जारोहेहिं [तसपा-
णत्ताए विउट्टंति ते जीवा तैसिं रुक्खजोणियाणं अञ्जारोहाणं सिणेहमाहारैति-ते जीवा
आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नाना-
विहाणं तसथावराणं पाणाणं सरीरं अचित्तं कुच्चंति परिविद्धत्थं तं सरीरं पुव्वाहारियं
तयाहारियं विपरिणयं सारूविकडं संतं सव्वप्पणत्ताए आहारैति अवरे वि य णं तैसिं अञ्जा-
रोहजोणियाणं तसपाणं सरीरा नानावण्णा नानागंधा नानारसा नानाफासा नानासंठाणसं-
ठिया नानाविहसरीरपोग्गलविउच्चिया ते जीवा कम्मोववण्णगा भवंति त्ति मक्खायं अहावरं
पुरक्खायं-इहेगइया सत्ता अञ्जारोहजोणिया अञ्जारोहसंभवा अञ्जारोहवक्क मा तज्जोणिया
तस्संभवा तव्वक्क मा कम्मोवगा कम्मणियाणेणं तत्थवक्क मा] अञ्जारोहजोणिएहिं अञ्जारोहेहिं
[तसपाणत्ताए विउट्टंति ते जीवा तैसिं अञ्जारोहजोणियाणं अञ्जारोहाणं सिणेहमाहारैति-ते
जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं
नानाविहाणं तसथावराणं पाणाणं सरीरं अचित्तं कुच्चंति परिविद्धत्थं तं सरीरं पुव्वाहारियं
तयाहारियं विपरिणयं सारूविकडं संतं सव्वप्पणत्ताए आहारैति अवरे वि य णं तैसिं

अञ्जारोहजोगियाणं तसपाणाणं सरीरा नानावण्णा नानागंधा नानारसा नानाफासा नाना-
संठाणसंठिया नानाविहसरीरपोग्गल विउच्चिया ते जीवा कम्मोववण्णगा भवन्ति त्ति मक्खायं
अहावरं पुरक्खायं-इहेगइया सत्ता अञ्जारोहजोगिया अञ्जारोहसंभवा अञ्जारोहवक्कामा तज्जो-
णिया तस्संभवा तव्वक्क मा कम्मोवगा कम्मणियाणेणं तत्थवक्कमा] अञ्जारोहजोगिएहिं मूलेहिं
कंदेहिं खंधेहिं तयाहिं सालाहिं पवालेहिं पत्तेहिं पुप्फेहिं फलेहिं बीएहिं [तसपाणत्ताए विउट्टंति
ते जीवा तेसिं अञ्जारोहजोगियाणं मूलाणं कंदाणं खंधाणं तयाणं सालाणं पवालाणं पत्ताणं
पुप्फाणं फलाणं बीयाणं सिणेहमाहारेत्ति-ते जीवा आहारेत्ति पुढविसरीरं आउसरीरं तेउसरीरं
वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुच्चं-
त्ति परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वण्णत्ताए
आहारेत्ति अवेरे वि य णं तेसिं मूलजोगियाणं कंदजोगियाणं खंधजोगियाणं तयजोगियाणं
सालजोगियाणं पत्तजोगियाणं पुप्फजोगियाणं फलजोगियाणं बीयजोगियाणं तसपाणाणं
सरीरा नानावण्णा नानागंधा नानारसा नानाफासा नानासंठाणसंठिया पाणविहसरीरपोग्ग-
लविउच्चिया ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता
पुढवियोगिया पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणिया-
णेणं तत्थवक्कमा] पुढवियोगिएहिं तणेहिं [तसपाणत्ताए विउट्टंति ते जीवा तेसिं पुढवियो-
णियाणं तणाणं सिणेहमाहारेत्ति-ते जीवा आहारेत्ति पुढविसरीरं आउसरीरं तेउसरीरं वाउ-
सरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुच्चंत्ति
परिविद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वण्णत्ताए
आहारेत्ति अवेरे वि य णं तेसिं तणजोगियाणं तसपाणाणं सरीरा नानावण्णा नानागंधा
नानारसा नानाफासा नानासंठाणसंठिया नानाविहसरीरपोग्गलविउच्चिया ते जीवा कम्मो-
ववण्णगा भवन्ति त्ति मक्खायं अहावरं पुरक्खायं-इहेगइया सत्ता तणजोगिया तणसंभवा तण-
वक्क मा तज्जोणिया तस्संभवा तव्वक्क मा कम्मोवगा कम्मणियाणेणं तत्थवक्कम तणजोगिएहिं
तणेहिं तसपाणत्ताए विउट्टंति ते जीवा तेसिं तणं जोगियाणं तणाणं सिणेहमाहारेत्ति-ते जीवा
आहारेत्ति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानावि-
हाणं तसथावराणं पाणाणं सरीरं अचित्तं कुच्चंत्ति परिविद्धत्थं तं सरीरं पुच्चाहारियं तयाहारियं
विपरिणयं सारूविकडं संतं सव्वण्णत्ताए आहारेत्ति अवेरे वि य णं तेसिं तणजोगियाणं तस-
पाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहस-
रीरपोग्गलविउच्चिया ते जीवा कम्मोववण्णगा भवन्ति त्ति मक्खायं अहावरं पुरक्खायं-
इहेगइया सत्ता तणजोगिया तणसंभवा तणवक्क मा तज्जोणिया तस्संभवा तव्वक्कमा कम्मोवगा
कम्मणियाणेणं तत्थवक्क मा] तणजोगिएहिं मूलेहिं कंदेहिं खंधेहिं तयाहिं सालाहिं पवालेहिं
पत्तेहिं पुप्फेहिं फलेहिं बीएहिं [तसपाणत्ताए विउट्टंति ते जीवा तेसिं तणजोगियाणं मूलाणं
कंदाणं खंधाणं तयाणं सालाणं पवालाणं पत्ताणं पुप्फाणं फलाणं बीयाणं सिणेहमाहारेत्ति-ते
जीवा आहारेत्ति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं
नानाविहाणं तसथावराणं पाणाणं सरीरं अचित्तं कुच्चंत्ति परिविद्धत्थं तं सरीरं पुच्चाहारियं
तयाहारियं विपरिणयं सारूविकडं संतं सव्वण्णत्ताए आहारेत्ति अवेरे वि य णं तेसिं मूल-

जोणियाणं कंदजोणियाणं खंधजोणियाणं तयजोणियाणं सालजोणियाणं पवालजोणियाणं पतजोणियाणं पुष्पजोणियाणं फलजोणियाणं बीयजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउच्चिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता पुढविजोणिया पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा पुढविजोणियाहिं] ओसहीहिं [तसपाणत्ताए विउट्टंति ते जीवा तासिं पुढविजोणियाणं ओसहीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तयाहारियं विपरिणयं सारूविकडं संतं सव्वप्पणत्ताए आहारेंति अवरं वि य णं तेसिं ओसहिजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउच्चिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता ओसहिजोणिया ओसहिसंभवा ओसहिवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा ओसहिजोणियाहिं] ओसहीहिं [तसपाणत्ताए विउट्टंति ते जीवा तासिं ओसहिजोणियाणं ओसहीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तयाहारियं विपरिणयं सारूविकडं संतं सव्वप्पणत्ताए आहारेंति अवरं वि य णं तेसिं ओसहिजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउच्चिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता ओसहिजोणिया ओसहिसंभवा ओसहिवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा ओसहिजोणियाहिं] ओसहीहिं [तसपाणत्ताए विउट्टंति ते जीवा तासिं ओसहिजोणियाणं ओसहीणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तयाहारियं विपरिणयं सारूविकडं संतं सव्वप्पणत्ताए आहारेंति अवरं वि य णं तेसिं ओसहिजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउच्चिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता पुढविजोणिया पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा पुढविजोणियाहिं] हरि-एहिं [तसपाणत्ताए विउट्टंति ते जीवा तेसिं पुढविजोणियाणं हरियाणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं तयाहारियं विपरिणयं सारूविकडं संतं सव्वप्पणत्ताए आहारेंति अवरं वि य णं तेसिं

मूलजोगियाणं कंदजोगियाणं खंघजोगियाणं तयजोगियाणं सालजोगियाणं पवालजोगियाणं पत्तजोगियाणं पुष्पजोगियाणं फलजोगियाणं वीचजोगियाणं तसपाणाणं सरीरा नाना-
वण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णा भवति त्ति मक्खायं अहावरं पुरक्खायं-इहेगइया सत्ता पुढ-
विजोगिया पुढविसंभवा पुढविक्कमा तज्जोगिया तस्संभवा तव्वकमा कम्मोवगा कम्मणिया-
णेणं तत्थविक्कमा पुढविजोगि छत्तगेहिं वासाणिएहिं कूरेहिं तसपाणत्ताए विउड्ढंति ते जीवा तेसिं पुढविजोगियाणं आयाणं कायाणं कुहणाणं कंदुकाणं उव्वेहलियाणं निव्वेहलियाणं
सछत्ताणं छत्तागाणं वासाणियाणं कूराणं सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं पाणाविहाणं तसथावराणं पाणाणं
सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवरे वि य णं तेसिं आयजोगियाणं कायजोगि-
याणं कुहणजोगियाणं कंदुकजोगियाणं उव्वेहलियजोगियाणं निव्वेहलियजोगियाणं सछत्त-
जोगियाणं छत्तजोगियाणं वासाणियजोगियाणं कूरजोगियाणं तसपाणाणं सरीरा नाना-
वण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णा भवति त्ति मक्खायं एक्को चेव आलावगो सेसा दो नत्थि अहावरं
पुरक्खायं-इहेगइया सत्ता उदगजोगिया उदगसंभवा उदगवक्कमा तज्जोगिया तस्संभवा तव्व-
क्कमा कम्मोवगा कम्मणियाणेणं तत्थवक्कमा उदगजोगिएहिं रुक्खेहिं तसपाणत्ताए विउड्ढंति ते जीवा तेसिं उदगजोगियाणं रुक्खाणं सिणेहमाहारेंति-ते जीवा आहारेंति पुढविसरीरं आउ-
सरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं
सरीरं अचित्तं कुव्वंति परिविद्धत्थं तं सरीरं रुक्खाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवरे वि य णं तेसिं रुक्खजोगियाणं तसपाणाणं सरीरा नाना-
वण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णा भवति त्ति मक्खायं अहावरं पुरक्खायं-इहेगइया सत्ता रुक्खजोगिया
रुक्खसंभवा रुक्खवक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्क-
मा रुक्खजोगिएहिं रुक्खेहिं तसपाणत्ताए विउड्ढंति ते जीवा तेसिं रुक्खजोगियाणं रुक्खाणं
सिणेहमाहारेंति-ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइसरीरं
तसपाणसरीरं नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं
पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारेंति अवरे वि य णं
तेसिं रुक्खजोगियाणं तसपाणाणं सरीरा नानावण्णा नानागंधा नानारसा नानाफासा नाना-
संठाणसंठिया नानाविहसरीरपोग्लविउब्बिया ते जीवा कम्मोववण्णा भवति त्ति मक्खायं
अहावरं पुरक्खायं-इहेगइया सत्ता रुक्खजोगिया रुक्खसंभवा रुक्खवक्कमा तज्जोगिया तस्सं-
भवा तव्वक्कमा कम्मोवगा कम्मणियाणेणं तत्थवक्कमा रुक्खोणिएहिं मूलेहिं कंदेहिं खंघेहिं तथाहिं
सालाहिं पवालहेहिं पत्तेहिं पुप्फेहिं फलेहिं वीएहिं तसपाणत्ताए विउड्ढंति [ते जीवा तेसिं रुक्ख-
जोगियाणं मूलानं कंदाणं खंधाणं तवाणं सालाणं पवालानं पत्ताणं पुष्पाणं फलाणं वीयाणं
सिणेहमाहारेंति - ते जीवा आहारेंति पुढविसरीरं आउसरीरं तेउसरीरं वाउसरीरं वणस्सइ-

सरीरं तसपाणसरीरं नानाविहाणं तसथावराणं पाणणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पत्ताए आहारोति अवरं वि य णं तैसिं मूलजोणियाणं कंदजोणियाणं खंधणोयाणं तयजोणियाणं सालजोणियाणं पवालजोणियाणं पत्तजोणियाणं पुष्फजोणियाणं फलजोणियाणं वीयजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाण- संठिया नानाविहसरीरपोगलविउब्बिया ते जीवा कम्मोव वण्णगा भवंति त्ति मक्खायं अहावरं पुरक्खायं-इहेगइया सत्ता रुक्खजोणिया रुक्खसंभवा रुक्खवक्कमा तज्जोणिया तस्संभवा तव्वकम्मा कम्मोवगा कम्मणियाणेणं तत्थवक्कमा रुक्खजोणिएहिं अञ्जारोहेहिं तसपाणत्ताए विउट्ठंति ते जीवा त अञ्जारोहाणं सिणेहमाहारोति-ते जीवा आहारोति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारोति अवरं वि य णं तैसिं अञ्जारोहजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता अञ्जारोहजोणिया अञ्जारोहसंभवा अञ्जारोहवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा अञ्जारोहजोणिएहिं [अञ्जारोहेहिं तसपाणत्ताए विउट्ठंति ते जीवा तैसिं अञ्जारोहजोणियाणं अञ्जारोहाणं सिणेहमाहारोति-ते जीवा आहारोति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारोति अवरं वि य णं तैसिं अञ्जारोहजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता अञ्जारोहजोणिया [अञ्जारोहसंभवा अञ्जारोहवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा अञ्जारोहजोणिएहिं मूलेहिं कंदेहिं खंधेहिं तथाहिं सालाहिं पवालहेहिं पत्तेहिं पुष्फेहिं फलेहिं वीएहिं तसपाणत्ताए विउट्ठंति ते जीवा तैसिं अञ्जारोहजोणियाणं मूलाणं कंदाणं खंधाणं तयाणं सालाणं पवालानं पत्ताणं पुष्फाणं फलाणं वीयाणं सिणेहमाहारोति-ते जीवा आहारोति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं संतं सव्वप्पणत्ताए आहारोति अवरं वि य णं तैसिं मूलजोणियाणं कंदजोणियाणं खंधजोणियाणं तयजोणियाणं सालजोणियाणं पवालजोणियाणं पत्तजोणियाणं पुष्फजोणियाणं फलजोणियाणं वीयजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णगा भवंति त्ति मक्खायं] अहावरं पुरक्खायं-इहेगइया सत्ता उदगजोणिया उदगसंभवा उदगवक्कमा [तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा उदगजोणिएहिं तणेहिं तसपाणत्ताए विउट्ठंति ते जीवा तैसिं उदगजोणियाणं तणाणं सिणेहमाह-

रौंते-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तेसिं तणजोणियाणं तसपाणाणं सरीरा नानावण्णा नानागंधा नानारसा नानाफासा नाना-संठाणसंठिया नानाविहसरीरपोग्गलविउब्बिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता तणजोणिया तणसंभवा तणवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा तणजोणिएहिं तणेहिं तसपाणत्ताए विउट्टंति ते जीवा तेसिं तणजोणियाणं तणाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तेसिं तणजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोग्गलविउब्बिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता तणजोणिया तणसंभवा तणवक्कमा तज्जोणिया तस्संभवा तव्वक्क मा कम्मोवगा कम्म-णियाणेणं तत्थवक्कमा तणजोणिएहिं मूलेहिं कंदेहिं खंधेहिं तथाहिं सालाहिं पतेहिं पुप्फेहिं फलेहिं बीएहिं तसपाणत्ताए विउट्टंति ते जीवा तेसिं तणजोणियाणं मूलाणं कंदाणं खंधाणं तथाणं सालाणं पवालानं पलाणं पुप्फाणं फलाणं बीयाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तस-थावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विप-रिणयं सारूविकडं संतं सव्वप्पणत्ताए आहारैति अवेरे वि य णं तेसिं मूलजोणियाणं कंद-जोणियाणं खंधजोणियाणं तयजोणियाणं सालजोणियाणं पवालजोणियाणं पत्तजोणियाणं पुप्फजोणियाणं फलजोणियाणं बीयजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मो-ववण्णा भवंति त्ति मक्खायं अहावरं पुरक्खायं-इहेगइया सत्ता उदगजोणिया उदगसंभवा उदगवक्कमा तज्जोणिया तस्संभवा तव्वक्क मा कम्मोवगा कम्मणियाणेणं तत्थवक्क मा उदगजो-णियाहिं ओसहीहिं तसपाणत्ताए विउट्टंति ते जीवा तासिं उदगजोणियाणं ओसहीणं सिणेह-माहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तेसिं ओसहिजोणियाणं तसपाणाणं सरीरा नानावण्णा नानागंधा नानारसा नानाफासा ना-नासंठाणसंठिया नानाविहसरीरपोग्गलविउब्बिया ते जीवा कम्मोववण्णा भवंति त्ति मक्खायं अहावरं पुरक्खायं-इहेगइया सत्ता ओसहिजोणिया ओसहिंसंभवा ओसहिंवक्कमा [तज्जो-णिया तस्संभवा तव्वक्क मा कम्मोवगा कम्मणियाणेणं तत्थवक्क मा ओसहिजोणियाणं ओसहीहिं तसपाणत्ताए विउट्टंति ते जीवा तासिं ओसहिजोणियाणं] ओसहीणं [सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं

पाणाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अदरे वि य णं तेषिं ओसहि-जोणियाणं तसपाणाणं सरीरा नानावण्णा नानागंधा नानारसा नानाफासा नानासंठाण-संठिया नानाविहसरीरपोगलविउब्बिया ते जीवा कम्मोववण्णा भवन्ति त्ति मक्खायं अहावरं पुरक्खायं-इहेगइया सत्ता ओसहिजोणिया ओसहिसंभवा ओसहिवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा ओसहिजोणिएहिं मूलेहिं कंदेहिं खंधेहिं तथाहिं सालाहिं पवालेहिं पत्तेहिं पुप्फेहिं फलेहिं बीएहिं तसपाणत्ताए विउट्टंति ते जीवा तेषिं ओसहिजोणियाणं मूलाणं कंदान्णं खंधाणं तथाणं सालाणं पवालाणं पत्ताणं पुप्फाणं फलाणं बीयाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अदरे वि य णं मूलजोणियाणं कंदजोणियाणं खंधजोणियाणं तथाजोणियाणं सालजोणियाणं पवालजोणियाणं पत्तजोणियाणं पुप्फजोणियाणं फलजोणियाणं बीयजोणि-याणं तसपाणाणं सरीरा पाप्पावण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णा भवन्ति त्ति मक्खायं अहावरं पुर-क्खायं-इहेगइया सत्ता उदमजोणिया उदमसंभवा उदमवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा उदमजोणिएहिं हरिएहिं [तसपाणत्ताए विउट्टंति ते जीवा तेषिं उदमजोणियाणं हरियाणं सिणेहमाहारैति-ते जीवा आहारैति पुढविसरीरं आउ-सरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं ते सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अदरे वि य णं तेषिं हरियजोणियाणं तसपाणाणं सरीरा नाना-वण्णा नानागंधा नानारसा नानाफासा नानासंठाणसंठिया नानाविहसरीरपोगलवेउब्बिया ते जीवा कम्मोववण्णा भवन्ति त्ति मक्खायं] अहावरं पुरक्खायं-इहेगइया सत्ता हरियजो-णिया हरियसंभवा हरियवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा हरियजोणिएहिं हरिएहिं [तसपाणत्ताए विउट्टंति ते जीवा तेषिं हरियजोणियाणं हरियाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सव्वप्पणत्ताए आहारैति अदरे वि य णं तेषिं हरियजोणियाणं तसपाणाणं सरीरा नानावण्णा णामागंधा नानारसा नानाफासा नानासंठाणसंठिया नानाविहसरीरपोगलवेउब्बिया ते जीवा कम्मो-ववण्णा भवन्ति त्ति मक्खायं अहावरं पुरक्खायं-इहेगइया सत्ता हरियजोणिया हरियसंभवा हरियवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा हरियजो-णिएहिं मूलेहिं कंदेहिं खंधेहिं तथाहिं सालाहिं पवालेहिं पत्तेहिं पुप्फेहिं फलेहिं बीएहिं तसपाणत्ताए विउट्टंति ते जीवा तेषिं हरियजोणियाणं मूलाणं कंदानं खंधाणं तथाणं सालाणं पवालाणं पत्ताणं पुप्फाणं फलाणं बीयाणं सिणेहमाहारैति - ते जीवा आहारैति पुढविसरीरं

आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसयावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारुविकडं संतं सच्चप्पणत्ताए आहारैति अवेरे वि य णं तेसिं मूलजोणियाणं कंदजोणियाणं खंधजोणियाणं तयजोणियाणं सालजोणियाणं पवालजोणियाणं पत्तजोणियाणं पुप्फजोणियाणं फलजोणियाणं बीयजोणियाणं तसपाणाणं सरीरा नानावण्णा नानागंधा नानारसा नानाफसा नानासंठाणसंठिया नानाविहसरीरपोगलविउच्चिया ते जीवा कम्मोववण्णा भवन्ति त्ति मक्खायं] अहावरं पुरक्खायं-इहेगइया सत्ता उदगजोणिया उदगसंभवा उदगवक्क मा तज्जोणिया तस्संभवा तच्चक्क मा कम्मोवगा कम्मणियाणेणं तत्थवक्क म्मा उदगजोणिएहिं उदगेहिं अवगेहिं पणगेहिं सेवालैहिं कलंबुगेहिं हदेहिं कसेरुगेहिं कच्छभाणिएहिं उप्पलेहिं पउमेहिं कुमुएहिं नल्लिणेहिं सुभगेहिं सोगंधिएहिं पोंडरीएहिं महापोंडरीएहिं सयपत्तेहिं सहस्सपत्तेहिं कल्हारेहिं कोकणएहिं अरविंदेहिं तामरसेहिं भिसेहिं भिसमुणालेहिं पुक्खलेहिं पुक्खालच्छिभगेहिं तसपाणत्ताए विउट्ठंति [ते जीवा तेसिं उदगजोणियाणं उदगाणं अक्खाणं पणगाणं सेवाल्लाणं कलंबुगाणं हद्दाणं कसेरुगाणं कच्छभाणियाणं उप्पलाणं पउमाणं कुमुयाणं निल्लिणाणं सुभगाणं सोगंधियाणं पोंडरीयाणं महापोंडरीयाणं सयपत्ताणं सहस्सपत्ताणं कल्हाराणं कोकणयाणं अरविंदाणं तामरसाणं भिसाणं भिसमुणालाणं पुक्खलाणं पुक्खलच्छिभगाणं सिणेहमाहारैति-ते जीवा आहारैति पुढ्विसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसयावराणं पाणाणं सरीरं उचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारुविकडं संतं सच्चप्पणत्ताए आहारैति अवेरे वि य णं तेसिं उदगजोणियाणं अवगजोणियाणं पणगजोणियाणं सेवालजोणियाणं कलंबुगजोणियाणं हद्दजोणियाणं कसेरुगजोणियाणं कच्छभाणियजोणियाणं उप्पलजोणियाणं पउमजोणियाणं कुमुयजोणियाणं नल्लिणजोणियाणं सुभगजोणियाणं सोगंधियजोणियाणं पोंडरीवजोणियाणं महापोंडरीवजोणियाणं सयपत्तजोणियाणं सहस्सपत्तजोणियाणं कल्हारजोणियाणं कोकणयजोणियाणं अरविंदजोणियाणं तामरसजोणियाणं भिसजोणियाणं भिसमुणालजोणियाणं पुक्खलजोणियाणं पुक्खलच्छिभजोणियाणं तसपाणाणं सरीरा नानावण्णा नानागंधा नानारसा नानाफसा णामासंठाणसंठिया नानाविहसरीरपोगलविउच्चिया ते जीवा कम्मोववण्णा भवन्ति त्ति मक्खायं ।५६।-५५

(६८८) अहावरं पुरक्खायं-नानाविहाणं मणुस्साणं तं जहा-कम्मभूमगाणं अकम्मभूमगाणं अंतरदीवगाणं आरियाणं मिलक्खूणं तेसिं च णं अहावीएणं अहावगासेणं इत्थीए पुरिसस्स य कम्मकडाए जोणिए एत्थ णं मेहुणवत्तियाए नामं संजोगे समुप्पज्जइ ते दुहओ वि सिणेहं संधिणंति तत्थ णं जीवा इत्थित्ताए पुरिसत्ताए नपुंसगत्ताए विउट्ठंति ते जीवा माउओयं पिउसुक्कं तदुमय-संसट्ठं कलुसं किच्चिसं तप्पढमयाए आहारमाहारैति तओ पच्छा जं से माया नानाविहाओ रसवईओ आहारमाहारैति तओ एगदेसेणं ओयमाहारैति अणुपुब्बेणं बुद्धा पल्लिपागमणुपवण्णा तओ कायाओ अभिणिवट्टमाणा इत्थिं वेगया जणयंति पुरिसं वेगया जणयंति नपुंसगं वेगया जणयंति ते जीवा डहरा समाणा माउक्खीरं सथिं आहारैति अणुपुब्बेणं बुद्धा ओयणं कुम्मासं तसयावरे थ पाणे-ते जीवा आहारैति पुढ्वि-

सरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तयाहारियं विपरिणयं] सारुविकडं संतं सव्वप्पणत्ताए आहारेति अचरे वि य णं तेसिं नानाविहाणं मणुस्साणाणं कम्मभूमगाणं अकम्मभूमगाणं अंतरदीवगाणं आरियाणं मिलक्खूणं सरीरा [नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णा] भवंति त्ति मक्खायं १५७। -५६

(६८९) अहावरं पुरक्खायं-नानाविहाणं जलचराणं पंचिदियतिरिक्खजोणियाणं तं जहा-मच्छाणं [कच्छभाणं गाहाणं मगराणं] सुंसुमाराणं तेसिं च णं अहावीएणं अहावगासेणं इत्थीए पुरिसस्स च कम्म [कडाए जोणिए एत्थ णं मेहुणवत्तियाए नामं संजोगे सपुप्पज्जइ ते दुहओ वि सिणेहं संचिणंति तत्थं णं जीवा इत्थित्ताए पुरिसत्ताए नपुंसगत्ताए विउड्ढंति ते जीवा माउओयं पउसुक्कं तदुभय-संसट्ठं कलुसं किब्बिसं तप्पढमयाए आहारमाहारेति] तओ पच्छा जं से माया नानाविहाओ रसवईओ आहारमाहारेति तओ एगदेसेणं ओयमाहारेति अणुपुब्बेणं बुद्धा पलिपागमणुपवण्णा तओ कायाओ अभिनिवट्टमाणा अंडं वेगया जणयंति पोयं वेगया जणयंति से अंडे उब्धिज्जमाणे इत्थिं वेगया जणयंति पुरिसं वेगया जणयंति नपुंसगं वेगया जणयंति ते जीवा डहरा समाणा आउसिणेहमाहारेति अणुपुब्बेणं बुद्धा वण-स्सइकायं तसथावरे य पाणे-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तयाहारियं विपरिणयं सारुविकडं संतं सव्वप्पणत्ताए आहारेति अचरे वि य णं तेसिं नानाविहाणं जलचरपंचिदियतिरिक्खजोणि-याणं मच्छाणं कच्छभाणं गाहाणं मगराणं सुंसुमाराणं सरीरा नानावण्णा [नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णा भवंति त्ति] मक्खायं अहावरं पुरक्खायं-नानाविहाणं चउप्पयथलचरपंचिदियतिरिक्खजोणियाणं तं जहा-एगखुराणं दुखुराणं गंडीपदाणं सणफ्याणं तेसिं च णं अहावीएणं अहावगासेणं इत्थीए पुरिसस्स च कम्म [कडाए जोणिए एत्थ णं] मेहुणवत्तिए नामं संजोगे सपुप्पज्जइ ते दुहओ वि सिणेहं संचिणंति तत्थं णं जीवा इत्थित्ताए पुरिसत्ताए नपुंसगत्ताए विउड्ढंति ते जीवा माउ-ओयं पिउसुक्कं [तदुभय-संसट्ठं कलुसं किब्बिसं तप्पढमयाए आहारमाहारेति तओ पच्छा जं से माया नानाविहाओ रसवईओ आहारमाहारेति तओ एगदेसेणं ओयमाहारेति अणुपुब्बेणं बुद्धा पलिपागमणुपवण्णा तओ कायाओ अभिनिवट्टमाणा] इत्थिं वेगया जणयंति पुरिसं वेगया जणयंति नपुंसगं वेगया जणयंति ते जीवा डहरा समाणा माउक्खीरं सथिं आहारेति अणुपुब्बेणं बुद्धा वणस्सइकायं तसथावरे य पाणे-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तयाहारियं विपरिणयं सारुविकडं संतं सव्वप्पणत्ताए आहारेति अचरे वि य णं तेसिं नानाविहाणं चउप्पयथलचरपंचिदियातिरिक्ख-जोणियाणं एगखुराणं दुखुराणं गंडीपदाणं सणफ्याणं सरीरा नानावण्णा नानागंधा नाना-रसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोव-

वण्णगा भवति ति। मक्खायं अहावरं पुरक्खायं-नानाविहाणं उरपरिसप्पथलचरपंचिदियति-
 रिक्खजोणियाणं तं जहाअहीणं अयगराणं आसालियाणं महोरगाणं तेसिं च णं अहावीएणं
 अहावगासेणं इत्थीए पुरिसस्स [य कम्मकंडाए जोणिए एत्थ णं मेहुणवत्तियाए नामं संजोगे
 समुप्पज्जइ ते दुहओ वि सिणेहं संचिणंति तत्थ णं जीवा इत्थिताए पुरिसत्ताए नपुसंगत्ताए
 विउट्ठंति ते जीवा माउओयं पिउसुक्कं तदुभय-संसट्ठं कलुसं किब्बिसं तप्पढमयाए
 आहारमाहारेति तओ पच्छ जं से माया नानाविहाओ रसवईओ आहारमाहारेति तओ
 एगदेसेणं ओयमाहारेति अणुपुव्वेणं बुद्धा पलिपागमणुपवण्णा तओ कायाओ अभिणिवट्ट-
 माणा अंडं वेगया जणयंति पोयं वेगया जणयंति से अंडे उब्भिज्जमाणे इत्थि वेगया जणयंति
 पुरिसं वेगया जणयंति नपुसंगं वेगया जणयंति ते जीवा डहरा समाणा वाउकायमाहारेति
 अणुपुव्वेणं बुद्धा वणस्सइकायं तसथावरे य पाणे-ते जीवा आहारेति पुढविसरीरं [आ-
 उसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं
 सरीरं अचित्तं कुव्वंति परिविद्धत्थं तं सरीरं पुव्वाहारियं तथाहारियं विपरिणयं सारूविकडं
 संतं सव्वप्पणत्ताए आहारेति] अवेरे वि य णं तेसिं नानाविहाणं उरपरिसप्पथलचरपंचिदि-
 यतिरिक्खजोणियाणं अहीणं अयगराणं आसालियाणं महोरगाणं सरीरा नानावण्णा नाना-
 गंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा
 कम्मोववण्णगा भवति ति मक्खायं अहावरं पुरक्खायं-नानाविहाणं भुयपरिसप्पथलचर-
 पंचिदियतिरिक्खजोणियाणं तं जहा-गोहाणं नउलाणं सेहाणं सरडाणं सल्लाणं सरवाणं
 खाराणं घरकोइलियाणं विस्संभराणं मूसगाणं मंगुसाणं पयलाइयाणं विरालियाणं जाहाणं
 चाउप्पाइयाणं तेसिं च णं अहावीएणं अहावगासेणं इत्थीए पुरिसस्स च [कम्मकडाए जोणिए
 एत्थ णं मेहुणवत्तियाए नामं संजोगे समुप्पज्जइ ते दुहओ वि सिणेहं संचिणंति तत्थ णं जीवा
 इत्थिताए पुरिसत्ताए नपुसंगत्ताए विउट्ठंति ते जीवा माउओयं पिउसुक्कं तदुभय-संसट्ठं
 कलुसं किब्बिसं तप्पढमयाए आहारमाहारेति तओ पच्छ जं से माया नानाविहाओ रसवई-
 ओ आहारमाहारेति तओ एगदेसेणं ओयमाहारेति अणुपुव्वेणं बुद्धा पलिपागमणुपवण्णा
 तओ कायाओ अभिनिवट्टमाणा अंडं वेगया जणयंति पोयं वेगया जणयंति से अंडे
 उब्भिज्जमाणे इत्थि वेगया जणयंति पुरिसं वेगया जणयंति नपुसंगं वेगया जणयंति ते जीवा
 डहरा समाणा वाउकायमाहारेति अणुपुव्वेणं बुद्धा वणस्सइकायं तसथावरे य पाणे-ते
 जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं
 नानाविहाणं तसथावराणं पाणाणं सरीरं अचित्तं कुव्वंति परिविद्धत्थं तं सरीरं पुव्वाहारियं
 तथाहारियं विपरिणयं] सारूविकडं संतं सव्वप्पणत्ताए आहारेति अवेरे वि य णं तेसिं नाना-
 विहाणं भुयपरिसप्पथलचरतिरिक्खजोणियाणं गोहाणं नउलाणं सेहाणं सरडाणं
 सल्लाणं सरवाणं खाराणं घरकोइलियाणं विस्संभराणं मूसगाणं मंगुसाणं पयलाइयाणं विरालि-
 याणं जाहाणं चाउप्पाइयाणं सरीरा नानावण्णा नानागंधा नानारसा नानाफासा नानासंठाण-
 संठिया नानाविहसरीरपोग्गलविउब्बिया ते जीवा कम्मोववण्णगा भवति} ति मक्खायं अहा-
 वरं पुरक्खायं-नानाविहाणं खहचरपंचिदियतिरिक्खजोणियाणं तं जहा-जम्मपक्खीणं लोम-
 पक्खीणं समुग्गपक्खीणं विततपक्खीणं तेसिं च णं अहावीएणं अहावगासेणं इत्थीए

[पुरिसस य कम्मकडाए जोणिए एत्थ णं मेहुणवत्तिवाए नामं संजोगे समुप्पज्जइ ते दुहओ वि सिणेहं संचिणंति तत्थं णं जीवा इत्थिताए पुरिसताए नपुसंगताए विउट्ठंति ते जीवा माउ-ओयं पिउसुक्कं तदुभय-संसदूढं कलुसं किब्बिसं तप्पदमयाए आहारमाहारैति तओ पच्च जं से मावा नानाविहाओ रसवईओ आहारमाहारैति तओ एगदेसेणं ओयमाहारैति अणुपुब्बेणं वुड्ढा पलिपागमणुपवण्णा तओ कायाओ अभिनिवट्टमाणा अंडं वेगया जणयंति पोयं वेगया जणयंति से अंडे अत्थिज्जमाणे इत्थि वेगया जणयंति पुरिसं वेगया जणयंति नपुसंगं वेगया जणयंति] ते जीवा डहरा समाणा माउगायसिणेहमाहारैति सरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं] संतं सब्वप्पणत्ताए आहारैति अवेरे वि य णं तेसिं नानाविहाणं खहचरपंचिदियतिरिक्खजोणियाणं चम्पपक्खीणं [लोमपक्खीणं समुग्गपक्खीणं वित्तपक्खीणं सरीरा नानावण्णा नानागंधा नानारसा नानाफासा पाणसंठाणसंठिया नानाविहसरीरपोगलविउब्बिया ते जीवा कम्मोव-वण्णा भवंति ति] मक्खायं 1421-57

(६९०) अहावरं पुरक्खायं-इहेगइया सत्ता नानाविहजोणिया नानाविहसंभवा ना-नाविहवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा नानावि-हाणं तसथावराणं पाणाणं सरीरेसु सचित्तेसु वा अचित्तेसु वा अणुसूयताए विउट्ठंति ते जीवा तेसिं नानाविहाणं तसथावराणं पाणाणं सिणेहमाहारैति-ते जीवा आहारैति पुढविसरीरं [आ-उसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं] संतं सब्वप्पणत्ताए आहारैति अवेरे वि य णं तेसिं तसथावराणजोणियाणं अणुसूयगाणं सरीरा नानावण्णा [नानागंधा नानारसा नानाफासा नानासंठाणसंठिया नानाविहसरीरपोगलवि-उब्बिया ते जीवा कम्मोववण्णा भवंति ति] मक्खायं [अहावरं पुरक्खायं-इहेगइया सत्ता नानाविहजोणिया नानाविहसंभवा नानाविहवक्कमा तज्जोणिया तस्संभवा तव्वक्कमा कम्मो-वगा कम्मणियाणेणं तत्थवक्कमा नानाविहाणं मणुस्साणं तिरिक्खजोणियाणं य सरीरेसु सचि-त्तेसु वा अचित्तेसु वा दुरूवसंभवत्ताए विउट्ठंति ते जीवा तेसिं नानाविहाणं मणुस्साणं तिरिक्खजोणियाणं य सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्वप्पण-त्ताए आहारैति अवेरे वि य णं तेसिं मणुस्सतिरिक्खजोणियाणं दुरूवसंभवाणं सरीरा नाना-वण्णा नानागंधा नानारसा नानाफासा नानासंठाणसंठिया नानाविहसरीरपोगलविउब्बिया ते जीवा कम्मोववण्णा भवंति ति] मक्खायं अहावरं पुरक्खायं-इहेगइया सत्ता नानाविह-जोणिया नानाविहसंभवा नानाविहवक्कमा तज्जोणिया तस्संभवा तव्वक्कमा कम्मोवगा कम्मणि-याणेणं तत्थवक्कमा नानाविहाणं तसथावराणं पाणाणं सरीरेसु सचित्तेसु वा अचित्तेसु वा खुरदुगताए विउट्ठंति ते जीवा तेसिं नानाविहाणं तसथावराणं पाणाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं

नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तैसिं तसथावरजोणियाणं खुरदुगाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णगा भवन्ति त्ति मक्खायं] 1491-58

(६९१) अहावरं पुरक्खायं-इहेगइया सत्ता नानाविहजोणिया [नानाविहसंभवा नानाविह क मा तज्जोणिया तस्संभवा तव्वक्कमा कम्मोवगा] कम्मणियाणेणं तत्थवक्कमा नानाविहाणं तसथावराणं पाणाणं सरीरेसु सचित्तेसु वा अचित्तेसु वा उदगत्ताए विउट्ठंति तं सरीरां वायसंसिद्धं वायसंगहिचं वायपरिणयं उड्ढंवाएसु उड्ढंभागी भवइ अहोवाएसु अहेभागी भवइ तिरियावासु तिरिचभागी भवइ तं जहा-उस्सा हिमए महिया करए हरतणुए सुद्धोदए ते जीवा तैसिं नानाविहाणं तसथावराणं पाणाणं सिणेहमाहारैति-ते जीवा आहारैति पुढ-विसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं] संतं सब्बप्पणत्ताए आहारैति अवरं वि य णं तैसिं तसथावरजोणियाणं उस्साणं हिमगाणं महियाणं करगाणं हरतणुगाणं सुद्धोदगाणं सरीरा नानावण्णा नानागंधा नानारसा नानाफासा नानासंठाणसंठिया नानाविसरीरपोग्गलविउब्बिया ते जीवा कम्मोववण्णगा भवन्ति त्ति मक्खायं अहावरं पुरक्खायं-इहेगइया सत्ता उदगजोणिया उदगसंभवा उदगवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा तसथावरजोणिएसु उदएसु उदगत्ताए विउट्ठंति ते जीवा तैसिं तसथावरजोणियाणं उदगाणं सिणेहमाहारैति-ते जीवा आहारैति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति] परिविद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारैति अवरं वि य णं तैसिं तसथावरजोणियाणं उदगाणं सरीरा नानावण्णा [नानागंधा नानारसा नानाफासा नानासंठाणसंठिया नानाविहासरीरपोग्गलविउब्बिया ते जीवा कम्मोववण्णगा भवन्ति त्ति] मक्खायं अहावरं पुरक्खायं-इहेगइया सत्ता उदगजोणिया [उदगसंभवा उदगवक्कमा तज्जोणिया तस्संभवा तव्वक्कमा कम्मोवगा] कम्मणियाणेणं तत्थवक्कमा उदगजोणिएसु उदएसु उदगत्ताए विउट्ठंति ते जीवा तैसिं उदगजोणियाणं उदगाणं सिणेहमाहारैति-ते जीवा आहारैति पुढविसरीरं पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बन्ति परिविद्धत्थं तं सरीरं पुब्बाहारियं तथाहारियं विपरिणयं सारूविकडं] संतं सब्बप्पणत्ताए आहारैति अवरं वि य णं तैसिं उदगजोणियाणं उदगाणं सरीरा नानावण्णा [नानागंधा नानारसा नानाफासा नानासंठाणसंठिया नानाविहासरीरपोग्गलविउब्बिया ते जीवा कम्मोववण्णगा भवन्ति त्ति] मक्खायं अहावरं पुरक्खायं-इहेगइया सत्ता उदगजोणिया [उदगसंभवा उदगवक्कमा तज्जोणिया तस्संभवा तव्वक्कमा कम्मोवगा] कम्मणियाणेणं तत्थवक्कमा उदगजोणिएसु उदएसु तसपाणत्ताए विउट्ठंति ते जीवा तैसिं उदगजोणियाणं उदगाणं सिणेहमाहारैति-ते जीवा आहारैति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं

कुर्वन्ति परिविद्धत्थं तं सरीरं पुब्बाहारियं तथाहारियं विपरिणयं सारूधिकडं संतं सव्वप्पणत्ताए आहारैति अवेरे वि य णं तेसिं उदगजोगियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया पाणाविहसरीरपोग्गलविउब्बिया ते जीवा कम्मोववण्णागा भवंति त्ति मक्खायं ।६०। -५७

(६९२) अहावरं पुरक्खायं-इहेगइया सत्ता पाणाविहजोगिया [नानाविहसंभवा नानाविहवक्कमा तज्जोगिया तस्संभवा तव्वक्कमा कम्मोवगा] कम्मणियाणेणं तत्थवक्कमा नानाविहाणं तसथावरारणं पाणाणं सरीरेसु सचित्तेसु वा अचित्तेसु वा अगणिकायत्ताए विउट्टंति तेसिं नानाविहाणं तसथावरारणं पाणाणं सिणेहमाहारैति-ते जीवा आहारैति पुढविसरीरं [आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं कुर्वन्ति परिविद्धत्थं तं सरीरं पुब्बाहारियं तथाहारियं विपरिणयं सारूधिकडं] संतं सव्वप्पणत्ताए आहारैति अवेरे वि य णं तेसिं तसथावरजोगियाणं अगणीणं सरीरा नानावण्णा [नानागंधा नानारसा नानाफासा नानासंठाणसंठिया नानाविहसरीर-पोग्गलविउब्बिया ते जीवा कम्मोववण्णागा भवंति त्ति] मक्खायं अहावरं पुरक्खायं-इहेगइया सत्ता अगणिजोगिया अगणिसंभवा अगणिवक्कमा तज्जोगिया [तस्संभवा तव्वक्कमा कम्मोवगा कम्मणियाणेणं तत्थवक्कमा तसथावरजोगिएसु अगणीसु अगणिकायत्ताए विउट्टंति ते जीवा तेसिं तसथावरजोगियाणं अगणीणं सिणेहमाहारैति-तेजीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं कुर्वन्ति परिविद्धत्थं तं सरीरं पुब्बाहारियं तथाहारियं विपरिणयं सारूधिकडं संतं सव्वप्पणत्ताए आहारैति अवेरे वि य णं तेसिं तसथावरजोगियाणं अगणीणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णागा भवंति त्ति मक्खायं अहावरं पुरक्खायं-इहेगइया सत्ता अगणिजोगिया अगणिसंभवा अगणिवक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्कमा अगणिजोगिएसु अगणीसु अगणिकायत्ताए विउट्टंति ते जीवा तेसिं अगणिजोगियाणं अगणीणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं कुर्वन्ति परिविद्धत्थं तं सरीरं पुब्बाहारियं तथाहारियं विपरिणयं सारूधिकडं संतं सव्वप्पणत्ताए आहारैति अवेरे वि य णं तेसिं अगणिजोगियाणं अगणीणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा कम्मोववण्णागा भवंति त्ति मक्खायं अहावरं पुरक्खायं-इहेगइया सत्ता अगणिजोगिया अगणिसंभवा अगणिवक्कमा तज्जोगिया तस्संभवा तव्वक्कमा कम्मोवगा कम्मणियाणेणं तत्थवक्कमा अगणिजोगिएसु अगणीसु तसपाणत्ताए विउट्टंति ते जीवा तेसिं अगणिजोगियाणं अगणीणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं कुर्वन्ति परिविद्धत्थं तं सरीरं पुब्बाहारियं तथाहारियं विपरिणयं सारूधिकडं संतं सव्वप्पणत्ताए आहारैति अवेरे वि य णं तेसिं अगणिजोगियाणं तसपाणाणं सरीरा नानावण्णा नानागंधा नानारसा नानाफासा

नानासंठाणसंठिया नानाविहसरीरपोग्लविउब्बिया ते जीवा कम्मोववण्णगा भवंति] ति मक्खायं 1६91 -60

(६९३) अहावरं पुरक्खायं-इहेगइया सत्ता पाणविहजोणिया [नानाविहसंभवा नानाविहवक्कमा तज्जोणिया तस्संभवा तव्वक्कमा कम्मोवग्गा] कम्मणिया जेणं तत्थवक्कमा नानाविहाणं तसथावराणं पाणाणं सरीरसु सचित्तसु वा अचित्तसु वा वाउक्कायत्ताए विउट्टंति [ते जीवा तैसिं नानाविहाणं तसथावराणं पाणाणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिदिद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तैसिं तसथावरजोणियाणं वाऊणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णगा भवंति ति मक्खायं अहावरं पुरक्खायं-इहेगइया सत्ता वाउजोणिया वाउसंभवा वाउवक्क मा तज्जोणिया तस्संभवा तव्वक्कमा कम्मोवग्गा कम्मणियाजेणं तत्थवक्कमा तसथावरजोणिएसु वाऊसु वाउकायत्ताए विउट्टंति ते जीवा तैसिं तसथावरजोणियाणं वाऊणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिदिद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तैसिं तसथावरजोणियाणं आऊणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णगा भवंति ति मक्खायं अहावरं पुरक्खायं-इहेगइया सत्ता वाउजोणिया वाउसंभवा वाउवक्क मा तज्जोणिया तस्संभवा तव्वक्कमा कम्मोवग्गा कम्मणियाजेणं तत्थवक्कमा वाउजोणिएसु वाऊसु वाउकायत्ताए विउट्टंति ते जीवा तैसिं वाउजोणियाणं वाऊणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिदिद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तैसिं वाउजोणियाणं वाऊणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णगा भवंति ति मक्खायं अहावरं पुरक्खायं-इहेगइया सत्ता वाउजोणिया वाउसंभवा वाउवक्कमा तज्जोणिया तस्संभवा तव्वक्क मा कम्मोवग्गा कम्मणियाजेणं तत्थवक्कमा वाउजोणिएसु वाऊसु तसपाणत्ताए विउट्टंति ते जीवा तैसिं वाउजोणियाणं वाऊणं सिणेहमाहारैति-ते जीवा आहारैति पुढविसरीरं आउसरीरं तेउसरीरं वाउसरीरं वणस्सइसरीरं तसपाणसरीरं नानाविहाणं तसथावराणं पाणाणं सरीरं अचित्तं कुब्बंति परिदिद्धत्थं तं सरीरं पुच्चाहारियं तयाहारियं विपरिणयं सारूविकडं संतं सव्वप्पणत्ताए आहारैति अवेरे वि य णं तैसिं वाउजोणियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीरपोग्लविउब्बिया ते जीवा कम्मोववण्णगा भवंति ति मक्खायं अहावरं पुरक्खायं-इहेगइया सत्ता नानाविहजोणिया नानाविहसंभवा नानाविहवक्कमा तज्जोणिया तस्संभवा तव्वक्कमा कम्मोवग्गा कम्मणिया-

याणेणं तत्थवक्कमा नानाविहाणं तसथावरारणं पाणाणं सरीरेसु सचित्तेसु वा अचित्तेसु वा पुढ-
वित्ताए सक्कत्ताए वालुयत्ताए ॥६३-१-६१-१

- (६१४) पुढवी य सक्करा वालुया य उवले सिला य लोणूसे
अय तउय तम्भ सीसग रुष्ण सुवण्णे य वड्ढे य ॥६३२॥ -१
- (६१५) हरियाले हिंगुलुए मणोसिला सासगंजणपवाले
अब्भपडलब्भवालुय बायरकाए मणिविहाणा ॥६३३॥ -२
- (६१६) गोमेज्जाए य रुयए अंके फलिहे य लोहियकूखेय
मरगय मसारगळे भुयमोयगइदं नीले य ॥६३४॥ -३
- (६१७) चंदणगेरुयहंसगब्भ पुलए सोगंधिए य बोद्धब्बे
चंदप्पमवेहलिए जलकंते सूरकंते य ॥६३५॥ -४

(६१८) [जाव सूरकंताए विउट्टंति] ते जीवा तेसिं नानाविहाणं तसथावरारणं पा-
णाणं सिणेहमाहारेति-ते जीवा [आहारेति पुढविसरीरं आउसरीरं तेउसरीरं वाउसरीरं वण-
स्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं कुब्बंति परिबिद्धत्तं
तं सरीरं पुब्बाहारियं तथाहारियं विपरिणयं सारूविकडं] संतं सब्बप्पणत्ताए आहारेति अवेरे
वि य णं तासिं तसथावरजोणियाणं पुढवीणं सक्कराणं वालुयाणं जाव सूरकंताणं सरीरा नाना-
वण्णा [नानागंधा नानारसा नानाफासा नानासंठाणसंठिया नानाविहसरीरपोग्गलविउब्बिया
ते जीवा कम्मोववण्णगा भवंति त्ति] मक्खायं अहावरं पुरक्खायं-इहेगइया सत्ता पुढवि-
जोणिया पुढविसंभवा पुढविवक्कमा [तज्जोणिया तस्संभवा तव्वक्कमा कम्मवगा कम्मणियाणेणं
तत्थवक्कमा तसथावरजोणियासु पुढवीसु पुढवित्ताए विउट्टंति ते जीवा तासिं तसथावरजो-
णियाणं पुढवीणं सिणेहमाहारेति-ते जीवा आहारेति पुढविसरीरं आउसरीरं तेउसरीरं
वाउसरीरं वणस्सइसरीरं तसपाणसरीरं नानाविहाणं तसथावरारणं पाणाणं सरीरं अचित्तं
कुब्बंति परिबिद्धत्थं तं सरीरं पुब्बाहारियं तथाहारियं विपरिणयं सारूविकडं संतं सब्बप्पण-
त्ताए आहारेति अवेरे वि य णं तासिं तसथावरजोणियाणं पुढवीणं सरीरा नानावण्णा नाना-
गंधा नानारसा नानाफासा नानासंठाणसंठिया नानाविहसरीरपोग्गलविउब्बिया ते जीवा
कम्मोववण्णगा भवंति त्ति मक्खायं अहावरं पुरक्खायं-इहेगइया सत्ता पुढविजोणिया
पुढविसंभवा पुढविवक्कमा तज्जोणिया तस्संभवा तव्वक्कमा कम्मोवगा कम्मणियाणेणं तत्थवक्कमा
पुढविजोणियासु पुढवीसु पुढवित्ताए विउट्टंति ते जीवा तासिं पुढविजोणियाणं पुढवीणं
सिणेहमाहारेति-ते जीवा आहारेति पुढविसरीरं आउसरीरं तेउसरीरं वाउसरीरं वणस्सइसरीरं
तसपाणसरीरं नानाविहाणं तसथावरारणं पाणाणं सरीरं अचित्तं कुब्बंति परिबिद्धत्थं तं सरीरं
पुब्बाहारियं तथाहारियं विपरिणयं सारूविकडं संतं सब्बप्पणत्ताए आहारेति अवेरे वि य णं
तासिं पुढविजोणियाणं पुढवीणं सरीरा नानावण्णा नानागंधा नानारसा नानाफासा नाना-
संठाणसंठिया नानाविहसरीरपोग्गलविउब्बिया ते जीवा कम्मोववण्णगा भवंति त्ति मक्खायं
अहावरं पुरक्खायं-इहेगइया सत्ता पुढविजोणिया पुढविसंभवा पुढविवक्कमा तज्जोणिया तस्सं-
भवा तव्वक्कमा कम्मोवगा कम्मणियाणेणं तत्थवक्कमा पुढविजोणियासु पुढवीसु तसपाणत्ताए
विउट्टंति ते जीवा तासिं पुढविजोणियाणं पुढवीणं सिणेहमाहारेति-ते जीवा आहारेति

पुढविसरीरं आउसरीरं तेउसरीरं वणस्सइसरीरं तसपाणसरीरं नानाविहाणं तसयावराणं पाणाण सरीरं अचित्तं कुब्बन्ति परिविद्धत्थं तं सरीरं पुब्बाहारियं तयाहारियं विपरिणचं सास्सविकडं संतं सब्बप्पणत्ताए आहारंति अवरं वि य णं तैसिं पुढविजोगियाणं तसपाणाणं सरीरा नानावण्णा नानागंधा नानारसा नानाफासा नानासंठाणसंठिया नानाविहसरीर-पोगलविउब्बिया ते जीवा कम्मोववण्णागा भवंति त्ति मक्खायं ।६२। -६१

(६९९) अहावरं पुरक्खायं-सव्वे पाणा सव्वे भूया सव्वे जीवा सव्वे सत्ता नानाविह-जोगिया नानाविहसंभवा नानाविहवक्क मा सरीरजोगिया सरीरसंभवा सरीरवक्कमा सरीराहारा कम्मोवगा कम्मणियाणा कम्मणइया कम्मठिइया कम्मणा चैव विपरियास- मुवेत्ति सेवमाया-णह सेवमायाणित्ता आहारगुत्ते समिए सहिए सया जए त्ति वेमि ।६३।

● बीए सुयक्खंधे तइअं अण्णयणं समत्तं ●

चउत्थं अण्णयणं-पच्चक्खाणकिरिया

(७००) सुयं मे आउसं तेणं भगवया एवमक्खायं-इह खलु पच्चक्खाणकिरिया-नामज्जायणे तस्स णं अयमट्ठे-आया अपच्चक्खाणी यावि भवइ आया अकिरियाकुसल्ले यावि भवइ आया मिच्छासंठिए यावि भवइ आया एगंतदंडे यावि भवइ आया मिच्छासंठिए यावि भवइ आया एगंतदंडे यावि भवइ आया एगंतवाले यावि भवइ आया एगंतसुत्ते यावि भवइ आया अविचार-मण-वयण-वक्के यावि भवइ आया अप्पिडिहयपच्चक्खाय-पावक्कमे यावि भवइ एस खलु भगवया अक्खाए असंजए अवरिए अप्पिडिहयपच्चक्खाय-पावक्कमे सकिरिए असुंवडे एगंतदंडे एगंतवाले एगंतसुत्ते से वाले अविचार-मण-वयण-काय-वक्के सुविणमवि न पस्सइ पावे य से कम्मे कज्जइ ।६४। -६३

(७०१) तत्थ चोयए पण्णवगं एवं वयासी-असंतएणं मणेणं पावएणं असंतियाए वईए पावियाए असंतएणं काएणं अहणंतस्स अमणक्खस्स अविचार-मण-वयण-काय-वक्कस्स सुविणमवि अपस्सओ पावे कम्मे नो कज्जइ कस्स णं तं हेउं चोयए एवं ब्रवीत्ति-अण्णयरेणं मणेणं पावएणं मणवस्तिए पावे कम्मे कज्जइ अण्णयरीए वईए पावियाए वइवस्तिए पावे कम्मे कज्जइ अण्णयरेणं काएणं पावएणं कायवस्तिए पावे कम्मे कज्जइ हणंतस्स सम-णक्खस्स सविचार-मण-वयण-काय-वक्क रस्स सुविणमवि पासओ-एवंगुणजातीयस्स पावे कम्मे कज्जइ पुणरवि चोयइ एवं ब्रवीत्ति-तत्थणं जे ते एवमाहंसु-असंतएणं मणेणं पावएणं असंतियाए वईए पावियाए असंतएणं काएणं पावएणं अहणंतस्स अमणक्खस्स अविचार-मण-वयण-काय-वक्कस्स सुविणमवि अपस्सओ पावे कम्मे कज्जइ तत्थ णं जे ते एवमाहंसु मिच्छं ते एवमाहंसु तत्थ पण्णवए चोयए एवं वयासी-अं मए पुव्वं वुत्तं असंतएणं मणेणं पावएणं असंतियाए वईए पावियाए असंतएणं काएणं पावएणं अहणंतस्स अमणक्खस्स अविचार-मण-वयण-काय-वक्क रस्स सुविणमवि अपस्सओ पावे कम्मे कज्जइ तं समं कस्स णं तं हेउं आचार्य आह-तत्थ खलु भगवया छज्जीवणिककाया हेऊ पण्णत्ता तं जहा-पुढविकाइया [आउकाइया तेउकाइया वाउकाइया वणस्सइकाइया] तसकाइया इच्चैतेहिं छहिं जीवणि-काएहिं आया अप्पिडिहयपच्चक्खाय-पावक्कमे णिच्चं पसढ-विओवात-चित्त-दंडे तं जहा-

पाणाइवाए [मुसावाए अदिन्नादाणे मेहुणं परिग्गहे] कोहे [माणे मायाए लोहे पेञ्जे दोसे कलहे
अब्बक्खाणे पेसुण्णे परपरिवाए अरइरईए मायामोसे] मिच्छादंसणसल्ले, आचार्य आह-तत्थ
खलु भगवया वहए दिट्ठंते पण्णत्ते-से जहानामए वहए सिया गाहावइस्स वा गाहावइ-
पुत्तस्स वा रण्णो वा रायपुरिस्स वा खणं णिदाए पविसिस्सामि खणं लद्घूणं वहिस्सामिति
पहारेमाणे से किं णु हु नाम से वहए तस्स वा गाहावइस्स तस्स वा गाहावइपुत्तस्स तस्स वा
रण्णो तस्स वा रायपुरिस्स खणं णिदाए पविसिस्सामि खणं लद्घूणं वहिस्सामिति पहारेमा-
णे दिया वा राओ वा सुत्ते वा जागरमाणे वा अमित्तभूए मिच्छासंठिए णिच्चं पसढ-विओवाय-
चित्तदंडे भवइ, एवं वियागरेमाणे समियाए वियागरे चोयए-हंता भवइ आचार्य आह-जहा
से वहए तस्स वा गाहावइस्स तस्स वा गाहावइपुत्तस्स तस्स वा रण्णो तस्स वा रायपुरिस्स
खणं णिदाए पविसिस्सामि खणं लद्घूणं वहिस्सामिति पहारेमाणे दिया वा राओ वा सुत्ते वा
जागरमाणे वा अमित्तभूए मिच्छासंठिए णिच्चं पसढ-विओवाय-चित्तदंडे एवामेव बाले वि
सब्बेसिं पाणाणं [सब्बेसिं भूयाणं सब्बेसिं जीवाणं] सब्बेसिं सत्ताणं दिया वा राओ वा सुत्ते वा
जागरमाणे वा अमित्तभूए मिच्छासंठिए णिच्चं पसढ-विओवाय-चित्तदंडे तं जहा-पाणाइवाए
जाव मिच्छादंसणसल्ले एस खलु भगवया अक्खाए असंजए अविरए अप्पडिहयपच्चक्खाय-
पावकम्मे सकिरिए असुंबडे एगंतदंडे एगंतबाले एगंतसुत्ते यावि भवइ से बाले अवियारमण-
वयण-काय-वक्के सुदिणमणि न पसइ पावे य से कम्मे कञ्जइ जहा से वहए तस्स वा गाहा-
वइस्स [तस्स वा गाहावइपुत्तस्स तस्स वा रण्णो] तस्स वा रायपुरिस्स पत्तोयं-पत्तोयं चित्तं
समादाय दिया वा राओ वा सुत्ते वा जागरमाणे वा अमित्तभूए मिच्छासंठिए णिच्चं पसढ-
विओवाय चित्तदंडे भवइ एवामेव बाले सब्बेसिं पाणाणं [सब्बेसिं भूयाणं सब्बेसिं जीवाणं]
सब्बेसिं सत्ताणं पत्तोयं-पत्तोयं चित्तं समादाय दिया वा राओ वा सुत्ते वा जागरमाणो वा
अमित्तभूए मिच्छासंठिए णिच्चं पसढ-विओवाय-चित्तदंडे भवइ । ६५। -64

(७०२) नो इण्णट्ठे समट्ठे-इह खलु बहवे पाणा जे इमेणं सरीरसमुत्सएणं नो दिट्ठा
वा सुया वा नांभिनया वा विण्णया वा जेसिं नो पत्तोयं-पत्तोयं चित्तं समादाय दिया वा राओ
वा सुत्ते वा जागरमाणे वा अमित्तभूए मिच्छासंठिए णिच्चं पसढ-विओवाय-चित्तदंडे तं जहा-
पाणाइवाए जाव मिच्छादंसण सल्ले । ६६। -65

(७०३) आचार्य आह-तत्थ खलु भगवया दुवे दिट्ठंता पण्णत्ता तं जहा-सण्णिदि-
ट्ठंते य असण्णिदिट्ठंते य से किं तं सण्णिदिट्ठंते-सण्णिदिट्ठंते-जे इमे सण्णिपंचिदिया
पच्चत्तगा एतेसिं णं छञ्जीवणिकाए पडुच्चं पडुण्णं कुञ्जा से एगइओ पुढविकाएणं किच्चं कोइ वि
कारवेइ वि तस्स णं एवं भवइ-एवं खलु अहं पुढविकाएणं किच्चं करेमि वि कारवेमि वि नो
चेव णं से एवं भवइ-इमेण वा इमेण वा से य तेषां पुढविकाएणं किच्चं कोइ वि कारवेइ वि से य
तओ पुढविकायाओ असंजय-अविरय-अप्पडिहयपच्चक्खाय-पावक्क मे यावि भवइ, से एग-
इओ आउकाएणं किच्चं कोइ वि कारवेइ वि तस्स णं एवं भवइ एवं खलु अहं आउकाएणं
किच्चं करेमि वि कारवेमि वि नो चेव णं से एवं भवइ-इमेण वा इमेण वा से य तेषां आउकाएणं
किच्चं कोइ वि कारवेइ वि से य तओ आउकायाओ असंजय-अविरय-अप्पडिहयपच्च-
क्खाय-पावकम्मे यावि भवइ, से एगइओ तेउकाएणं किच्चं कोइ वि कारवेइ वि तस्स णं एवं

भवइ-एवं खलु अहं तेउकाएणं किच्चं करेमि वा कारवेमि वि नो चेव णं से एवं भवइ इमेण वा इमेण वा से य तेणं तेउकाएणं किच्चं करेइ वि कारवेइ वि से य तओ तेउकायाओ असंजय-अविरय-अप्पडिहयपच्चक्खाय-पावकम्मे याविभवइ, से एगइओ वाउकाएणं किच्चं करेइ वि तस्स णं एवं भवइ एवं खलु अहं वाउकाएणं किच्चं करेमि वि कारवेमि वि नो चेव से एवं भवइ इमेण वा इमेण वा से य तेणं वाउकाएणं किच्चं करेइ वि कारवेइ वि से य तओ वाउकायाओ असंजय-अविरय-अप्पडिहयपच्चक्खाय-पावकम्मे यावि भवइ, से एगइओ वणस्सइकाएणं किच्चं कारवेइ वि तस्स णं एवं भवइ एवं खलु अहं वणस्सइकाएणं किच्चं करेमि वि कारवेमि वि नो चेव णं से एवं भवइ-इमेण वा इमेण वा से य तेणं वणस्सइकाएणं किच्चं करेइ वि कारवेइ वि से य तओ वणस्सइकायाओ असंजय-अविरय-अप्पडिहय-पच्चक्खाय-पावकम्मे यावि भवइ, से एगइओ तसकाएणं किच्चं करेइ वि कारवेइ वि तस्स णं एवं भवइ-एवं खलु अहं तसकाएणं किच्चं करेमि वि कारवेमि वि नो चेव णं से एवं भवइ-इमेण वा इमेण वा से य तेणं तसकाएणं किच्चं करेइ वि कारवेइ वि से य तओ तसकायाओ असंजय-अविरय-अप्पडिहयपच्चक्खाय-पावकम्मे यावि भवइ] से एगइओ छज्जीवणिकाएहिं किच्चं करेइ वि कारवेइ वि तस्स णं एवं भवइ एवं खलु छज्जीवणिकाएहिं किच्चं करेमि वि कारवेमि वि नो चेव णं से एवं भवइ-इमेहिं वा इमेहिं वा से य तेहिं छहिं जीवणिकाएहिं किच्चं करेइ वि कारवेइ वि से य तेहिं छहिं जीवणिकाएहिं असंजय-अविरय-अप्पडिहय पच्चक्खाय-पावकम्मे तं जहा-पाणाइवाए जाव मिच्छादंसणसल्ले एस खलु भगवया अक्खाए अस्संजए अविरए अप्पडिह-यपच्चक्खाए-पावकम्मे सुविणमणि न पस्सइ पावे य से कम्मे कज्जइ से तं सण्णिदिट्ठंते

से किं तं असण्णिदिट्ठंते-असण्णिदिट्ठंते-जे इमे असण्णिणो पाणा तं जहापुढ-चिकाइया आउकाइया तेउकाइया वाउकाइया] वणस्सइकाइया छट्ठा वेगइया तसा पाणा जेतिसि नो तक्काइ या सण्णा इ वा पण्णा इ वा मणे इ वा वई इ वा सयं वा करणाए अण्णेहिं वा कारवेत्तए करंतं वा समणुजाणित्तए ते वि णं बाला सव्वेसिं पाणाणं [सव्वेसिं भूयाणं सव्वेसिं जीवाणं] सव्वेसिं सत्ताणं दिया वा राओ वा युत्ता वा जागरमाणा अमित्तभूया मिच्छासंठिया णिच्चं पसद-विओवाय चित्तदंडा तं जहा-पाणाइवाए जाव मिच्छादंसणसल्ले इच्चेवं जाणे णो चेव मणो नो चेव वई पाणाणं [भूयाणं जीवाणं] सत्ताणं दुक्खणयाए सोयणयाए जूरणयाए तिप्पणयाए पिट्ठणयाए परितप्पणयाए ते दुक्खण-सोयण [जूरण-तिप्पण-पिट्ठण]-परितप्पण-वह-बंध-परिकित्तेसाओ अप्पडिविरया भवन्ति इति खलु ते असण्णिणो वि संता अहोनिंसं पाणाइवाए उवक्खाइज्जंति जाव अहोनिंसं मिच्छादंसणसल्ले उवक्खाइज्जंति सव्वजोणिया वि खलु सरा-सण्णिणो हुच्चा असण्णिणो होति असण्णिणो हुच्चा सण्णिणो होति होच्चा सण्णी अदुवा असण्णी तस्य से अविचिचिता अविघूणिता असंमुच्छिता अणुताविचिता असण्णि-कायाओ वा सण्णिकाय संकमंति सण्णिकायाओ वा असण्णिकायं संकमंति सण्णिकायाओ वा सण्णिकायं संकमंति असण्णिकायाओ वा असण्णिकायं संकमंति जे एए सण्णी वा असण्णी वा सव्वे ते मिच्छावारा णिच्चं पसद-विओवाय चित्तदंडा तं जहा-पाणाइवाए जाव मिच्छादंसणसल्ले एवं खलु भगवया अक्खाए असंजए अविरए अप्पडिहय-पच्चक्खाय-पावकम्मे सकिरिए असंयुडे एगंतदंडे एगंतबाले एगंतसुते से बाले अविचारमण वयण-काय-वक्केसुविणमवि म पासइ पावे य से कम्मे कज्जइ । ६७। -66

(७०४) |चोयगः- ते किं कुव्वं कि कारवं कर्हं संजय-विरय-पडिहय-पच्चक्खाय-पावकम्मं भवइ आचार्य आह-तत्थ खलु भगवया छञ्जीवणिकायाहेऊ पण्णत्ता तं जहा-पुढवीकाइया [आऽकाइया तेउकाइया वाउकाइया वणास्सइकाइया] तसकाइया से जहा-नामए मम अस्तातं दंडेण वा अट्ठीण वा मुट्ठीण वा लेलुणा वा क्वालणेण वा आतोडिज्ज-माणस्स वा हम्ममाणस्स वा तज्जिज्जमाणस्स वा ताडिज्जमाणस्स वा परिताविज्जमाणस्स वा किलामिज्जमाणस्स वा उवह्विज्जमाणस्स वा जाव लोमुक्खणणमायमवि हिंसाकारगं दुक्खं भयं पडिसंवेदेमि-इच्चेवं जाण सव्वे पाणा सव्वे भूया सव्वे जीवा सव्वे सत्ता दंडेण वा [अट्ठीण वा मुट्ठीण वा लेलुणा वा] क्वालणेण वा आतोडिज्जमाणा वा हम्ममाणा वा तज्जिज्ज-माणा वा तालिज्जमाणा वा [परिताविज्जमाणा वा किलामिज्जमाणा वा] उवह्विज्जमाणा वा जाव लोमुक्खणणमायमवि हिंसाकारगं दुक्खं भयं पडिसंवेदेति-एवं नच्चा सव्वे पाणा [सव्वे भूया सव्वे जीवा] सव्वे सत्ता न हंतव्वा न अज्जावेयव्वा न परिचेतव्वा न परितवियव्वा न उह्वेयव्वा एस धम्मे धुवे णिइए सासए सपेच्च लोगं खेतण्णेहिं पवेइए एवं से भिक्खू विरए पाणाइवायाओ जाव मिच्छादंसणसल्लाओ से भिक्खू नो दंतपक्खालणेणं दंते पक्खालेज्जा नो अंजणं नो वमणं नो धूवणेत्तं पिआइए से भिक्खू अकिरिए अलूसए अकोहे [अमाणे अमाणे] अलोभे उवसंते परिणिव्वुडे एस खलु भगवया अक्खाए संजय-विरय-पडिहय-पच्चक्खाय-पावकम्मं अकिरिए संवुडे एयांतपंडिए यावि भवइ - ति वेमि १६८१-६७

● बीए सुयक्खंधे चउत्वं अञ्जयणं समत्तं ●

पंचमं अञ्जयणं—आयारसुयं

- | | | |
|-------|--|---------|
| (७०५) | आदाय बंधवेरं च आसुपण्णे इमं वइं
अस्सि धम्मे अणायारं नायरेज्ज कयाइ वि | ॥६३६॥-१ |
| (७०६) | अणादीयं परिण्णाय अणवदग्गं ति वा पुणो
सासयमसासए वा इइ दिट्ठिं न धारए | ॥६४७॥-२ |
| (७०७) | एएहिं दोहिं ठाणेहिं ववहारो न विज्जइं
एएहिं दोहिं ठाणेहिं अणायारं विजाणए | ॥६३८॥-३ |
| (७०८) | समुच्छिज्जिहेति सत्थारो सव्वे पाणा अणेत्तिसा
गंठिगा वा भविस्संति सासयं ति व नो वए | ॥६३९॥-४ |
| (७०९) | एएहिं दोहिं ठाणेहिं ववहारो न विज्जइं
एएहिं दोहिं ठाणेहिं अणायारं विजाणए | ॥६४०॥-५ |
| (७१०) | जे केइ खुइगा पाणा अदुवा संति महालया
सरिसं तेहिं वेरं ति असरिसं ति य नो वए | ॥६४१॥-६ |
| (७११) | एएहिं दोहिं ठाणेहिं ववहारो न विज्जइं
एएहिं दोहिं ठाणेहिं अणायारं विजाणए | ॥६४२॥-७ |
| (७१२) | अहाकम्माणि भुंजंति अण्णमण्णे सकम्मुणा
उवलित्ते ति जाणिज्जा अणुवलित्ते ति वा पुणो | ॥६४३॥-८ |

(७१३)	एएहिं दोहिं ठाणेहिं बवहारो न विजई एएहिं दोहिं ठाणेहिं अणाथारं विजाणए	॥६४४॥-७
(७१४)	जमिदं ओरालमाहारं कम्मगं च तमेव य सब्बत्थ वीरियं अत्थि नत्थि सब्बत्थ वीरियं	॥६४५॥-१०
(७१५)	एएहिं दोहिं ठाणेहिं बवहारो न विजई एएहिं दोहिं ठाणेहिं अणाथारं विजाणए	॥६४६॥-११
(७१६)	नत्थि लोए अलोए वा नेवं सण्णं णिवेसए अत्थि लोए अलोए वा एवं सण्णं णिवेसए	॥६४७॥-१२
(७१७)	नत्थि जीया अजीवा वा नेवं सण्णं णिवेसए अत्थि जीवा अजीवा वा एवं सण्णं णिवेसए	॥६४८॥-१३
(७१८)	नत्थि धम्मं अधम्मं वा नेवं सण्णं णिवेसए अत्थि धम्मं अधम्मं वा एवं सण्णं णिवेसए	॥६४९॥-१४
(७१९)	नत्थि बंधे व मोक्खे वा नेवं सण्णं णिवेसए अत्थि बंधे व मोक्खे वा एवं सण्णं णिवेसए	॥६५०॥-१५
(७२०)	नत्थि पुण्णे व पावे वा नेवं सण्णं णिवेसए अत्थि पुण्णे व पावे वा एवं सण्णं णिवेसए	॥६५१॥-१६
(७२१)	नत्थि आसवे संवरे वा नेवं सण्णं णिवेसए अत्थि आसवे संवरे वा एवं सण्णं णिवेसए	॥६५२॥-१७
(७२२)	नत्थि वेयणा निज्जरा वा नेवं सण्णं णिवेसए अत्थि वेयणा निज्जरा वा एवं सण्णं णिवेसए	॥६५३॥-१८
(७२३)	नत्थि किरिया अकिरिया वा नेवं सण्णं निवेसए अत्थि किरिया अकिरिया वा एवं सण्णं निवेसए	॥६५४॥-१९
(७२४)	नत्थि कोहे व माणे वा नेवं सण्णं णिवेसए अत्थि कोहे व माणे वा एवं सण्णं णिवेसए	॥६५५॥-२०
(७२५)	नत्थि माया व लोभे वा नेवं सण्णं णिवेसए अत्थि माया व लोभे वा एवं सण्णं णिवेसए	॥६५६॥-२१
(७२६)	नत्थि पेज्जे व दोसे वा नेवं सण्णं णिवेसए अत्थि पेज्जे व दोसे वा एवं सण्णं निवेसए	॥६५७॥-२२
(७२७)	नत्थि चाउरंते संसारे नेवं सण्णं निवेसए अत्थि चाउरंते संसारे एवं सण्णं णिवेसए	॥६५८॥-२३
(७२८)	नत्थि देवो व देवी वा नेवं सण्णं णिवेसए अत्थि देवो व देवी वा एवं सण्णं णिवेसए	॥६५९॥-२४
(७२९)	नत्थि सिद्धी असिद्धी वा नेवं सण्णं णिवेसए अत्थि सिद्धी असिद्धी वा एवं सण्णं विवेसए	॥६६०॥-२५

- (७३०) नत्थि सिद्धी णियं ठाणं नेवं सण्णं णिवेसए
अत्थि सिद्धी णियं ठाणं एवं सण्णं णिवेसए ॥६६१॥-26
- (७३१) नत्थि साहू असाहू वा नेवं सण्णं णिवेसए
अत्थि साहू असाहू वा एवं सण्णं निवेसए ॥६६२॥-27
- (७३२) नत्थि कल्लाणे पावे वा नेवं सण्णं णिवेसए
अत्थि कल्लाणे पावे वा एवं सण्णं णिवेसए ॥६६३॥-28
- (७३३) कल्लाणे पावए वा वि बवहारो न विज्झइ
जं वेरं तं न जाणंति समणा बालपंडिया ॥६६४॥-29
- (७३४) असेसं अक्खयं वावि सव्वं दुक्खे ति वा पुणो
वज्झा पाणा अवज्झ ति इति वायं न णीसिरे ॥६६५॥-30
- (७३५) दीसंति समिवाचारा भिक्खुणो साहुजीविणो
एए मिच्छेवजीविति इति दिट्ठि न धारए ॥६६६॥-31
- (७३६) दक्खिणाए पडिलंभो अत्थि वा नत्थि वा पुणो
न वियागरेज्ज मेहावी संतिमग्गं च वूहए ॥६६७॥-32
- (७३७) इच्छेहहिं ठाणेहिं जिणे दिट्ठेहिं संजए
धारयंते उ अप्पाणं आमोक्खए परिव्वएज्जासि - ति बेमि ॥६६८॥-33

छट्ठं अञ्जयणं—अहइज्जं

- (७३८) पुराकडं अह इमं सुणेह एगंतचारी समणे पुरासी
से भिक्खवो उचणेत्ता अणेगे आइक्खतिपण्हं पुट्ठो वित्थरेणं ॥६६९॥-1
- (७३९) साऽजीविया पट्ठवियाऽथिरेणं समागओ गणओ भिक्खुमज्झे
आइक्खमाणो बहुजणमत्थं न संघयाई अवरेण पुव्वं ॥६७०॥-2
- (७४०) एगंतमेव अदुवा वि इण्हि दोऽवणमण्णं नं समेति जम्हा
पुव्वि च इण्हि च अणागयं च एगंतमेव पडिसंघयाइ ॥६७१॥-3
- (७४१) समेच्च लोगं तसथावराणं खेमंकरे समणे माहणे वा
आइक्खमाणो वि सहस्समज्झे एगंतयं सारयई तहच्चे ॥६७२॥-4
- (७४२) धम्मं कहंतस्स उ नत्थि दोसो खंतस्स दंतस्स जिइंदियस्स
भासाय दोसे य विवज्जगस्स गुणे य भासाय णिसेवगस्स ॥६७३॥-5
- (७४३) महव्वए पंच अणुव्वए य तहेव पंचासव संवरे य
विरइं इह स्सामणियम्मिपण्णे लवावसक्कीं समणे ति बेमि ॥६७४॥-6
- (७४४) सीओदगं सेवउ बीयकायं आहायकम्मं तह इत्थियाओ
एगंतचारिस्सिह अन्ह धम्मे तवस्सिणो नाभिसमेइ पावं ॥६७५॥-7
- (७४५) सीओदगं वा तह बीयकायं आहायकम्मं तह इत्थियाओ
एयाइं जाणे पडिसेवमाणा अगारिणो अस्समणा भवंति ॥६७६॥-8
- (७४६) सिया य वीचोदगइत्थियाओ पडिसेवमाणा समणा भवंतु
आगारिणो वि समणा भवंतु सेवंति उ ते वि तहप्पगारं ॥६७७॥-9

- (७४७) जे याचि वीओदगभोइ भिक्खू भिक्खं विहं जायइ जीवयट्ठी
ते णाइसंजोगमविष्पहाय काओवगा णंतकरा भवति ॥६७८॥-१०
- (७४८) इमं ववं तु तुम पाउकुच्चं पावाइणो गरहसि सव्व एव
पावाइणो पुढो किट्ठयंता सयं सयं दिट्ठि करेति पाउं ॥६७९॥-११
- (७४९) ते अणमण्णास्स उ गरहमाणो अक्खंति ऊसमणा माहणा य
सतो य अत्थी असतो य नत्थी गरहामो दिट्ठीं न गरहामो किंचि ॥६८०॥-१२
- (७५०) न किंचि पुवेणोभिधारयामो सदिट्ठिमणं तु करेमो पाउं
मग्गे इमे किट्ठिए आरिएहिं अनुत्तरे सप्पुरिसेहिं अंजू ॥६८१॥-१३
- (७५१) उड्ढं अहे य तिरियं दिसासु तसा य जे धावर जे य पाणा
भूयाभिसंकाए दुगुंछमाणे नो गरहइ बुसिमं किंचि लोए ॥६८२॥-१४
- (७५२) आगंतगारे आरामगारे समणे उ भीते न उवेइ वासं
दुक्खा हु संती बहवे मणुस्सा ऊणातिरित्ता य लवालवा य ॥६८३॥-१५
- (७५३) मेहाविणो सिक्खियं बुद्धिमंता सुतेहिं अत्थेहि य णिच्छयण्णू
पुंछिंसु मा णे अणगार अण्णे इति संकमाणो न उवेइ तत्थ ॥६८४॥-१६
- (७५४) नाकमकिच्चा न य बालकिच्चा रायाभियोगेण कुओ मएणं
वियागरेज्जा पसिणं न वा वि सकामकिच्चेणिह आरियाणं ॥६८५॥-१७
- (७५५) गंता व तत्था अदुवा अगंता वियागरेज्जा समियासुपण्णे
अणारिया दंसणओ परिता इति संकमाणो न उवेइ तत्थ ॥६८६॥-१८
- (७५६) पण्णं जहा वणिए उदयट्ठी आयस्स हेउं पगरेइ संगं
तओवमे समणे नायपुत्ते इच्चेव मे होइ भई वियक्का ॥६८७॥-१९
- (७५७) नवं न कुज्जा विहुणे पुराणं चिच्चा ऽमइं ताइ य साह एयं
एतावता बंभवति ति वुत्ते तस्सोदयट्ठी समणे ति वेपि ॥६८८॥-२०
- (७५८) समारभंते वणिया भूयगामं परिगहं चेव ममायपाणा
ते णाइसंजोगमविष्पहाय आयस्स हेउं पगरेति संगं ॥६८९॥-२१
- (७५९) वित्तेसिणो मेहुणसंपगाढा ते भोयणट्ठा वणिया वयंति
ययं तु कामेहिं अज्झोववण्णा अणारिया पेमरसेसु गिद्धा ॥६९०॥-२२
- (७६०) आरंभगं चेव परिगहं च अविउस्सिया णिस्सिय आयदंडा
तेसिं च से उदए जं बयासी घउरंतणंताय दुहाय नेह ॥६९१॥-२३
- (७६१) गेगंति णच्चंति तओदए से वयंति ते दो वि गुणोदयम्मि
से उदए साइमणंतपत्ते तमुदयं साहयइ ताइ णाई ॥६९२॥-२४
- (७६२) अहिंसयं सव्वपयाणुकंपी धम्मे ठियं कम्मविदेगहेउं
तमायदंडेहिं समायरंता अबोहिए ते पडिरूवमेयं ॥६९३॥-२५
- (७६३) पिण्णागपिंडीमवि विद्ध सूले केई एएज्जा पुरिसे इमे ति
अलाउयं वा वि कुमारग ति स त्तिप्यई पाणिवहेण अहं ॥६९४॥-२६

- (७६४) अह्वाविविद्धूण मिलक्खु सूले पिण्णागबुद्धीए नरं पएज्जा
कुमारगं वा वि अलाउए त्ति न लिप्पई पाणिवहेण अहं ॥६९५॥-२७
- (७६५) पुरिसं च विद्धूण कुमारगं वा सूलंमि केइ पए जायतेए
णिण्णागपिंडि सइमारूहेत्ता बुद्धाणं तं कप्पइ पारणाए ॥६९६॥-२८
- (७६६) सिणायगाणं तु दुवे सहस्से जे भोयए णित्तिए भिक्खुयाणं
ते पुण्णखंधं सुमहज्जणित्ता भवंति आरोप्प महंतसत्ता ॥६९७॥-२९
- (७६७) अजोगरुवं इह संजयाणं पावं तु पाणाण पसज्ज काउं
अवोहिए दोण्ह वि तं असाहु वयंति जे यावि पडिस्तुणंति ॥६९८॥-३०
- (७६८) उइढं अहे य त्तिरियं दिसासु विण्णाय लिंगं तसथावराणं
भूयाभिसंकाए दुगुंछमाणे वदे करेज्जा वा कुओ विहइत्थि ॥६९९॥-३१
- (७६९) पुरिसे त्ति विण्णत्ति न एवमत्थि अणारिए से पुरिसे तथा हु
को संभवो पिण्णपिंडियाए वाया वि एसा बुइया असद्या ॥७००॥-३२
- (७७०) वायाभिओगेण जमावहेज्जा नो तारिसं वायमुदाहरेज्जा
अट्ठाणमेयं वयणं गुणाणं नो दिक्खिए बूय सुरालमेयं ॥७०१॥-३३
- (७७१) लद्धे अहट्ठे अहो एव तुम्भे जीवाणुभागे सुविचित्तिे य
पुब्बं समुइं अवरं च पुट्ठे ओलोइए पाणित्तत्तिट्ठिए वा ॥७०२॥-३४
- (७७२) जीवाणुभागं सुविचित्तयंता आहारिया अण्णविहीए सोहिं
न वियागरे छण्णपओपजीवी एसोऽणुधम्मो इह संजयाणं ॥७०३॥-३५
- (७७३) सिणायगाणं तु दुवे सहस्से जे भोयए णित्तिए भिक्खुयाणं
असंजए लोहियपाणि से ऊ गियच्छई गरहपिहेव लोए ॥७०४॥-३६
- (७७४) यूलं उरब्बं इह मारियाणं उद्दिट्ठमत्तं च पगप्पएत्ता
तं लोणतेल्लेण उवक्खडेत्ता सपिप्पलोयं पगरंति मंसं ॥७०५॥-३७
- (७७५) तं भुंजमाणा पिसियं पभूयं नो उवल्लिप्पामो वयं रएणं
इच्चेवमाहंसु अणज्जधम्मा अणारिया बाल रसेसु गिद्धा ॥७०६॥-३८
- (७७६) जे यावि भुंजंति तहप्पगारं सेवंति ते पावमजाणमाणा
मणं न एयं कुसला करंति वाया वि एसा बुइया उ मिच्छा ॥७०७॥-३९
- (७७७) सच्चैसि जीवाण दयट्ठयाए सावज्जदोसं परिवज्जयंता
तस्संकिणो इसिणो नायपुत्ता उद्दिट्ठमत्तं परिवज्जयंति ॥७०८॥-४०
- (७७८) भूयाभिसंकाए दुगुंछमाणा सच्चैसि पाणाण णिहाय दंडं
तम्हा न भुंजंति तहप्पगारं एसोऽणुधम्मो इह संजयाणं ॥७०९॥-४१
- (७७९) निग्गंधम्मम्मि इमा समाही अस्सि सुठिच्चा अणिहे चरेज्जा
बुद्धे मुणी सीलगुणोववेए इहच्चणं पाउणई सिलोणं ॥७१०॥-४२
- (७८०) सिणायगाणं तु दुवे सहस्से जे भोयए णित्तिए माहणाणं
ते पुण्णखंधं सुमहज्जणित्ता भवंति देवा इइ वेयवाओ ॥७११॥-४३

- (७८१) सिणायगाणं तु दुवे सहस्से जे भोयए णितिए कुलालयाणं
से गच्छई लोलुवसंपगादे तिच्चाभितावी नरगाभिसेवी ॥७९२॥-४४
- (७८२) दयावरं धम्म दुगुंछमाणे बहावहं धम्म पसंसमाणे
एणं पि जे भोयवई असीलं णिहो णिसं गच्छई अंतकाले ॥७९३॥-४५
- (७८३) दुहओवि धम्ममि समुठियाओ अस्सिं सुदिठ्ठा तह एस कालं
आयारसीले बुइएह नाणे न संपरायमि विसेसमत्थि ॥७९४॥-४६
- (७८४) अब्वत्तरुवं पुरिसं महंतं सणातणं अक्खयमव्वयं च
सव्वेसु भूएसु वि सव्वओ से चंदो व ताराहिं समत्तरुवे ॥७९५॥-४७
- (७८५) एवं न मिज्जंति न संसरंति न माहणा खत्तिय-वेस-पेसा
कीडा य पक्खी य सरीसिवा य नरा य सव्वे तह देवलोगा ॥७९६॥-४८
- (७८६) लोमं अयाणित्तिहं केवलेणं कहिति जे धम्ममजाणमाणा
णासेंति अप्पाण परं च णट्ठा संसार धोरमि अणोरपारे ॥७९७॥-४९
- (७८७) लोमं विजाणंतिहं केवलेणं पुण्णेण नाणेण समाहिजुत्ता
धम्मं समत्तं च कहितिं जे उ तारेति अप्पाण परं च तिण्णा ॥७९८॥-५०
- (७८८) जे गरहियं ठाणमिहावसंति जे यावि लोए चरणोववेया
उदाहडं तं तु समं मईए अहाउसो विपरियासमेव ॥७९९॥-५१
- (७८९) संवच्छरेणाविय एगमेगं बाणेण मारेउ महागयं तु
सेसाण जीवाण दयट्ठयाए वासं वयं वित्तिं पकप्पयामो ॥७९०॥-५२
- (७९०) संवच्छरेणावि य एगमेगं पाणं हणंता अणियत्तदोसा
सेसाण जीवाण वहेण लग्गा सिया य थोवं गिहिणो वि तम्हा ॥७९१॥-५३
- (७९१) संवच्छरेणावि य एगमेगं पाणं हणंते समणव्वत्ते ऊ
आयाहिए से पुरिसे अणजे न तारिसं केवलिणो भणंति ॥७९२॥-५४
- (७९२) बुद्धस्स आप्पाए इमं समाहिं अस्सिं सुठिच्चा तिविहेण ताई
तरिडं समुइं व महाभवोधं आयाणवं धम्ममुदाहरेज्जासि ॥७९३॥-५५

- ति बेमि

● नीए सुयक्खंवे छट्ठं अज्झयणं सप्तमं ●

सप्तमं अज्झयणं—नालंदइज्जं

(७९३) तेणं कालेणं तेणं रायगिहे नामं नयरे होत्या-रिद्धत्थिमियसमिद्धे जाव पडि- रूवे
तस्स णं रायगिहस्स नयरस्स बहिया उत्तरपुरत्थिमे दिसीभाए एत्थ णं नालंदा नामं बाहि- रिया
होत्या-अणेगभवणसयसण्णिविट्ठा [पासादीया दरिसणीया अभिरूवा] पडिरूवा । ६९।-६८

(७९४) तत्थ णं नालंदाए बाहिरियाए लेवे नामं गाहावई होत्या-अड्ढे दित्ते वित्ते
विच्छिण्ण-विपुल-भवण-सयणासण-जाणवाहणाइण्णे बहुघण-बहुजायरूवरजए आओग-
पओग-संपउत्ते विच्छङ्खिय-पउर-भत्तपाणे बहुदासी-दास-गो-महिसगवेलयमभूए बहुज-
णस्स अपरिभूए यावि होत्या से णं लेवे णामं गाहावई समणोवासाए यावि होत्या- अभिगय-

जीवाजीवे । उवलद्धपुण्णपावेआसव-सवर-वेयण-निज्जर-किरिय-अहिररण-बंध-मोक्ख-कुसले असहेजे देवासुर-नाग-सुवण्ण-जक्ख-रक्खस-किन्नर-किंपुरिस-गरुल-गंधव्व-महोर-गाइएहिं देवगणेहिं निग्गंथाओ पावयणाओ अणतिक्क मणिजे इणमो निग्गंथिए पावयणे निस्संकिए निक्कंथिए निव्वित्तिगिच्छे लद्धट्ठे गहिघट्ठे पुच्छियट्ठे विणिच्छियट्ठे अभिगय-ट्ठे अट्ठिभिज्जेपेम्णुरागरत्ते अयमाउसो निग्गंथे पावयणे अट्ठे अयं परमट्ठे सेसे अणट्ठे ऊसियफलिहे अवंगुयदुवारे चियतंतेउर-परघरदारप्पवेसे चाउद्दसट्ठमुद्दिट्ठ-पुण्णमासि-णीसु पडिपुण्णं पोसहं सम्मंअणुपालेमाणे समणे निग्गंथे फासुएसणिजेणं असण-पाण-खाइम-साइमेणं वत्थपडिग्गह-कंबल-पायपुंछणेणं ओसहभेसजेणं पीढ-फलग-सेज्जा-संथा-एणं पडिलाभेमाणे बहूहिं सीलव्वय-गुण-वेरमण-पच्चक्खाण-पोसहोववासेहिं अहाप-रिग्गहिएहिं तवोक्कमेहिं अप्पाणं भावेमाणे विहरइ । ७०। -69

(७१५) तस्स णं लेवस्स गाहावइस्स नालंदाए बाहिरियाए उत्तरपुरत्थिमे दिसिभाए एत्थ णं सेसदविया नाम उदगसाला होत्या-अणगखंभसयण्णिविट्ठा पासादीया [दरिसणीया अभिरूवा] पडिरूवा तीसे णं सेसदवियाए उदगसालाए उत्तरपुरत्थिमे दिसिभाए एत्थ णं हत्थिजामे नामं वणसंडे होत्या-किण्हे वण्णओ वणसंडस्स । ७१।

(७१६) तस्सि च णं गिहपदेसंसि भगवं गोयमे विहरइ भगवं च णं अहे आरामंसि अहे णं उदए पेढालपुत्ते भगवं पासावच्छिजे गियंठे मेदजे गोत्तेणं जेणेव भगवं गोयमे तेणेव उवागच्छइ उवागच्छिता भगवं गोयमं एवं वयासी-आउसंतो गोयमा अत्थि खलु मे केई पदेसे पुच्छियच्चे तं च मे आउसो अहासुयं अहादरिसियमेव वियागरेहिं सवायं भगवं गोयमे उदयं पेढालपुत्तं एवं वयासी-अवियाइ आउसो सोच्चा निसम्म जाणिस्सामो सवायं उदए पेढालपुत्ते भगवं गोयमं एवं वयासी । ७२। -71

(७१७) आउसंतो गोयमा अत्थि खलु कुम्मारपुत्तिया नाम समणा निग्गंथा तुम्हाणं पवयणं पवयमाणा गाहावइं समणोवासणं उवसंपण्णं एवं पच्चक्खावेत्ति-णण्णत्थ अभिजो-गेणं गाहावइ-चोरग्गहण-विमोक्खणयाए तसेहिं पाणेहिं गिहाय दंडं एवं णं पच्चक्खंताणं दुप्पच्चक्खायं भवइ एवं णं पच्चक्खावेमाणणां दुप्पच्चक्खावियं भवइ एवं ते परं पच्चक्खावेमाणा अइयरंति सयं पडण्णं कस्स णं तं हेउं संसारिया खलु पाणा-थावरा वि पाणा तसत्ताए पच्चायंति तसा वि पाणा थावरत्ताए पच्चायंति थावरकायाओ विष्णुमुच्चमाणा तसकार्यंसि उववज्जंति तसकायाओ विष्णुमुच्चमाणा थावरकायंसि उववज्जंति तेसिं च णं थावरकायंसि उववण्णाणं ठाणमेयं धत्तं । ७३। -72

(७१८) एवं णं पच्चक्खंताणं सुपच्चक्खायं भवइ एवं णं पच्चक्खावेमाणणं सुपच्च-क्खावियं भवइ एवं ते परं पच्चक्खावेमाणा णाइयरंति सयं पडण्णं-णण्णत्थ अभिजोगेणं गाहावइ-चोरग्गहण-विमोक्खणयाए तसभूएहिं पाणेहिं गिहाय दंडं एवं सइ भासाए परि-क्कमे विज्जमाणे जे ते कोहा वा लोहा वा परं पच्चक्खावेत्ति अयं पि नो उवएसे किं नो णेयाउए भवइ अविद्याइं आउसो गोयमा तुब्भं पि एयं एवं रोयइ । ७४। -73

(७१९) सवायं भगवं गोयमे उदयं पेढालपुत्तं एवं वयासी-आउसंतो उदगा नो खलु

अहं एयं एवं रोयइ जेते सपणा वा माहणा वा एवमाइक्खंति [एवं भासंति एवं पण्णवेत्ति एवं] परूवेत्ति नो खलु ते सपणा वा निग्गंथा वा भासं भासंति अणुतावियं खलु ते भासं भासंति अब्भाइक्खंति खलु ते समणे समणोवासए वा जेहिं वि अन्नेहिं पाणेहिं भूएहिं जी-वेहिं सत्तेहिं संजमयंति ताणि वि ते अब्भाइक्खंति कस्स णं तं हेउं संसारिया खलु पाणा-तसा वि पाणा थावरत्ताए पच्चायंति थावरा वि पाणा तसत्ताए पच्चायंति तसकायाओ विष्पमुच्चमाणा थावरकायंसि उवज्जंति थावरकायाओ विष्पमुच्चमाणा तसकायंसि उववज्जंति तैसिं च णं तसकायंसि उववण्णाणं ठाणमेयं अधत्तं ७५१-७५४

(८००) सवायं उदए पेढालपुत्ते भगवं गोयमं एवं वयासी-कयरे खलु आउसंतो गोयमा तुब्भे वयए तसपाणा तसा आउ अण्णाहा सवायं भगवं गोयमे उदयं पेढालपुत्तं एवं वयासी-आउसंतो उदग जे तुब्भे वयह तसभूया पाणा तसा ते वयं वदामो तसा पाणा तसा जे वयं वयामो तसा पाणा तसा ते तुब्भे वदह तसभूया पाणा तसा एए संति दुवे ठाणा तुब्भा एगट्ठा किमाउसो इमे भे सुप्पणीयतराए भवइ-तसभूया पाणा तसा इमे भे दुप्पणीयतराए भवइ-तसा पाणा तसा तओ एगभाउसो पलिकोसह एक्कं अभिणंदह अयं पि भे उवएसे नो गोयाउए भवइ भगवं च णं उदाहु सतेगइया मणुस्सा भवेत्ति, तैसिं च णं एवं वुत्त पुच्चं भवइ नो खलु वयं संचाएमो मुंडा भवित्ता अगाराओ अणगारियं पच्चइत्ताए वयं णं अणुपुच्चेणं गोत्तास्स लिस्सिस्सामो ते एवं संखसायैत्ति णण्णत्थ अभिजोगेणं गाहावइ-चौरग्गहण-विमोक्खणयाए तसेहिं पाणेहिं गिहाय दंडं तं पि तैसिं कुसलमेव भवइ ७६१-७६५

(८०१) तसा वि वुच्चंति तसासंभारकडेणं कम्मुणा नामं च णं अब्भुवगयं भवइ तसाउयं च णं पलिक्खीणं भवइ तसकायट्ठिइया ते तओ आउयं विष्पजहंति ते तओ आउयं विष्पजहिता थावरत्ताए पच्चायंति थावरा वि वुच्चंति थावरा थावरसंभारकडेणं कम्मुणा नामं च णं अब्भुवगयं भवइ थावराउयं च णं पलिक्खीणं भवइ थावरकायट्ठिइया ते तओ आउयं विष्पजहंति ते तओ आउयं विष्पजहिता भुज्जो पारलोइयताए पच्चायंति ते पाणा वि वुच्चंति ते तसा वि वुच्चंति ते महाकाया ते चिरट्ठिइया ७७१-७७६

(८०२) सवायं उदए पेढालपुत्ते भयवं गोयमं एवं वयासी-आउसंतो गोयमा नत्थि णं से केइ परियाए जंसि समणोवासगस्स एगपाणए वि दंडे णिक्खित्ते कस्स न तं हेउं संसारिया खलु पाणा-थावरा वि पाणा तसत्ताए पच्चायंति तसा वि पाणा थावरत्ताए पच्चायंति थावरकायाओ विष्पमुच्चमाणा सव्वे तसकायंसि उववज्जंति तसकायाओ विष्पमुच्चमाणा सव्वे थावरकायंसि उवज्जंति तैसिं च णं थावरकायंसि उववण्णाणं ठाणमेयं धत्तं सवायं भगवं गोयमे उदयं पेढालपुत्तं एवं वयासी-नो खलु आउसो अस्माकं वत्तव्वएणं तुब्भं चेव अणुपवाएणं अत्थि णं से परियाए जे णं समणोवासगस्स सव्वपाणेहिं सव्वभूएहिं सव्वजीवेहिं सव्वसत्तेहिं दंडे णिक्खित्ते भवइ कस्स णं तं हेउं संसारिया खलु पाणा-तसा वि पाणा थावरत्ताए पच्चायंति थावरा वि पाणा तसत्ताए पच्चायंति तसकायाओ विष्पमुच्चमाणा सव्वे थावरकायंसि उववज्जंति थावरकायाओ विष्पमुच्चमाणा सव्वे तसकायंसि उववज्जंति तैसिं च णं तसकायंसि उववण्णाणं ठाणमेयं अधत्तं ते पाणा वि वुच्चंति ते तसा वि वुच्चंति ते महाकाया ते चिरट्ठिइया ते बहुयरागा पाणा जेहिं समणोवासगस्स सुपच्चक्खायं भवइ ते

अप्यरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि मे उवएसे नो नेयाउए भवइ ७८१-७७

(८०३) भगवं च णं उदाहु नियंठा खलु पुच्छियव्वा-आउसंतो नियंठा इह खलु संतेगइया मणुस्सा भवन्ति तेसिं च णं एवं वुत्तपुव्वं भवइ-जे इमे मुंडे भवित्ता अगाराओ अणगारियं पव्वइत्ता एएसिं णं आमरणंताए दंडे णिक्खित्ते जे इमे अगारमावसन्ति एएसिं णं आमरणंताए दंडे नो णिक्खित्ते केई च णं समणे जाव वासाइं चउपंचमाइं छइसमाइं अप्पयरो वा भुज्जयरो वा देसं दूइज्जित्ता अगारं वएज्जा हंता वएज्जा तस्स णं तमगारत्थं वहमाणस्स से पच्चक्खाणे भग्गे भवइ गेति एवमेव समणोवासगस्स वि तसेहिं पाणेहिं दंडे णिक्खित्ते थावरेहिं पाणेहिं दंडे नो णिक्खित्ते तस्स णं तं थावरकायं वहमाणस्स से पच्चक्खाणे नो भग्गे भवइ सेवमायाणह नियंठा सेवमायाणियव्वं भगवं च णं उदाहु नियंठा खलु पुच्छियव्वा-आउसंतो नियंठा इह खलु गाहावइणो वा गाहावइपुत्ता वा तहप्पगारेहिं कुलेहिं आगम्य धम्म-स्सवणवत्तियं उवसंकमेज्जा हंता उवसंकमेज्जा तेसिं च णं तहप्पगाराणं धम्मे आइक्खियव्वे हंता आइक्खियव्वे किं ते तहप्पगारं धम्मं सोच्चा णिसम्म एवं वएज्जा-इणमेव णिग्गंथं पावयणं सच्चं अणुत्तरं केवलियं पडिपुण्णं नेयाउयं संसुद्धं सल्लगत्तणं सिद्धिमग्गं मुत्तिमग्गं निज्जाण-मग्गं निच्चाणमग्गं अविहं असंदिद्धं सव्वदुक्खप्पहीणमग्गं एत्थ ठिया जीवा सिज्जन्ति वुज्जन्ति मुच्चन्ति परिनिव्वन्ति सव्वदुक्खाणमंतं करोति इमाणाए तहा गच्छामो तहा चिट्ठामो तहा निसीयामो तहा तुयट्ठामो तहा भुंजामो तहा भासामो तहा अब्बुट्ठेमो तहा उट्ठाए उट्ठेत्ता पाणाणं भूयाणं जीवाणं सत्ताणं संजमेणं संजमामो ति वएज्जा हंता वएज्जा किं ते तहप्पगारा कप्पन्ति पव्वावेत्ताए हंता कप्पन्ति किं ते तहप्पगारा कप्पन्ति मुंडावेत्ताए हंता कप्पन्ति किं ते तहप्पगारा कप्पन्ति सिक्खावेत्ताए हंता कप्पन्ति किं ते तहप्पगारा कप्पन्ति उवट्ठावेत्ताए हंता कप्पन्ति किं ते तहप्पगारा कप्पन्ति उवट्ठावेत्ताए हंता कप्पन्ति तेसिं च णं तहप्पगाराणं सव्वपाणेहिं [सव्वभूएहिं सव्वजीवेहिं] सव्वसत्तेहिं दंडे णिक्खित्ते हंता णिक्खित्ते ते णं एयारूवेणं विहारेणं विहरमाणा जाव वासाइं चउपंचमाइं छइसमाइं वा अप्पयरो वा भुज्जयरो वा देसं दूइज्जित्ता अगारं वएज्जा हंता वएज्जा तस्स णं सव्वपाणेहिं [सव्वभूएहिं सव्वजीवेहिं] सव्वसत्तेहिं दंडे णिक्खित्ते गेति से जे से जीवे जस्स परेणं [सव्वपाणेहिं सव्वभूएहिं] सव्वजीवेहिं सव्वसत्तेहिं दंडे नो णिक्खित्ते से जे से जीवे जस्स आरेणं सव्वापाणेहिं [सव्वभूएहिं सव्वजीवेहिं सव्व] सत्तेहिं दंडे णिक्खित्ते से जे से जीवे जस्स इयाणिं सव्वपाणेहिं [सव्वभूएहिं सव्वजीवेहिं सव्व] सत्तेहिं दंडे नो णिक्खित्ते भवइ परेणं अस्संजए आरेणं संजए इयाणिं अस्संजए अस्संजयस्स णं सव्वपाणेहिं [सव्वभूएहिं सव्वजीवेहिं सव्व] सत्तेहिं दंडे नो णिक्खित्ते भवइ सेवमायाणह नियंठा सेवमायाणियव्वं ७९१-७८

(८०४) भगवं च णं उदाहु णियंठा खलु पुच्छियव्वा-आउसंतो णियंठा इह खलु परिव्वायया वा परिव्वाइयाओ वा अण्णयरेहिंतो तिव्वायतणेहिंतो आगम्य धम्मस्सवण-वत्तियं उवसंकमेज्जा हंता उवसंकमेज्जा किं तेसिं तहप्पगाराणं धम्मे आइक्खियव्वे [हंता आइक्खियव्वे किं ते तहप्पगारं धम्मं सोच्चा णिसम्म एवं वएज्जा-इणमेव णिग्गंथं पावयणं सच्चं

अणुतरं केवलियं पडिपुण्णं नेयाउयं संसुद्धं सल्लगत्तं सिद्धिमग्गं मुत्तिमग्गं निज्जाणमग्गं निव्वाणमग्गं अचित्तहं असंदिद्धं सच्चदुक्खप्पहीण मग्गं एत्थं ठिया जीवा सिज्झंति बुज्झंति मुच्चंति परिणिव्वंति सच्चदुक्खाणमंतं करेति इमाणए तहा गच्छामो तहा चिट्ठामो तहा णिसीयामो तहा तुयट्ठामो तहा भुंजामो तहा मासामो तहा अब्बुट्ठेमो तहा उट्ठए उट्ठेत्ता पाणाणं भूयाणं जीवाणं सत्ताणं संजमेणं संजमामो त्ति वएज्जा हंता वएज्जा किं ते तहप्पगारा कप्पंति पव्वावेत्तए हंता कप्पंति किं ते तहप्पगारा कप्पंति मुंडावेत्तए हंता कप्पंति किं ते तहप्पगारा कप्पंति सिक्खावेत्तए हंता कप्पंति किं ते तहप्पगारा कप्पंति उवट्ठावेत्तए हंता कप्पंति किं ते तहप्पगारा कप्पंति संभुजित्तए हंता कप्पंति] ते णं एयाणरूवेणं विहारेणं विहरमाणा जाव वासाइं चउपंचमाइं छइसमाइं वा अप्पयरो वा भुज्जयरो वा देसं दूइज्जित्ता अगारं वएज्जा हंता वएज्जा ते णं तहप्पगारा कप्पंति संभुजित्तए नो इणट्ठे समट्ठे से जे से जीवे जे परेणं नो कप्पंति संभुजित्तए से जे से जीवे जे इयाणि नो कप्पंति संभुजित्तए परेणं अस्समणे आरेणं समणे इयाणिं अस्समणे अस्समणेणं सद्धिं नो कप्पंति समणाणं निग्गंथाणं संभुजित्तए सेवमायाणह निर्यंठा सेवमायाणियव्वं भगवं च णं उदाहु-नियंठा खलु पुच्छि-यव्वा-आउसंतो गियंठा इह खलु संतेगइया समणोवासगा भवंति तेसिं च णं एवं वुत्तपुव्वं भवइ नो खलु वयं संचाएमो मुंडा भविता अगाराओ अणगारियं पव्वइत्तए वयं णं चाउइसट्ठमुद्दिट्ठपुण्णमासिणीसु पडिपुण्णं पोसहं सम्मं अणुपालेमाणा विहरिस्सामो धूलगं पाणाइवायं पच्चक्खाइस्सामो एवं धूलगं मुसावायं धूलगं अदिन्नादाणं धूलगं मेहुणं धूलगं परिग्गहं पच्चक्खाइस्सामो इच्छापरिमाणं करिस्सामो दुविहं तिविहेणं मा खलु ममट्ठाए किंचि वि करेह वा कारवेह वा तत्थ वि पच्चक्खाइस्सामो ते णं अभोच्चा अपिच्चा असिणाइत्ता आसंदीपेठियाओ पच्चोरूहिता ते तह कालगया किं वत्तव्वं सिया सम्मं कालगय त्ति वत्तव्वं सिया ते पाणा वि वुच्चंति ते तसा वि वुच्चंति ते महाकाया ते चिरट्ठिइया ते बहुतरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसायाओ उवसंतस्स उवट्ठियस्स पडिविरयस्स जं णं तुव्वे वा अण्णो वा एवं वयए नत्थि णं से केइ परियाए जसिं समणोवासगस्स एगपाणाए वि दंडे णिक्खित्ते अयं पि मे उवएसे नो गेयाउए भवइ भगवं च णं उदाहु नियंठा खलु पुच्छियव्वा-आउसंतो नियंठा इह खलु संतेगइया समणोवासगा भवंति तेसिं च णं एवं वुत्तपुव्वं भवइ-नो खलु वयं संचाएमो मुंडा भविता अगाराओ अणगारियं पव्वइत्तए नो खलु वयं संचाएमो चाउइसट्ठमुद्दिट्ठपुण्णमासिणीसु पडिपुण्णं पोसहं सम्मं अणुपालेमाणा विहरित्तए वयं णं अपच्छिममारणंतियसंतेहणाञ्जूसणाञ्जूसिया भत्तपाणपडियाइक्खिया कालं अणवकंखमाणा विहरिस्सामो सव्वं पाणाइवायं पच्चक्खाइस्सामो [एवं सव्वं मुसावायं सव्वं अदिन्नादाणं सव्वं मेहुणं] सव्वं परिग्गहं पच्चक्खाइस्सामो तिविहं तिविहेणं मा खलु ममट्ठाए किंचि वि करेह वा कारवेह वा करंतं समणुजाणेह वा तत्थ वि पच्चक्खाइस्सामो तेणं अभोच्चा अपिच्चा असिणाइत्ता आसंदीपेठियाओ पच्चोरूहिता ते तह कालगया किं वत्तव्वं सिया सम्मं कालगय त्ति वत्तव्वं सिया ते पाणा वि वुच्चंति ते तसा वि वुच्चंति ते महाकाया ते चिरट्ठिइया ते बहुतरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणो-

वासगस्स अपच्चक्खायं भवइ से महया तसकायाओ उवसंतस्स उवड्ढियस्स पडिविरयस्स जं णं तुब्भे वा अण्णो वा एवं वयह नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि मे उवएसे नो णेयाउए भवइ भगवं च णं उदाहु-संतेगइया मणुस्सा भवंति तं जहा-महिच्छा महारंभा महापरिग्गहा अहम्मिया [अधम्माणुया अधम्मिट्ठा अधम्मक्खाई अधम्पपायजीविणो अधम्मपलोइणो अधम्मपलज्जणा अधम्मसीलसमुदाचारा अधम्मेण चैव वित्तिं कप्पेमाणा विहरंति हण छिंद भिंद विगतगा लोहियपाणी चंडा रुद्धा खुद्धा साहसिया उक्कंचण-वंचण-माया-णियडि-कूड-कवड-साइसंपओगबहुला दुस्सीला दुव्वया दुप्पडियाणंदा असाहू सव्वाओ पाणाइवायाओ अप्पडिविरया जावज्जीवाए सव्वाओ मुसावायाओ अप्पडिविरया जावज्जीवाए सव्वाओ अदिन्नादाणाओ अप्पडिविरया जावज्जीवाए] सव्वाओ मेहुणाओ अप्पडिविरया जावज्जीवाए सव्वाओ परिग्गहाओ अप्पडिविरया जावज्जीवाए जेहिं समणोवासगस्स आयाणसो आमरणंताए दंडे णिक्खित्ते ते तओ आउगं विप्पजहंति विप्पजहिता भुज्जो सगमादाए सोग्गइगामिणो भवंति ते पाणावि वुच्चंति [ते तसावि वुच्चंति ते महाकाया ते चिरट्ठिइया ते बहुतरगा पाणा जेहिं समणोवासगस्स रुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवड्ढियस्स पडिविरयस्स जं णं तुब्भे वा अण्णो वा एवं वयह नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि मे उवएसे] नो णेयाउए भवइ भगवं च णं उदाहु-संतेगइया मणुस्सा भवंति तं जहा-अणारंभा अपरिग्गहा धम्मिया धम्माणुया [धम्मिट्ठा धम्मक्खाई धम्मपलोई धम्मपलज्जणा धम्म समुदायारा धम्मेण चैव वित्तिं कप्पेमाणा विहरंति सुसीला सुव्वया सुप्पडियाणंदा सुसाहू सव्वाओ पाणाइवायाओ पडिविरया जावज्जीवाए सव्वाओ मुसावायाओ पडिविरया जावज्जीवाए सव्वाओ अदिन्नादाणाओ पडिविरया जावज्जीवाए सव्वाओ मेहुणाओ पडिविरया जावज्जीवाए सव्वाओ परिग्गहाओ पडिविरया जावज्जीवाए जेहिं समणोवासगस्स आयाणसो आमरणंताए दंडे णिक्खित्ते ते तओ आउगं विप्पजहंति विप्पजहिता ते तओ भुज्जो सगमायाए सोग्गइगामिणो भवंति ते पाणावि वुच्चंति [ते तसा वि वुच्चंति ते महाकाय ते चिरट्ठिइया ते बहुतरगा पाणा जेहिं समणोवासगस्स रुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उड्ढियस्स पडिविरयस्स जं णं तुब्भे वा अण्णो वा एवं वयह नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि मे उवएसे] नो णेयाउए भवइ भगवं च णं उदाहु-संतेगइया मणुस्सा भवंति तं जहा-अप्पिच्छा अप्पारंभा अप्पपरिग्गहा धम्मिया धम्माणुया [धम्मिट्ठा धम्मक्खाई धम्मपलोई धम्मपलज्जणा धम्मसमुदायारा धम्मेणं चैव वित्तिं कप्पेमाणा विहरंति सुसीला सुव्वया सुप्पडियाणंदा सुसाहू एगच्चाओ पाणाइवायाओ पडिविरया जावज्जीवाए एगच्चाओ] अप्पडिविरया एगच्चाओ मेहुणाओ पडिविरया जावज्जीवाए एगच्चाओ अप्पडिविरया जेहिं समणोवासगस्स आयाणसो आमरणंताए दंडे णिक्खित्ते ते तओ आउगं विप्पजहंति विप्पजहिता ते तओ भुज्जो सगमादाए सोग्गइगामिणो भवंति ते पाणा वि वुच्चंति [ते तसावि

बुद्धंति ते महाकाया ते चिरद्विष्टया ते बहुतरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उद्वियस्स पडिविरयस्स जं णं तुब्भे वा अण्णो वा एवं वयह नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे। नो णेयाउए भवइ भगवं च णं उदाहु-संतेगइया मणुस्सा भवंति तं जहा-आरण्णिया आवासहिया गार्मत्तिया कण्हुईरहस्सिया-जेहिं समणोवासगस्स आयाणसो आमरणंताए दंडे णिक्खित्ते भवइ-नो बहुसंजया नो बहुपडिविरया सव्वपाणभूय जीवसत्तेहिं अप्पणा सच्चा-मोसाइं एवं विउजंति-अहं णं हंतव्वो अण्णं हंतव्व्या [अहं न अज्जावेयव्वो अण्णे अज्जावेयव्व्या अहं न परिघेतव्वो अण्णे परिघेतव्व्या अहं न परितावेयव्वो अण्णे परितावेयव्व्या अहं न उद्देवयव्वो अण्णे उद्देवयव्व्या एवामेव ते इत्थिकामेहिं मुच्छिया गिद्धा मदिया अज्जोववण्णा जाव वासाइं चउपंचमाइं छहसमाइं अप्पयरो वा भुज्जयरो वा भुजित्तु भोगभोगाइं] कालमासे कालं किच्चा अण्णयराइं आगुरियाइं किच्चिसियाइं ठाणाइं उवदत्तारो भवंति तओ वि विष्पुमुच्चमाणा भुज्जो एलमूयत्ताए तमोरूवत्ताए पच्चायंति ते पाणा वि बुद्धंति [ते तसावि बुद्धंति ते महाकाया ते चिरद्विष्टया ते बहुतरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवद्विष्टयस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ भगवं च णं उदाहु-संतेगइया पाणा दीहाउया जेहिं समणोवासगस्स आयाणसो आमरणंताए दंडे णिक्खित्ते भवइ ते पुव्वामेव कालं करंति करेत्ता पारलोइत्ताए पच्चायंति ते पाणा वि बुद्धंति ते तसा वि बुद्धंति ते महाकाया ते चिरद्विष्टया ते दीहाउया ते बहुयरगा पाणा जेहिं समणोवासगस्स] सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवद्विष्टयस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे। नो णेयाउए भवइ भगवं च णं उदाहु-संतेगइया पाणा समाउया जेहिं समणोवासगस्स आयाणसो आमरणंताए दंडे णिक्खित्ते भवइ ते संभमेव कालं करंति करेत्ता पारलोइयत्ताए पच्चायंति ते पाणा वि बुद्धंति ते तसावि बुद्धंति ते महाकाया ते समाउया ते बहुयरगा [पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवद्विष्टयस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे] नो णेयाउए भवइ भगवं च णं उदाहु-संतेगइया पाणा अप्पाउया जेहिं समणोवासगस्स आयाणसो आमरणंताए दंडे णिक्खित्ते भवइ ते पुव्वामेव कालं करंति करेत्ता पारलोइयत्ताए पच्चायंति ते पाणा वि बुद्धंति ते तसावि बुद्धंति ते महाकाया ते अप्पाउया ते बहुयरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवद्विष्टयस्स पडिविरयस्स जं णं तुब्भे वा अण्णो वा एवं वयह-नत्थि

णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ भगवं च णं उदाहु-संतेगइया समणोवासगा भवंति तेसिं च णं एवं वुत्तपुव्वं भवइ-नो खलु वयं संचाएमो मुंडा भवित्ता अगाराओ अगणारियं पव्वइत्तए नो खलु वयं संचाएमो चाउइसटअठमुद्दिट्ठपुण्णमासिणीसु पडिपुण्णं पोसहं अणुपालित्तए नो खलु वयं संचाएमो अपच्छिम मारणंतिपसंलेहणाञ्जूसणाञ्जूसिया भत्तपाणपडियाइक्खिया कालं अण-वक्कंखमाणा विहरित्तए वयं णं सामाइयं देसावगासियं-पुरत्था पाईणं पडीणं दाहिणं उदीणं एतावताव सब्वपाणेहिं [सब्वभूएहिं सब्वजीवेहिं] सब्वसतेहिं दंडे णिक्खित्ते पाणमूयजी-वसतेहिं खेमंकरे अहमंसि 1८०1-79

(८०५) तत्थ आरेणं जे तसा पाणा जेहिं समणोवासगस्स आयाणसो आमरणंताए दंडे णिक्खित्ते ते तओ आउं विप्पजहंति विप्पजहिता तत्थ आरेणं चेव जे तसा पाणा, जेहिं समणोवासगस्स आयाणसो आमरणंताए दंडे णिक्खित्ते तेसु पच्चायंति तेहिं समणोवासगस्स सुपच्चक्खायं भवइ ते पाणा वि [युच्चंति ते तसावि युच्चंति ते महाकाया ते चिरट्ठिइया ते बहुतरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणो-वासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जेहिं समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तत्थ आरेणं जे तसा पाणा जेहिं समणोवासगस्स आयाणसो आमरणंताए दंडे णिक्खित्ते ते तओ आउं विप्पजहंति विप्पजहिता तत्थ आरेणं चेव जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते तेसु पच्चायंति तेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते पाणावि युच्चंति ते तसा [वि युच्चंति ते महाकाया ते चिरट्ठिइया ते बहुतरगा पाणा जेहिं समणोवासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह- नत्थि णं से केइ परियाए जंसि समणो-वासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तत्थ आरेणं जे तसा पाणा जेहिं समणोवासगस्स आयाणसो आमरणंताए दंडे णिक्खित्ते ते तओ आउं विप्प-जहंति विप्पजहिता तत्थ परेणं चेव जे तसा थावरा पाणा जेहिं समणोवासगस्स आयाणसो आमरणंताए दंडे णिक्खित्ते तेसु पच्चायंति तेहिं समणोवासगस्स सुपच्चक्खायं भवइ ते पा-णावि युच्चंति [ते तसावि युच्चंति ते महाकाया ते चिरट्ठिइया ते बहुतरगा पाणा जेहिं समणो-वासगस्स सुपच्चक्खायं भवइ ते अप्पयरगा पाणा जेहिं समणोवासगस्स अपच्चक्खायं से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तत्थ आरेणं जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते तओ आउं विप्पजहंति विप्पजहिता तत्थ आरेणं चेव जे तसा पाणा जेहिं समणोवासगस्स आयाणसो आमरणंताए दंडे णिक्खित्ते तेसु

पद्धार्यति तेहिं समणोवासगस्स सुपच्चक्खायं भवइ ते पाणावि [बुद्धंति ते तसावि बुद्धंति ते महाकाया ते चिरट्ठिइया ते बहुयरगा पाणा जेहिं समणोवासगस्स सुपच्चक्खायं भवइ ते अप्परगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तत्थ आरेणं जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते तओ आउ विप्पजहंति विप्पजहिता ते तत्थ आरेणं चैव जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते तेसु पद्धार्यति तेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते पाणावि [बुद्धंति ते तसावि बुद्धंति ते महाकाया ते चिरट्ठिइया ते बहुयरगा पाणा जेहिं समणोवासगस्स सुपच्चक्खायं भवइ ते अप्परगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तत्थ परेणं जे थावरा पाणा जेहिं समणोवासगस्स अट्ठाए दंडे अणिक्खित्ते अणट्ठाए दंडे णिक्खित्ते ते तओ आउं विप्पजहंति विप्पजहिता तत्थ परेणं चैव जे तसा थावरा पाणा जेहिं समणोवासगस्स आयाणसो आमरणंताए दंडे णिक्खित्ते तेसु पद्धार्यति तेहिं समणोवासगस्स सुपच्चक्खायं भवइ ते पाणावि [बुद्धंति ते तसावि बुद्धंति ते महाकाया ते चिरट्ठिइया ते बहुयरगा पाणा जेहिं समणोवासगस्स सुपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते] अयं पि भे उवएसे नो णेयाउए भवइ तत्थ परेणं जे तसथावरा पाणा जेहिं समणोवासगस्स आयाणसो आमरणंताए दंडे णिक्खित्ते ते तओ आउं विप्पजहंति विप्पजहिता तत्थ आरेणं जे तसा पाणा जेहिं समणोवासगस्स आयाणसो आमरणंताए दंडे णिक्खित्ते तेसु पद्धार्यति तेहिं समणोवासगस्स सुपच्चक्खायं भवइ ते पाणावि [बुद्धंति ते तसावि ते महाकाया ते चिरट्ठिया ते बहुयरगा पाणा जेहिं समणोवासगस्स सुपच्चक्खायं भवइ ते अप्परगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे वा अण्णो वा एवं वयह-नत्थि

णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] तथ परेणं जे तसथावरा पाणा जेहिं समणोवासगस्स आयामसो आमरणं ताए दंडे णिक्खित्ते ते तओ आउं विप्पजहंति विप्पजहिता ते तथ परेणं चेव जे तसथावरा पाणा जेहिं समणोवासगस्स आयाणसो आमरणंताए दंडे णिक्खित्ते तेसु पच्चायंति तेहिं समणोवासगस्स सुपच्चक्खायं भवइ ते पाणावि [बुद्धंति ते तसा वि बुद्धंति ते महाकाया ते चिरट्ठिइया ते बहुयरगा पाणा जेहिं समणोवासगस्स सुपच्चक्खायं भवइ ते अप्परगा पाणा जेहिं समणोवासगस्स अपच्चक्खायं भवइ से महया तसकायाओ उवसंतस्स उवट्ठियस्स पडिविरयस्स जं णं तुब्भे अण्णो वा एवं वयह-नत्थि णं से केइ परियाए जंसि समणोवासगस्स एगपाणाए वि दंडे णिक्खित्ते अयं पि भे उवएसे नो णेयाउए भवइ] भगवं च णं उदाहु-न एयं भूयं न एयं भव्वं न एयं भविसं जण्णं-तसा पाणा वोच्छिज्जिहिंति थावरा पाणा भविस्संति थावरा पाणा वोच्छिज्जिहिंति तसा पाणा भविस्संति अवोच्छिण्णेहिं तसथावरेहिं पाणेहिं जण्णं तुब्भे वा अण्णो वा एवं वदह-नत्थि णं से के परियाए [जंसि समणोवासगस्स एगपाणाए वि दंडे णिक्खित्ते अयं पि भे उवएसे] नो णेयाउए भवइ ।८१। -८०

(८०६) भगवं च णं उदाहु-आउसंतो उदगा जे खलु समणं वा माहणं वा परिभासइ मिति मण्णइ आगमिता नाणं आगमिता दंसणं आगमिता चरित्तं पावाणं कम्मणं अकरण-याए उट्ठिए से खलु परतोगपलिसंथत्ताए चिट्ठइ जे खलु समणं वा माहणं वा नो परिभासइ मिति मण्णइ आगमिता पाणं आगमिता दंसणं आगमिता चरित्तं पावाणं कम्मणं अकरण-याए उट्ठिए से खलु परलोगविसुद्धीए चिट्ठइ तए णं से उदए पेढालपुत्ते भगवंगोयमं अणादायमाणे जामेव दिंसि पाउब्भूए तामेव दिंसि पहारेत्थ गमणाए भगवं च णं उदाहु-आउसंतो उदगा जे खलु तहारूवस्स समणस्स वा माहणस्स वा अंतिए एगमवि अरियं धम्मियं सुवयणं सोच्चा णिसम्म अप्पणो चेव सुहुमाए पडिलेहाए अनुत्तरं जोगखेमपयं लंभिए समाणे सो वि ताव तं आढाइ परिजाणेइ वंदइ नमंसइ सक्खरेइ सम्माणेइ कळ्ळणं मंगलं देवयं चेइयं पञ्जुवासइ तए णं से उदए पेढालपुत्ते भगवं गोयमं एवं वयासी-एएसि णं भंते पदानं पुट्ठि अन्नाणयाए अस्सवणायाए अबोहीए अणभिगमेणं अदिट्ठणं अस्सुयाणं अमुयाणं अविन्नायाणं अणिवूढाणं अव्वोगडाणं अवोवच्छिण्णाणं अणिसिट्ठाणे अणिवूढाणं अणुव-हारियाणं एयमट्ठं नो सहहियं नो पत्तियं नो रोइयं एएसि णं भंते पदानं एहिं जाणयाए सवणयाए बोहीए [अभिगमेणं दिट्ठणं सुयाणं मुयाणं विन्नायाणं णिवूढाणं वोगडाणं वोच्छिण्णाणं णिसिट्ठाणं णिवूढाणं] उवधारियाणं एयमट्ठं सहहभि पत्तियामि रोएमि एवामेयं जहा णं तुब्भे वदह तह णं भगवं गोयमे उदगं पेढालपुत्तं एवं वयासी-सद्दाहाहि णं अज्जो पत्तियाहि णं अज्जो रोहहि णं अज्जो एवमेयं जहा णं अन्हे वयामो तए णं से उदए पेढालपुत्ते भगवं गोयमं एवं वयासी-इच्छानि णं भंते तुब्भं अंतिए चाउज्जामाओ धम्माओ, पंचमहव्वइयं सपडिक्कमणं धम्मं उवसंपज्जित्ताणं विहरित्ताए तए णं भगवं गोयमे उदगं पेढालपुत्तं गहाय जेणेव समणे भगवं महावीरे तेणेव उवागच्छइ तए णं से उदए पेढालपुत्ते समणं भगवं महावीरं तिककुत्तो आयाहिण-पयाहिणं करेइ करेत्ता वंदइ नमंसइ वंदित्ता नम-

सित्ता एवं वयासी-इच्छामि णं भंते तुब्बं अंतिए चाउज्जामाओ धम्माओ पंचमहव्वइयं सप-
डिक्कमणं धम्मं उवसंपञ्जिताणं विहरित्तए अहासुहं देवाणुप्पिया मा पडिबंधं करेहि तए णं से
उदए पेढालपुत्ते समणस्स भगवओ महावीरस्स अंतिए चाउज्जामाओ धम्माओ पंचमहव्वइयं
सपडिक्कमणं धम्मं उवसंपञ्जिताणं विहरइ - ति वेमि ।८२।-८१

● बीए सुयक्खंघे सत्तामं अज्जणं सपत्तं ● बीओ सुयक्खंघो सपत्तो ●

बीअं अंगसुतं	सूयगडो समत्तो
--------------	---------------

૪૫-આગમના પ્રધાન આર્થિક અનુદાતા

સ.મ્ય.૬ શ્રુ.તા.નુ.રા.ળી શ્ર.મ.ણો.પા.સિ.કા

શ્રીમતી નયનાબહેન રમેશચંદ્ર શાહ - પરિવાર, વડોદરા

પ્રસ્તુત આગમમાં મુખ્ય દ્રવ્ય સહાયક

૨ રત્નત્રયારાધકા સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં
શ્રી પર્યુષણ પર્વમાં થયેલી સૂત્રોની બોલીની ઉપજમાંથી - સં. ૨૦૫૧